

UTL AT DOWNSVIEW



D RANGE BAY SHLF POS ITEM C

39 10 02 01 12 001 4

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

BJ
1838
A35

Ahmet Mithat
Avrūpā ādā¹ mu'āşeretī

Ahmet Mithat, 1844-1912

— ❧ — اوروپا آداب معاشرتی ❧ —

یاخود

آلافرانغه
Āvrūpā ādāb-i mu'aṣeretī

محرری :

احمد مدحت



معارف نظارت جلیله سنک رخصتنامه سیله

(اقدام) غزته سنه تفرقه صورتیله درج ایدلدکن
صکره کتاب شکنده دخی طبع اولمشدر .



استانبول

۱۳۱۲

اوروپا آداب معاشرتی

BJ یاخود
1838
A35 آلافرانغه

مقدمه

1015454

آلافرانغه!... اوتوز قرق سنه دن بری بوکله نك
زیارت ایتدیکی اغزمی قالمشدر؟ هر اغزدن
اولور اولمز مناسبتلر اوزرینه بر «آلافرانغه»
سوزیدر چیقار. بعضاً بوسوزك قوتی بر حکم قطعی
درجه سنه واریر. «آلافرانغه ایش!...» ارتق
بوکا کیم اعتراض ایده بیلور؟ یا عیجا بوسوزك
اصل معناسی نه اولدیغنی قاج کشی بیلهر ك سویلر؟ بر
زماندن بری «شیق» کله سی دخی همان بودرجه.
لرده تعمم ایش آنک ده نه اولدیغنی
بیلهر ك استعمال ایدنلر حقیقه اندردرلر. اویله

اولسه بؤکه حقیقت حالده کلمات مدحیه دن ایکن
 ذم مقامنده استعمال اولنمز ایدی . « شیق » کله .
 سنک معناسی یایدیغی شیئی غایت ظریف یاقمده
 مهارتی تسلیم ایدلمش صنعتکار دیمکدر . بعده نه
 یاپسه ، نه تلبس ایتسه کنديسنه یاقشیران آدمه
 دخی اطلاق اولنمشدرکه ایلک معناسنه کوره بزجه
 مقابلی « هزارفن » و « چیره دست » و ایکنجی معناسنه
 کوره دخی بزجه مقابلی « تیز » و « یوصمه »
 کله لری اولق لازم کلور . حالبوکه شیق کله سنی
 استعمال ایدنلر من سوسلی جیبی دلیک ییلشیق
 بر آدم معناسنه استعمال ایدیورلر . هله
 « آفرانقه » تعبیرینک دلالت ایتسی لازم کلان
 اصول و آداب معاشرت اوروپائیهدن نه قدر
 غافل اولدیغمز دوشونلسه حقیقه استغراب
 اولنور . اوروپایانی باشمزدده بولنق شوپله
 طورسون عادتنا اوروپا بزم ایچمزدده در . بز دخی

اوروپا قطعہ سندنہ یز . ہلہ شہر مزدہ بر قاج یوز
 بیك اوروپالی واردردہ اصول و آداب معیشتلر-
 ندن خبرداردکلز . انلر دخی بزم آداب و اصول
 معشیتمزدن بحق خبردار دکلردریا . لکن بزدہ
 ہر شئی انلرہ تقلیدہ ہوس کوریلور . یلمدیکمز
 شیلری تقلیدہ کی ہوسمز دخی بزی اکثریا
 الافرانغہ نک غیر مطبوع و غیر مستحسن اولان
 جہتلرینی تقلیدہ و معقول و ممدوح اولان
 شیلرینی غفلتہ اہمالہ سوق ایلور .

بو غفلتمزك درجہ فی موازنہ یہ مدار اولق
 ایچون همان ہر کسہ شامل اولان برظنی اخطار
 ایدہ لم کہ : « اوروپادہ قادینلر تمامیلہ سربست
 اولوب حتی بر قادین کندی دوستی ایلہ مصاحبہ
 ایدر ایکن قوجہ سی کلوبدہ آافرانغہ جہ قیوی
 دق ایلسہ قادین دخولہ مساعده و یرمینجہ
 قوجہ سی کیرہ مز » ظن اولور . بو ظنك نہ قدر

باطل اولدینگی بوراده مختصراً بیلله ایضاح
ایده میز. اورویا اصول معاشرتی حقنده کرکی کبی
معلومات آلمیدرکه بوظنک درجه بطلانی اکلایشله -
بیلسون ده بو قدر باطل برظنده فصل بولنیه بیلدیکنه
شاشسون .

اورویا اصول معاشرتک تفاصیل حقایق
کندیلرنج، دخی هرکسک بیلدیکی و رعایت
واجراسنه مقتدر اولدینگی برشی دکدر . زیرا
اوراده خلق طبقاته منقسمدر . بر طبقه اهلنک
اصول معیشتی دیگر طبقه اهلنه عادتاً مستور
و مجهولدر . بناءً علیه آنلرده دخی آداب و اصول
معاشرت حقنده لازم کلان تعریفات و تفصیلات
اقلام ارباب اقتداره حواله اولنمشدر .

Savoir vivre یعنی یاشامه سنی بیلیمک دیه اصول
معاشرتی بر علم مخصوص حالنه قویه رق بوکا دائر
قوجه قوجه کتابلر یازمشلردر . بو مبحث ایله

اشتغال آید نلر میاننده مشهور محرر و رسام برتال کبی
 بعضیلری آداب و اصول معاشرتک اصل شایان تمسخر
 واستهزا اولان جهتلرینه حصر اشتغال آیده رک
 حسن تربیه اربابی بونلردن توقی به سوق ایلمشله
 درکه بویولده برتالک یازمش و تصویر و ترسیم
 ایتمش اولدینی قوجه مان ایکی جلد کر چکدن
 فائق الامثال شیلردر. موسیو (ده مارن) و باخصوص
 مادام (لوئیز دالق) دخی بو مبحثده تألیفات
 مدققانه لریله شهرت عظیمه قازانمش ذاتلردر.
 مادام لوئیز دالق « اصول عمومیه
 معاشرت » نامیله اوچ جلد بر ائردن ماعدا « خانه
 صاحب و صاحبه سی » و « توالت
 او طه سنک خفایا سی » و « وظائف امهات »
 ناملریله اوچ مستقل اثردها یازهرق و بونلرده
 آداب معاشرتک اک جدی جهتلرینی اک محترم

صورتلرینی نظرنتبعه آلهرق حقیقهٔ پک بیوک
 خدمت ایلیمشدر. ضیافتلر مسامره لر بالورلر صیدوشکار
 عالمی کبی بر چوق مباحث معاشرت اوزرینه ده پک چوق
 کیمسه لر طرفدن مقاله لر رساله لر کتابلر یازلمش
 اولدینی کبی باخصوص اوروپا رومانلرینک کمال
 دقت و امعان ایله مطالعه سی دخی اوروپانک اصول
 و آداب معاشرته دائر قارئلری پک چوق حقایقه
 ایصال ایدرلر. ایسته بونلر مطالعه و نظر
 حکمتده محاکمه ایدیله جک اولورلر ایسه کوریلورکه
 واقعا اوروپاده آیاق طاقی عد اولنان بر بیوک
 قسم خلق ایله یواش یواش طبقات عالییه منسوب
 ذواتدن دخی بر چوق کیمسه لر قیود دینییه
 و مدنییه دن تعری دعواسنه قدر قیام ایدرک
 بونلر ایچون معاشرتک هیچ برکونه آداب اصولی
 نظامی اولماق و هرکس کیف مایشاء معاشرت
 ایلیمک مطلوب ایسه ده بونلر نوع بشرک او قسم

اشراسیدرلرکه استاتستیک حسابلرندن معلوم
 اوله جنی وجهله پارس شهرنده طوغان چوجقلرک
 تمام برثلثنی اولاد غیر مشروعه اوله رقی تولید سبب
 اولورلر. بونلر نظارنده قیود دینه و مدنیه نیک دکل
 مناسبات طبعیه نیک بیله اهمیتی یوقدر. آناق بابالق
 اولادلق و سائر صهریت و قرابت نه اولدینی
 آرتق مجهول حکمنی آلمشدر. بونلرک حاللری
 و شانلری (اوروپاده بر جولان) نام سیاحتنامه -
 مزده بالاطراف تعریف اولنمشدر. لکن بتون
 اوروپا پارس کی اوله مز. حتی بتون پارس دخی
 بو حالده دکلدر. پارسده وبا خصوص فرانسه نیک
 سائر ولایتلرنده وهله اوروپانک دیکر ممالکنده
 خلقلک بر بیوک قسمی حسن معاشرت خصوصنده
 اوقدر اصول و آدابه رعایت مجبوریتی آلتنده
 بونلرکه آداب مذکور نیک ایجاب ایلدیکی
 کلقلر کندیلمی بیله یورارلر. اصول و آداب

مذکورہ بزم ایچون بالطبع وبالضرورہ مجہولاً۔
تندر . چونکہ بزدن اور ویاہ کیدنلر من ایچون
اولیہ فاملیالر میانہ قارشق وکبارک معاشرت
خصوصیہ لری عالمہ قاتشمق پک ده ممکن اولہ میوب
آنلرک دخی Savoir Vivre cosmopolite
یعنی ملل متخالفہ یہ موافق کلہ بیلہ جک آداب معاشرت
تعبیر ایلدکاری و جہلہ بر معاشرت بین الملل دیملدکر کہ
هیچ بر ملتک اصول معاشرتہ بکزه مدیکی کی همان
هیچ بر ملتک اصول معاشرتہ بالکلیہ یانجی دخی
دکدر . یالکز بوصورت معاشرت ایچندہ بولنقلہ
اوروپائی کوردم طانیدم دیملک نہ یہ تشبیہ ایدیلور بیلور۔
میسکز ؟ استانبولہ کلوب بک اوغلی . هوتلرندہ
امرار اوقات ایدن اجنبی سیاحلرک « بز استانبولہ
کیتدک . شو قدر زمان او طور دق . اصول معاشرت
عثمانیہ یہ واقف اولدق » دیملرینہ بکزر .
حالبوکہ آداب معاشرت کتابلرینک دلائیلہ اوروپا

معاشرت خصوصیه سی عالمہ کیرہ جک اولور
ایسہک آلا فرانغہ نہ دیمک اولدینی حقندہ اوزمان
بر فکر تام حاصل اولورده او حالده دخی اورویاچه
بیله غیر معقول کوریلان بر طاقم شیلر کویا آداب
مخصوصہ دن ایمشیر کی همان تقلید ایدیلی ویرلمز لر .

بز شواترده بومشکل ایشی اوزرمزه آلمش
اولیورز. اوت مشکلدر! زیرا خلقک منقسم
اولدقلری صنفلر هم چوق همده اصول و آداب معاشر-
تجه پک متخالفدر لر . مثلاً انکلتزده قیزلر غایت
سربست اولدقلری حالده فرانسه ده پک زیاده باصقی
آلتنده اولوب کذلک انکلتزده قادینلر پک زیاده
مقید بولندقلری حالده فرانسه ده بالنسبه غایت
سربستدر لر . نفس فرانسه ده بیله بر صنف
خلقک قادینلری انکلتزده نسوانندن دها مقید
اولدینی حالده دیگر بر صنفک قادینلری اوکی
قیوددن همان بالکلیه وارسته در .

بناءً عليه اوروپا آداب معاشرتی نہ قدر
تفصیلہ کیریشہ جک اولسہ ق و مأخذلر من کبی
بزدخی قوجه قوجه جلدلر دن قاجنی طولدیرسہ ق
آداب مذ کورہ نی تمامیلہ احاطہ ایتمش اولہ میز.
البته یازہ مد قلمر من یازہ بیلدکلمر من دن زیادہ قالور.
بناءً عليه اک زیادہ دقت ایدہ جکمز واهمیت
ویرہ جکمز شی یازدیغمز احوالک طوغریلغی
اولق قضیہ سی اولوب بونی ایسہ مأخذلر منک
دالالتلری درجہ سنده تأمین ایدہ بیلورز .

بزجہ اوروپا اصول معاشرتی اوکر ممکن
درلوفائدلر ماحوظدر . برنجیسی اوچیوز میلیون
نفوسک احوال مدنیہ سی ممکن مرتبہ اوکر نمش
اولق کہ جغرافیا علمنک اک بیوک بر شعبہ سی دیمکدر .
ایکنجیسی « الافرانغہ در » دیہ هر درلو رذاتی
مباح عد ایتماک و بویول ایلہ کنیدی آداب
ملیہ مزی دخی بوز ما مقدر . اوچنجیسی اوروپانک

رومان تیاترو مقالات ادبیہ و حکمیہ یواندہ یازلمش
اولان بونجہ آثاری عیناً ویاترجمۂ جملہ مزطرفندن
اوقونمقدہ بولنوب اصول معاشرتجہ بونلرک
هانکی نقطۂ نظر دن یازلدقلری بیلنمدکجہ مطالعہ -
لرندن بحق تلذذ واستفادہ ممکن اولہ میہ جغندن
یوجہت استفادہ بی دہ تأمین ایلمک . دردنجیسی
آداب معاشرتدن هیچ برشی بیلنمدیکی حالہ اوروپا
بلادینہ کیدیور ایسہ بر چوق و قتلر عجمیلک
ایلہ زمان صرف ایدیله جکندن وحتی بک چوق
کیمسہ لردہ امثالی کورلدیکی وجہلہ اوروپادہ بر
قاج سنہ او طورلدیغی حالہ ینہ برشی اوکرہ -
نلمکسزین عودت اولنہ جغندن اوروپایہ کیدہ جک
اولانلرہ دها کیتیمکسزین اوراسی حقندہ بر فکر
اجمالی ویرمک . امیدر زکہ شودرت درلو منفعت بزہ
بو کتابی یازمق زحمتنی اختیارایتدیرمکہ لایق اولدیغی
کی قارئلر مزہ دخی اوقومق زحمتنی اختیارایتدیرمکہ

لایق کوریلور. هله هر مناسبتله ایراد اولنه جق بر چوق
 فقره لر و حکایه لر بشنجی منفعت اولمق اوزره بر منفعت
 دها تشکیل ایدرکه هر کسک اک زیاده متشوقاً
 منتظر اولدینی منفعت دخی ظن ایدر زکه بو اولور.
 زیرا بو بشنجی منفعت دخی « اکلنجه » در .

سیاحت

ممالك متعدده اجنبیه الیه البته سیاحت صورتیه
 کیدیه جکندن اصول معاشرته دخی سیاحتدن
 بدأ ایله وقوف پیدایی لازم کلور . بو کتابده
 مستحضر اتمزک مبدئی دخی بالطبع سیاحت
 اولور.

معلومدرکه زمانمزده سیاحت اساساً ایکی
 صورتله اجرا اولنیور . برنجیسی شمندوفر لر
 وایکنجیسی واپورلردر. بزشمندوفر سیاحتی
 تقدیم ایده جکز . اماسی بونلرک دها سریع

اولمیری دکلدر . بلکه آداب معاشرته رعایت
 خصوصند شمندوفر یوجیلرینک مجبوری
 اوقدر بیوک اولمدیغی ایچوندر . واپورلرده آداب
 معاشرته رعایت دهـازیاـده لازمدر . نصلکه
 اوروپایه وارلدقده هوتلارده آداب رعایت دهـا
 زیاده آرته جنی و اصول و آداب دخی چوغاله جنی
 کبی بالآخره فامیلالر ایچنه کیردجه و طبقات
 کباره طوغری یوکسـلـدـجـه اصول و آداب
 و بونلره رعایت دخی آرته کیده جکدر . هرشیده
 انک سادهدن باشـاـلـیـوب انک مغلقه طوغری یول
 آلق هر مؤلف ایچون طبعیدر . ایمدی اولـا
 شمندوفر سیاحتدن ایشه باشـاـلـایـهـم .

شمندوفر سیاحتی

هر نوع سیاحتلرک آدانی میاننده یوجیلرک
 برنجی درجهده رعایت ایده جکلری شی سیاحت

ارقداشلرینی بلالزوم و بغير حق راحتسز ایتما مکر .
 بوراده « سیاحت ارقداشی » دیدیکمز ذوات
 سیاحک کندی رفقاسی دکلدر . بلکه برواغون
 ایچنده بولنان سائر یوجیلردر . سیاح اول باول
 اشیاسی قیدنده بولمق لازم کلور . اثنای راهده
 کندیسنه مطلقاً لازم اوله جق یا غمور اق بالطوشمسیه
 بیون آتقیسی وجود صارغیسی کبی شیاری بالطبع
 یانسدن آیره مز . توتون مندیله پاره چانطه سی
 بیون چانطه سی کبی لوازم ضروریه دخی یاننده
 بولنور که شمندوفر لرده یوجیلرک باشاری اوزرنده
 موضوع اولان تلدن اورمه محملردخی یوجیلرک
 اورالره قویه - قلمری اشیای جزئییه نی استیعابه
 کافیدرلر . بولنردن ماعدا و اغون ایچنده کندیسنه
 متمادیا لزومی اولیه جق اشیای دها استاسیونده
 ایکن یوک و اغونی ایله نقل اولمق اوزره اداره
 تسلیم ایدرک بیلتنی آلمق یوجینک هم کندیسی هم

رفقاسی ایچون راحت کدر . بعض کیمسه لر
 بوصورتک مصارف جزئیہ سندن قورتلحق ایچون
 بیوجک صندوق وپاکت کبی اشیای ثقیله نی دخی
 واغونلره آلمق ایسترلر که بونلر تلدن اورمه رافلرده
 یولچینک کندیسنه مخصوص اوله جق یره صیغمیہ -
 جغندن دیکرلر ینک یرلر ینہ ده تجاوز کبی
 بر حق سزلغه یول آچش اوله جغندن ماعدا
 واغونده چوق غلبه لک حاصل ایدرک جمله نی
 بیزار دخی ایده جکلرندن آداب سیاحته بالکلیه
 مغایردرلر . هله اشیای مذ کوره یا غمورلی یا غشلی
 هوارده ایصلاق دخی اولورلر ایسه واریا !
 ارتق یولچیلره علناً شکایت ایچون بیله حق
 ویرمش اولورلر . انلر تربیه لی ونازک آدملر
 اوله رق سس چیقارمیہ جق اولسه لر بیله آدابه بو
 قدر رعایت سزلکده بولنان یولچینک پک ده تربیه لی
 بر آدم اولدیغنی حکم ایدرک انشای راهده

کیمسه کندیسنه مصاحبت یولوو حرف واحد
سویلمز .

شمندوفر لرده اک معتبر و منتخب یرلر کوشه-
لردر . چونکه پنجره لره یقین اولوب طیشاریسی
تماشا ایدیه بیلور . پنجره یی آچق و یاخود قیامق
حق دخی او پنجره یاننده اوتوران آدمه
عائدر . واغونه کیرلدیکی زمان اکر کوشه لر
دها اول قابلمش اشغال ایدلمش کوریلور ایسه
اوراده بولنانلری قالدیروب کندیسى او طور مق
حق کیمسه یه ویرلماشدر . اولجه کوشه یی سز
اشغال ایتمش ایسه کز سزی دخی کیمسه قالدیره مز .
بر اختیار و یاخود خسته ایچون اوراسنی ترك
ایتمکز رجا اولنور ایسه بورجای قبولکز نزا کته
کبارلغه دلالت ایدهرک هرکس طرفدن تحسین
اولنور . لکن ترکه ینه مجبور دکلسکز . زیرا
شمندوفر سیاحتلرنده سائر یوجلرک حقنده

رعایتہ مجبور اولدیغکز آدابدن ماعدانزاکه
 هیچ بر فداکارانغه مجبور دکلسکز . کوشهده
 اوتوردیغکز حالدہ آچیق بولسان پنجره کزی
 قیامتغه ویاخود قپالی بولنان پنجره کزی آچدیر-
 مغه سزی کیسه اجبار ایدہ مز . بونک ایچون
 رجا اولنه یلور ایسهده قبول وعدم قبولده ینہ
 مختار سکز . اما بو مختاریته مغروراً مثلاً انسانی
 طوکدیره حق قدر صوغوق ویاغشلی هوالرده
 دخی پنجره کزی آچیق طوتمقده عناد ایدہ مز سکزی؟
 کذلک واغون ایچنده هواسزلقدن سیجاقدن بو غلمق
 درجه لرینه کلنه جک زماندهده قپالی بولندیر مز سکز .
 هم سزک حکمکز یالکز کندی پنجره کزه چکهرک
 بشقه لری ایسه کندی یانلرنده بولنان پنجره دی آچقده
 قیامقده مختار اولدقلرندن عنادک او قدر بیوک فائده سی
 دخی اوله مز . قبولرک یاریدن یوقارویکی پنجره لرینی
 آچق ویا قیامق حق یولجیلرک یاعمو منده واردر

ویا خود هیچ بریسندہ یوقدر. بونلرک آچلمسی
ویا خود قپانمسی امرندہ اکثریا قوندو کتوره
مراجعت اولنور .

برواغونہ کیرلدیکی زمان حضار موجودہ یه
باش اشارتیله شویله مختصر برسلاام ویرمک
مقتضای نزا کتدر. بر واغونده بولمق ایچون
صورت مخصوصه ده توالت یعنی سوسلنمک
مجبوریقی هیچ یوقدر. هله استانبولدن طوغریدن
طوغری یه ویانه برلین پارسه کیتمک کبی بیوک
یوجلیقلرده سیاح آرزو دخی ایتمش اولسه توالته
موفق اوله من. زیرا اوراده یالکز براوتوره جنی
قدر یرده اوتورمنه ده یانمغه ده مجبوردر. اکثریا
غلبه لک اوله جغندن قملدانمغه بیله موفق اوله
میوب باشنی قنایه نک ارقلغنه طیانہ بیلمکدن
عبارت بروضعیت ایله اویویه جقدر . بو حالدہ
توالته امکان نصل تصور اولنه بیلور ؟ مع هذا

یا غموره قارشوا کتسا ایدیلن مشمه لرایله واغونلرک
قنابه لری اوزرنده اوتورمق ممنوع اولدیغی کبی
یاش پالطو و چامورلی چیزمه ویالطو ایله اوتورمق
دخی مخالف آدابدر. مکر که بیکه لری چبلاق
تخته دن عبار اولان اوچنجی صنف واغونلرده
اوله .

صارمساق یمش و یاخود زیاده جه عشرت
ایتمش آدم لر ایکنجی و برنجی صنف واغونلر
دروننده سائر یوچیلرک نفرتلرینی جلب ایدرلر.
هله اوروپانک شمال طرفلرنده صارمساق
قوقوسی عمومیت اوزره نفرتله تاقی ایدیلوب
کندی بیئلر دن هیچ کیمسه صارمساق
صوغان یمز. اغزده عشرت قوقوسی دخی بویله در.
معلوم آ؟ « کیمسه کیمسه نک اغزنک قوقوسی
چکه مز ! ... » قاعده سی هر یرده مرعیدر .
واغون ایچنده اوافق تفک شی یمک نظاماً

ممنوع دکل ایسه ده آداباً پک ده مستحسن دکلدر .
 هراستاسیونده بیه جک ایچه جک محملری اولدینی
 کبی یمک ایچمک ایچون معین اولان ساعتلرده
 قطارلرک آزچوق توقف زمانلری اولدیغندن
 کندینی بیلن کبار یولجیلر حوایج اکلیه وشر-
 بیه لرینی استاسیونلرده کی رستورانلرده یعنی
 لوقانطه لرده استیفا ایدرک واغونلر ایچنده هیج
 برشی ییوب ایچمزلر . یتاقلی لوقانطه لی اولان
 قطارلرده دکر واپورلری کبی یمک ایچمک زمانی
 ذاتاً معین اولدینی مثللو بونلرک یولجیلری دخی
 کبار و تربیه لی اولمق لازم کله جکندن بو نوع
 قطارلرده وقلی وقتسز یمک ایچمک بالطبع ده-
 زیاده عجیب و غریب کوریلور . عادی قطارلرک
 برنجی وایکنجی وحتی اوچنجی صنف واغونلرنده
 بیه مطلقاً ییوب ایچمکه مجبوریت حاصل
 اوله حق اولور ایسه برپارچه اکمک پینر ویاخود

اکمک ایچنه براز حویار ویاسکوش وسائر
قونیله رق وصیقشدیر یله رق یاپیلان و «ساندویچ»
تعبیر اولنان شیدن یمک ایله اکتفا ایتلیدر .
واقعا اوروپا لیلر میاننده دخی بعض یوخیلرک
واغونلرده دیزلری اوستنه برپیشکیر یایه رق
سپترلندن چیقاردقلری غزته کاغدلرینه صارلمش
صوجقلردن سوکشلردن حاشالامش طاوقلردن
وسائر ددن یدکلری و شیشه لردن شراب و یا خود بیرا
ایچدکلری کوریلور ایسه ده اوروپالی اولملریله مطلقا
تریبه لی اولملری دخی لازم کمنز . کندی آداب معا-
شرت لرینه رعایت ایتیان و حتی آداب مذکورده بی
هیچ ده بیامیان اوروپالی نه قدر ایسترسکنز ؟
بونلری هر کس بیلسه لر ایدی آداب معاشرت
کتابلریه صورت مخصوصه ده یازمغه لزوم کورلمز
ایدی . بوجه ورتله واغونلرده بر شی ینلدیکی
زمان یاننده بولسانلره برر پارچه تکلیف ایتمک

غایت عیب صاییلور . مکر سبت دروننده میوه
 وشکرله کبی شیلر بولنوب ده یقینده برده چوجق وار
 ایسه تعلقاتندن رخصت استحصا ایدرله بر دانه تقدیم
 اولنه بیلور . برده اوزمانه قدر بعض کیمسه لر ایله
 مصاحبه یه یول آچلمش ایسه بویله میوه وشکرله کبی
 شیلردن آنلره دخی تکلیف اولنه بیلور که اگر
 قبول ایدرلر ایسه مطلقا بالمقابله آنلر دخی او
 یولده بر اکرام ایدرلر .

توتون ایچیله بیله جـك واغونلر آیریدر .
 طیشاریدن او قونه بیله جـك بیـوك حـرفـلر ایله
 آنلرک دروننده توتون ایچیله بیله جـك یازیلی
 اولدیغی کبی واغونلر دروننده دخی سیفاره
 یانقلارینی و کولارینی قویق ایچون کوچک تنکه
 قوطیلر معالقدر . بو واغونلر داخلنده هر کسک
 توتون ایچمکه حـقـی واردر . ولوکه قادیسلر
 بولنسون کندیلرندن استیذانه حاجت بیله

قالفسزین توتون ایچیله بیلور . اما توتون ایچلمک
 ممنوع اولان واغونلرده ممنوعیتک خلافتنه توتون
 ایچمکه قالقشمق غایت عیب صایله جنی کی یولجیلر
 قوندوکتوره بالمراجعه منع ایتدیرمک اقتدارینه
 بیله مالکدرلر . بوواغونلرده بولسان یولجیلرک
 کافه سی مساعده ویررلرایسه بوراده دخی توتون
 ایچیله بیلور . لیکن اون یولجیدن یالکز بریسی
 مساعده ویرمز ایسه ینه ایچیله مز .

ککرمک صیق صیق عطسرمق اسنه مک
 وسوموک چوق اولدینی حالد مندیلم طویلی
 سومکورمک وهلال ویاخود طاق تویی تلم ایله
 دیشنی قاریش دیروب بونلرک کیرلی قانی اوجنی
 مندیله سیلمک کافه مجامعه مستکرهاندن
 صایلدینی کی بالخاصه شمندوفر وواغونلرنده هرکس
 بربرینه پک یقین بولمق حسدیه دهه زیاده
 مستکرهاندن عداوانور . بووقایع طبیعیه بالضروره

وقوعه کله جک اولور لر ایسه آغزه برونه مندیله
طوتیله رق کیمسه یه کوسه تر مکسزین ایجابلری
اجرا اولور. حتی انفییه مراقلیلری اگر کباردن
و تربیه لی ذاتلر اولور ایسه برنجی وایکنجی صنف
واغونلر ایچنده انفییه چکمزلر و بناء علیه برونلرینی
تمیزله مکه مجبور اولمزلر .

قارشوکی قنایه بوش بیله اولسه آیاقلرینی آنک
اوزرینه اوزاتوب یاتاق آدابه مغایردر. فقط کندی
اوتوردینی قنایه ده بشقه بر آدم یوق ایسه اوزاتاق
یاتاق عیب صایلمز . ادم بولنسه بیله آتی
راحتسز ایتیه جک صورتده اوزانه بیلورسکز .
لکن قادینلر ویتشمش قیزلر ایچون هیج بروقتده
و هیج بر صورتده واغونلرده اوزاتاق و یاتاق
موافق ادب صایلمز. حتی آیاقلری کورینه جک
قدر آیاقلرینی اوزاتاق دخی بونلر ایچون ممنوعدر.
واغونلرده فوق العاده لزوملر اوزرینه

قوندو کتوری چاغرمق ایچون موضوع اولان
الکتریک چنغراقلرینه لزوم صحیح اولمق سزین طو-
قونمق بالکزعیب دکل حتی ممنوعدر بیلله. بالالزوم
قوندو کتوری چاغرمق مقابلنده بعض قومپانیه نرده
جزای نقدی بیلله واردر .

براستاسیونه کلندیکی وقت کمال تلاش ایله اشیاسنی
حاضر لامق و بونک ایچون بشقه لرینک اشیاسنی آلت
اوست ایتمک پک عیب اولوب هله بر ایصالق شمسینه
و باخصوص بیوجک بر چامورلی صندیغی شونک
بونک باشنه دوشورماک نه قدر صایغیسزلق نه درجه لر-
ده بیاغیلق اوله جغنی اخطاره بیلله احتیاج یوقدر. نازک
وصایغیلی اولان آدم چبقه حنی استاسیونه
وصولدن برقاج دقیقه اول یوش یواش اشیاسنی
تل رافلردن ایندیروب اوکنده وایاقلری
آره سنده حاضر و آماده بولندیرر . حکایه
ایدرلرکه تل رافدن بالطوسنی ایندیرر ایکن جینده کی

روولوری بر مادامه نك قفاسنه دوش-وروب
 قفاسنی یارمش اولان صایغیسزیریوچی کمال
 اسنف وتلاش ایله مادامدن عفو ایستمش
 وسکوتدن عبارت برده مقابله کورمش ایسه ده
 او جوار جنجه محکمه سنك مدعی عمومیسی
 دخی واغونده بولنه رق قادینك باشندن آقان
 قانلرك سینه سنه طوغری وجود والبه سنی کله کون
 ایلدیکنی کورنجه :

— ایش ارتق مادامك عفو ایده بیله جکی
 درجه بی کچمش وحقوق عمومیه دائره سنه
 کیرمشدرد . دقتسزلك ایله وقوع بولان جنجه
 نوعندن معدود اولان بومسئله بی امال ایدرایسه م
 بنده دقتسزلك وقیدسزلق ایتمش اولورم .
 دیه اواذعانسزیریوچی بی محکمه عدلیه جاب
 ایله وظیفه سنی ایفا ایلمشدرد .
 کرک شمندوفر وکرک واپورسیاحتده یوچیلری

الکزیاده بزار ایدن شی کمرک یوقلمه لر یدر .
 واپور یوجیلری ایچمن بومشغولیت یالکز
 واصل اوله جنی لیمانه مخصوص ایسه ده شمندوفر
 یوجیلری بر حکومتک حدودندن دیگر حکومتک
 حدودینه کچه جکلری زمان برربررکمرک یوقلمه سنه
 دوچار اولورلر . اوروپا الکالینک کوچکلکی
 وشمندوفرک سرعت سیری مناسبتیه بورا احتسزلک
 صیق صیق وقوعه کلور . بونک ایچون استانبولدن
 مثلا پارسه کیدیایور ایسه فضله اشیانی اوراده
 اخذ و تسلیم ایچون یوک واغونه تسلیم ایتلی .
 او حالده یوقلمه یالکز پارسده اجرا اولور .
 فقط یوجینک یاننده بولنان اشیاسی هر حدودده
 مطلقا یوقلانه جقدر . هر یوجلی صندقلرینی
 چانقلرینی آچوب معاینه مأمورلرینه کوسترمکه
 مجبوردر . بوباده ناز و استغنا و مخالفت معاینه نی تشدید .
 دن بشقه برشیئه یاره من اودخی هیچ اولماز ایسه

قطاری قاچر مغه سبب اولور که یالکز بوبیله آز
ریان و کوچک جزا دکلدر . اک ایسی صندوق
و چانطه لری کمال مطاوعتله آچوب کوستر مکر که
معاینه مأمورینه امنیت کلیر ایسه بلا معاینه
مروره قدر مساعدده ویره بیلور . اک زیاده
آرادق لری شی توتون و قیمتی مشروبات کؤلیه
ودانتلا کبی سوسه متعلق بهالی شیلر اولوب
فقط بونلردن مثلا توتون و ایچکی کبی شیلرک
بر آز ایچیلوب اکسلسی و سوسه متعلق اشیا ناک
دخی بر آز پیرانش بولمنسی یولجینک کندی
استعمالنه مخصوص اولدقلرینک علامت باهره سی
عد اولنه رق بلارسم مرور لرینه مساعدده اولنور .
والا بوکبی اشیا ی نفیسه دن غایت آغر رسومات
آلنور . هله قچاق دیه تلقی ایدیلور ایسه مصادره
بیه ایدیلور . مصادره دن بشقه جزاسی یوق
ایسه اوده کار صاینلور .

اوروپاچہ انسانک طائیدیگی و پرہ زانتہ
 اولمندیگی آدمی ایلہ مصاحبہ کیرشمک تربیہ
 موافق کورنمز سہدہ انہای سیاحتدہ و بالخاصہ
 شمندوفر یوجیلری میانندہ بونک ایچون تعصب
 یوقدر . حتی بواصولک اک زیادہ رعایتکارلری
 انکلیزلر اولدقلری حالہ انلر دخی بالخاصہ
 شمندوفر سیاحتلرنندہ پرہ زانتہ اولمندقلری
 یوجیلرلہ مصاحبہ کیریشورلر . کباردن اولانلر
 ایچون دقت اولنہ جق شی بویلہ شمندوفر
 یوجیلغنہ مخصوص اولان مصاحبہ بی لزوم
 ضروریسی درجہ سندن ایلرویه کوتورمامکدر .
 اوروپا لیلرک تعبیری وجهلہ « وقتی اولدیرمک »
 یعنی وقت کچورمک ایچون لازم اولہ جق
 درجہ لردہ صحبت ایدیہ بیلور . لکن صحبتک
 برمباحثہ و مناظرہ صورتی المسی ہیچ بروقدہ
 موافق تربیہ کوریلہ مز . بردہ واغون درونندہ

هر کیم ايله صحبت ايديلور ايسه کو يا اوته دنبری
احباب و سرداش ايمش لرده خصوصی برشی
اوزرینه آغز دن آغزه سوز ايديلور ايمش
کی ساکتانه صحبت ایتک لازم کلوب یوقسه
اوله بر آدمه خطاب ایتدیکی سوزلری دیگر لرینه
دخی تعمیم یوللو هر کسک یوزینه باقه رق
و حایق ره رق مصاحبه ایتک پک بی اغیلق
عد اولور . مع هذا تصادف نه لر یاپمز ؟
بعضاً شـمـندـوفر لرده حصوله کلان مقدمه
معارفه دن بیوک بیوک نتایج نافع و حسنه دخی
حاصل اولور . حتی بر طاقم موفقیات عاشقانه یه
قدرده واران یوللرک باشلانغیچی شـمـندـوفر
واغونی اوله ییلور . اما بعضاً دخی بیوک بیوک
نتایج مضرده ظهور ایده ییلور . دیمک اولور که
نتایج مشکوک و حتی مبهمدر . او حالده بویه
مشکوک و مبهم معارفه لره دوچار اولماق ایچون

شمند و فرم صاحبہ لرینی لزوم ضروری سی حد و دندن
اصلاً خارجہ چیقار ماملی . مادام لوئیز دالق دخی
بر کوزل فقرہ یازیور ایسده تصادف هر زمان
هر کسه او قدر مساعد اوله میه جغندن فقره
مذکورہ نی او قوملی اما امثالہ انتظار ایتمالی .
ایشته فقرہ بودر :

« موئخدن ویانه یه کیدن بر قطارک واغونی
بولسنده یالکزایکی افندی بولنیور ایمش . بریسی
صحبته پک شاطر بر آدم اولدیغندن یاننده کی
افندی ایله مکالمه و مصاحبیه مقدمه اولمق اوزره
توتون ایچمکه مساعده ایستدیکندن اودخی کال
نزا کتله مساعده ویرمش . (دیمک که توتون
ایچمک جائز اولیان واغونده ایمشله) بومناسبته آره .
لرنده اوفاجقدن بر مصاحبیه باشلامش . شاطر صحبت
دیدیکمز آدم مکالمه ده ایلروله یوبده ارقداشنک
دخی محظوظیتله دیکله دیکنی کورنجه صحبتی او قدر

ایله رویه کو تور مش که ویانه یه کیتمکدن مقصدی اوراده
 بر تاجره تزویج ایلدیکی قزینی کورمک ایچ-ون
 اولدیغنی حکایه دن باشلا یه رق بواز دو اچک کیفیت
 وقوعی تفصیلاتنه قدر سوزی اوزاندق دن ماعدا
 حتی «ا کر اوستریا مقر حکومتنده کور یله جک بر
 ایشکز و ارایسه و یا خودامور تجارتدن برایش ایچون
 کیدیور ایسه کز دامادم واسطه سیله امور کزی
 تسهیل ایده بیلورم» یوللو برده تکلیفه قیام
 ایدنجه ایکنجی افندی بو تکلیفی تشکرات نازکانه
 ایله رد ایدرک : « بنده ویانه یه سزک سیاحتسکز
 سبی کی بر مقصد ایله کیدیورم . بنده قزیمی
 برویانه لی یه و یرمش اولدیغمدن هم قزیمی هم
 دامادیمی کورمکه کیدیورم » جوابیله مقابله
 ایلمش . ارتق سوز و صحبت ایتنلدیکی کی یول
 آچلدی یا ! شاطر صحبت اولان افندی : « ای
 باری سز دخی بنم کی داماد کزدن خشنود میسکز ؟

باری قزکزی ارزوکز وجهله تزویج ایدم بیلد -
 یکزمی ؟ « سؤالی دخی ایراد ایدرک رفیقندن
 مع تبسم : « شبهه سز ! قزم او یله بر قوجه یه
 دوشدی که بن دخی اومسه م اومسه م انجق بو قدرینی
 اومه بیلور ایدم « جوانی النجه آدجکز شو
 دامادک اسمنی دخی صور مش و رفیقی :
 « دامادمک اسمی حشمتلو فرانسوا ژوزفدر »
 دینجه زواللی آدجکزک بکزی اوچهرق : « دیمک
 اولیورکه ذات فحاشتمات آصیلانه کز دخی
 دوق ماقسیمیلیهن دوبایه رسکز ! ... »
 دیه بیلیمیه رک کندیسسی ایله او قدر لایالیانه صحبتلره
 کیرشدیکندن طولای بیك عذرلر دیله مک
 باشلامش . دوق ایسه ویانه یه واردقده رفیقنک
 دامادینی بولدیروب کندی دامادی اولان حشمتلو
 ایمپراطور حضرترینه توصیه ایتمش و سرای
 ایمپراطورینک بعض لوازمی بوتاجردن مبايعه یه
 باشلانهرق سبب ثروتی اولمش »

ایشته حکایه پک لطیف اما انسانی قوجه
 بر پرنس ایله ملاقی ایدہ جک و باخصوص صحبتندن
 خوشلانديره جق طالعی هر زمان نروده بولمی ؟
 بعضاً دخی طولاندریجی ، یانکسیجی خرسزہ
 قاتل کبی بر آدم ایله ملاقی اولہ رق انسانک
 حیاتی بیله تہلکہ یہ القا ایلر . بویولده کی حکایات
 او قدر چوقدرکہ نقل اولنق ایله توکنمک
 احتمالی یوقدر . بزکله لم سیاحتک ایکنجی
 درلوسنه :

واپور سیاحتی

واپور سیاحتندہ رعایت اولنہ جق آداب
 شمندوفر سیاحتی قدر ساده دکلدیر . واپورلرده کی
 معاشرت همان همان بر هوتلده کی معاشرت قدر
 کلفتلیجه در . زیرا واپورلرده کوکرتہ یوجیلری
 عادتاً یوجیدن بیله معدود اولیوب اشیادن معدود

اولدقلری جهتله ایستدقلری کبی معیشت
ایده بیلورلر ایسه ده برنجی وایکنجی قماره
یوچیلری اصل یوچلی عد اولنه رق آزچوق کباردن
اولان آدم لرك جماعتله صورت معاشر تارنده کی
آدابه دخی رعایت مجبور یتي التنده بولنورلر .

واپورلرده بریوچلی ایچون مستقلاً بریتاق
قماره سی بولمق نوادر دندر . بر قمارده اکثریا
درت و بعضاً ایکی یتاق واردر . شم دیلرده
بعض مکلف پوسته و سیاحت واپورلرنده برنجی
صنف قماره یوچیدنه باشلی باشنه بریتاق
اوطه سی ویرلرکده ایسه ده بو قدر مکمل و مکلف
واپورلر هر حالده نوادر دن اولوب عمومیت
اوزره یتاق قماره لری ینه مشترکدر . درت
یتاقلی قماره لرده ایکشر یتاق اوست اوسته
اولد یغندن هر هانکی یوچلی اول کلور ایسه
ایستدیکی یتاغی اشغال ایده بیلور .

بزقارہ بی مشترک فرض ایدہ لم دہ دیہ لم کہ قمارہ
 مشترک اولمق ایلہ برابر یولجی کویا اورادہ یایا
 یالکز ایمش کی ہر ایستدیکنی یاپار . ہیچ
 برخصوصہ دیگر یولجیدن احترازہ مجبوریتی
 یوقدر . اوراسی ایکسینک دہ مستقلاً یتاق
 اوٹہ سیدر . ایستدیک کی حرکتہ مانع عد
 اولنہ بیلہ جک برشی وار ایسہ اودہ یولجینک
 کند ی ادب و حیا سندن عبارتدر . یاتمقدہ ،
 قالمقدہ ، صویونمقدہ ، کینمکدہ ، ال یوز
 وسائرہ ییقامقدہ ، تواتدہ والحاصل ہر شیدہ
 مختار اولوب یانندہ ہیچ برکیمسہ یوق ایمش
 کی حرکت ایدر . فقط اشیا سنک کافہ سنی قمارہ یہ
 آلہ میوب فضلہ اشیا سنی انبارہ ایندیر تر . قمارہ دہ
 یالکز البسہ و چاشور وسائرہ دن اثنای راہدہ
 دائمی صورتدہ کندیسنہ لازم اولان شیلری
 بولندیرر .

یتاق او طہ سی سادہ جہ یا تمغہ مخصوصدر .
 او طور مق ایچون سالون وارد رکہ اورادہ بر بیانو،
 برکتبخانہ دخی بولنور . یو لیلر بو کتب خانہ دن
 ایستدیک کی استفادہ ایدر لر . شو قدر کہ کندی
 آرادینی کتاب و ایستدیک غزتہ ویا مجموعہ
 بشقہ بر یسنک النده اولوب مطالعہ دخی ایدیور
 ایسہ لندن چکوب آله مزہ . بونی او قود قدن
 صو کرہ لطفاً بندہ کزہ ویرمکزی رجا ایدرم
 دینلور . اودخی رجانی مطلقاً قبول ایدرک
 بعدما بر بشقہ سی دە ایستہ جک اولور ایسہ
 جواب رد ویرر . حتی قرائتی بتورمکی متعاقب
 او یو لگی بی آریوب بولہ رق کتاب مذکور
 تسایم ایتمک آنک ایچون بر بورج حکمنی آلور .
 بیانویہ کلنجہ : بو کتاب نوبتی کی نوبتله هر کسک
 بیانو چالغہ دە حق و ارایسہ دە صایغیسی، اذعان
 اولانلر خالقہ دیکلہ تہ جک، بکندیرہ جک مہارتی

کنديسنده بوله من ايسه يهوده کورولتيلر ايله
عالمی ازعاج ايتماکي البته تربيه سنه دها موافق
بولور . کنديسي ارباب مهارتدن بولنوبده
يولجیلر طرفندن پيانو چالمسی ويا خود کتاب
اوقومسی ناز کانه رجا ايديله جک اولور ايسه
نازواستغناي ايلرويه کوتورهميوب ممنوناً رجاريني
قبول ايتمک ادب و تربيه نك برنجي مقتضيانسنددر .
بوابده خوف واحترازه لزوم يوقدر . چونکه
في الحقيقه بکنيله جک مهارتي بولنمسه بيله مستعملر
طرفندن ينه آلقشلا نطق محققدر .

صالونه کيجه لک ايله چيقيمق قابل اوله مدقندن
فضله اولور اولمز توالت ايله مثلاً کيرلي کوملک
ازيك ياقه ايله بيون باغيسز فلان چيقيمق دخي
موافق ادب دکلددر . بزم بو طرفلر سوا حئلنده
وقوع بولان سياحات بحريه ده بعض کباردن ذوات
بوني بيلم دکلري جهته کيجه لک غنتريسي اوزرينه

کوزل شال خر قه تیوم کورک فلان کیه رک سالونه
 چیقار لرکه واقعا شوقیافت بزجه پک ادیبانه
 برقیافت ایسه ده انسانک کندی اوطه سنه مخصوص
 اوله جق داخلی قیافتیدر. واپور سالوننده ایسه
 بالخاصه انظارا جانبده پک زیاده موجب استغراب
 اولور. واپور داخلنده ممکن اوله بیان توالتی
 بهمه حال اجرا ایتلیدر. قادینلر بوجبوریتده
 ارککلردن ایلروده اولوب حتی سفره یه مخصوص
 توالترینی هر دفعه سنده اجرا ایدرلر. واپورکی،
 هوتل کی معتبر لرک « تابل دوت » دینیان عمومی
 سفره لر آدابی ایلروده بر مبحث مخصوص اوله رق
 بیان اولنه جفتدن شوراده واپور سفره لری حقنده
 یالکیزشونی اخطار ایده لم که : سفره ده ریاست
 قپودانکدر. زیرا قپودان صاحب خانه مقامنه
 قائمدر. قپودان یولجیلرینک قدر و حیثیتلرینی
 اکلایه بیلمدیکي قدر هر برینی علی قدر مراتبهم

یراشدیرر. قبودانك ارئه ایلدیکی بری بکنمیوبده
 دها یوقارییه اوطورمغه قالقششق قبودانی تجهیل
 دیمك اوله جغندن انسان فی الحقیقه کندی
 مرتبه سندن براز دون موقعه قونلمش
 بیله اولسه بواعتناسزانی یالکیز قبودانه حواله
 ایتمش اولاق وکندیسی دها بیوک براعتناسزاق
 ایتمش اولماق ایچون هیچ سنی چیقارمز .
 برده بزم بو طرفلرده الافرانغه یمکله آالشقین
 اولیانلر قاره یولجاغنی یمکسز اوله رق اجرا
 ایتمك ایستلر ایسه ده بونلرک یتاق اوطه لرنده
 کندی کندیله رینه طعام ایتمکه اوغراشملری
 واکثریا کورلیدیکی اوزره یاصدیرمه ، زیتون
 فلان ایله وقت کچوره رک آنلرک اکللی ضمننده
 دخی اوطوردقلری یرلری بولاشدیرملری
 اوروپالی یولجیلر طرفندن ده خدمتجیلر
 جانبندن ده نظر تحسین ایله کوریه جک احوالدن

دکدر . فرنکلرک اطعمه سندن دیناً ایدیله جک
 احتراز لحم خنزیر مسئله سی اولوب ذوقاً ایدیله جک
 احتراز دخی طعامک آغزه اویماسندن عبارتدر .
 حالوکه بونک ایکیسنه ده چاره وارددر . مراقلی اولان
 یولجیلر کندی قماره سینه ینه قماروت طرفندن
 اوفاجق بر سفره قوردیرر . آشجی بی چاغرته رق
 ویاخود کندییی آنک یاننه کیدرک کولباستی ،
 شیش کبابی ، کوفته وهر نوع بالق اسقره سی
 وطـ اووق دخی داخل اولدینی حالده هر نوع
 لحوم حاشلامه سی و او ملت وسائر نوغندن هر
 نوع یمورطه یمکلری امر ایده بیله جکی کبی
 فرنکلرک ژیفو وروتی و بفتک و فیله تو کبی یمکلری
 دخی اذواق عثمانیه موافق شیردر . بونلرده
 خنزیر بولاشینی بولنماق مطلوب ایسه آشجی
 بوبابده یولجی بی تأمین ایده بیلور . بالفرض اشبو
 اطعمه ایچون دخی واپور آشجیسنه مراجعت

ايدلامك التزام اولنور ايسه بوقدر مراقلي و كبار
اولان يولچينك يول نواله سي اوله رق كوزل
قاوورمه، سكو ش، قوري كوفته و سائر ايله
برابر پاصديرمه لري، صوجق لري، زيتون لري،
پينر لري بولنه جنفي كي بول قوراييه لري، بقلوه لري،
شكرمه لري دخي بولنه جفندن سفره سني مطلقا
قاروته قورديروب قالديرتمق لزوم غير مفارقي
ايلاه بونلري ده قارمه سنده تناول ايدر ايسه
اجنبيلرك تعبيي شويلاه طورسون برر چاشنيك
استحصالي ايجون دست استعطافي تقديم ايتملري
بيلاه مستبعد دكلدر.

حتي سفره يي مطلقا يتاق او طه سنده قور -
دير مق دخي ضروري اتدن دكلدر . بعضاً صالونك
قيچ دوريمنده اوافق ماصه لر بولنه رق آنلر
اوزرنده دخي سفره قوريلور . بوصورتلاه
خصوصي طعام ايدشده فرق مصروف حقيقه
جزؤ ياتدندر .

واپورلرده اکثر یایو جیلرک اسملری بیلتملرینه یازیلور . حتی بعضاً بواسملر برلوحه اوزرنده یازیلی اولدینی حالده صالونه قریب بر محله تعلیق اولنور . بعضاً دخی یو جیلر دها حرکت لیاننده آجنته طرفدن قپودانه پره زانته وتوصیه ایدیلور . الحاصل قپودان یو جیلرینی طانور وبونلری یکدیگرینه ده پره زانته ایدر . بر یو جی بی قپودان هنوز طانیماش اولوب ده او یو جی قپودان واسطه سیله بر بشقه یو جی به کندیسنی طانتدیرمقی ایستور ایسه قپودانه کیدوب بر قارت دووینیت ویره رک « بنی شو یو جی به اطفأ پره زانته ایتمکزی رجا ایدرم » دیر ایسه قپودانک بورجایی قبول ایتسی وظیفه سی اقتضا . سندندر . شو قدرکه او یو جینک پره زانته اولنق ایستدیکی دیگر یو جی پک معتبر بر آدم ایسه قپودان اول بول او معتبر ذاتدن استیدان ایدر . یو جیلر

دخی بعضلرینی بعضلرینه پرہ زانتہ ایدہ بیلورلر .
 دیمک اولیورکہ واپورده دخی یولجیلرک طانشمی
 پک قولایدر . من جهة شمندوفرده دها
 قولایدر . زیرا شمندوفرده پرہ زانتہ ایدہ جنک
 کیمسه اولیوب انسان کندی یانہدہ کی آدم
 ایله همان سوزہ باشلائی ویرمک درجہ سہندہ
 جسارتہ محتاجدر .

یتاق او طہلری منفرداً یاتمغہ وصالون مجتمعاً
 اوطورمغہ مخصوص اولدیغی کبی واپورک قیج
 اوستی ویاخود اومقامہ قائم اولہ جق بر قسم
 کوکرتہ سی دخی کزینمکہ مخصوصدر . سالونده
 سیغارہ ایچمک خلاف آداب اولوب هر واپورده
 صورت مخصوصہدہ معین اولان و « قومووار »
 دینیان توتون او طہلرندن ماعدہ بردہ بوکزینتی
 محملرندہ سیغارہ ایچمک سر بستدر . قادینلر
 دخی بوانسہ ینہ سیغارہ ایچیلہ بیلور . شو قدرکہ

بر یوجلی آداب معاشرته زیاده سبیلہ رعایت کار
 اولہ رق پرہ زانتہ ایدلدیکی قادین یوجلی دخی
 پک معتبر ذواتدن ایسہ انکله قونشور ایکن
 سیغاره ایچمک شویله طورسون اندہ بیله طوتمز .
 اشبو کزینتی محملارندہ اوزانمغه ویاخودصالانمغه
 مخصوص اوزون و بشیک اسکملہ لر دخی بوانوب
 هرکیم اول اشغال ایدر ایسہ انک اقامتکاهی عد
 اولنور وکیمسه اورادن قالقمسنی تکلیف ایدہ مز .
 شاید قادینلردن و باخصوص یاشلی قادینلردن
 بر یسنک او طور دیغکز اسکملہ یی ضبط ارزوسندہ
 بولندیغنی اکلار سکزده کمال نزا کتله کندیکز
 ترک و تقدیم ایدر ایسہ کز پک بیوک نزا کت
 یرینہ کچر . بویله بر نزا کتی اختیار و خسته
 ارککلره کوسترمکز دخی غایت مقبولدر .
 واپورلرده معارفہ پیدا ایدیلن یول ارقداشلریله
 مصاحبت دائرہ سی شمندوفرلردن دها واسعدر .

ذاتاً هوامساعد اولدقجه مانع مصاحبت اوله جق
کورواتی ، پاطردی ، صارصنتی فلان دخی
واپورلرده شمندوفرلردن آز اوله جنی جهتله
دهاجدی مصاحباته کیریشیله بیلور. هله استانبول
ایله تریسته ومارسایا آره سنده یولجیلیق کبی درت
بش کین برهفته اوزایه جق اولان یولجیلقلرده
معارفه و مصاحبه دهـا زیاده قوت ووسعت
بوله بیلور. لکن نه قدر اولسه بورفاقتلر ، بو
معارفهلر ، بومصاحبه لر هپ یول یالکزلغنک ،
جان صقندیسنک الجاسیله وقوعه کلمش شیلر
اوله جغندن بونلرده جدیت آرامق قطعاً ایجاب
ایتمیه جکی کبی یولجیلردن برقسمنک ملیتنه ، عقائد
دینه سنه طوقونه جق صورتده مباحثه سیاسیـه
وحکمیـه ده بولنق دخی غایت معیاندن عداولنور.
بوقاعدهیه رعایت ایتمامکده اصرار اولنورایسه
کندیسنه طوقونیلان آدم بالذات منع ایتمکی وبونک

ایچون دوئللویہ قدر کیتمی حسب الموقع تربیه سنه
یدیرمه جکندن قپودانه مراجعتله منع ایتدیره
بیلور . اننای سیاحتده محبتلر دائما کزیلوب
کوریلن یرلره دائر ویاخود کندی ملکتنک احوالنه
عائد اولمق کافی ووافی اولوب سیاحت رفیقار یله
دها جدی ، دها مهم مباحثه یه کیرشمک کباراغه
مخالف وهوپالغه مقارن کورینور .

واپورلرده بعضاً یالکز باشنه سیاحت ایدن
کنج قادینلره تصادف ایدیلور . طبیعت بشریه
انسانی مطلقاً بونلره اماله ایدر . انسان کویا
اوقادینی حمایه حق ووظیفه سنی ده کندیسند بولمغه
باشلار . ادنا وسیله ایله اکا تقربه خواهشکر
اولور ایسه ده اوقادینی اصل حمایه حق ووظیفه سی
قپودانه عائد اولدیغی جهتله سائر یولجیلر کندی
ارقداسلرندن بریسنک اوقادینه ملازمتنی هیچ ده
نظر تحسین ایله کوره مزلر . ذاناً اوقادین کندینی

بیلن طاقیدن ایسه کنج اولان یول رفیقنه او یله
غیرت حمایه نی ایلرویه کوتوره جک درجه لرده
یوزدخی ویرمزیا ! چونکه او یله عقیف وادیب
اولان قادین دیگر یو جیلر میاننده ینه کند یسی
کبی قادی نلرله مناسبت پیدا ایدرک قادین بولمندیغی
صورته دخی رفیق لری نك المسن اولانی ایله
مناسبتده بولنور . فقط کند یسی بیلمین قادی نلر
دخی بولنور . اجرتی و یروب واپوره بینمش
اولدیغندن سالونه کیر مامسی امر اولنه من ایسه ده
هر کس اکا قارشى کند ی عفت وادبی محافظه یه
مجبوردر . کنج ارککلردن هانکیسی او قادی نه
ییلشور ایسه واقعا اکا دخی سس چیقاره مزلر
اما کند یلرینه متعلق اولان قادی نلری ، قیزلری
اودلی قانلی ایله کوروشمکدن قطماً منع ایدرک حتی
کندی لری دخی کوروشمز اولورلر . دلی قانلی
بونلره صوقیله جق اولسه صورت ایدرلر .

اوروپا لیلرک بویولده کی حالاری معلوملری
 اولیانلر احتمالکه شوسوزمزی افراط پرستدکه
 حمل ایدرلرایسده مملک مذکورہ حقایق آداب
 معاشرتنه واقف اولانلر بوسوزلرمزده هیچده
 مبالغه اولمدیغنی بیلورلر. کنجملک حسیلہ انسان
 خاشاریاق ایچون دخی کندیسندہ حق بولہ بیلور
 ایسده عمومی اولان برصالونده آداب عمومیه
 رعایت مجبوریتندن کندیسنی اصلا قورتارہ مز .
 اما واپورلرده کی ممنوعیتلرہ دائر سویلدی کمز شیلر
 خلافتده هیچ بر حال وقوعه کلیورمی ؟ چوق !
 مثلاً درت یتاقلی بر قماره یی یا لکز بر یولجی به ویرمک
 ممکن اوله میسه جغنی سویلدی کمز حالده قماروته
 ویریلہ جک بر قاچ فرانق بخشش مقابلنده انسان
 باشلی باشنه بریتاق او طه سنده راحت ایدہ جکی کبی
 یولجیلر میاننده قادین ایله ارککی بریتاق او طه سنده
 بولندیر مق قطعاً ممنوع اولوب حتی کندی حرمی

ایله بر قمارده بیتوتت بیله بعض قوم پانیه لرحه
 کوچلک ایله تجویز اوانان شیلردن ایکن مثلا
 یولجیلر میاننده یالکیز برقادین ایله ویریلن تمکین
 اوزرینه بخشدشک برازدها زیاده جه سی بونلری ده
 بر قمارده فقط غایت خفی اولمق شرطیله جمع
 ایدم بیلور . بویله شیلر عذیم الامثال اولمق شویله
 طورسون نادر الامثال بیله دکلدر . از جمله
 احبادن بر یسنک باشنه کلن حال کبی که مبادیسی
 قارلر مزدن پک چوغنک غبطه سنی مستوجب
 اوله جنی درکار اولوب فقط نتایجی پک ده آرزو
 اولنه جق احوال دن دکل کییدر . شویله که :

احب ابدن بر یسی اناطولیجه نصب اولندیغی
 بر مأموریته کیتمک ایچون از میره کیدیور .
 شمدی اسمنی تخطر ایدمیه جکمز بر قوم پانیانک
 واپورینه بینمش ودها مرمرده کچوریلن ایلک
 کیجه اتناسنده یولجیلرله کرکی کبی احباب اولمش .

کندیسی ذکی ، ظریف ، شاطر ، خاطر شناس
 بر آدم اولوب باخصوص موسیقیده مهارتی
 واردر . اصل منسوب اولدینی ساز عود
 ایسه ده پیانوی دخی یک کوزل چالار . الاتورقه
 موسیقی اجنبی سیاحلرک خوشنه کیدرک زواللی
 دوستمزی یورنجهیه قدر چالدرمشلر . هله
 یولجیلر میاننده کنج ، کوزل برقادین موسقی
 عثمانییه هرکسدن دها محب حیقهرق رجالریله ،
 استرحاملریله دوستمزی اصل یوران او محبوبه
 دلارا اولمش . اوکیجه بی او یله کچورمشلر .
 ایرتسی کون کزینتی محلنده قادینک متشکرانه
 تحسینلرینه دوستمزک محویتکارانه جوابلری
 مقابیل کله میسوب قادین آطه لر دکزنده
 کچور یله جک اولان ایکنجی اقشام ایچون
 دخی دوستمزک لطفی رجایه باشلامش .
 برطرفدن رجا دیکر طرفدن استغنا ! ایش

بر درجه یه وارمش که قادین بر آرماق قماروتی
 چاغیروب اوفاجق بر مذا کرده دن صوکره
 دوستمزمك دخی قولاغنه اوکیجه نی کندی
 خصوصی قماره سنده بر لکده کچوره جکلری و عد
 و مکافانی تلقین ایلمش . آرتق دوستمزمده کی
 انبساط محظوظانه نی صور میگز . فی الواقع واقشام
 هر تمامیه مکمل بر قونسرتو اجرا سندن صکره
 دوستمزمینه کندی قماره سنده عودتله اویقویه وارد یغی
 زمان یور غنلق ایله او یله براویویه قالمش که اوکیجه
 واپور از میره واروب ایرتسی صباح اورادن حرکتله
 یوله چیمدیغی حالد زواللی دوستمزمهنوز اویقوده!
 بس بللی قماروت کیجه حالیه یولچینک از میره
 چیقوب چیمدیغی فرق ایده مامش که کندیسنه
 خبر ویرسون . برده دوستمزمز اویانوب عقیانی
 باشنه آدیغی زمان نه کورسون؟ واپور اسکندریه
 یوانی طوتمش کیدیور . غیب ایتدیکی ایکی

ہفتہ زمان ایلہ مصرف اولہ رق کیسہ سندن
 چیقان قرق الی قدر لیرایہ معہود قو نسر تویہ مقابل
 کلہ بیلمش ایسہ کندینی بختیار عد ایلسون .
 ایشتہ بعضاً تصادف بوکی رومانجقلر بیلہ
 یاپار ایسہ دہ بونک ضمانتدہ کی غیب و تہلکہ کی
 ہرکس عزت نفسنہ یدیرہ مز . با خصوص بر
 قادین ایلہ پیدا اولان شویلہ برمناسبت خفیہ
 سائر یولجیلرہ آز چوق ترشح ایدہ جک اولور
 ایسہ آنک ضمانتدہ کی کپازہ لکی اولور اولمز
 کپازہ لر دخی ہضم ایلہ مز . پردہ استتار آلتندہ
 قطعاً ستر اولنہ جق اسرار دن ماعدا عمومیت
 عالمنده ہرکسک آداب عمومیہ رعایت قطعہ سی
 واجبدر .

واپورلردہ بالطبع مسامرہ لر اولور . حتی
 بعضاً بالورلر بیلہ ویریلور . بونلردہ کی آداب
 صالونلردہ کی آدابک همان عیندر . یعنی قوجہ سی

یاخود بابا وقرنداشی طرفندن پره زانته ایدلمش
اولان قادینلردن ماعداسنی او یونه دعوت ایتمک
موافق آداب صایلمز. فقط آداب مذکورہ نک
تفصیلاتی ایلر وده یرو یرنده اعطا اولنه جنی جهتمه
تفصیلات مذکورہ بوراده یرسز کورلمکده در .
واپور سیاحتلرنده دکز طوتمق امرنده دخی
رعایت اولنه حق بمض آداب واردر . انسان
کندیسنده دکز طوتمق استعدادینی حس ایدر
ایسه سفره یه او طور ماملیدر . زیرا سفره ده
او خسته اق ایجابندن اوله رق بعضاً بتون سفره
خلقنی ایکندیره جک معامله لر ظهوری محتملدر .
کندیسنده اوفالغی حس ایدنلر یتاق او طه لرندن
طیشاری یه چیقیمیوب حاللری نه ایسه اوراده
انظار رفقادن ستر ایتلیدر لر . بشقه لرینی دکز
طوتدینی کوریلنجه بالذات امداد لرینه قوشمق
دخی مستحسن عد اولنه مز . هله دکز طوتان

قادیئلرک هیج بر خدمتہ مسارعت تحسین
 ایدیلہ من . اک بیوک مقتضای نزاکت قاروت ،
 خدمتچی کی بریسی چاغیری ویرمکن عبارتدر .
 دکز طوتمیانلرک طوتانلری ضمناً استہزالری
 دخی پک بیوک معیباتدندر . دکز طوتمسنہ
 قارشى علاج تعریفنہ قیام ایلمک بیلہ موافق
 آداب اولیوب ہلہ طیب اولیانلر ایچون
 بویولده کی سوزلرہ کیریشمک کندیسنى افکار
 جدیہ اربابنک انظار استہزاسنہ عرض ایتک
 صاییلور . « قومپہ تانس » یعنی صلاحیت اولیلہ نازک
 برشیدرکہ انک خارجنہ چیقانلر ہر یردہ
 دوچار استغراب اولورلر ایسہدہ بالخاصہ
 اوروپادہ عادتہ استحقارہ بیلہ دوچار اولورلر .
 مثلاً بزم بورالردہ عسکرلکہ دائر برسوز
 آچلسہ ہیمز عسکر کییلورز . طبابتہ ہرنہیہ
 دائر بر بحث آچلسہ ہیمز او بچشک اہلی ایمشز

کبی سوزہ کیریشورز۔ خارج از صلاحیت درمیان
 ایلدیکمز مطالعات قبول ایدلیہ جک اولسہ حدت
 بیلہ ایدرک معاندیہ، مکابر دیہ قدر حیقیشورز۔
 بو ایسہ اوروپادہ پک بیوک معاہدن صاییلور۔
 حققری دہ واردریا ! هرکسک هرشیئی بیلہسی
 قابلمیدر ؟ هرکس کندی صلاحیتی دائرہ سنده کی
 ایشلرلہ اشتغال ایدر ایسہ اصل ترقی دخی او
 زمان حاصل اولور۔ بناء علیہ دکزطوتان یولجیلرہ
 علاج تعریفی دخی خارج از صلاحیت صاییلہرق
 تحسین ایدلمز۔ ذاتاً هر یولجی واپورندہ برطیب
 بولمق نظاملری اقتضاسندندر۔ علاجه احتیاجلری
 اولانلر دخی او طیبہ مراجعت ایدرلر۔
 اوزونجه بر سفر ائناسنده واپور برلیمانہ اوغرا۔
 یوب دہ اورادہ توقف ایدہ جکی زمان ظرفندہ
 طیشاری یہ حیقہ جق اولور ایسہ کز اک انی
 کوروشدیککز ارکک، قادین رفقایہ خبرویردرک :

« طیشاریدن برشی ایسترمیدسکز ؟ بر امریکز
 وارمیدر ؟ » دیه صور مق پک سیوک اثر نزاکت
 صاییلور. فقط قادین رفقائک ولیلری وار ایسه
 بو استیذانی آنلردن ایتک دها کبارلق عداولنور.
 واپوره بیلدیکی زمان یولجیلر بر برینک
 یب-انجیسی اولدقلری حالده منزل مقصوده
 واریلوبده واپوردن چیقیلجینی زمان آرتق
 هرکس بر برینک آشناسی صاییله جغندن وداعسز
 آیرلق نزاکتسزک صاییلور. اما بو وداعی لیانه
 واریلوبده هرکس اشیاسی وقریه خروج قید
 وتلاشنده بولندیغی زمان اجرا ایتک اویه مز.
 آندن اول وداعلاشمیلدر. اثنای راهده حسن
 رفاقلری سایه سنده نه کوزل زمان کچورلمش
 اولدیغنه تشکرله برابر اجرای وداع ایتلیدر.
 معارفه بی دها جدی برصورت قویمش آدملر
 بولنوبده بونلر سزک دخی منزل مقصودکز

سکته نندن ايسه لر حین وداعده ویزیتہ کاغذ کزک
اوزرینہ او مملکتده اقامت ایدہ جککز محل ده
یازہرق تقدیم ایدہ بیلورسکز . بو حالده اودخی
درعقب برویزیتہ کاغذینک اوزرینہ محل اقامتی
یازہرق ویررکه بوصورتله تأیید ایدیلہ جک اولان
دوستلق متقضا سنجہ او مملکتده ایلک ویزیتہ نی
ویرمک دخی رتبہ سی کوچک اولان ارقداشہ
عائد اولور . اما یاننده قادین بولسان ارقداش
رتبہ جه تقدم ایدہ جکندن ایلک ویزیتہ نی بکله مک
آنک حتی صاییلور . بویله واپورده ویا شمند و فردہ
ویزیتہ کاغذلرینی تعاطی ایلکم ایلرودہ ملاقات
وتزید مناسبست ایچون تعہد حکمنده در .

وصول

کک شمند و فر و کک واپور ایلہ کیدہ جککز
مملکتده ایلک وصول ائساننده بعض شیلر

وارد در کہ آنلرک اخطاری شوو بامیزی تشکیل
ایلمکده در .

اوروپا یہ یکدر ایکن اکثریا اورادہ بعض
ذواتہ ویرملک اوزرہ برطاقم توصیہ مکتوبلری
النورکہ بومکتوبلرکیدیلنیرلردہ مرسل الیہلرینہ
تسلیم اولنہ جق و آنلردخی کندیسنہ او مملکتدہ
اقامت و معاشرتی تسہیل و تزیین ایدہ جٹ
دلالتلردہ بولنہ جقلردر . بومسئلہ دہ نزاکتک
اک بیوک مقتضاسی ذکر اولنان توصیہ نامہ لری
مرسل الیہلرینہ ایصال امرندہ ممکن مرتبہ
تأخر وقوعہ کتور مامکدر . نہ قدر تأخر وقوعہ
کتور یلور ایسہ مکتوبک تاریخی او قدر
اسکیہ جکندن تأخرات واقعہ پک قولای حساب
اولنوب اکلاشیلہ بیلور . تأخر دخی نہ قدر
چوغالور ایسہ سزک نظر کزدہ مرسل الیہک
اہمیتی اونسبتدہ آزالمش دیمک اولہ جغندن

اودخی سزه آنجق اونسبتده اهمیت ویرر .
 مکتوبک مرسل الیه احسن صورت ایضالی
 بالذات کوتورمکدر . آنک محل اقامتی بالطبع
 ظرفک اوزرنده یازلمش اوله جنی جهتله سزجه
 معلوم دیمکدر . مکتوبی کوتوروب تسلیم
 ایلدیکمز زمان شو ایلک زیارت چوقامتداد
 ایتاملیدر و بوایلک زیارتده اوزاندن هیچ بر عزت
 واکرام بکله ماملیدر . ذاتاً اوروپاچه بومثللو
 زیارتلرده عزت واکرام دخی یوقدریا . زواره
 قهوه ، طاتلی ، شربت فلان اکرامی بزم
 بو طرفلره مخصوص اولوب بعض خرسنتیان
 ویاخود اوروپالیلر خانه لرینه کیتدیکمز زمان
 بویولده کوردیکمز اکراملر انلر طرفندن
 مجردالترقه اوله رق التزام اولنورلر . اوروپاده
 توصیه مکتوبی کوتورمک ایچون ایلک
 زیارت ایلدیکمز آدمدن بکلیه بیله جککمز شی

بر حرمت و رعایتِ بدن عبارت اولوب او ایسه
 سزك و رود كزه منتظر اولمادیغی و سزك
 احوال كزدن هیچ برشی بیلمدیکی جهته
 حق كزده التزام ایله جکی معامله و مناسبتنه ذهنتجه
 قرار ویرنجیه قدر سزی عادتاً باردانه تاقی ایدره.
 اكر او مملكتده بوذاتك حمایه سنه، دلالتنه، خدمتنه
 حقیقهٔ احتیاجكز وار ایسه غایت مختصر
 و متواضعانه بر صورتله نفسكزی براز تعریف
 ایدرك: « مملكتكزده حسن اقامتم ایچون
 دوستلغكزه شویله محتاجم . دوستلغكزدن بویله
 مستفید اوله جنم » وادیسنده سوزلر سویلر
 و بعدء مفارقت اولنه جنی ائنده ویزیته کاغدكزك
 اوزرینه محل اقامتكزی یازهرق کندیسنه تقدیم
 ایلر سکز . شاید اوزاتی خانه سنده بوله من
 ایسه كز - كه اوروپاده يك چوق واقع اولور -
 كذلك ویزیته کاغدكزك اوزرینه محل اقامتكزی

يازوب مکتوبك بر طرفه ربط ايدرك خانه سنه
 براقورسکز . حتی اوزات طشره يه کيتمش بيله
 اولسه حين عودتنده مکتوبکزی بولور وسزک
 درجه اعتبار وحيثيتکزه کوره البته بر اعاده زيارته
 بورجليدر . اگر بونی ده ياپمز ايسه مطلقا برويزيته
 کاغدی اولسون کوندررکه بو حالده سزکله
 هيچ بر مناسبتده بولمق ايستمدیکی اکلاشيلور .
 اگر ويزيته کزی اعاده ايلر ايسه مناسبتی
 ايلرو کوتورمکه مستعد ديمک اولوب بو استعداد
 درجه لازمده بولنديفی حالده دخی سزی برده
 اقشام طعامنه دعوت ایده جک وفاملياسنه
 ولزومنه کوره بعض دوستلرينه دخی پره زانته
 ايله جک ديمکدر . بودرجه لره واره جق اولان
 مناسبتلراوزرينه اقتضا ايلین مراسم آشاغیده
 مباحث مخصوصه سنده کوريله جکدر .
 واردیفکز یرده دولت متبوعه کزک سفارت

و یاشه بندرخانه سی وار ایسه اول بول بر زیارت
 دخی بونلره لازمدر . اورایه واروب سفیر
 وشه بندر جنابلرینه اوشاغی واسطه سیله ویزیته
 کاغذکزی ابراز ایتدیررسکز . بر مانع مشروع
 ومبرمی یوق ایسه سزی اصلا بکلتدیرمکسزین
 حضورینه قبول ایدر . فقط بوزیارت دخی اوزون
 سورمز . سفیر و یاشه بندر طرفدن سزک محل
 اقامتکزه اعاده زیارت ایدلمسی حیثیت رسمیه
 و یا خود مرتبه مدنیه کزک درجه سیله تعین ایدر .
 بویله بر اعاده زیارته استحقاقکز و ارایسه سفیر
 و یا شه بندر آنی بیلوب بالذاتمی کله جکله یوقسه
 بر مأمورمی کوندره جکله هر حالده کندیلرینه عائد
 اولان وظیفه یی ایفاده قصور ایتمز لر . همان
 شوراجقده اخطار ایدلم که شاید انلر طرفدن
 بویله بر اعاده زیارت وقوعه کلمز ایسه بیله بیراملرده
 وذات شوکتسمات حضرت پادشاهینک یوم

مسعود ولادت و جلوسلرنده سفارت و یاخود
شهیندر خانیه کیدرك لازمه تبریکی ایفا ایتک
حمیت ملیه و تربیه انسانییه مترتب بر بورجدر.
زیرا بوتبریک سفیر و یاخود شهیندرک کندی
ذاتنه مخصوص اولیوب دولتمز نامنه در .

اوروپایه کیدن یولجیلره اکثریا واردقلری
یرلرده پساپورط صورمزلر . مع هذا اوروپاده
پساپورط پک چوق خصوصاتده یولچینک ایشنه
یارار . مثلاً سزک نامکزه برانقهیه و یاخود پوستهیه
اچقه حواله و تودیع قلنمش هویتکزی . اثبات
ایتمدکجه امانتی تودیع ایتمزلر . اثبات هویت
ایچون دخی پساپورط اک قولای واسطه در .
همان پساپورطکزی ابراز ایدرك هویتکزی اثبات
ایلرسکز . ایمدی یانکرده پساپورطکزر وار ایسه
آنی دولت متبوعه کز قنچلاریه سنه قیدایتدیرمکز
ومحل اقامتکزی دخی اورایه خبر ویرمک لازمدر .

هله مأمور اولدیغ کز خالده بولزوم ده از یاده آرتار.
 زیرا حکومت متبوعه کز طرفدن سزک ایچون
 ویریه جک امرلر سفارت و یاشه بندرخانه واسطه
 سیله ویریه جک اولور ایسه آنری سزه تبلیغ
 ایچون محل اقامتکزک بیلنمسی لازمدر .

بر مملکته وصول کز زماننده ایلک هوتله نزول کز
 دخی هپ شو وصول بابنه عائد مسأله دندر .
 واقعا هوتله اقامت ایچون آشاغیده بر باب
 مستقل کشاد ایدلمکده ایسه ده حین وصوله
 متفرع مواد آندن بشقه در .

کرک شمند و فرک و کرک واپورک بر مملکته
 حین وصولنده عرب به لرله، صندالارله بر چوق هوتل
 قلاغوزلری یولجیلری استقباله کیدرلر . درلو
 کلمات تشویقیه ایله کندی منسوب اولدقلری
 هوتله یولجیلری دعوت ایدرلر . کباردن
 ده اطوغریسی ارباب ملاحظه دن بولن ان

یو جیلر واردقلری یرده اینه جکلری هوتلی دها
یوله چیقمقسزین قرارلشدیررلریا ! بونک ایچون
سیاحت لیلی کتابلره مراجعت اولنه بیله جکی
کبی دها مبدأ حرکت اولان شهرلرده بیله بیوک
هوتلرده او کیدیه حک یرک بیوک هوتلارینک
اعلان یافته لری معلق بولندیغندن انلره مراجعتله
ایشه قرار ویریه بیلور. بناء علیه واردیغکز یرده
قلاغوزلرک اعلان ایلدکلری هوتلار ایچنده سزجه
منتخب ومقرر اولانی وار ایسه او قلاغوزه
مراجعت ایده بیلورسککز. سزجه بو قرار یوق
ایسه هر ایشدیککز شمشعلی اسملره قاپلمیوب
هوتلک حال وشانی و او طه لرینک ویمکلرینک
فیئاتی حقنده دها قلاغوزدن معلومات ایستمکه
باشلایه جغکز کبی آنک دلالیله هوتله واردیغکز
زمان هر شیئی کوزلجه تحقیق ایتمکسزین قبول
ودخول ایتمزسکز. زیرا انسان بعضاً پک فنا

الداتیلور . مارسلیادہ « اوتل دونو آی » نام
 مسافر خانہ دہ نصل آلدانمش اولدیغمزی « اوروپادہ
 برجولان » نام سیاحتنامہ مزیدہ تفصیل ایلمشزدر .
 اشبو قلاغوزلر ایله هوتله کیتک اچون یوک
 بیلترینی اکا تسلیم ایتکیز کافیدر . بو آدملرک
 باشلرنده منسوب اولدقلری هوتلک اسمی یازیلی
 برز شاپقه بولندیغی کبی شخصلری دخی استاسیون
 و واپور آجنته خانہ سی و کمرک مامورلرنجه معلوم
 و حسن حالاری مضبوط اولدیغندن کندیلرینه هر
 حالده امنیت جائزدر . آنک واسطه سیله اشیا کزی
 قورتاردقن صکره اکر هوتلک عربہ سی اوراده
 بکله مکده ایسه اکاو مخصوص عربہ یوق ایسه برکرا
 عربہ سنه بینر هوتله کیدرسکیز . ویانه کبی بعض یرلرده
 هوتلجیلر پساپورط صورارلر . ولوکه صور مسونلر .
 سز پساپورط کزی بالابرازو پساپورط یوق ایسه
 ویزیتہ کاغد کزی بالارائه نصل آدم اولدیغکزی

خبر ویرر ایسه کز هوتل خاکی ایچون حسن
 معاملہ بی تزییدہ کرکی کبی مداری اولور. آندن
 صکرہ سزہ ویریلہ جک اوطہ بی کوروب کراسنی
 قرارلشدیرر سکز. واقعا معین تعرفه لروار ایسه ده
 آنلر اکثریا بر ایکی کون قالہ حق مسافر لر
 ایچوندر. اوزون مدت قله جق مسافر لر ایچون
 کرک اوطہ کراسنجہ وکرک طعام اجر تلرنجہ
 خیلی اسقونطو اجرا اولنور. صکرہ غوغا ایتماک
 ایچون بوایشلرہ اولدن قرار ویردرک اوطہ کزہ
 مالک اولورر سکز. حتی هوتلہ وصولی متعاقب
 اوطہ خدمتجیسی اولان قادین ایلہ ارککہ
 بر بخشش ویرر و آندن صکرہ کی بخشش لری دخی
 بوصورتلہ امید ایتدیرر ایسه کز شبہہ یوق کہ
 خدمتکزدہ دها زیادہ شوق ایلہ غیرت ایدر لر .

احوال عمومیہ دن بر نبذہ

ایشہ شمندوفر ویاخود واپور ایله اوروپادن
 آرزو ایلدیکمز مملکتہ کلڈک . اورادہ ولوکہ
 مقدمہٴ وموقتاً اولسون اقامت ایدہ جکمز هوتله
 دخی ایندک . بو هوتلدن بدآ ایله اصول معاشرته
 دائر سویلیه جکمز سوزلری ایرادہ باشلامق
 لازم کلور ایسه ده اول بول اوروپا احوال
 عمومیہ سنہ دائر قارئلرمزه بر قاج سوز سویلیه رک
 کندیلرنده بر فکر اجمالی پیدا ایدہ جک اولور
 ایسه ک وصایای آتیہ مزی حسن تاقی ایتملرینه
 پک بیوک یاردیمی اوله جغنی امید ایلرز.

بز « اوروپا » دیدیکمز زمان بوتلمه ی عمومیت
 اوزره سویلر ایسه کده اوراسی عظیم بر قطعه در .
 اوزرنده بر چوق ملتیر متعیشدر . بونلرک
 لسانلری مختلف اولدینی کی اصول حکومتلری ،
 صورت معیشتلری دخی مختلفدر . مثلاً شمال

ووسط طرفلرنده قادینلر ایچون توتون ایچمک
خیال و تصوریه بیله صیغمیوب ارککلرک
قادینلر نزدنده سیغاره ایچملری دخی الک بیوک معیاندن
وقادینلر حقنده تجویزی غیر قابل تحقیر اتدن
عد اولندیغی حالده جنوب جهتلرنده بومعیویت
اودرجه لرده شدید اولق شویله طورسون حتی
قادینلردن بیله سیغاره ایچنلر نوادردن دکلدر .
کذلاک ویانه ده نصف الیلدن ایکی و حتی ایکی
یچق اوچ ساعت اول تیاترویه کیدیلهرک نصف الیلده
ویا خود بر از صکره جه تیاترودن چیقلدیغی حالده
پارسده شیق طاقی نصف الیلدن اول تیاترویه
کیتمیوب تیاترولر اویونلرینی نصف الیلدن بر
ساعت ودها بیله زیاده صکره اتمام ایدرلر .
ایشته بویله اوروپانک بر طرفنده معیوب صاییلان
شی دیگر طرفنده مباح وبر طرفنده مستعجل
اولان شی دیگر طرفنده مستأجل اولق کی

بيك درلو اختلافات ايجنده اوروپا نك عموميتنه
 دائر سوز سويله مك عادتاً هيچ قابل اوله مز
 ايسه ده فرانسه يي حال وسطيده عن ايدوبده
 اورانك دخي نه افراطه نه تفريطه قابلميان
 حسن تربيه اصحابي مودل اتخاذا ايدو جك اولور
 ايسه ك او صورتله سويلنه جك شيلرك هر طرفه
 آز چوق تطيقي ممكن حكمن آلور،

ايمدي بزم بورالرده افكار عتيقه و افكار
 جديده اربابي ديه خاق اساساً ايكي قسمه منقسم اولديغي
 كي بوتقسيم اوروپا جه دخي موجوددر . همده
 ايكي قسم خلقك يكد يكرندن فرقي بزم بوراده كي
 فرقه دخي قياس اولنه مز . بزجه افكار عتيقه
 اربابي بر چوق نقطه لرده افكار جديده ايله
 مشترك و افكار جديده اربابي دخي بر چوق
 نقطه لرده افكار عتيقه يه منمكدر . اوروپاده
 ايسه بو ايكي صنف خلق چوقدن بري يكد يكرندن

تباعد ایلمکده بولندقلری جهتله آرہلری پک
زیاده آچلمشدر.

افکار عتیقه اربابنه Conservateur فونسرو اتور
دینیلور که اصل معناسی « محافظہ کار » دیمکدر .
الده موجود اولا شیئی دکشدر میوب علی حاله
محافظہ ده ثابتقدم اولانلر دیمک اولور . اما
محافظہ کاراق دخی بر قاج صنفه آیریلور . سیاسیاتده
محافظہ کار اولانلر اصول وقوانین حاضرہ
وموجودہ نک اصلا تبدیل اولمقسنزین محافظہ سی
غیرتندہ بولنورلر . دینیاتده دخی محافظہ کارلر
واردر که دینلرینه اعتقادلری اولمسه بیله مجرد
محافظہ کار صنفندہ بولندقلری ایچون غیرت
دینیہی کندیلرینه زینت اتخاذا ایتشلردر .
اما بولر میانندہ معتقدلر دخی پک چوقدر .
احوال مدنیہیہ عائد شیلردہ دخی محافظہ کارلق
حکم ورر . اوروپادہ بعض اختیارلر واردر که

حالا شمند و فرلره ینمک ایسته میوب کیده -
 جکلری یرلره پوسته عربه لریله کیدرلر . هله
 هر موسمه دکیشمکه اولان مودلره اتباع
 ایتیه رک کندی اسکی مودد سنی محافظه ایلین
 قونسر و اتورلر اسکی کبارلق عالمنده پک چوقدره .
 بوصف محافظه کارلر میاننده اوروپا پک اخلاق
 سلیمه قدیمه سی دخی عادتا تمامی تمامنه محافظه
 ایدلمکده در . اوت ! او اخلاق قدیمه نی « سلیمه »
 دیه توصیفه بالوجوه شایسته بولمق ضرور یاتنددر .
 زیرا فاملیاجه کوچکلرک بیوکلره حرمت
 و تعظیمی و بیوکلرک کوچکلره مرحمت و محبتی
 و زوج و زوجه یکدیگرینه رعایتی کبی عن اصل
 بزم شرق طرفلرینه مخصوص اولان آداب
 معیشت بونلرده تمامیله موجوددر . او یله قدیم
 خاندانلر واردرکه انلرک خدمتکارلرنده دخی
 افدیلر حقنده کی عبودیت قدیم اولوب الحاله

هذه مثلا پیه رویا خود پول فلابجه قونت حضر -
 تدرینه خدمت ایدیور ایسه بیوک پدری
 آفونسک دخی قونتک بیوک پدرینه خدمت
 ایتش بولمنسیله مفتخردر . بونلر اخلاق
 و آداب لرینی کینوب قوشانمق موده لرینی
 هر عقل لرینه اسدکجه تبدیل ایتدکری کی قادین
 ارکک خدمتکار لرینی دخی تبدیل ایتزلر . کنج
 ایکن یانلرینه الدقلری قزلرک اوغلانلرک تأهل
 زمانلرینه کلدکده اولندیریلوب بارقلندیرلمسی
 قاعده لری بیله بزم احوال شرقیه یه موافقدرلر .
 بونلرک قادینلری ایشته اوروپانک اکبار قسمی
 تشکیل ایلدکری حالده « اوقادینی » تعیرینه
 سزا قادینلر دخی اصل بونلر میاننده بولنور .
 یدیکی طعامک فصل یاپلدیغنی بیلمامک واقعا
 کبارلق عد اولنور اما اصل کبار عالنده دکل !
 بویله اولان کبارلر یکی یتشمه کورمش اوزنمش

طاقتندن عد اولنورلر . اصل کبار اولان
 قالمیلرده قز ارکک کوچک چوجققلری بیله
 والدیلرینه پدرلرینه اوفاجق تفهجک خدمتئر
 ایله آشدیره رق اوپله بر حاله کتوررلرکه
 قالمیلادن بریسی خسته اولسه آنک بتون خد-
 متلرینی طوغریدن طوغرییه کنسینه تعاقی
 اولان اولاد و عیال واقرباسی کوررلر . هر برینک
 متعدد خدمتکارلری اولدینی حالده خسته یه علا-
 جفی ویرن ال یا زوج و زوجیه یا انابابا یا خود
 برادر و همشیره الی اولور . حالبوکه یکی کبار
 عائده خسته یه بر « غارد مالاد » یعنی خسته
 محافظی تعیین اولنورکه یا « شفقت همشیردلری »
 دینیان راهبیلردن و یا خود عادتا خسته خانه لر
 منسوبین و منسوبانندن اولوب اوتیه طرفده خانه
 خاقی ینه ذوق وصفالرندن کیرو قالمزلر .
 اوروپا احوالی حقنده ذهنمزی استیلا ایلمش

ظنونه قارشو شمدی شوسوزلر خیالانه حمل
اولمق ایستیلور ایسهده خیال دکل حقیقتدره.
آداب معاشرت کتابلرنده بوقسم محافظه کارلرک
اصول و آداب معیشتلرینه وحتی بر فاملیا خلقنک
یکدیگرینه قارشو مجبور اولدقلری تشریفاته
دائر اوزون اوزادییه معلومات ویریلور.
مادام او یزدائق بوبابده برده فقره لطیفه ایراد
ایلیورکد اولانی نقل ایدلم و اوفقره اوزرینه
سرد ایلدیکی مطالعه بی ده اندن صکره کوردلم.
فقره شودر :

شانی شرفلی بر پر نسسک دست ازدواجنی
متبوع مفیخمی اولان قرال نامه بالوکاله طلب
ایتمک ایچون فرانسه دن عزیمت ایدن ایلیچینک
فقره سی هیچ کیمسه یه مجهول اولماق درجه -
سندده مشهوردر . بویلیچی آلاس ولایتندن
کچرایکن وینسبورغ شهرنده توقف ایلدی .

اورادہ بر محترم ذات گوشہ کیرانزوا ایدی کہ
عن اصل پک بیوک بر آدم اولدینی حالہ
اوراجغہ چکلمش و همان فقیر لکہ قریب
بر حالہ یاشامقدہ بولنش ایدی .

سفیر او ذاتی زیارتہ کیتدی . بیچارہ اختیار
نقریسدن خستہ اولمغله یانندہ غایت کوزل
کنج برقز بولنہرق خدمتی ایفا ایلوردی .
بوقزک کبار زادہ اولدینی سفیرا کلادی . حق
متعدد خدمتکارلر موجود ایکن باباسنک توز-
لقلرینی باغلامق درجہ سندنہ کی خدماتی دخی
برنسک ایفا ایتکده بولنسنہ شاشدی .
برنس بونی کوروب اکلا یہرق نہ « سفیر
افدی حضر تلی ! سنک دخی بر پدر یکنز
وارمیدر ؟ » سؤالی بالایراد آلدینی جواب
تصدیق اوزرینہ : « اولہ ایسہ بابامک

توزلقلرينك صوك قوپچەسنە قدر ايلكلنمسنە
مساعده بيورر سگىز » ديدى . سفير
اورادن كىدەجكى يره كيدوب قزىنى طلبە
مأمور اولدينى قرالك سراينە واردى . اورادە
دخى پرنسسى ككاليە غضب حالندە واوزون
قويروقلى فستانى لايقيەلە قالديرميان سراى
سنيورى علميندە والدهسنە بيان شكايەت حالندە
بولدى . قرال محاربات مديدە ومغلقة نتيجهسندە
اقبال حكمرانى يە يكي يول بولمىس اولانلردن
ايدى . بونك اوزرينە سفير كندى قرالنه
بازديغى عريضهده : « بر برينه بكنزدمز ايكي
پرنسس كوردم . بريسك لطافت شخصيه
وملاحت نسوانيه سيلاه برابر پدريتك توزلقلرينى
ايلكلەكەك درجهسندە برده فضيلتدن بشقه
جهازى يوق . ديكرى دخى بلەكە آندن كوزل
و پدري شان وشرف وقوت و عظمت صاحى

اولوب فقط خدمتده ادنا قصوری اولان
برسنیوری والدہسی نزدندہ شدید برلسان
شکایتلہ مؤاخذہ ایلور ایدی . ذات حشمت
سمات حکمرانیکزہ بوایکی پرنسیدن ہانکیسنی
طلب ایدہیم ؟ « دیہ استیدان ایدوبدہ قرالدن
» برنجیسنی « امر جواہیسنی آنجہ موجبنجہ
حرکت ایلدی . ایشته ماری لہزنسقاٹک اون
بشنجی اوئیہ زوجہ اولہرق فرانسه صندالیء
قرالیدی اوستنہ قعودی بو وجہلہ وقوعہ
کشدہ .

مادام لویزدالق اوروپانک سائر طرفلرندہ
دکل حتی فرانسدہ وفرانسنک پارس شہرندہ
بیلہ بواخلاق سلیمہ قدیمہی محافظہ ایدن
فاملیارک پک چوق اولدیغنی اخبار ایدیور .
بروجہ آتی برفقرہیہی دہ کندی مشاہدات ذاتیہ
سندن اولق اوزرہ خبر ویریور :

» محافظه کاران کباردن بر مادامک بر پیانو
 معلمه سی وار ایدی . فقرادن فقط حسن حال
 اربابندن بر قز جغز اولدیغندن مادام کندیسنی
 پک سور واستحقاقندن فضله عطیه لرایله کوکلنی
 خوش ایلر ایدی . بو قزک برده اختیار باباسی
 اولوب بر کون باباسنی ده کتیر میسی مادام
 طرفندن امر اولمغله اختیار جق کلش وصالونده
 کندینه مناسب بر محله او طور مش ایدی .
 صالونده موسیقه چالوب صحبتلر ایدلدیکی صروده
 زواللی اختیار دیکلهیه دیکلهیه اویویه قامش .
 حتی کورلتیلیجه بر صورتده خورلامغه دخی
 باشلامش . قز بونی کورنجه کویا پدری غیر قابل عفو
 برقباحتده بولمش کبی یرندن فر لایوب باباسنی
 عنفله اویاندیرنجه آد مجکیز قورقمش وقز پدرینی
 اوراده بر اقیوب همان خانه سنه کوتور مش ایدی .
 بو حرکتی کویا مادامه حرمت ورعایت فوق العا -

ده سندن طولایی تجویز واجرا ایلمش ایسه ده
هم اختیار هم پدر اولان برذاته شو معامله یی روا
کورمسی معلمه نك مادام نزدنده کی مقبولیتنی
اخلال ایلیه رك عزله قدر سبب اولمشدر «
ایشته آوروپاده فقر حالیه برابر بر اختیارك
حرمتمده بودرجه لره وارن محافظه کار فامیلار
نوادردن دكلدر . بونلرك خصوصات سائر
معیشتری دخی بویه در . فقط اوروپایی یالکیز
هوتلرده، بولوارلرده، عمومی طاوشان بالورلرده،
اولور اولماز تیاترولرده کورنلر بو حسن حال
اربابندن اولان طاقنی کوره مزلر . بونلر اورالرده
کورلزلرکه کوره بیلسونلر .

اشبو قونسرو اتورلره مقابل اولانلره Radical
(رادیکال) دیرلر . رادیکال قسمی قونسرو انور-
لرک تمامیه ضدیدر . آنلر دینیاتدن، سیاسیاتدن،
اخلاقیاتدن وسائردهن هیچ بر شیئت صورت

عتیقه سنده قالمسنى ایستمیوب هرشیئک تبدلانی
ایسترلر . بونلر ایچون برشیئک فنا اولمسی خصوص-
صنده یالکراسکی اولمسی برهان کافیدر . بین البشر
الطبیعی مناسبت اولان روابط صهریه بی بیله
بکنمزلر . غلاتندن اولانلری انسانلرک عاداتا
بهائم سائره کبی چفتلشوب یاورولرینه هیچ بر
رابطه ایله مربوط قالماسی لزومی ادعایه قدر واررلر .
بونلرک احوالی « اوروپاده بر جولان » نام سیاحت
نامه مزده بروجه مطلوب تصویر ایدلمش اولدیغندن
بوراده تکرار تفصیله احتیاج یوقدر .

قونسروانورلر ایله رادیقاللر آره سنده وسطی
خلق اوله رق بریوک قسم دهها واردرکه آنلره
(Libéral) لیبه رال تعبیر اولنور . « سربتی
طرفداری » دیمک ایسه ده بولمظک ترکجه سندن
اکلاشیلان معنی کافی دکدر . زیرا بو کله دن
ترکجه اکلاشیلان معنی سر باز لغه قریب

برشی کوریلور . لیبه رال قسمی قونسرو اتورلر
 کبی هرشیی علی حاله محافظه غیرتنده بولمز .
 فقط رادیقالر کبی موجود اولان هرشیی مطلقاً
 دکشدیر مکده قالدشمز . هرکونکی کشفیات
 واختراعات وسائر بدایع مدنیهدن نافع اولانلرینی
 اسکیلرک منفعته بولردن ناقص اولانلرینه
 ترجیحاً قبول ایدر . اما قونسرو اتورلرک
 ورادیقالرک درجائی اولدینی کبی لیبه رالرک دخی
 درجائی واردر . لیبه رال واردرکه قونسرو اتوره
 پک قریبدر . كذلك لیبه رال واردرکه رادیقاله
 پک یقیندر . بناءً علیه شو صنف ثلثه
 اشخاصیه کندی منقسم اولدقلری درجاته
 کوره اوروپا خلقی برچوق صنف و اقسامه
 تقسیم ایلمشلردر . بزم بورالرده کوردیکمز
 صنفلر میاننده اوروپا اخلاق حسنه سینه بحق
 مالک آدملر پک آز اولدقلری کبی اوروپا

مملکتلرینه کیتدیکمز زمان ایچنه کیردیکمز عالم
معیشت اهاالیسنک اغلی دخی اخلاق عالیه
وحسنه چندان مشترک اولمقلری ایچون
اوروپا اخلاق عمومیه سی حقننده بالطبع بزده
حسن نظر و حسن ظن حاصل اولمامشدر .

بکینیه جک اوروپا لیلردن بریسی بز سکز اون
سنه مقدم استانبولده بالذات کوردک . حسب اللزوم
بک اوغلنده بر خانه استیجار ایلمش ایدک . بو خانه
فرانسولی بر قادینسک خانه سی اولوب کندیس
بوراده بولمندیغی ایچون خانه یی غلطه ده صوبا، کونک،
کوپ و سائره تجارتیه مشغول بر فرانسزه حواله
ایلمش ایدی . ایجار ی الی آیدن آتی آیه
بیشین اوله رق ویرمک مشروط ایدی .
حسب الاقتضا تقسیطدن بر قاج هفته صکره
خانه یی ترک ایتک لازم کلوب بو حالده ویردیکمز
قرق ایرا قدر تقسیطی استردادده حقمزده

قائم شدیدی . ارہدن بر قاج ہفتہ دہا زمان
 مرورندن صکرہ خانہ صاحبہ سنک وکیلی اولان
 صوباجی فرانسز قرانتہ ادارہ سندنہ کی محل
 اقامت مزہ کلہ رک بزہ اوتوز قدر التون کتوردی
 و خانہ بی دہا زیادہ بدل ایلہ دیگر بر مستاجرہ
 ایجار ایدرک بوپاردنک دخی هنوز عہدہ مزدہ
 دیمک اولان زمانک حصہ ایجاری اولدیغنی
 سویلیدی . نصل؟ وجودی ہر کس ایچون تمنی
 اولنہ جق خصائل حسنہ دن دگی ؟

ایشتہ اوروپا لیلر میانندہ بویہ لرینی دخی
 رای العین کور مشزدر . اما بزم ملاقی اولدیغمز
 اغلیت بوصفہ مخالف اولدیغدن اوروپا لیلر
 حقندہ کی نظریاتمز دخی بالضرورہ بشقہ لاشمشدر .
 اوروپادہ صنوف خالق . بو قدر منقسم و مختلف
 اولمقلہ برابر جملہ سنک آداب معیشت و معاشرتنده
 غریب و عجیب بر اتحاد واردر . مثلاً قوشاق

واقشاملق طعاملری ایچون وقت وساعت معین اولوب اوساعتده برشهر خالق تمامیه سفرده بولنور . بزجه بوکا مثال ارانور ایسه رمضان حالی کوستریلور که افطار وحقی سحرریمکارینک بیله زمانی معین اولوب اوزمانلرده هرکس سفرده بولنور . کذلک این کوتو زنکین زکورت هرکس حقنده ایدیه جک معامله برقاعده تعظیم و تکریمه تابع طوتیلور .

ذاتاً بیوکک کوچکک معیشت ظاهره و عمومیه ایچنده پک ده تفریق اولانه مزیا . بیوککک بیوکککی آنلرک معیتنده و یا خود مناسبت قریبه سنده بولنوب شیخصلرینی طانیان کوچککک نزدنده معلومدر .

بویله بیوککککری معلوم اولانلره قارشى کوچکککک معامله تعظیمیه سی حقیقه عقللره حیرت ویره جک درجه ده در . رادیق اللاردن

وسائر فرقہ لردن اولانلر بیلہ کنندیلرندن بیوک
 طانیدقلری آدملره او قدر حرمت ایدولرکه حرمتک
 اودرجه سی او آدملردن مأمول دخی ایدیلہ مز.
 مع هذا اقران اقرانه ده معامله لر غایت نازکانه
 وتعظیم کارانه در. مثلاً بر هوتلده ویالوقانطه ده
 اوشاقلق ایدنلرہ متکبرانه، محقرانه معامله قطعاً
 ممکن اولہ مز. تواضعه دخی لزوم اولیوب فقط
 افندیدن اغادن بر آدہ معامله اولنورجه سہنہ
 معامله ایدیلور. آداب عمومیه دن اولمق اوزره
 بونلرک حقلی اولدقلری مراسمدہ قصور ایدیلہ مز.
 مثلاً اوشاق یمک ویرسہ آلدقن صوکرہ بالمقابله
 «مرسی» دیمک عادتاً حسن تربیہ متمماتندندر.
 تقدیم ایتدیکی طعامه رغبت ایدلیہ جک بیلہ اولسہ
 رددن اول ینہ برمرسی دیمک بورجدر. ایشتہ
 بویله بیوکلر کوچکلر میانده اصول معیشت
 و آداب معاشرت مرعی اولدیغی ایچون اوروپاده

« آداب عمومیه » ذیلن شی عادتاً بر قانون قطعی حکمنده در. آداب عمومیه مغایرتده بولنانلری خلق بیلله اصلاحه قالدیشور . هانیا بزده بعضاً عمومی مسیره لرده فلانلرده بعض قادینلره طاشقنقلرده بولنانلر یوقی؟ بویله حاللار اوروپاده . ده اوله مزلر . متجاسرلری پولیسدن اول خلقك خشمنه اوغرارلر . اك باشی آچیق قاریلرده بیلله قادینلق آداب عمومیه سنه مخالف احوال و حرکات کوریله مز . همان توقیفه قدر پولیسك حق و اردر . برقاج دفعه غزته لره سرمایه بحث و مقال اولمش بولندیغی وجهله ارباب عفتدن بر قادین حال عفته مغایر وضع و حرکته بولنورده پولیس آنی توقیف ایدرک بالآخره عفتدن طولای پولیس علیهنده اقامه شکایت ایدیلور اما نتیجه ده ینه پولیسك کندی وظیفه سنی حسن ایفایتمش اولسنه قرار ویریلور .

انظار عمومیہ ذہن زو کورت یاراما ز اوصلی
 هر کسک آداب عمومیہ رعایتی احکام قانونیہ دن
 اولوب متجاسر لری حقنہ نقدی و جسمانی
 جزالر معیندر .

معیشت و معاشرت عمومیہ ایچون احوال
 و آدابک عاداتا قانون قوتنی حائر اولسی کی مخاطبات
 عمومیہ حقنہ دخی اصول و آداب واردر که
 بر قانون کی مرعی الاجرا در . بیوکلره مثلاً
 « اقسه لانس » عنوانی حائر اولانلر صیغه مخاطبه
 ایله خطاب ایذیلر مز . « مز » دیه جمع مخاطب
 ایله ده خطاب ایذیلر مز . هپ غائب صیغه سبیلر
 خطاب ایذیلور . « ذات عالی لری نه امر ایدر لری ؟ »
 ذیلور . بر صفت رسمیہ بی و « اقسه لانس »
 و « آلهس » کی بر عنوان رسمی بی حائر اولمان
 و فقط کبار دن بولنان آدم لرایله ده مخاطبه اولیلر در .
 « موسیونه ارزو ایدر ؟ » و « بویکی شیدن مادام

هانکیسنی ترجیح ایلر؟ «دنیلور . سنزلی بزی
 مخاطبه بوصف کباردن ماعدا عموم خلقت
 رعایته مجبور اولدیغی صورت مکالمه در . هر کس
 بری برینه «نصلسکز؟ نه دیرسکز؟ سنز میسکز؟» یوللی
 سوز سویلیوب «نصلسک؟ نه دیرسک؟ سنمیسک؟»
 یوللی مخاطبه طوغریدن طوغری به تربیه سنزک
 وحقی ادبسنزک عد اولنور . برلوقانطه اوشاغنه
 بر آراهی به بیله بویولده سوز سویلنمز . حتی
 اوشاقلره وارنجه به قدر امر صورتنده سویلنیه جک
 سوزلره برده *s'il vous plait* علاوه سی لازم
 کلیرکه «اگر سنزه خوش کلیرسه» دیمکدر .
 اوشاق مرتبه سندن بر آزدها یوکسک اولانلره
avez la bonté علاوه سیله تبلیغ آرزوایدملک لازم
 کلورکه «لطفاً» و «احسان ایدیکز» دیمکدر . مثلاً بر
 مغازه ده باقدیفکز برقاشی بکنمیوبده بشقه سنی
 کورمک ایسترسه کز «لطفاً بر بشقه سنی ارئه

ایدرمیسکنز؟ دینلورکه بزم بورالرده دخی
کندینی بیلن صایغیلی تربیه لی آدم لر « زحمت
اولمازسه شونک برده بشقه درلوسنی کورده لم
طرزنده سوز سویلر لر . اما بویله نازکانه
مخاطبه لرده زیانلیمی چیقار لر؟ بالعکس! مخاطبدن
دخی او یولده معامله کورر لر.

اوروپاده سنلی بنلی مخاطبه دخی وارد ر.
فقط بویولده کی مخاطبه اولا زوج وزوجه
وتانیا امان ایله متره سی یعنی مستفر شه ایله صاحبی
اره نده آجاری اولوب ثانیا ایکی قرداش یکدیگریله
ورابعا باباسی اوغلی ایله سنلی بنلی
مخاطبه ایدر. بونلر اره سننده سنلی بزی مخاطبه
معیوبدر. خامسا اره لرنده کی مناسبت ارتق
اخوت درجه سننده قوتلنمش اولان ایکی ارقداش
وسادسا اسکی امکدار اوشاغه کندی افندیسی
سنلی بنلی خطاب ایدوب بوندن ماعدا عاداتا

هیچ بر یرده مفرد مخاطب صیغه سیله سوز
 سویلنمز . مکرکه خلقتک اک عادی ، اک بیانی
 قسمی اره سنده اوله . شم دیلرده کویلیلر بیله
 جمع مخاطب صیغه سیله سوز سویلمکه باشلامشاردرد .
 اوروپا احوال عمومیه سنه دائرینه عمومیت صورتنده
 سویلنیله جک دهاپک شبلر واریسه ده آنلرک
 اکثریسی مباحث آتیه ده یرلری صره لری
 کلدجه سویلنه جکندن احوال عمومیه بومبجده
 عطف ایلدیکمز نظراجمالی کافی کوریلورد .

هوتلده اقامت

اوروپاده اجنبیلرک و باخصوص برقاچ ماهدن
 عبارت اولان اقامت ایچون کیتمش بوانا آنلرک
 اقامتگاهلری بالطبع هوتلردرد . یرلیردن دخی
 هوتلرده ساکن اولانلر نوادر دن دکلدولر .
 الیوم « هوتل » افظندن یکی معنا مقصوددورکه

ایکسی دخی « قوناق » دیمک اولدینی حالده
ایمک معنایه کوره کبارک اقامتگاه خصوصیلری
وایکنجی معنایه کوره دخی اجانب ایله صغارک اقامتگاه
عمومیلری دیمکدر . اوروپا ممالکینده هوتلله
و هوتلجیلکه نه قدر اهمیت ویرلیدی و بنه
علیه بونلرک نه درجه لرده ترقی ایلدی حقیقده
بر فکر اجمالی حاصل ایتمک ایچون واپورلر
وشمندوفرلر مراسلاتنک پیدا ایلمش اولدینی
ترقیاتی دوشنملیدر . برآ و بحرأ بونلرک فوج
فوج طاشیدقلری خلق هپ هوتلله ساکن
اوله جقلرندن هوتلارک ترقیسی دخی کندی
کندیسنه تظاهر ایدر .

هوتلارک عددی پک چوق اولدینی کی انواعی
دخی پک چوقدر . اک اوجوز یشامغه مجبور
اولانلر ایچون هوتلار بولندینی کی اک بهالی
یشامغه مراقلی اولانلر ایچون دخی هوتلار واردر .

مثلاً اونز یکر میشر پاره مقابلنده ینه اومقدار
کشی یی براوطه یه طیقوب بارندیران هوتلار بولندیغی
کبی پرنس لره لایق اوله جق ترتیب واحتشامی
حائز هوتلار دخی وارددر . شو درجاته کوره
بونلرده اصول معیشت و آداب معاشرتک دخی
صورت ودرجاتی مختلف اولوب بعض کبار
هوتلار عادتاً بر بارونک برقونتك بر پرنسک قوناغی
درجه سنده کلفتله اصول و آداب تابع ایسه لرده
بز او یله بر صورت متوسطه تعریف وایضاحه
کیریشه جکزکه بونلرک اک چوغنه بردن تطبیقی
ممکن اوله جقدر .

هوتلده کی صورت معیشت واپورلرده کی صورت
معیشته پک بکزر ایسه ده بدیهیدرکه آندن دها
پک چوق واسعدر . عادتاً بر محله ده وفامایالر
ایچنده مجتمعا یا شامق درجه سنه دخی پک قریبدر .
اودرجات واسعه یه بالتدریج وارمق ایچون شهرلرده

اقامت و تعیش مسئلہ سنہ مبدأ اتخاذینہ دخی اشبو
 هوتلارده اقامت مسئلہ سی پک صالح اولور .
 هوتلارده اورتہ حاللی بر آذم یالکز بر او طہ
 استیجاریلہ اکتفا ایلہ بیلور کہ اورادہ یتاق یوز
 طاقی چاشور طولابی یازی ماصہ سی بر ایکی
 صندالیہ و کیجہ لک طاقی فلان بولنہ جفندن بر بکار
 آدم ایچون مکمل بر یتاق او طہ سی اولہ بیلہ جکی
 کبی حتی بر قاری قوجہ ایچون دخی بو خدمتی
 کورہ بیلور . چونکہ اورایہ چفت یتاق دخی
 قونور . بو آدمک صالونلق خدمتی کورمک ایچون
 هوتلک عمومی صالونلری آچقدرد . حال ووقتی
 دہا یواندہ اولانلر هوتلارده متعدد او طہ وصالو -
 نلردن متشکل دائرہ لر دخی استیجاریلہ بیلور لر کہ
 او حالده آرزو ایدر لر ایسہ سفرہ لرینی دہ کندی
 دائرہ لری ایچنہ قور دیرہ رق اوراسی بالکلہ
 خصوصی برخانہ حکمنہ کیرر . اما بز بویہ

خصوصی خانہ ایچندہ کی صورت معیشتی بشقہ جہ
بربابده یازہ جنمزدن بورادہ صافی ہوتل عالمی
واکا مخصوص اولان آداب واصولی تصویر
وتحریر ایلیہ جکز .

یولجی ہوتلده اوزون اوزادی یہ اقامت ایدہ جک
اولور ایسہ کرک اوطہ کراسندن وکرک قوشلق
واقشاملق طعام اجرتندن تعرفہ جہ برتنزیل اجرا
ایتدیرہ بیلہ جکفی بوندن اولدخی سویلمش ایدک .
استیجار ایدہ جکی اوطہ مستقلاً کندی خانہ سی
عد اولنوب کیف مایشاء تصرف ایلہ کیرر چیقار .
صالون وکتبخانہ وموزیقہ سالونی ایلہ یمکخانہ دن
استفادہ سی ایسہ سائر مسافر لر ایلہ مشترک
اولہ جغندن اورالردن استفادہ حقندہ کی قاعدہ
عمومیہ یہ رعایت مجبوریتندہ بولنور .

آدابدن دکل ایسہ دہ جملہ حوایجدن اولمق
اوزرہ اخطار ایدہ لمکہ دقیق وبصیر اولان مسافر

کندی اوطه سی ایچنده بشقه اوطه لره آچیلور
 قبولر وار ایسه آنلرک کندی اوطه سی طرفندن
 محکم قبالی اولوب اولمدیغنه دقت ایدر . زیرا
 اوتہ طرفده اوروپانک او مهارتلی خرسزلرندن
 بریسی مستاجر ایسه حریف مذکور قبولر
 پک کوزل استفاده ایدہ بیلور . حتی برچوق
 هوتلارده «خرسزلره قارشو متبصر اولکز»
 مائنده عبارہ یازیلی لوحہ لر دخی قوریدورلره
 اصلمشدر . هوتلجی کندی اوشاقلرندن امین
 اولہ بیلور ایسه ده مسافر لر میاننده خرسز
 بولمیه جغندن امین اولہ مز . بناءً علیہ آچہ
 والاس واشیای نفیسه دیرکتوره تسلیم اولمق
 دخی جملہ تدابیر احتیاطیه دندر . بومثللو قبولر
 حقندہ الکیوک امنیت آنلری کلیدلہ یه جک اولان
 آناختارک ایچ طرفدن کلید ایچنده براقلمسیدر .
 قیوی کلیدلہ یوبده اناختاردخی ایچنده براقیلور

ایسه خارجدن بشقه آناختار ویاخود میمونجق
 فلان کیره میه جکندن امین اولنه بیلور .
 مسافر لر کندی اوطه لرینک قبولری حقنده ده
 بومعامله یی ایدر لر . آبدستخانه یه فلانه چیقماق
 ایچون مطلقا قبولی خارجدن کلیدایوب
 آناختاری یانه آلمق لازم اولدیغی کی اوطه یه
 عودت ایدنجه آناختاری طیشاریده بر اقامق
 ایچون چیقماق اربوبینه ایچرودن کلیده صومق
 عادتدر . سواقعه چیقماق جنی زمان آناختاری
 قبولجینک یاننده کی لوحیه آصوب بر اقلیدر .
 اوطه نك بر آناختاری دخی خدمتچی قادینده
 بولنه جغندن اوطه یی آچماق لازم کلور ایسه
 آچار لر خدمتلی نی ایفا ایدر لر . بونلر غایت
 امیندر لر . فقط بویله کلیده آناختاره اعتنا
 عادت یالکزهوتلره مخصوص اولوب خصوصی
 خانه لرده وبالخاصه کبار عالم لرنده بویله امنیت سزلیکی

اشراب ایده جک حرکت لرغایت چرکین کورینور.
 کبار عالمزنده کی اوشاقلرک ناموس و امانت لری
 ده از یاده مجرب و مسلم اولوب خدمت لرنده
 بولندقلری ماداملر موسیولر نقود و مجوهرات
 و فیره لریخی دخی بولره امنیت ایلدکلرندن
 اورالره مسافر کیدلیدیکی زمان امنیت سزلک
 اوضاع و اطواری حقیقه عیب صایلمق بجادره.
 تربیه ده یالکز بونقصانک برآدمه بارلاق
 بر ازدواج نعمتی غائب ایتدیرمش بولنمسی
 شایان عبرت بر فقره دره. شو یله که :

« اکثر اوقاتنی مالکانه سنده کی شاتوده کچوره رک
 یالکز قیش موسمنده سنه باشی یورطیلر یله قارنوال
 و پاسقالیایه قدر زمانی مرکز حکومتده کچورمک عادت
 اولان کباردن اغنیادن غایت زنکین بر مادام
 قیش موسمنده کبار عالمده تصادف ایلدیکی
 برزادن خوشالانور. کندیسی طول اولدیغی

کبی بو ذات ده بکار اولدیغندن طرفینک ایکیسی ده
 شو مناسبتک بر ازدواجه قدر وارہ بیلہ جکی
 امیدینہ دوشر لر . بو موسیو اگرچه ثروت
 وسامان صاحبی بر آدم دکل ایسه ده غایت
 یاقیشقلی و پک زیاده تربیہ لی بر آدم اولدیغندن
 او یلہ متمول طول ماداملرک آریوبده بولہ
 میہ جقلری نوادردن اولمسیلہ بالآ خرہ مناسبات
 واقعہ یی برقات دہا ایلرو یہ کوتورمک ایچون
 مادام طرفندن موسم بہارده شاتویہ دخی
 دعوت ایدی لور . ایلرودہ صرہ سی کلدکجہ شاتو
 عالمترینی دخی تعریف و تصویر ایلیمہ جکز .
 ایشته او عالملرک مقتضیات کبارانہ سندن اولمق
 اوزرہ مسافر موسیویہ صورت مخصوصہ ده بر
 آپارتمان تعیین اولنور . آرتق صباح وقوشلق
 و اوکلہ و کیجہ اوقات معینہ سندن ہر وقتہ مخصوص
 قیافتلری لابس اولہ رق مادامہ عرض خلوصہ

بزم تربیہ الی موسیو قصور ایدرمی؟ فصلسہ
 برکون مادامک حضورندہ موسیونک اوستندن یرہ
 بیوجک بر آناختار دوشر . اوزرندہ اینجه جک
 زنجیر ایله مربوط برده صاری یافته و آنک
 اوزرندہ دخی برنومرو وارکہ کندیسنه تعیین
 اولنان اوطه نک نومروسی ! بونی کوردیکی کبی
 « تونس کدیکی » اطلاقنه بحق شایان اولان
 مادام او آندن اعتباراً موسیو حقندہ کی معاملہ بی
 دکشیدیرہ رک کیتدکجه صغوق صورت کوسترمکہ
 باشلادیغندن بیچارہ آدم بر آز وقت صکرہ
 مایوساً شاتودن عودت ایلمر . بوصغوقلغک سببی
 اکلا دیکزیا ؟ حالبوکہ زوالی موسیو بوسہ بی
 اکلا یه مامش ایدی کہ اوطه سنک آناختارینی
 جیندہ طاشیمق معیشت کبارانه جه بر نقصان
 اولوب یالکز هوتل عالمزنده یشامغه الشقلغک
 مقتضیاتنددر . بویله بر آدمک اویله اجله کباردن
 برقادینه قوجه اولمغه لیاقتی یوقدر . »

هوتله قاج مسافر وارايسه عنوانريله برابر
اسملرى برلوحه اوزرنده يازيلي وهوتلك مدخلنه
قريب بريرده آصيلدر . بناء عليه برهوتله مسافر
كلن بر آدم اوراده دها كيملك مسافر بولندقلرىنى
بولوحه يه مراجعتله اكلار . حقى او مملكته
چيقان غزته لك برده هوتلمره عائد قسمى اولوب
هر هوتله معتبران مسافرىندن كيملك نازل
وساكن اولدقلى اسملريله عنوانريله يازييدور .
بونلره مراجعتله برهوتله يالكنز اينمكسزىن بيله
اوراده كيملك ساكن اولدقلى اكلاشيله ميلور
اما يالكنز اسملرى اكلاشيلوب كندىلى بالآخره
طائنه جقدر . بناء عليه ايلك اقشام سالونه
اينجه يكي مسافر ولو كه هنوز هيچ بر كيمسه ني
طائيسون عمومه بردن بريون اكرك سلام
ويرمك حسن تربيه سى مقتضاسنددر . يا او
سالونده ويا خود مخصوص قرائتخانه سالونده

غزته لر و کتابلر موجود اولدیغندن یمک وقتنه
 قدر اولان زمانی بونلره مراجعتله حسن امرار
 ایده بیلور . طریق استفاده واپور سالونلرنده کی
 کتب واوراقدن صورت استفاده نک عینیدر .
 اوراده هنوز هیچ کیمسه یی طانیمدیغندن
 و بشقه لرینک ایتدکلری صحتلره بردنبره اشتراک
 شویله طورسون بو صحتلره کمال اهمیتله قولاق
 ویرمک دخی حسن تربیه یه حمل اولنه مدیغندن
 مطبوعات ایله اشتغال اهنندر . اوت بشقه لرینک
 سوزلرینه قولاق ویرمک تجسس احوال
 مراقنه وهله بشقه لرینک سوزلرنده کولنه جک
 شیلره کولمک وشاشیله جق شیلره شاشمق دخی
 خفت طبعه دالدر .

یکی مسافر اسکیلری هنوز طانیمدیغی حالده
 اسکیلر یکی یی در حال طانورلر . چونکه اسامی
 لوحه سنده یکیدن پیدا اولدیغنی کوروش بولند .

قلمرى اسمك مسماى دىنى ايشته قارشولرندهكى.
 ذاتدر. اكر يكي مسافر آسيا آفريقا آمريكا كې
 اوزاق يرلردن كمش وياخود قلمى ايله ويا صنعت
 نفيسه سىيله وحتى تجارت وصرافلق و ثروت
 جسيمه سىيله آرزوق اشتهار ايتمش ذواندن
 ايسه موجود مسافر لر كندي سىيله معارفه يه
 استعجال ايدر لر. بويلا اولمسه بيله اسكى مسافر لر دن
 بريى و با خصوص (دووايهن) ينى شيخ -
 المسافرين عداولنان انك اسكىسى ياننه كلوب سلام
 ويرهك نره دن كلنديكى نره يه كيدلديكى حقنده
 سوزه باشلانور كه يكي يولچى شوسماحت و مساعدۀ
 نازكانه يى جانه منت عدايلمش كې طور انور، بوكونا
 ظهورات اوزرينه صوغوق طور انمق حسن
 تربيه يه طبان طبانه ضد اولدق دن بشقه مسافرك
 كندى منافع شخصيه سنه ده مغايردر . بو بابده
 انك بيوك منفعتى هوتلده كى مسافر لر ايله همان

او اقشام معارفه پیدا ایدہ بیلمسیدر . زیرا
 اسکی مسافر لردن بریسی ایله مکالمہ باشلامنی
 متعاقب دیگر لری دخی برر ایکشر سلام ویرہرک
 صوقیلورلر . حتی اوفاجقدن بر رسم تقدیم بیله
 اجرا اولنور . لکن بوبله یرلردہ انسانک غایت
 بصیر و دقیق اولسی لازم کلوب شو ایلك مقدمہ
 معارفہ بی آچان ذاتک حسن حالی یولجینک کوزی
 کسدر میور ایسه حسن تلقیدہ دخی پک ایلرویه
 وارما ملیدر . ممکندرکہ بو آدم سائر یولجیلرک
 ہیچده مظهر حرمتی اولیہرق آنرله معارفه
 پیداسی ایچون حسن دلاقی یرینه سوء دلاقی
 کوریلور .

بوبله یرلردہ یکی ملاقاتلر وقوعہ کلہرک ایلك
 معارفہلر پیدا اولدینی صرہده هرکسک مراقی
 سنزک کیم اولدیغکزی ا کلامق ماده سنہ منحصر
 اولور . کیم اولدیغکزی طوس طوغری سویلمکزدہ

بربأس اولمدقن فضله بونك لزومی ده واردر .
 زیرا هویتنی انکار هم عیبر هم ده بعض یرلره
 کوره قانوناً جزاسی بیله واردر . لکن تعریف
 نغسده اصلاً مبالغه به قالدشماملی . ثروت و ساء
 ماندن ورتبه و حیثیت رسمیه دن دم اورماملی .
 فلان یرلی فلان ناملی عسکرلک ویا تجارت
 مسدکنه سالک بولندیغنی سویلمک کفایت ایدر .
 اورویاده واقعا امرشی سرباست و مصرح اولوب
 کیمسه کیمسه نك حظوظاتنه مداخله ایدم مزایسه ده
 ینه انسان هر نروده بولنور ایسه اوراده کی خلق
 انسانك هر حال و حرکتیه دقت ایدر لر .
 مثلاً اورویاده قمار معیادتدن اولیوب بر صنف
 خلقك زینتی بیله عدا اولنورده اولیه ایکن دخی
 بریبانجی مسافرك قمار اوینادیغنه دقت ایدیله رك
 شو حال انك حقیقده بر حسن ظن حاصل ایدم .
 مدكدن بشقه قمار اوینونده بك زیاده مهارت

اربابانِ دینِ ایسہ حیلہ لی قرار باز لردن اولمق کبی بردہ
سوء ظنی در حال استیجاب ایدر.

عشرت وقادین لرلہ معاملہ فلان دخی بویلہ درہ
دوشونم لیدر کہ بویلہ یبانیجی بریردہ انسان یالکز
کندی حیثیت شخصیه سنی محافظہ مجبوریتندہ
بولنمیوب منسوب اولدیفی دولت وملتک دخی
حیثیتی محافظہ مجبوریتندہ درہ بناء علیہ
« ایشتہ بر میر بست یرہ کلدیم . نہ ایستر ایسہم
یایارم » جرأت سر بازانہ سی او محملک خاکی
نزدندہ دخی تحسین اولنہ مز . انلر تربیہ لی آدم لر
اولوبدہ بو بابدہ کی استغرابلرینی میدانہ قویمزلر
ایسہ بیلہ او آدم حقندہ بر حسن فکر حاصل
ایتمزلر و بناء علیہ لزومی حالندہ خدمت و معا
ونتندہ بولنمزلر . ذاتاً اوروپادہ معاشرت نہ اوزاق
شیدر ! هوتلدہ کرک سالوندہ کرک سفرده ایراد
اولنان سؤالرہ احسن وجهلہ جوابلر و یرمک

مقتضای تربیه اولوب برقاج طرفدن بردن سؤال
ایراد ایدیله جک اولور ایسه قادینلره ویریله جک
جوابی ارککلره ویریله جک جوابه تقدیم ایتمک
لازم کلور . ارکک اولسون قادین اولسون
یاشلیلر دخی کنجکلره تقدیم ایتدیریلور . بویرلرده
مسافرلرک کافه سی مساوی اولمقله برابر اوجاق
باشی صوباکناری قنابه و قولتق کبی یرلره شوق
واحتیاج کوسترنلره وبالخاصه بونلردن قادین و مسن
ونامزاج اولانلره او یرلرک ترکی پک بیوک نزاکت
عدا اولنه رق انسانه بیوک بیوک تشکرلر قازانديرر .
برهوتلده مسافرلر ایله معارفه نه قدر تأخر
ایلمسه اوچ کوندن زیاده تأخر ایدمهز . بومدت
ظرفنده مطلقاً جمله مسافرلر ایله معارفه حاصل
اولور . بناء علیه جمله سنک حال و شانلری
کوزلجه تدقیق اولنه رق شاید ایچلرنده احوال
خصوصیه سی بشقه لری طرفدن بکنلمین آدم

وارايسه آنكه صيقي فيقي صحبتدن اجتناب
ايتميدر . تاكه احوال خصوصيه لري ده يولنده
اولان ديكر مسافر لرك قطع مناسبترينه سببيت
كوسترلش اولسون . بويله يرلرده انسانك كندی
شخصی قدر كوروشديكي آدم لرك دخی خصوصياتنه
دقت ايدر لر . انسانك كندی حسن حال
صاحب اولسه بيله كوروشديكي آدم حسن حال
صاحب اولمديني زمان كنديني دخی آنكه هم حال
عدايدر لر .

شمندو فرلرده جدی مصاحبه لره ذاتاً امکان
اولمديني و واپورلرده برازدها توسيع مصاحبه
ايديله بيلديكي حالد هوتلرده مصاحبه لرك ده
زياده جدیت و وسعت پيدا ايديه بيله چكي دركار
ايسه ده بورالرده كوروشيلن ذوانك كافه سيله حصوله
كلن معارفه و مناسبت هپ لفظی و سطحی بر
صورته اوله جفتدن هر هانكي مسئله يه دائر

اولور ايسه اولسون ، صاحبی مناظره درجه سنه
واردیر منغه اصلا مساعده اولنه من . هوتلارده
هر ملتدن هر دیندن هر مذهبدن هر مسلك
سیاست اربابندن آدمار بولنوب بریسی
ایله مناظره ایدر ایکن شاید دیگرینك
مسلكنه حقارت یولنده برشی سویلور ايسه انسانك
باشنه او قدر ایشلر آچیه بیلور كه بعضاً صوکی
دوئلویه قدر طیانور . ایشك شو جهتنی کمال اهمیتله
دائماً نظر دقتده طوتملیدر كه اوروپا لیلر ك قیافتلری
هر نه قدر یکنسق کوریلور ايسه ده افکارلری
دخی قیافتلری کی متحد دکلدر . بر طاقنی
کورر سکز كه علایق دینه دن بری بر کافر سیاهدلدر .
حالبو كه آنك یاننده دیگر بر طاقنی کورر سکز كه
پایانك لایخ طیلکنه تمامیه معتقد بر قاتوليك و یا خود
مسیحك الوهیتنده شبهه سی بیله اولیان
بر پروتستاندر .

ایشته بویله بیک درلو فرقه لر بولنوب هم
 بونلرک هیچ بریسی کندی فرقه سنک افکاری
 منافعی شانی شرفی خلافتده کی شیلری اصلا
 خوش کورمز لر . هر بری مسلکنک صوک
 درجه یه قدر متعصیدر . بوسیده مبنی اوروپا لیلرک
 کندی آرهلرنده بیله دین و مذهب و مساک
 مباحثه و مناظره لری آداباً ممنوع اولوب اوکی
 سوزلری سویله مک ایچون « قلوب » نوعندن
 محال مخصوصه واردر . مساک متباینه ار بابی
 ذکر اولنان یرلرده و یا خود سائر خصوصی
 محالرده اجتماع ایدرک ارزولری وجهله مناظره
 ایدر لر . اما واپور و هوتل سالونی کی عمومی
 یرلرده بویولده کی مباحث علیه قطعاً تجویز
 اولنه مز . مکرکه سالونده یالکز بر ایکی کشی
 بولنسونده انلر دخی مناظره یی بر صورت
 خصمانه پیدا ایتمسندن محافظه ایده بیله جکارینه

یقیناً امین اوله رق بجه قویوله بیلسونلر . حتی
 بویله عمومی برصالونده بشقه لرینک ایتدکاری
 مصاحبه سزک قومیت دیانت مسالک کی برشیکزه
 عائد ایسه کمال نزاکت وتواضع ایله یانلرینه
 صوقیله رق هویتکزی بالتمین لطفاً او یولده برمبا .
 حشه ده بولناملرینی رجایه حقکز واردر . اگر
 آنلردخی تربیه لی آدم لرایسه فی الحال اومباحشه یی
 ترک ایدرلر . ترک ایتیه جکلرینی حس ایلدیکنز
 آنده ایش دها فنایه صارمقسزین اورادن چکلماکنز
 طریق اسلمدر . زیرا اوراده بولنوب ده مبا
 حشه نک دوامنه دخی سس چیقارمز ایسه کز
 کوشکلاکه قورقاقلغه حمل اولنوب سس چیقارر
 ایسه کز دخی دوئلویه قدر کلفتی کوزه آلدیرمق
 لازم کلور . بو حالی بیلهرک اکاکوره طورانور .
 سکز وبوندن عبرت آله رق کندیکنز دخی بشقه لرینی

بویله بر مجبوریتہ صوقہ جق مباحثات متجاوزا -
نہ یہ کیر شمنز سکیز .

بعضاً ایکی ہمشہری برابر بولنوردہ کوردکاری
احوالی مؤاخذہ وادیسنده کندی کنڈیلرینہ
سوز ایدرلر . بویله محذورن سالم دکدر .
سوریہ لی بردوستمزدن ایشندیکنز فقرہ بوبادہ
شایستہ عبرتدر . ایکی ارقداش تر یستہ دن بر
واپورہ ینہ رک استانبولہ کلیورلر ایمش . یولدہ
فرنکلرک احوالی عربجہ اولہ رق مؤاخذہ
ایدیورلر ایمش . بر آردلق یانلرینہ بر فرنک کلوب
فصیح سوریہ عربجہ سیلہ : « بوسودیکم کوزل
لسانک طرفکزدن تکلمنی ایشتمکله متلذذ
اولدم » دیہ مصاحبہ یہ کیر شمنش . واقعاً بونلرک
مؤاخذہ لرینی یوزلرینہ اورمق کی برنزاکتسز -
لکدہ بولمامش ایسہدہ لسانلرینہ وقوفنی شو
وجہلہ میدانہ قویمسی دہ کافی دگلی یا ؟ بزم
سوریہ لی افدیلر فیما حالده بوزلمشدر !

یواش یواش خارجده پیدا اولان دوستلرک
 ویزیتہ لری هوتل صالونلرنده قبول اولنه بیلور.
 اما بودوستلر دخی ہر حالده شویله بر معارفہ
 عادیه اربابندن اولورلر. معارفہ ومناسبت آنلرک
 فامیلیالرینے قدر هنوز تعمم ایتماش بولور.
 زیرا بودوستلرک کندی فامیلیالرینی هوتل
 صالونلرینے کوتورملری پکده یاقیشق المیہ جنی
 کبی هوتلک عمومی سفرہ سنہ کوتورملری ہیج
 جائز کورلر. ذاتاً کندی زوجہ سی یاننده
 اولیان بر آدم متاہل بر دوستنی زوجہ سیلہ
 برابر فامیلیا اقامتکاهنہ بیلہ دعوت ایدہ من.
 کندی قاریسی دخی خانہ سنده موجود بولنملی کہ
 بویله فامیلیاچہ مسافر قبول ایدہ بیلسون. بناءً
 علیہ مناسبت جزئیہ اربابندن اولان ارکک
 دوستلرک ویزیتہ لری هوتل صالوننده قبول
 اولندیغی صرہده اوراده حاضر بولنه بیلہ جک سائر

یو جیلری بود دوسته و بود دوستی سائر یو جیلره پره زانته
ایتمکه لزوم یو قدر. کویا سالون کندی سالونی ایمش ده
اوراده هیج بر کیسه بولمیه رق دوستیه یالکنز جه
ملاقات ای دیور ایمش کبی طاورانور. بعضاً
یاشلیجه و حسن حال صاحبی اولدینی قیافتندن
بللی اولان قادینلرکده زیارتلری اشبو هوتل
سالونلرنده قبول اولنه بیلور. اما بوشر طلرک
خلافده اوله رق قادین و یزیتیه سی قبول ایتمک
انسانک سائر یو جیلر نظر نده کی حیثیت و قدرینی
بالکلیه اخلال ایدر. سالون هر نه قدر عمومی
ایسه ده آندن بویولده استفاده یه کیسه نک
حق و صلاحیتی یو قدر. شوراسنی هیج بروقده
خاطر دن چیقار ماملی که اوروپاده ایچ یوزندن
هر درلو منهیات مباح عد اولمقله برابر معاملاتک
طیش یوزنده آداب عمومیه حرف بحرف
رعایت او قدر مجبور یدر که ادنا بر قصور انسانی

اعتبارندن همان تمامی سقوطنه قدر نتایج
مضره کوسترو .

اکثر هوتلارده بیلارد وصالونلری و بعضلارنده
باغچه کزینتیلری و مخصوصی یرلرده «لاوته نی»
او یونلری و هلو سید کزینتیلری «پاتیناز» دنیان
بوزقاینیتیلری کبی او یونلر بولنه رق مسافرلردن
قادین ارکک هر کس بواکلنجه لردن استفاده ایدر .
لکن کنج اولان ارککلر ایچ وون کنج قزلرله
قادینلرله او یونه کیرشمکه جان آتمق او قادینلر
حقنده ده کندی حقنده ده تحسین قزان دیره من .
کندینی بیان تربیه لی ارککلر قادین و قزلر ایله
اوینامغه ینه بونلر طرفدن کوستریلن هوس
ورغبت وایدیلن دعوت و اجبار اوزرینه مجبوریت
کوره جک اولورلرایسه اوتازه لرك پدر، قوجه،
برادر، والده کبی ولیرندن استیذان ایدرلرده
آندن صکره اوینارلر . استیذان ایده جک ولسی

بولنمیان قادینلرک دخی حال و شانلرینه باقهرق
احوال شخیصیه لرینی کندی حسن تربیه سینه
موافق بولورایسه اوینار. بوله مدینگی صورتده
غایت نازکانه عذرلر سردیله عفونی استیصال
ایلر.

هوتل معارفه سی ینه هوتله مخصوص بر
معارفه در که قادین ارکک بالجمله مسافرلر ایله
هوتله کیرر هوتلدن چیقار ویاخود مردبونلر
ویاقوریدورلرده تصادف ایدیلورایکن سلاملاشمگی
تحت مجبوریته قویار. فقط سوقاقدہ ارککلر
بیله بربرینه تصادف ایلدیکی زمان سلاملاشمغه
مجبوریتلری یوقدر. زیرا بویله هوتل معارفه
سندن عبارت برمناسبتی اولان آدمک حال و شانی
بحق تقدیر ایدیلهمیه جکندن احتمال که سزکله
دوستلگی شایع اولمغه لایق بر آدم دکلدرد. اودخی
سزی بویله بر نظر احتیاط ایله تاقی ایدرد. اوروپاچه

ظن اولنور که انسان کیم لرله کوریشیور ایسه
مطلقاً او آدمک منسوب اولدیغی صنف و فرقه یه
منسوبدر. هله سوقا قده قادین مسافر لرده تصادف
اولنور و باخصوص بونلرک یاننده هنوز طاننمیان
برده ارکک بولنور ایسه سلام ویرمک جائز
کورلمز. انکلیر تربیه سنده بر قادین ایله معارفه کز
نه قدر مکمل اولور ایسه اولسون آنی طانمید یغکز
بر ارکک ایله کوردیک کز زمان مطلقاً سلام
ویره مز سکز. اکر قادین سزه سلام ویرر ایسه او
زمان رد سلام ایدر سکز. مع هذا بعضاً عوتلارده ایکی
آدمک یکدیگرینه حالارینی، شانلرینی، سرگذشله-
ینی تماماً اکلاته رق عن صعبم دوست اولملری دخی
نوادر قطعیه دن دکلدرد. بویله شیلر آدمنه کوره در.
حتی بر ارکک ایله بر قادینک شو هوتل مناسبتی
برازد و اجه قدر واردیرملری نوادر مستغربه دن
دکلدرد. اما بو نعمت هر زمان میسر اوله مز.

بعضاً دخی دوستلر مزدن بریسنک باشنه کلن
 حال کبی شیلر تصادف ایدہ بیلور. حکایہ شودرکہ:
 دوستلر مزدن بریسی اکمال تحصیل ایچون
 ویانہ دہ بولنیور ایمش. مصارفہ قارشو اوج آیدہ
 بر کرہ استانبولدن کوندریلن آچہ بعضاً تأخر
 ایتدکجہ اورایہ حین ورو دندہ استانبولدن توصیه
 مکتوبی کتورمش اولدیفنی بر تاجرہ مراجعتلہ اوافق
 تفک استقر اضلر عقد ایدر ایمش. بر دفعہ سندہ حوالہ
 سی دہا زیادہ تأخر ایدرک ایلمک کوچک استقر اضی
 عقددن بر ایکی هفته صکرہ هنوز استانبولدن
 خبر بیلہ الہ مامسی اوزرینہ تاجر مومی الیہ
 تکرار مراجعت ایلمش. مغازہ سنہ وارد قدہ یانی
 باشندہ کی قہوہ دہ اولدیفنی خبر الہ رق اورایہ کیرمش
 وحانی ا کلات قدہ یوز فراتقلق بر استقر اض
 عقدینہ ہان قرار ویرلمکہ تقرب ایدلمش ایکن
 قہوہ یکی بر آدم کیروب تکلیفسز بر دوست

طوريله دوستمرك الى طوتمش وقولاغنه
 اكيلهرك صيقي فبقي برچوق سوزلر سويلمش.
 بچاره دوستمرك برشیدن خبری یوق یا ! دوستانه
 نزاكت وسويلديكي شيلره موافقت طوريله
 حریفی صاودقدن صکره تاجر افدينك دخی
 طورى دکیشدیردیکنى وتقرر ایتش اولان
 استقراضك عقد اولنه ميه جفنى کورمزى ؟
 قوجه تاجر برطور پدرانه ايله : « آنم کنج دوستم .
 اوچ آیدن اوچ آیه استانبولدن کلن پاره کز و بنم
 کبی دوستلردن استقراض ایده جککز پاره لردکل آ
 بوکیدیشه هیچ برشیلر طيانه مز . » ديه حسبه
 لله برده نصيحت ويرمش . مکر کورشديکى آدم
 مشهور قار بازلردن اولوب دوستمز ايله آره -
 لرنده کی مناسبت يالکز « جوزه پینو والده »
 نامنده برایتاليان لوقانطه جی قادينك لوقانطه سنده
 هراقشام برلکده طعام ايلمکدن عبارت ایتش

ایسہ دہ بوحقیقتی تاجرہ اکلاندینی زمان دخی
 استقراض و آقچہ یرینہ : « ابی یا ایشته ! بویله
 دوستلرکز اولدقدن صوکرہ محتاج اولدیغکز
 استقراضلری دخی آنلردن عقد ایدہ بیلور -
 سکیز » جواب قطع یسندن بشقہ برشی آلہ مامش .
 هوتلدہ عمومی اولان ہر شئیہ مشترک ایسہ -
 کزدہ اصل کندی خانہ کز یالکز یتاق اوطہ کز
 اولوب صالونلر سفرہ لر او یون یرلری فلانلر
 ہپ طیشاریسی و عمومی یرلر عد اولنورلر .
 بناء علیہ بورالرہ مراجعت ایچہ ون توالتجہ
 لا ابالیملکہ جواز یوقدر . کندی اوطہ کزدہ کی
 خصوصی پریشانی حال ایلہ بورالرہ کلہ مز سکیز .
 توالتکزی اجرا ایدردہ اولیہ مراجعت ایدر سکیز .
 هوتل صالونلرینہ و عمومی سفر دیہ پالطو ایلہ
 واریلہ مز . « قومووار » دن بشقہ یردہ سیغارہ
 ایچلمز . خلقتک خشنود اولہ میہ جفی کورلتینر
 پاطر دیلر خوش کوریلہ مز .

اما بوصایدیغمز اصول و آداب معتبر هوتلر دہ
 وکندینی بیان تربیہ لی طاقم نزدندہ اولوب
 یوقسہ بونلردن ماعدادہا برطاقم هوتلر واردرکہ
 قادین ارکک کرک صالونندہ و کرک سفر دہ
 سیغار دہ ایچر لر، نعرہ لر دہ آتار لر، جانلر ینک
 ایستدیکی ہر شیئی پیار لر . بو حال و طور
 سربازیدہ بولنان آدملر جہانک ہر طرفندہ
 آداب عمومیہ قواعدندن کندیلرینی وارستہ
 عد ایدر لر . اما ارباب ناموس و وقار اوحال
 سربازیدہ بولمغی عزت نفسلرینہ یدیرہ بیلیمک
 شویلہ طورسون احتمالی تصورلہ دخی حق
 تعالیٰ حضر تلرینہ استعاذہ ایدر لر .

عمومی سفرہ لر

کرک واپور لردہ و کرک هوتلر دہ عمومی سفرہ لر
 واردرہ . واقعا اوروپادہ کندی باشلرینہ برخانہ دہ

ساکن اولق نعمته نائل بولنان بختیارلردن
ماعدای بتون خلقتک خارجده طعام ایلدیکی
سفره لر هپ عمومی ایسه لرده بزم بوراده تعریفی
قصدنده بولندیغمز سفره لر (تابل دوت) دینلن
سفره لر درکه دیگرلرندن فرقلیدرلر . اشبو تابل
دوتلرده مشتری جانی ایستدیکی طعاملردن کتیردوب
طعام ایده مزه قوشلق و یاخود اقشاملق اوله رق
واپور و یاخود هوتل طرفدن هانکی طعاملر
طبخ و تدارک اولنمشلر ایسه عادتاً بر ضیافته
مسافرلره تقدیم اولنورجه سنه هرکسه تقدیم
اولندیغی صروده هرکس ایستدیکی طعامدن
ایستدیکی قدرینی طباغنه آله رق یر .

اوروپاده طعام زمانلری معیندر . وقت ظهرده
ینیلن طعامه (ده ژونه) دیرلرکه بزم قوشلق
دیدیکمز طعامدر . الاتورقه ساعت اون بردن
ایکی ایکی بچقه قدر ینیلن طعامه (دینه) دیرلرکه

بزم اقسام طعامی دیدیکمز یمکدر . صباحلری
 ده‌ژونه دن اول سودلی قهوه و یاخود چای ایله
 برازا اكمك تره‌یاغی بال کبی شیلردن عبارت
 برده اینجه قهوه آتی یا پارلرکه بوکا دخی برنجی
 (ده‌ژونه) نامنی ویررلر . کیجه‌لری نصف الیلده
 و مسامره و بالورده نصف الیلدن برایکی ساعت
 صکره یا چای واکمك و سائرده دن مرکب قهوه‌اتی
 کبی برشی یاهرق و یاخود بوکا برطاقم قورابه‌لر
 و سائر طاتیلر قاته‌رق و بعض کره دخی صفوق
 و صیجاق اتلر یمکدر علاوه ایدرک حاصلی برنوبت
 ده‌ها طعام ایدرلرکه اسمی (سوپه) در .

واپورلر وهوتلارده عمرمی سفره‌لر ایچون
 بعضاً ایکی و بعضاً اوچ دفعه چاک چالنور . برنجی
 چاک طعام وقتک حلوانی اخبار ایله سفره
 ایچون توالت یاهه‌جقلره بووظیفه‌بی اخطار ایدر .
 زیرا سفره ایچون ارککلر دخی تمیز کوه‌لمک

بیون باغی فلان دائرہ سہندہ بر توالت یا پمغہ
 واولیہ کوندوزکی قیافتلہ توزلی طوپراقلی بر حالده
 سالونہ کیرمامکہ مجبور اولوب ہلہ قادینلر ایچون
 بو مجبوریت بر ازدها بیوجکدرہ واقعا کوندوزکی
 مشغولیتلری اقتضاسنجہ اللرنده مرکب وسائرہ
 کیرلری اولانلرک ویوزلرنده وکوزلرنده توز
 وتر وسائرہ آثاری بولنانلرک او حالده سفرہ یہ
 کللری اشتہا انکیز برشی اولہ میہ جغندن بر سفرہ
 توالتہ ہر حالده لزوم واردہر . ایکنجی چاک
 سفرہ نک حاضر اولدیغنی اعلان ایدرکہ بعض
 یرلردہ بوایکنجی چاک اوزرینہ ہر کس طعام
 خانہ یہ کیرر . بعض یرلردہ ایسہ طعامک حاضر
 اولدیغنی معلن بر اوچنجی چاک دہا اوریلوب
 آنی متعاقباً سفرہ خاقی سالونہ کیرر .

فاملیا سفرہ لرنده و بیوک ضیافتلردہ طعامہ
 کیدیلور ایکن ارککلرک قادینلرہ قوللارینی تقدیم

ایتمیری لازم کلوب بوبایدہ بعض قواعد و آداب
 دخی بولہرق محملرندہ ذکر ایدیلہ جک ایسہلردہ
 واپور و هوتلارک تابل دوتلرینہ کیدیلور ایکن
 قادینلرہ قول ویرمک اقتضا ایتمز. یانکز سالونہ
 کیریلور ایکن برقادین ایلہ خطوہ بخطوہ یوریمکده
 اولان ارککک سالون قپوسندن یا دها اول
 ویا دها صوکرہ کیرہرک قپوی قادین ایچون
 سر بست براقسی اثر نزاکت عد اولنور .

واپورلردہ سفرده هرکسک یرلرینی قپودانک
 تعیین ایدہ جکینی خبر ویرمش ایدک . اوتلارده
 « متردوتل » دنیلن کھیا کی بر مأمورک تعیین
 ایتمسی لازم کلور ایسده انک تعیینی قپودانک
 تعیینی درجه سنده جدی ومهم دکدر . بعض
 هوتلارده اک اسکی مسافرکاک باشدہ اوطورمسی
 وبعده اک یکی کلنہ قدر هرکسک قدم صرہ سیلہ
 آشاغیده اوطورملری عادتدر . اما اکثریا

بوعادت لڑده مرعیت قطعیہ بولمندیغندن هرکس
ایستدیکی یرده او طوره بیلور . بونک ایچوند رکه
بعض یرلری بعض آدم لرد تخصیص ایلمک «متردوتل»
نزدنده قطعاً ملنزم ایسه او یرلرک اسکمله لرینی
طباقلره طوغری دویروب اسکمله نک ارقه لغنی
سفره نک کینارینه طیاتیر . بواسکمله لری دویرلمش
اولان یرلره دخی یولجیلرک هیج بریسی
اوطورمز . هر حالده تابل دوتلرده یوقاری یه
ویا خود آشاغی یه اوطورمه نک شرفی اولمدینی
کی جدی برفانده سی دخی یوقدر . زیرا یمکاری
تقدیم و تقسیمه اک معتبر یرده اوطوراندن باشلامزلر .
بریمیکی یوقاریدن آشاغی یه طوغری کز دیرلر
ایسه دیکرینی آشاغیدن یوقاری یه طوغری کز دیرر ،
اوچنجیسی ، دردنجیسی دخی اورته لق یرلردن
باشلارلر . یعنی یمکاری تقدیم و یانقسیمه باشلامق
امرندده عدالته کرکی کی رعایت اولنور . سفره یه وارمق

چاکی چالندقدن صکره همان سفره‌ده اثبات وجود
ایدرك کچ قالماق موافق قاعده اولدقدن بشقه
مسافرلرک منفعته دخی موافقدر . زیرا برنجی
طعام تقسیم اولدقدن صکره سفره‌یه کله‌جک
اولور ایسه دیگر مسافرلر بوتأخره تبسم ایده جکلری
کبی اوبرنجی طعامک دیگرلرندن آرمش اولان
مقدارینه یتیشه بیلیمش اولور . چونکه برنجی
طباقدن صکره دکل آسفره‌نک اک صوکنده
کلمش اولسه دخی برنجی یمکدن بدأ ایله‌پ یمکله
کندیسنه تقدیم اولنه جقلردر . برنوع یمک کاملاً
توکنمش ایسه مسافر اندن بالکلیه محروم قاله بیلور .
بویله خدمتک تکرریله اوشاقلره زحمت ویرمک
و آنلری بحق مرلراندیرمق ایسه کندیلرینی
بیلنلر نزدنده تجویز اولنه میه‌جق حالانددر .
سفره‌لرده قاچ نوع طعام حاضر ایسه «منو»
دنیاں سوسلی برلوحه‌جق اوزرینه یازیله‌رق

مشتري لرك او كنه قونلمشدر . فقط عادى لوقانطه .
 لرده اولدني كى اطعمه نك فيء اتى دخی بونلر
 اوزرنده يازيلي دكلدر . بر تابل دوتده طعام
 ايجون طوپدن بر اجرت ويريلهرك او اجرت
 مقابلنده هر طعمامدن يئيله جكلدر . بولوحه لرك
 خدمتى ايسه مشتري نك بكنديكى طعامه اشتهاى
 صاقلامه سنه دلالتدن عبارتدر . لکن اطعمه نك
 اساميسى او قدر متنوع و معنالى او درجه لرده
 اكلا شلمز بر صورتده دركه بيفتك ، روزيف ،
 روتى فلان كى مشهور لرندن ماعداسنى اوروپا ليلر
 دخی پك ده بيلمز لر .

هر حالده مشتري اكلايه بيلديكى قدر لوحه لردن
 بالاستفاده انتخاب ايتديكى طعام لردن ايستديكى
 قدرينى آلمقده سربستدر . اما اوچ آدمك آله جفى
 قدر طعامى بردن آلوب او كنه ييغمق دخی
 موافق نزاکت اوله مزيا . حسن تربيه اربابى

برطعامی پك بكنمش اولور ايسه هر كس آلدق دن
 صكره اوشاغی چاغیروب تكرار آله بیلور كه بوكا
 اول تدر ایلدشك ایدلمز . اما فاملیا سفره لرنده ،
 ضیافتلرده بویله خوش کورولمز . هله برطعامدن
 طباغنه آلوب ده تماماً یمکسزین ترك ایتك ارباب
 دقت نظرنده هیچ تحسین اولنه مز . بو حال
 دلالت ایدر كه او طعامك نه اولدیغنی بیلیمیه رك
 آلمشدرده امید وانتظارینه موافق حقیقمدیغنی
 ایچون ترك ایتمشدر . اوکنه کتوریان طعامی
 طانیماق ايسه بالطبع کبارلغه صینه مز . هله
 او طعامك نه اولدیغنی یاننده کیلرینه صور مق
 بالکلیه تعیدیه سزادر .

تابل دوت فیأتنك مقطوع اولدیغنی خبر
 ویردك . یالکز شراب و بیراکی مشروبات بوفیات
 مقطوعه ده داخل دکلدرلر . بعض تابل دوتلرده
 عادی شرابلرك بر یا خود یاریم شیشه سی بوفیأنده

داخل اولدیغی دخی تعرفه لره اشارت قلنور . فقط
اینجه شرابلرک ، معتبر بیرالرک فیاتلری مختلف
اولدیغندن آنلر بشقه جه تأدییه اولنورلر .

بعض کیمسه لر سفره نك صوکنده ویریلن
میوه لری اکل ایتمزلرده آلوب جیبیلرینه قویارلر .
واقعا ممنوع اولمدقدن فضله تعیبیه دخی کیمسه نك
حقق اوله مز ایسه ده نزاکت طبع اربابی بونی
دخی یاپمزلر .

سفره ده چتال و ییچاقلری طباقلره زیاده جه
طوقوندیروب طاقرداتمق موافق آداب دکلدرد .
بو حال هله بالخاصه انکلزلر نزدنده اک بیسوک
تربیه سزالکاردن صاییلور . اوشاقلری چاغرمق
ایچون قدحلره طباقلره ییچاق ایله اورهمق دخی
عادی لوقاطه لرده کوریلن بیاغیاقلردن اولوب
تابل دوتلرده اوشاغی سس ایله چاغرمق لازم
کلور ایسه ده دیک سس ایله چاغرمق دخی

حسن تربیہ یہ موافق کورلمز۔ ہونلرہ نہ حاجت
ہمان اوچ درت مسافرہ بر اوشاق خدمت ایتک
نسبتندہ اوشاقلر متعدد اولوب ہانکیسنک یوزینہ
باقلسہ اشارتدن اکلار ودر حال قوشوب کلدیکی
زمان یواشیجہ ویریلہ جک امری ہمان اکلا یوب
فی الحال اجرا ایدر .

قاشق چتال ییچاق طاقنی قوالانمقدہ دخی
بعض آداب واردر . چوربا ایچلدکن صکرہ
قاشینی طباق ایچندہ براقلی کہ قالدیرسونلر .
چونکہ بعد ماوقاشینی استعمالہ لزوم کورلمیہ جکدر .
تابل دوتلردہ ہر طباق دیکشدجکہ چتال وپچاقلر
دکیشمک لازم کلور ایسہدہ ہانکی یمکدہ یالکز
چتال و ہانکیسندہ ہم چتال ہم ییچاق قوالا -
نیلہ جغنی بیلہرک اکاکورہ حرکت ایتک
غایت لازمدر . ات وطاووق کبی یالکز چتال ایلہ
قطع و تفریق قابل اولہ میان یمکلر ییچاق ایلہ کسیلورلر .

بوحالده صاغ الده ییچاق وصول الده چتال
 بولنوب اولوجهمله قطع و تناول ایدیلور. کوفته لر،
 بالقلر، سبزدر کبی ییچاق ایله کسمکه محتاج
 اولمیان یمکار یالکز چتال ایله تناول ایدیلور لر.
 بوحالدهده چتال صاغ الده بولنوب وصول اله بر
 پارچه اکمک آلنهرق او اکمک واسطه سیله
 طعامک چتال اوزرینه سوق ایدلمسی لازمدر.
 صولی یمکارک صوینه اکمک باتیروب یمک موافق
 آداب کورلمز. اکمک پک آزی نیلور. یعنی هر آدمک
 اوکنه قونیان یکر می بش اوتوز درهمک قدر
 اکمک کفایت ایتلیدرده بردها اکمک ایستامیلیدر.
 تابل دوتلرده هر طباق دیکشدکجه چتال
 ویچاققلرکده تبدیل اولنه جقلرینی سویلمش
 ایدک. بولرک تبدیلنه اشارت یالکز طباق ایچنده
 بر اقلملرندن عبارتدر. اگر طباق خارچنده
 سفره اوزرنده بر اقلورلرایسه قالدیر ماغنه اشارت

اولدیغندن اوشاق انلری قالدیرمز . لکن بونلر
 پک یاغلی کیرلی اولدقلری حالدہ سفرہ اورتوسی
 اوزرینه قونیلورلر ایسه اوشاق انلری هم ینه
 قالدیرر همده بو حالی مشترینک سوء تربیه سینه
 حمل ایدر . سفره بزی اوزرینه یمک دوکمک
 کمیک فلان قویمق کبی شیلرایله انی کیرلتمک غایت
 معایبدن اولوب چتال وقاشغی طیباتمق ایچون
 بللوردن یاپالمش کوچوجک کرسیلر بولندیغندن
 چتال ویچاققلری آنلره طیباتمق اقتضا ایدر .
 طعام ایدیلور ایکن آغز شاپرداتمق وصیجاق
 یمکلری اوفله مک موافق آداب کورماز . آغز ینه
 بیوک لقمه الوب یناغنی شیشرمک دخی خوشه
 کیمز . هله آغزندن باری چیککنمش بر شیئی
 چیقاروب طباعک بر طرفه قویمق کورنلری
 بالطبع ایکندیرر . طعامدن قیل بیله چیقمش
 اولسه انی کیمسه به کوستره مکسزین یوق ایتمه

چالشملیدر . یمکاری بکنم دیکنی ا کا مخصوص
بر طاقم وضعلر ، طورلر ، اشمئزازلر ایله خلقه
اکلاتمق دخی مخالف تر بیهدر . فی الحقیقه
بکنمیور ایسه اودفعه اق صبر و تحمل ایدرده
بالاخره هوتلی تبدیل ایلر . هر یمکه طوز
قویمق ، بیهراکمک ، خردال قاتمق ، لیمون
وسرکه علاوه ایلکمک حاصلی کویا کلن یمکار
ناقص ایشلرده کندیزی ا کمال ایتیمچه بیهمیور
ایمش کی طوراتمق هپ کبارلغه صیغمیان
احوالدندر . احياناً بر یمکه طوز و یا خود بیه
علاوه اولنه بیلور . اما بو حرکتک طبیعیسی ایله
جمایسی آره سنده کی فرق هر کسک کوزینه
باتار .

عجله یمک کبارلقدن عد اولندیغی کی آخر
یمک دخی کبارلغه صیغمز . هله بشقه لرینه یمک
طاغیتلمغه باشلانمش ایکن حالا اولکی طباعی یمکه

اوغراشمق ده‌از یاده موجب استغرابدر . اثنای
طعامده قازتوکنندن معمول « کوردان » دینان
خلال ایله دیشلری قار یشدیرمق جائز ایسه‌ده
بونلرک دیش آردلرندن چیقاره‌جقلری قرنتیلری
خارجه چیقاروب خلقه کوسترمک پک عیدر .
کوردانلر دیشلر آره‌سنده کز دیرلدکن صوکره
اوجلری ایکی دوداق آره‌سنده تمیزانوب بعده
خارجه چیقارلملیدر .

سفره‌ده پختسه‌نی بوغازینه باغ‌لامق عادیلک
و بیاغیلق صاییلور . زیرا بو‌حال « بن یمک
یم‌یکی بجره‌مدیکمدن اوستمه باشمه دوکرم دیه
قورقدیغم ایچون کندیمی محافظه‌ایدرم . » دیمکدر .
بعض کیمسه‌لر پخته‌نک یاریسنی سفره‌نک اوزرینه
یا یوب‌ده طباغنی دخی انک اوزرینه قویارلرکه
انسانک کندی خانه‌سنده جائز کوریه بیلسه
دخی بشقه یرده جائز کوریه‌مز . چونکه بوده

سفرہ اوستنی بولاشدیرمیه جفندن دخی امین
 اولہ مدیغنه دلالت ایدر . پچتہ یی براوجندن
 یلک دوکملری آره سنہ صیقشدیرمق اوقدر فنا
 کورماز ایسہ دہ دیزی اوزرنده بولندیرمق وحتی
 تمامیلہ آچماق وبونی یالکز آغز سیلمک ایچون
 قوللانمق ظریفانہ براستعمالدر . واقعا پچتہ آغز
 سیلمک مخصوص ایسہ دہ سفرہ دہ اصل اتخاذاولنہ جق
 شی آغزی دخی سیلمک مجبور اولہ جق قدر
 کرلتماکدر . یمک ییرایکن بیقلرینی کیراتن
 واورادہ کی یاغلری پچتہ یہ آلان بر آدم تریسہ سزدر
 دیہ محکوم اولور . آفرانغہ یمک خصوصندہ کرک
 ال کرک آغز ایچون اوقدر تمیز طورانمایدر کہ
 بعدالطعام ییقامغہ سیلنمک حقیقہ احتیاج
 قالمیلدر . ہلہ پچتہ ایلہ ترینی ، برونی سیلمک
 غایت عیب صاییلور .

بویلہ تابیل دوتلرک بعضلرنده کمیک ویا معدندن

معمول نومرولو خلقه‌لر واردرکه بعدالطعام هرکس پچته‌سنی بونلره ربط ایدرک نومروسنی بلار . ایلروکی طعامده کندی اوکنه قونیلان پچته‌نک ینه‌اونومرولو خلقه‌یه مربوط اولدیغنی کورمکله کندی پچته‌سی اولدیغنی اکلار . برتابل دوتده بو خلقه‌لر یوق ایسه بیللملیدرکه هر سفرده یکیدن تمیز پچته چیقاریله جقدر . یوقسه بو طعامده بشقه‌لرینک آغزلرینی سیلمش اولدقلری پچته‌نی دیگر طعامده کندی اوکنه قوبملرینی خوش کوره بیله‌جک قدر طبیعتسز هیچ برانسان تصور اولنه‌مز .

تابل دوت نه رسمی نه کبارانه بر سفره عد اولنماقله برابر بتون بتون لوقانطه‌لرک عادی . سفره‌لری کبی ده دکلدر . ذاتاً بورایه قدر تعریف ایلدیگمز آداب بونی قارئلرمزه دخی . طاتمشر . آداب مذکوره ده چوقدر . مثلاً

طباقلردن یمک آلور ایکن انلرک ایچننده کی
 ایری چتال ییچاغی اداره ایدهمیوب دوشورمک
 وحتی کندی الده کی کوچک چتال ، ییچاق ،
 قاشق کی شیلری چنغر چنغر سفرده دن اشاغی یه
 یووارلانه حق صورتده سوء اداره ایتک نقصانی
 مهارته حمل اولنه جفی کی بیوک طباقدن یمک
 آلمق ایچون چوقجه اوغراشماق یالکز اوشاغی
 یورمق ایله قالمیوب بشقه لرینی ده بکلتدیره جکندن
 موافق آداب دکلدر . طباغنه آلدینی شیلری
 کسه یم دیر ایکن قایدیروب فرلانمق ، صچراتمق
 و بناء علیه بشقه لرینک اوستنی باشنی کیرلتمک اک
 بیوک معایبدن اولوب قدحه مشروبات قویمق
 ایچون طاشیروب بزی ایصلا تمق و کیرلتمک دخی
 معایبدندر .

سفرده ایکی طرفنده بوانان ارکک ، قادین
 رفقا ایله ایستندیکی کی مصاحبه ایدیه بیلور .

صوشیشه‌سی، طوزلق و سائره کی بونلره لازم
اولان اشیایی یافلاشدیری و یرمک اثر نزاکت عد
اولنور . سفره پک اکلّی دکل ایسه انسانک
قارشوسنده بولنان برایکی کشتی ایله دخنی مکالمه‌سی
جائزدر . لیکن برقاج آدم آشوری یرلرده بولنان ایله
سوز ایتمک ایچون ارقه‌یه و یاخود اوکه طوغری
اکیلّمک ایاغه قالمق بشقه‌لرینی راحتسز ایتمک
جائز دکلدر . هاله دیک سویامک سوزورکلی
قهقهه‌لر ایله کولمک هیج جائز دکلدر . کذلک
سفرده غزته مکتوب فلان او قومق بیله آداب
حسنه‌یه مغایردر .

بعض تابل دوتلرده میوه‌دن صکره یعنی
سفره‌نک اک نهایتنده برمائو و یاخود پنجه بللور
کاسه ایچنده براز ایلّیق صوکتوررلرکه دروننده
اوغل اوقی یا پراغی نوغندن معطر برایکی ده یا پراق
واردر . بوکاسه‌نک سفره‌یه کتورلمسی عینیه

بزم الارقه سفره لرده خوشاب کیتورلمسی کیدر.
 حتی بغدادده حاضر بولندیغمز غایت الافرانغه
 برضیافت معتبرده ارقداشلرمزدن بریسی بونی
 کرچکدن خوشاب صانه رقی ایچمک ایچون قاشیق
 آرامش ایسه ده اوزمانه قدر قاشیققلر فلانلر
 کاملاً قالدیرلمش اولدقلری جهتله قاشیق بوله مینجه
 شربت ضلیله همان کاسه یی قورایوب ایچمکه
 باشلادیغنی کندی کوزلرمز کورمشدر . برده
 بونک طاتسز برعادی صو اولدیغنی اکلاینجه
 وباخصوص حضارک استغرابلرینی کورنجه فنا
 حالده بوزولمشدر . بوصو عادتاً پرمققلرک اوچلرینی
 ایصلا توب اوپرمققلر ایله طوداقلری دخی ایصلا .
 تدقن صکره سیلمک ایچوندنر . واقعا بوطهارته
 دخی احتیاج کورلمیه جک درجه لرده تمیز طعام
 ایتمک شرط اولدیغندن سفره لریک پک چوققلرنده
 بوصویه احتیاج کورلمز ایسه ده معلومات اولمق

اوزرہ قید ایملک . تاکہ بیانمندیکی حالتہ وقوعہ
کلی ویررایسہ اوارقداشمکزک دوجار اولدینی
محجوبیت کبی بر محجوبیتہ دوجار اولمیه .

نابل دوتلرک عدم رسمیتی ایله برابر سفره
خاتما ایرمکسزین و بشقه لری قالمغه باشلامقسزین
قالمقماق اولادر . فقط هرکس قالدینی حالتہ
سفرده او طوروب قالمق ده شیق صایله من .
بعض نابل دوتلرده قهوه دخی سفرده انجیلور
ایسه ده بونک انجون سیغاره انجمکده مساعده
ویرمک لازم کاور . حالوکه نابل دوتلرک اکثر یسنده
توتون انجمک منوع اولوب بناء علیه قهوه دخی
توتون ایله برابر (قوموار) لرده انجیلور . قهوه
انجیلور ایکن طباعه دوکوب انجمک آدابدن
اولمدینی کبی فنیجان ایچنه او فایوب صوغوتمق
واچیر ایکن هولپوردتہرک چکمک ده شیق
صایلمز .

هو تلتك عمومى سالوننده بعض مسافر لركزى قبول ايده بيله جككزى يازمش ايدك . عمومى سفره يه دخى قبول ايده بيلور ايسه كزده بو قبول مسافر كز حقنده پك ده حسن رعايت صاييله مز . بشقه او طه يه خصوصى بر سفره قوردير مق وهيج اولمز ايسه ينه عمومى سالونك بر طرفنده كوچك بر سفره حاضر لائق مرجحدر .

عادی لوقانطه سفره لری

هو تلتلرده اقامت ایدن آدم لر دكل آا كثر يا اوبارق صاحبي آدم لر بيله ايشلرينك كوچلرينك بولنديغى محله كوره طعاملرينى خارجده ايتمه مجبور اولور لر . بو حالده مراجعت ايده جكلرى ير لر عادی لوقانطه لر در . اما بونلره « عادی » ديديك مزه باقوب ده پيس ، مردار ، اعتبار سز ير لر ظن ايتما ليدر . او تعمير دن مقصد مز تابل دوت اولم دقلرينى اكلا تمقدر . يوقسه بونلردن بعضلى

اوقدر معتبر در که اک معتبر تابل دوتلردن بيله
اوج بش قات ده از یاده هایدر لر. مع هـذا
لوقانطه سفره لری نك اصول و آدابی بزم استانبولده کی
لوقانطه لردن فر قلی دکلدر .

بویله بر لوقانطه یه کیرر ایکن فرنکار الاریفی
شایقه لرینه کتور مک و فسلیلر دخی تمنا صورتنده
یالکز برال قالدیر مق ایله عمومه بردن بر سلام
ویردایسه ده بونی کیمسه یه تخصیص ایتمش اولماقی
ایچون کیمسه نك یوزینه باقیه رق ویرر .

اشبو عمومی لوقانطه لرده دخی اطعمه
موجوده نك اسامیسی برورقه اوزرنده مطبوع
ویا محرر ایه ده آنک اسمنه « منو » دینله میوب
عادتاً « ایستتا » دینلور . چونکه اطعمه نك
فیاتی دخی اشارت اولنمشدر . هم تابل دوت
منولرنده یالکز بش القی درلو طعام اسامیسی
مندرج اولدیغی حالده بولیستالرده اوتوز قرق

درلو اطعمه اسامیسی مندرج اولوب مشتری
بونلردن هانکیلرینی انتخاب ایده جک ایسه
اوشاقلره امر ایدر . بویله آریجه طعام کندی
بولنمیدیکلر هوتلده دخی ممکن اولوب ایستیر
ایسه کز کندی دائره کزه حتی یتاق او طه کزه
بیله جلب ایلر سکزر که بر مقدار خدمت فیأتک
ترایدندن بشقه کلفتی ده یوقدر .

بویله برلوقانطه طعامنده قدحکزی ، بیچاغکزی ،
پخته کزی ایستدیکلر کبی قوللاننه بیلور سکزر .
حتی اوشاغی چاغرمق ایچون بیچاغکزی قدحه
وطباغه دخی اوره بیلور سکزر . تک باش کزه
کندی خانه کزده نه یولده حرکت ایلور ایسه کز
اوله حرکت ایده بیله رک دیگر سفره لرده کی
مشتریلردن هیچ ده اندیشه کز اوله مز . مع مافیه
کندینی بیان تربیه لی آدم لر بوسفره لرده دخی
کورولتیلر ایله پا طردیلر ایله اصول و آداب خلا -

فنده حاللر ايله طعام ايدرك انظار استغرابي
 كنديلرينه جلب و دعوت ايتمزلر . اوروپاچه
 يك يمه سنى بيلمك انسانك معيار تربيه سى عد
 اولنور . الافرانغه اصول ايله حسن تناول طعام
 براينجه صنعتدر كه انسان كندى كنديسى كوزلجه
 آشديره مز ايسه يك چوق يرلرده عادتاً محبوب
 اولور .

خصوصى بر فامليا نزدنده و يا خود غير رسمى
 بر ضيافتده ايديله جك طعاملرك دهـا بر طاقم
 آدابى واردركه ايلروده مباحث مخصوصه سى
 كلدكجه يازيله جفندن طعام مسئله سنه شمديلك
 بوقدر ايله ختام ويريليور .

جولانلر

بر مملكته مبادى و صولده توصيه مكتوبلري
 مرسل ايليرينه كوتورمك و سفارت و يا خود

شہنادر خانہ یہ ویزیتہ ویرمک وحتی ایلک اعادہ
 اولنان ویزیتہ لری هوتلده کی عمومی صالونلر ده
 قبول ایتمک ماده لری حقنדה لازم کلن شیلری
 شمدی یہ قدر مختصر آ بیان ایلدک . او مملکت
 اہالیسی وباخصوص فاملیالریلہ معارفہ واختلاط
 ومناسبتک آدابی دخی بالطبع تفصیل ایدہ جک
 ایسہ کده اختلاط ومناسبتک اودرجہ سی نہ وہالہ
 نہ سریعاً حاصل اولہ میہ جغندن وبرمملکتہ یکی
 کلن اجنبینک ذکر اولنان اختلاط ومناسبتدن
 اول او مملکتک شایان تماشایرلرینی کورمک
 ایچون جولانلر اجرا ایتمی پک طبعی بولنہ ۔
 جغندن بوجولانلر حقنדה سـویلیہ جکمزشیلری
 تقدیمہ مجبور اولورز . واقعا بوجولانلر انسانک
 یالکز باشنہ اجرا ایلدیکی شیلر اولمق حسـبیلہ
 بوندہ رعایت اولنہ جق آداب یوق کبی برشی
 ایسہ دہ اجنبی یولجیلرک عجمیلک حسـبیلہ بوکا

آلداننامسی و کندی منافعی محافظه ایتمی امرنده
نصیحت یوللو بعض وصایایه لزوم اولدیغندن
اصل بووصایا ایچون شوبابی کشاد ایتمکده یز .

برشهرده جولانلر اجراسی ایچون تجربه سز
آدملرک ایلک عقللرینه کلن شی کویا بوخدمته
مخصوص اولان دلیل ویا قلاغوزلره مراجعت
قضیه یی اولمق طبعیدر . واقعا بو قلاغوزلردن
صنعتنه متناسب مهارت و معلومات صاحب اولانلر
اله کچر ایسه ایدیله جک استفاده یه نهایت اوله من
ایسه ده قلاغوزلرک بویله مکمل اولانلری کلی
اجرتلرایله الک معتبر وزنکین یبانیجیلرک خدمتلرینه
کیره جکلرندن بونلری اله کچیرمک پکده قولای
دکدر . بونلرک مادوننده کی عادی قلاغوزلرک
ایسه دلالت امرنده معلومات و مهارتلری مفقود
اولقله برابر اصل اشتهارلری دخی خدمتلرنده
بولنه جقلری مسافرلری آلداتوب کندی

استفاده لرینی تأمینہ چالش مق صور تندہ در۔ ہر کیم
 بومقوله آدم لرہ مراجعت ایلمش ایسہ البتہ
 برسیئہ سنی چکمہ شد در۔ زیرا بونلرک اصل ایشلرینہ
 کلہ جک خدمت یبانیجیلری برطاقم منہیات ومعایب
 یرلرینہ سوق ایتک اولوب اورالردہ ایستدکلری
 کبی آلدانہ رق پارہ لرینی چکمہ بیلورلر۔ یوقسہ
 درسخانہ لر، کنبخانہ لر، موزہ خانہ لر، حیوانات
 نباتات باغچہ لری، آقوار یوملر، ترسانہ لر،
 فابریقہ لر کبی اصل کزیلہ جک، کوریلہ جک،
 استفادہ ایدیلہ جک یرلرہ دلالت امرندہ ہیج
 برکونا مہارتلری یوقدر۔

اشبو عجمی مسافرلرک جولانلر امرندہ
 ایکنجی درجہ دہ مراجعت ایدہ جکلری آدم لر
 دخی پیدرپی پیدا ایتدکلری آشنالر اولمق
 طبعیہ در۔ اگر بو آدم لر حسن دلالتہ مقتدر
 ذواتدن اولوب دہ مسافر ی کز دیرمکہ،

طولاشدیرمغه وقتلری دخی مساعد بولنورایسه
 شبهه یوق که استفادەنک اک بیوکی بولردن
 ایدیلور . لیکن بولرک کندی مشغولیت
 مخصوصه لرینی فدا ایدوب ده ییانجینک استفادەسنه
 خدمت ایلەک درجه سنده کی سماحتلری قولای
 قولای امید اولنه بیلورمی ؟ غایتی شویله هر
 کسک قولایلقاه هر زمان کیدوب کوره بیلە-
 جکلری یرلره دلالت ایدرلر ایسه ینه بیوک
 برعنایت ایلەش اولورلر .

بونک اک اعلاسی انسانک کندی کندیسنه
 قلاغوزلق ایتسیدر . بوايسه یك قولایدر . زیرا
 اوروپانک بیوک شهرلرینک کافه سی ایچون
 ارباب سیاحتە دلالت امرنده متعدد کتابلر
 یازلمشدر . بو کتابلرده اوشهرک شایان زیارت
 وتماشای اولان نه قدر یرلری وارایسه سمترلری
 وسوقاقلری و آچیق اولدقلری کون وساعتلری

ودخولیه اجرتلری وار ایسه آنلرک مقدارلری
ایله برابر موضحاً، مفصلاً یازیلیدر. بعضلرنده
کیدیله جک یرلرک رسملری، پالانلری بیله
مندرج اولوب حتی درونلرنده شایان اعتنا
واهمیت نهلر وار ایسه جمله سنک تعریفاتی ده
مندرجدر. ذاتاً هر شهرک عمومی پالانلری
مطبوع ومنتشر اولوب کیدیله جک، کوریله جک
یرلره هانکی طریقلر ایله کیدیله جکی دخی
بو پالانلره مراجعتله ا کلاشیلور. زیرا شهر
ایچنده ایشله یین اومنیبوس و تراموای وشمندوفر
وکوچک واپورلر کی وسائط نقلیه نک کذر.
کاهلری دخی اشبو پالانلر اوزرنده تعین وارانله
ایدلمشدرلر. امدی مملکته وصولی متعاقباً
بوپالان وکتابلردن لزومی قدری تدارک اولنه رق
تبعه کیرشملی. هوتلده دخی ینه بویله ایملک
عجمیملک حالنده سائر رفقا وارا یسه انلر ایله

امرجولانده عقد شرکت ایللملی که آنلر دخی
 معاونت و رفاقته محتاج اوله جقلرندن کندیلرینه
 وقوع بوله حق مراجعتی رد ایده بیللملری
 ممکناتدن دکلدر. الحاصل برکرم زمره کیدیلوب
 کوريله جکی بوتبعات نتیجه سنده قرارلشدیرلد.
 قدن صکره او جولانلرک قوه دن فعله اخراجلری
 امرنده یالکز عربه جیلرک وساطتی کافی اولورکه
 ایلروده عربه لر بحثنده ایشک بوجهتی ده ایضاح
 قلنه جقدر .

انسـانک هیچ طائیدیغی برشهر ایچنده بویه
 تبعات خصوصیه نتیجه سی اوله ورق باخصوص ماشیاً
 اجرا ایده جکی جولانلرک ذوقی ده بشقه در .
 کرک اجر تلی بر قلاغوزک و کرک احبابدن برذاتک
 دلالتنه تبعیتله کزیلور ایکن انسـانک اختیاری
 کندی النده دکلدر . برکوسمنه تابع قیون کبی
 علی العمیا یوررکیدر . لکن اولجه ایتدیکی تبعاتنه

اعتماداً کندی کنڈیسنه جولانہ چیمش اولان
 آدم هر خطوہده اطرافنی نظار دقت خرده
 بینانہدن کچورہرک پلانلر اوزرنده کی تعیناتی
 خارجده کی موجوداتہدخی بالتطبیق ادنامو فقیہلرندن
 او قدر متلذذ اولور کہ تجربہ سنی ایتماش اولانلرہ
 تعریف قابل دکلدر . بوصورتہ بر کرہ کچیلش
 اولان یردن ایکنجی دفعہ اولہرق کچیلور ایکن
 او محل انسانک چوقدن بیلدیکی بریر اولدیننی
 لسان حال ایله سویلر . حالبوکہ قلاغوز ویا
 رفیق دلالتیہ کزیلن یرلر حقندہ بودقتی ایتک
 قابل اولہ میہ جغندن اوچ درت دفعہ کچیلن یر
 حقندہ بیله معلوماتک اودرجہ سنی پیدا ایتک پکده
 ممکن اولہ مز .

اوروپا بیوک شہرلرنده مؤسسات عمومہ یہ نک
 هانکیسنہ کیدیہ جک اولسه وهر کیمک رفاقتیہ
 کیدالسه یلک زیارتده برشی اکلاشیله مز . واقعا

بويرلرک هر بری ایچون آیری آیری تعریفنامه لر
 ودالات کتابلری دخی واردر . مثلاً برموزه
 ایچون صورت مخصوصه ده تنظیم و طبع ایدلمش
 اولان تعریفنامه ده اوموزه نك نردبانلرینی ،
 قوریدورلرینی ، سالونلرینی و الحاصل قاج قات
 ایسه هر قاتك تقسیمات داخلیه سنی کوسستر
 پلانلر اولدیغی کبی هر سالونده هانکی آثار عتیقه
 وار ایسه انلرک تعریفاتی ده مندرجدر . لکن
 بو تعریفنامه لر اکثریا محال سائر ده فروخت
 اولمییوب ینه اوموزه قیوسنده فروخت اولند -
 قلرندن برکونده و بردفعه ده هم آنلری الوب
 مطالعه و تدقیق و هم ده موزه یی کزوب تطبیق
 ممکن اوله من . بناءً علیه بویله یرلره بردفعه کید -
 لدیکی زمان آیاق خدمتنده بولنانلره برازبخشیش
 اعطاسیاه قلاغوزاق ایتدیریلورکه بونلرک اید -
 جکلری تعریفات و ویره جکلری معلومات انسانی

ایچہ مستفید ایلر . اما استفادہ نک بودرجه سی
 « ایچہ » دن پک ده ایلرویه کچہ من . چونکہ
 اورادن چیقیلور ایکن برده تعریفنامہ مبايعہ
 اولنہرق وبونلر هوتلدہ تدقیق وتبع ایدیلہرک
 ایکنجی دفعہ کلدیکی زمان اکثریا مسافرویا زائرک
 اورادہ آیاق خدمتندہ بولنا نردن دہا زیادہ عالم
 وواقف چیقدیغی کوریلور . حاصلی اہمیت
 ولیاقتی اولان یرلرہ برقاج دفعہ کیتملی . ایلک
 دفعہ سندن صکرہ آراتق اورادہ کی آدملر ایلہ
 معارفہ پیدا اولمش دیمکدر . آندن صکرہ کی
 دفعہ لردہ بو آدملر ایلہ برراسکی اشناکی معاملہ
 ومکالمہ ایدیلہ بیلور . ہلہ عمومی درسخانہ لرکی
 بعض یرلرہ بویلہ برقاج دفعہ کیدلدیکی وکیدہ نک
 یبانجی فقط معتبر بر ذات اولدیغی اکلاشلدیغی
 زمان معلملر ایلہ دخی معارفہ پیداسی ممکن
 اولوب با خصوص کتبخانہ لردہ ، مطبعہ لردہ

برچوق ارباب علوم و اقلام ايله ده بالتصادف
 معارفه لر پيدا اولور كه بومعارفه لر دن بيوك بيوك
 نتايج مفيده دخی حصولی نوادر دن دكلدر .
 شوراسی محققاً معلوم اولمایدركه اوروپانك
 هر طرفنده اجانبه بك بيوك حرمت ايديلور .
 هله اواجنينك كندی مملكتنده معتبراندن
 اولديغی اكلاشیله حق اولور ايسه حرمت
 ورعايتدهدها ايلرويه كيديلور . كوزوب اوكرنمك
 ايستديكي شيلر خصوصنده كيمه راست كلوبده
 معلومات صورسه كيمسه دريغ معلومات ايتمز .
 هانكي سوقاقده بولنديغی ونزهيه كيديله جكي
 خصوصنده دوچار تردد اولان بر آدم هيچ
 بيلمديكي برقادينه دخی یوانی صورده بيلور . اوده
 جوانی دريغ ايتمز . بويه بر مراجعت بعضاً
 تصادفی فقره آتیه كي نتايج لطيفه يه قدر جلب
 ايده بيلور .

اخص احب اذن بری پارسه کیتمش . ذاتاً
 اوراده بولنان بردوستک مسافر اولدینی
 (پانسیون) . مسافر اینمش . پانسیون دنیان یرلر
 عمومی هوتل ایله خصوصی خاهلر آره سنده
 برشیدر . یعنی متعدد آپارتمانی و اوطه لی
 برر خانه در که آیده شو قدر اجرت مقطوعه
 ویرلک اوزره انسان او خانه کنیدیسی فاملیا
 اعضا سندن اینمش کی بر صورتده قبول ایتدیرر .
 ییمسینه ایچمسینه یا نمسینه قالمسینه چاشورینه
 فلا نسه هپ اوراده باقیلور . دوستمز برکون
 یوانی غائب ایدرک دونمش طولاشمش بردرلو
 سمت مقصوده یون بوله مامش . دیرکن قارشوسنه
 چیقان کنج، کوزل، سوسلی بر مادامه سوال
 ایتمش . اما خاطرنده یالکیز سوقاغک اسمی
 بولندیقندن آنی صورنجه مادام دخی : « بنده
 او سوقاغه کیدیورم موسیو ! اثریمه تابع اوله

بیلورسکز « جوانی ویرمش . برکنج و مجهول
 قادین ایله قول قوله کیدیله مزیا . قادین اوکده
 دوستمز آرقه ده مطلوب اولان سوقاغه واردقن
 صکره قادین برقبودن کیرمش که دوستمزک
 کیره جکی پانسیونک قیوسی دخی اوراسی ایمش .
 زرباندن یوقاری طوغری دخی حالا دوستمز
 طرفدن تعقیب اولاندینی کورن قادین براز
 طاتلیجه استغرابه دوچار اوله رق « موسیو! بی
 بورایه قدر تعقیبیدن مرامکز؟... » سؤالی
 بالطبع برتبسم لطیف ایله ایراد ایدوبده دوستمز
 طرفدن دخی: « بن ده بو خانه نک سکنه سندنم مادام! »
 جوانی آنجه کوزل مادام ده زیاده حاصل
 اولمش طاتلیجه برتعجب ایله: « یا!... او یله می؟ »
 او یله ایسه!... دیمش و بعد ما ایکی کنج آره سنده
 معارفه و مناسبت نردیه قدر وار دیر یله بیلورایسه اورایه
 قدر واردیرلغه بو صورتله یول آچلمش . لکن

تصادف هر یرده هر کسه بوقدر یارویا وراوله مزه .
بعضاده انسانی ظواهر احوال ایله الداتوب پک
بیوک بالارله دوجا رایدی .

الحاصل قلاغوز نامیلله اورتیه چیقوبده
اجنبی مسافرلری آولامقده بولان حریفلرک
دلالتلرندن چندان فائده امید ایتما لیدر . بونلرله
برلکده کزهرک آنلرک ویره جکارلی یالان یا کلش
معلومات ایله اکتفا ایدم جکنه ذکی واعتنا الی
اولان بر یولجی یاپ یالکنز کزهرک کنیدی
تحقیقاتیله اخذ معلومات ایدم جک اولور ایسه
بلا شبهه دها کارلی چیقار .

شوراسی شایان توصیه ودقدرکه اوروپانک
بیوک شهرلرنده وبالخاصه پارسده قهوه خانه
غازینولوقانطه بیراخانه قرائتخانه فلان کبی یرلره
مراجعت ایدن اجنبیلرک حاللرینه شانلرینه
پک زیاده دقت اولنوب بر آدم بویرلردن بریسنه

ایکی دفعه کیره جک اولسه ایکنجی دخوانده
 اول دخی کلش اولدیفی تخطر ایدیلهرک دها
 دوستانه ومتبسم برچهره ایله استقبال اولنور.
 مراجعت ایدن ذات برار کیرکین ده اولورایسه دها
 ایلک کیردیکی کون بیله اوراده کندیسنه بر
 معارفه پیداسندن کیروقالمز. هله ایکنجی اوچنجی
 مراجعتلر نده اویرجه آرتق معروف بر آدم حکمنی
 الهرق هر نه درلو تحقیقات واستکناها ته کیریشه.
 جک اولسه کندیسندن دریغ معلومات ایدلمز.
 یاننده اوقاقلنی بولنامق کبی بروسيله ایله اوکون
 ایچدیکی شیئک پاره سنی ایرتهیه تعلیق دخی ممکن
 اوله بیلور.

ایشته جولانلری انسانک بوصورتله کندی
 کندیسنه ترتیب واجرا ایتیمی اولور اولمز قلا-
 غوزلر دلالته ایدیلهر جک جولانلردن بالوجوه
 دها نافع اوله جنه شبهه اولمیوب اوروپا شهرلری

ایشته بووجهله نفع ایدلمیدرکه بلاد مذکورده نك
 حقایق لایق وجهله اوکرنیلرک نتیجه استفاده
 دخی تأمین ایدلمش اولسون . یوقسه آیلرجه
 برشهرده اوطوردینی حالده هیچ برکونا معلومات
 جدیه آله مقسزن دونمک مقرردرکه بزم استانبوله
 کان اجنبی سیاحلرک عادتاً کافه سی بو حالده
 اولدقلرینه اصلاً شبهه ایتمایدر .

عربیه لر

کوچک بیوک شهرلرده مسافرلرک کندی
 کندیلرینه ترتیب ایده جکلری جولانلر ایچون اک
 موافق دلیل و قلاغوزلر عربیه جیلر اوله جغنی خبر
 ویرمش ایدک . بونی تکرار ایدرز . زیرا اوروپاده
 بر آدمک عربیه جیاغه قبولنک اک بیوک شرطی عربیه -
 جیاق ایده جکی شهرک هریرینی بیلمکدر . او شهرده کی
 سوقاقلرک هر برینک براسم مخصوصی اولوب

تیا ترو کتب خانہ موزہ خانہ آقوار بوم و عمومی
 باغچہ لڑ کی مرجع امام اولان یرلرک کافہ سی
 بیلمکدن ماعدہ عربہ جی اولد جق آدم پوستہ ختہ
 تلغراف خانہ مشہور مغازہ لڑ قوناقلر کی یرلری
 دخی بیلملیدر . هانکی عربہ جی به : « بنی فلان
 سوقاغه کوتور » یا خود : « فلان موزہ یه کیده جکم
 دینلسه بلا خطا انسانی اورایه کوتوردر . بناء علیہ
 جولان ایچون اولجه ویردیکی قرارک اجرایی
 امرنده انسان هانکی عربہ جی به مراجعت ایتمش
 اولسه کندیسنی ایستدیکی محله سوق ایتدیر بیلور .
 فقط عربہ جیلره دخی الدائمق ایچون بونلرک
 تابع اولدقلری نظامدن کندیسنه عائد اولان
 شیلری انسان بیلملیدر . نظام اقتضاسیجه عربہ لڑک
 اجرقتی یا « قورس » ویا خود ساعت حسابیه
 اولور . « قورس » دیمک بریردن دیگر یره قدر
 لکز کیتیمک دیمک اولوب بونک ایچون هجه

تعارف لری موجبنجه فیاتلر معیندو. بر عرب به جی به:
 « بنی فلان یره کوتور » دینله رک قورس
 صورتیله عربیه بیلور ایسه عرب به جی کچه جکی
 سوقاقلری کندیسی انتخاب ایتک واک کسیرمه
 یولاردن کیتک حقه مالکدر. زیرا آله جنی
 یاره یالکز مشتری بی اورایه ایصال اچوندو.
 اکر « فلان یره دخی اوغرایه جغز » دینلوبده
 شو اوغرایه جق یر یول اوستنده بولمیه رق
 صاپه قالور ایسه عرب به جی در حال ساعتته باقار.
 زیرا بوصورتله تکلیف اولنان سفر ساعت
 یازارانی دیمکدر. او حالده سز دخی ساعتکزه
 باقملیسکز. اکر او شهرده سوقاقلرک شوراسنده
 بوراسنده غاز دیر کلری کبی دیر کلر اوزرنده
 موضوع عمومی ساعتلر وار ایسه آنلره
 مراجعت اولادر. چونکه ایش یالکز عرب به -
 جینک ساعتته قالور ایسه حریف سزی پک اعلا

الداتہ بیلور۔ بعض حیلہ کار عربہ جیلرک ایک جیندہ
ایک ساعت وارد رکہ بریسی پک کیری و دیگر پک
ایلر و اولوب آرد لرندہ یکرمی دقیقہ دن اقل اولماق
اوزرہ برفرق واردر۔ عربہ یہ بیندیک زمان
کیری قالان ساعتہ و ایندیک زمان
ایلر و کیدن ساعتہ باقہرق ساعت باشنہ معین
اولان اجر قی تمام یاریم ساعت زیادہ آلور۔
چونکہ بر ساعت مدتی یکرمی دقیقہ کچر ایسہ
بر بچق ساعت عد اولنق همان هر یرده نظام
اقتضا سندندر۔

شوراسی ده معلوم اولمیدر کہ اور و پادہ و بالخاصہ
فرانسدہ و آنک دخی خصوصیت تامہ ایلہ پارس
شهرندہ خلقتک اک چاپقین قسمی عربہ جیلر در۔
بزم بورالردہ یچارہ طلومبہ جیلر چاپقینقلہ مشهور
اولدینی کبی پارسده دخی بوشهرت عربہ جیلرہ
مخصوصدر۔ اولور اولمز اخذ و اعطا امرندہ بونلر
ایلہ چکہ یاریشدیر مق قابل اولہ منز۔

لوندزه وپارس و برلین و ویانه کی بیوک شهر۔
 لرده عادی کرا عرب بهارندن بشقه برده «رهمیز»
 عرب بهی دنیلور کوزل و سوسلی عرب بهار واردرکه
 عادتا برقوناق عرب بهی کی اولوب حتی عرب به۔
 جیلری دخی قوناق عرب به جیلری کی تمیز و سوسلی
 کینورلر، بو عرب بهارده نومرو دخی اولمديغندن
 کباره مخصوص عرب بهاردن هیچ فرق لری یوقدره۔
 بونلرک ساعت باشنه اجرت لری بهالی اولدینی
 کی اوچ ساعتدن آناغی مدت ایچون استیجار
 دخی ایدیامزلر، کرک بونلر و کرک ساعت
 حسابیه استیجار ایدیان عادی عرب بهار کندی
 یوجیلرینی ایستدکاری برلره کوتورلر و هریرده
 ایستدکاری قدر بکلیوب نه ایستدکار اولدقلری
 هوتلاره اعاده و ایصال ایدرلر، عادتا کندی
 خدمتکار لری ایمش کی اطاعت و حرکت لرنده
 اصلا قصوری اولمز۔

بر عرب‌یه کړك ساعت و كړك قورس حسابيله
 ینلمش اولسون عرب‌ه جینك حقی ویرلدكن
 صكره برده بخشش ویرلك عادتدرکه اورویاده
 ویرله جك بخشش‌لر حقنده اشاغیده بر بحث
 مخصوص کشاد اولمقدودر .

عادی عرب‌له لك اوزرنده نومرولری بولندیغی
 کبی عرب‌ه جیلر لك اللرنده یاتنکه و یا خود مقوا
 لوح‌لر اوزرنده دخی نومرولری واردرکه
 یو جایی ایستدیکی زمان بولری ابراز و اعطایه
 عرب‌ه جیلر مجبوردرلر . حتی جزؤدان کبی
 بپلمش برده عرب‌له نظامی واردر . آنی دخی
 نه زمان یو جی ایستر ایسه ابراز مجبوردر .
 بواحتیاطلر عرب‌له حی ایله یو جی آردسند و وقوعه
 کله جك مخالفتلری فصل و حسم ایچوندر . زیرا
 عرب‌ه جینك نومروسنی هانکی پولیسه هانکی
 دائرة بلدیله چاوشنه ویرسه او عرب‌ه جینی در حال

توقیف ایدرک یو لژی ایلہ آرہ لرنده کی منازعہ میں
فصل وحسم ایدرلر . عربہ جینک نومروسی
یو لژینک النده بولندجہ حر یفک زمام اختیاری
یو لژینک النده دیمکدر . کرا عربہ لرنده اونوتیلہ حق
اشیائی در حال ضابطہ مرکز لر ینہ تسلیم ایلیمکہ
عربہ جیلر مجبور اولوب اشیائی غائب اولان
آدم پولیسہ مراجعتلہ « فلانجہ عربہ ده فلان
شیئم قالدی » دیہ بیان حال ایدنجہ اشیائی
کندیسنہ تسلیم اولنور . ایشته بونک ایچون
دخی عربہ نک نومروسی ضبطہ لزوم واردر .
عربہ سنده قالان اشیائی پولیسہ تسلیم ایتیموبده
بالآخرہ تبین ایتدیریلور ایسہ عربہ جی حقندہ
عادتا خرسز معاملہ سی اجرا ایدیلور .

کرا عربہ لرندن بشقہ « اومنیبوس » تعبیر
اولنور عمومی عربہ لر تراموایلر واپور ویاخود
الکتر یق قوتیلہ تحریک اولنور تراموایلر

كوچك شمندو فرلر ونهر وكول ودكزلرايچون
 كوچك واپورلر مثللو دها برچوق وسائط
 ووسائل سير وحركت هريرده موجود اولوب
 بونلرك نظاملري ايسه همان عينيه بزم تراموايلر
 وشركت واپورلري نظاملري كيدير . لكن
 بونلر دائما بر خط معين اوزرنده سير وحركت
 ايلدكلرندن واكثر يا انسانك كيده چكي يرلر
 بو خطرله اوييه جغندن هر كس ايستديكي محله اشبو
 وسائط عموميه ايله كيده بيلمك ايجون بيوجك وقوف
 وتجربه يه احتياج واردر . مثلا بايزيددن ارن كوينه
 كيده جك بر آدم ايجون كوپري يه قدر ترامواي
 واورادن حيدر پاشايه قدر واپور و حيدر پاشادن
 دخي ارن كوينه قدر شمندو فر بولنديغي وبونلرك
 وقت حركتلريني بيلمك لازم اولديغي كبي حتي
 دها زياده مغلق اوله رق اوروپاده دخي واردر كه
 يبانجيلر ايجون بونلري اوكرنمك خيلي زمانه

محتاجدر . برکت ویرسون اشبو وسائط انتقالیه
 مأمور لرینت کافه سی بوبابده کندیلرینه مراجعت
 ایدن بولجیلره معلومات لازمه نی ویرمکه مجبوردرلر .
 مثلاً « فلان یره کیده جکم » دینلنجه « بوخط ایله
 فلان محله قدر کیدرسکنز . اوراده دیگر خطه
 افطارمه ایدرک فلان محله واررسکنز . اوراده
 دخی واپور ویاخود شمندوفره بینرسکنز » دیه
 سزه شفاهاً اوفاقق براترفه ییار . فقط مأمورک
 سوبلدیکی سوزلری کوزجه ضبط وحفظ
 ایتلیسکنز . زیرا کندی سهو کزدن او مأمور
 هیچ مسئول اولمز . او ایسه سزه ممکن دکل
 یا کلش برشی سوبله من .



پوربوآر یعنی بخشش

مادام که عربہ جیلری یازدق انلرک کوستره .

جنگلری لزوم اوزرینه دخی بخشش مسئله سنک
ذکرینی تأخیر ایتاملیدر . یونی ذاتاً عربہلر
بخشیدده وعد ایلش ایدک :

اوروپاده بخشش مسئله سی اک عمومی اک مهم
مسائلدندر . ذاتاً بو حال شمیدلردہ یالکیز
اوروپایده مخصوص دکلدرا ! « اتون اناختار
هرکلیدی آچار » مثلی قدیم رومانلر زماندنبری
ضرب اولنه کلنور . « تیق تیق ایدر نه اچه جک
ایش بتورر آچق جک » حکمنده کی ضرب مثالر
هراسانده واردور . اما اوروپاده بخشش مسئله سی
مئلک سارندن دها متمم ودعا مهمدور . آنلر
« باقشیش » تعبیر ایلدکلری بخششک کندیلرندن
زیاده بزم بو طرفلردہ نافذالحکم اولدیغنی روایت
وحتی ادعا ایدرلر ایسده بزجه کل بوم هرکسک
برایکی دانه ویرمکه مجبور اولدقلری صدقانی بیله
حسابه قاته جق اولساق یینه اوروپایک بخشش لریله

مسابقه ده غلبه مزی تأمین ایتش اوله میز . بر
 عربیه بینه کزده برفرانق اجرتی اولسه هیچ
 اولمز ایسه یکر می پاره قدر اولسون بخشش
 ویرمیلندر . Pourboire پوربو آردیمک «ایچمک
 ایچون» معناسنه بر ترکیب اولوب حکماً معناسی
 دخی «شراب پاره سی» دیمک اولور . بخشش
 اله حق اولانلر آزینه چوغنه باقیه رق قبول
 وتشکر ایدرلر . فقط ویرلیه جک اولور ایسه
 مشترینک کندی خدمتدن ممنون اولدیغنه
 دلالت ایدرک محزون قالورلر . حتی عربیه جیلر
 کی بعض جراتلیلر «بخشش سزها! . . .» دیه
 بو حزنلرینی قولاً دخی میدانه قویارلر .

برعادی لوقانطه ده طعام ایدن آدمک بخشش
 ویرمسی عادتی بزم بورالرده دخی همان تعمیم
 حکمنی آلمشدر . لکن اوروپاده عربیه جیه
 قهوه جی بیراخانه جی چراقلرینه وموزه وباغچه

کې یرنړک قپو جیلرینه و باخصوص مسافرک
اوکنه دوشوب کز د یرنړه حاصلی همان هر یرده
هر کسه بخشش و یرمک عادتدر. نره لرده کیملره
بخشش و یر یله جکنی صایمق حقیقه اوزون
اولور. بالعکس نره لرده کیملره و یر یله جکنی
تعداد ایتک دها قولایدر.

خصوصی و کبار خانه لرده اوشاقلره و یرلمز.
انسانک الشقین اولدینی خانه لړک اوشاقلرینه
ییل باشیلرنده بر رهدیه و یرملری دها کبارانه در.
بو هدیله لری نقداً و یره رک کوکلی نه نی ایست
ایسه آلمسند اوشاغی مختار براقق بالطبع دها
نازکانه اولور. شمندوفر واپور تراموای وسائره
کې یرلرده بیلت صاتانلره وقوندوکتور ومفتش
کې مأمور لرده و یرلمز. و یرلمز اما!... و یر یله.
جک اولسه المامزاقده ایتملر. یالکز بر آز
اطرافلرینه باقنوب مفتش بولند یغنه امین اولمق

ایستہین قطار قوندوکتوری بر قاج فرانہی
 یک اعلا قبول ایدرک انسانن یا لکزجہ بر محلہ
 و یا خود ایکنجی واغونده ایسہ برنجی واغونہ
 قویہ بیلور . شو قدرکہ خروج استاسیون نہ کنزدن
 اول ینہ تبدیل و تصحیح مکان ایتک لازمدرہ
 بلدیہ وضابطہ مأمورلری بخشش قبولدن
 قطعاً ممنوعدرلر . تکلیف اولنہ دخی قبول
 ایتزلر . بیوک مغازد لک دستکامدار کی بیوک
 مأمورلر ینہ دخی ویرلز . فقط آباق خدمہ
 سنہ بخشش امید ایتدیریلور ایسہ آلہ حق
 مانک جنسی حقندہ طوغری خبر ویرمک
 درجہ سنہ بر خدمتہ مقابلہ ایدرلر . اما فیاتلر
 معین اولدقلرندن تنزیل فیئہ یاردیم ایدمزلر .
 تیاتر اولردہ یا لکز لوجہلری آچان قپایان قادین
 ارکک خدمہ دن بشقہ سنہ بخشش ویرلز .
 مزارلق بکجیلر ینہ دخی ویرلماسامک لازم کلور

ایسه ده پارسده پرلاشز مزاراغنی زیارتمزائسانده
 طرفزدن بخشش اعطاسنه لزوم کورنمش
 وبکچی افندی صوردینمز شیر حقنده اولجه
 اعطاسنده ناز ایتدیکی جوابلری بخششی متعاقباً
 يك بيوك خواهشه اعطایه باشلامشدر . بعض
 یرلرده دخی « بخشش اعطاسی ممنوعدر » یوانده
 شورایه بورایه بررلوحه تعایق ایدلایکنی
 کوررسکیز . ایشته اکلاشیلیوریایه اورداده
 بخشش اعطاسی لازم کلیه جک اما شویله ایکی
 یرمق اوجیله بر آووج ایچنه بر اقیلان چیل یارم
 فراقلق هر حالده تاثیرای اظهاردن خلی قالمز .
 ایشته بعضلری شو صاید قلمزدن عبارت
 اولان یرلردن ماعدا همان هر یرده بخشش
 ویریلور و ویریلیدر . هله عادی لوقانطه لرده
 طعام ایدبله جکی زمان ایلک امرکزی آلمغه
 کلن اوشاغه : « اتلی سائیم بخشش وار .

طاقتلر سیلنه جک و پیشگیر باکر اوله جق «
 دینلورایسه نظافت و طهارتدن برازدها زیاده جه
 امین اولمق ممکندر. اکثریا ایلمک ویریلن بخشش
 صکره به قالادن زیاده حسن تأثیرانی کوسترر .
 مثلاً ساکن اولدیغکز هوتلده همان وصولکزر
 کونی ایلمک بخششی ویررسکزر. حتی برازده
 زیاده جه ویررسکزر . بوحال ایشک آندن
 صکره سنی دخی امید ایتدیره جکندن
 خدمتکزده دها زیاده جان و کوکل ایله غیرت
 ایدرلر . بر هوتلدن چیقیلوب کیدیلور ایکن
 مطلقاً بخشش ویرمک عادنا بورج حکمنده در .
 سهواً اونوته جق اولسه کز اورایه بردها
 مراجعتکزده بورجنی تأدیه ایتهدن کیدن
 آدمک طور اعتذارکاریسی ایله او ویرمین اسکی
 بخششی ویرمیدر .

اوروپاده شو بخشش مسئله سنک نه قدر مهم

اولدیغنی موازنه یه مدار اولمق اوزره خبر
 ویرهلم که برچوق بیراخانه لرده میخانه لرده قهوه -
 خانه لرده لوقانطه لرده فلانلرده اوسوسلی اوشاقلرک
 معین معاشلری اولمیوب یالکیز بخشش ایچون
 خدمت ایدرلر . حتی بونلردن بمضارنده اوشاقلر
 آیلق المیه جقلرندن ماعدا قیریالان شیلری اوده مکی
 بیله درعهده ایدرلر . بمض پک ایشلرکنرنده
 ایسه بوندن فضله اوله رق اویر صاحبته آیده
 شوقدر پاره ویرمکی ده عهده التزاملرینه آلورلر .
 آرتق بو آدملره بخشش ویرمکسزین اورادن
 چیقماق حقیقه عیب اولور . ذاتاً برباقراونلق
 درجه سنده بخشش دخی مع التشکر قبول اولور .
 اوشاقلری متعدد اولان یرلرده مشتریلرک
 اوشاقلردن بریسنه ویردیکی بخشش یالکیز آنی
 آلان اوشاغک مالی اولمز . دیگر اوشاقلرک
 دخی آندن حصه سی واردر . بناءً علیه هراوشاق

الدینی بخششی مدیر و یا مدیر دك یانی باشندہ
معلق اولان صندوقہ آئغہ مجبوردر . هفته دن
هفته یه و یا خود آیدن آیه بوسندقدہ مترام
آچہنی اوشاقلر تقسیم ایدرلر . بعض یرلر ادرکہ
دائما آچیق وزیار تجیلرک ورو دینہ امادہ اولیوب
یا لکنز هفته دہ بر ویا ایکی کون کشاد ایدیلورلردہ
او کونلردن ماعدہ ایامدہ مراجعت ایدہ جک اولان
زوار ایچون صورت مخصوصہ دہ آچیلورلر .
بو حالده او یرلرک اجرت دخولہ سندن ماعدہ بکجیلرینک
ظہورانہ منتظر اولملرینک مکافاتی اولہ رق بر فرانق
ایکی فرانق بخشش و یریلہ جکی تعریفنامہ سندہ دخی
مندرج کوریلورکہ بونی ویر مامکہ هیچ امکان تصور
اولنہ مز . پارسدہ طاق ظفر کی بعض یرلرک
بخشش مقابلندہ بکجیلکی متقاعدین عسکر بہ دن
ریسنہ چراقاق صورتیہ ویر لمشدہ . بونا موسلی
آدم یا لکنز کندیسنہ ویریلہ جک بخشش ایلہ
تعیش ایدر .

الحاصل بخشش خصوصاً صندہ اعتنا سزاق کبار لغہ
 موافق کورولیه جکندن بر محله بولنوب ده
 اوراده بخشش و یروب و یرمامک لزومند تردد
 حاصل اولور ایسه موجود اولانلردن بریسنه:
 « افندم اجنبیلک حسبیلہ خطادن خوف ایدیوروم.
 بوراده بخشش و یریلہ بیلاوب و یریلہ میه جکفی
 لطفاً بیان ایدرمیسکز؟ » دیه بر صورت متواضمانه
 واعتذار کارانده صور مق عیب صایلمدقدن
 ماعدا اویب انجینک کندی مملکت و ملت نتیجه ده
 کباردن اولدیغنی کوستره جکندن بعض کباراق
 طاسلامق مراقده اولان بیانجیلر بونی التزامی
 صورتده دخی یاپارلر .



قهوه غازینو تیاترو و سائرہ

بر مملکتہ یکی کلش و او مملکتک فامیلیه الیه

هنوز معارفه و مناسبت پیدا ایتـمـاش اولان
 یبـانـجـینـک مملکت مذکورده شایان تماشا اولان
 یرلری کورمک ایچون کندی کندیسنه جولانلر
 یاپه جنی و بعضاً و یا خود اکثریا کندی اقامتـکـاهی
 اولان هوتل تابل دوتندن بشقه خارجـده کی
 لوقانطه لرده دخی طعام ایده جکی کبی کرک یالـکـز
 باشنه و کرک هوتل معارفه سی اولان آدمـلـرله
 قهوه لره غازینولره تیاترولرده کیده جکی درکاردره
 بونلر دخی هپ شوومبادی معاشرت اوروپائیـه
 جمله سنده داخل اولان شیلردن بولنمسیله ایلروده
 بویولده و یریله جک معلومات مکملیه مقدمه
 اولق اوزره بوراده برقـاچ سوزسویله مک ایسترز .
 قهوه غازینو لوقانطه کی عمومی بر محله
 کیرلدیکی زمان شایقه لی اولانلرک الیرینی شایقه لریـنه
 کوتوروب کنارینی طوتملری و فـسـلـیلـرک دخی
 تنما ایدر وضعیتده برال قالدیرملری عمومـه سلام

حکمی آله رق حسن تربیه دلالت ایدر. بوقهوه
 وغازینو کی یرلرده مشتریلر تمامیه سربست
 بولنورلر ایسه ده هر یرده حکمی جاری اولمق
 لازم کلن قواعد عمومیه به بورالرده دخی رعایتیه
 خالق راحتسز ایده جک معاملاتیه بالطبع جواز
 کوسترلمز. مثلاً یاغمورلی وقارلی هوالرده اوستی
 باشی ایصلاق ویاخود قارلی اولان آدم بو محملرک
 اکثر یسندمه وجود اولان و «وستیبول» مقامنه قائم
 بولنان ایکی قپو آره سندمه اوستنی باشنی سیلکه ایوب ممکن
 مرتبه تمیز لیمکه غیرت ایده جکی کی یالکز شو غیرتی
 کفایت ایده میه جک درجه لرده شدائد هواییه
 دوچار اولمش ایسه پالطو وشاپقه وشمسیه براقغه
 مخصوص اولان محله قدر کیدرک بو یولده کی
 ایصلاق اشایی یا اوراده تمیز لیمکه ویاخود اوشاقلرک
 تمیز لملری ایچون براقغه البته همت ایلر. هله
 مشمه یاغمور اقلر ایله هیج بر یرده اوطور مق

ممکن اولہ میہ جغدن آئی مطلقاً چیقاروب بررہ
آصلیدر۔

کیردیکی قہوہ ویاغازینودہ کمال ادب ووقاریہ
برمناسب یرده او طوران تربیہ لی آدم دیک صدا
الہ اوشاق چاغرمق وکندینہ اوزاجق بر یرده
آشنا کورر ایسہ آنکله اوزون اوزادی یہ سلا
مالاشوب دیک صداالہ سویلشمک کی حالاردن
طبیعیلہ توقی ایلر۔ ذاتاً اوشاق بہمہ حال کلوب
حتی مشترینک اوکنہ بر قاج دانہدہ کبریت
برافرق نہ ایستدیکنی صورت جغدن آنک
ورودینی بکلمک کبارلقدر۔ شرکبریت فقرہ سنی
شرح ایچون همان بوراجققدہ خبر ویردم کہ
اوروپانک همان عادتاً ہر بر محلمدہ کبریت اعمال
وفروختی تحت الحصارہ العیش اولدیفندن کبریتلر
یک بہالی صاتیور۔ یارس شہری مرکز مدینت
عالم اولق اوزرہ حکم ایدلیدی خالدہ اورادہ
کبریت وژینک صاندینی کبریتلر بوندن یکرمی

او تونسنه مقدم یا پلسقده اولان کوکرتلی کبریتی لردن
 دیکه فو-غوری یاندقدن صوکره کوکرتی
 دخی یانوب آغاجه سرایت ایتسی ایچون ایجه
 بکاکمک و بر خیه لی ده کوکرت قوقوسنه تحمل
 ایتک لازم کلور . اوده نه قدر بهالیدریا . بزم
 بوراده خانه لر مزده یافدیغمز قدر کبریتی بر
 اورویالی یاقه جق اولسه کول اولور . بناء علیه
 قهوه لرده غازیو لردن اوشاق مشترینت امرینی
 المنه کلدیکی زمان اوچ بش دانه کبریتی کال
 اهیینه بالتقریم مشترینت امرینه منتظر اولور .
 خیر ! شو کبریت مسئله سی بوقدر جقه لاه
 اکلایوب بتورمش اوله میز . بوراده اوچ قوطی
 شمع لی کبریتی بزه اون پارویه حسان و بونک
 قوطیلری اوزرنده قرومولیتوغرافیا یله ویا خود
 فوتوتیپی اصولیجه باصلمش رسم لر دخی بولندی بی
 خالد او قدر اوجوز صاته رق نرمسندن نصل

کار ایدہ بیلدیکنہ عقللر ایرمین اورو پادہ
 رژیلردن طولانی کبریت خصوصندہ او قدر
 مقصدانہ طور انورلرکہ کبار عالمنہ مخصوص دکل
 ایسده همان اورتہ حاللی یرلرده بیلہ غزتہ
 کاغدلرینی اوزون اوزون کسوب فقیل کی
 بوکهرک قوطی وقوانوز کی برقاب ایچنہ قویارلر.
 سیغاره یا قلمق لازم کلدیکی زمان بوکاغدی
 شمینہ صوب با غاز کی یا تمقده بولنان شیلردن
 یاقوب استعمال ایدرلر. بعض قهوه لرده وتوتونجی
 دکانلرنده اوجی دیواره مربوط مار پوج کی
 برشی صارقار و آنک دخی اوجنده بزم اسکی
 زمان چبو قلرینک آغزانی کی پرنجندن معمول
 بر آغزاق بولنورکہ سیغاره سنی یا قق ایچون
 بو آغزانی انه آلان آدم آنی اغزبنہ طوغری
 قالدیرنجہ اوجنده اوفاجق برعلو پیدا اولدیغی
 کوریلور. بوعلو هوا غازی شعلہ سی اولوب

آنک اور ارجقده یواش یواش فقط علی الدوام
یانمی کبریت حسابدن دهافائده لی کورلمشدرده
بوماربیچ شعله دار آنک ایچون ایجاد اولمشدر.
بونلر بالخاصه ویانه ده پک چوقدرلر . یننه ایسه
بزقهوه ویاغازینویه کیرن مسافر مزه باقم .

بر تربیه لی آدم کیردیکی یرده اوزاجق بر محله
آشنالردن بریسی کورر ایسه یاساده جه بر باش
اشارتنه علاوه ایلدیکی تبسم ایله ای سلاملار
ویا خود کندیسنه سویلیه جکی بعض شیلر وار
ایسه قالقار یانه کیدرده او یله سویلر . یوقسه
اوزاقدن آشنالق و دیک سسلر ایله مکالمه عادتاً
بیاغیلق عد اولنور .

بویله قهوه وغازینولرک زمینی طاش ویا خود
چینی و بعضاً اغاج دوشه لی اولوب بورالرده
برطاقم باشی شایقه لی موسیولرک یره نوکوردکلری
وحتی باغم فرلاتدکلری کوریلور ایسه ده بو حالار

جهانك هيچ برطرفنده ذوق سليم اربابنك
تحسين ايدمهيه چكي شيلردر. حسن تربيه اربابنك
يانلرندن آيرليان برون مندياني بويله قهوه لرده
دكل آ سوقاقلرده بيله استعمالده غفلت ايتيه.
جككري دركاردر. بومنديلرده توديع اولنه جق
افرازاني هيچ بر كيمسه يه كوسترمامك حسن
تربيه نك مقتضيات ابتدائيه سندنذر. تأسف
اولوركه بزم شركت خيره واپورلرينك برنجي
موقعي سالونلرنده يره دوشه ن كوزل مشمع لار
اوزرينه باغم نو كوريلوب آيق ايله دنخي ازيلدكلر
مشاهدات نادرده دن دكلدر.

قهوه لرده اكثريا قهوه بي ساده اوله رق بيوك
جزوه ايجنده وشكري دنخي آيروجه بر طباق
دروننده كتوروب مشتري بوش فنجان ايسنديكي
قدر شكر و قهوه قويه رق مشروبي كنديسي
ترتيب ونوش ايدر. بو حالده شكري يابر قهوه يه

اداره بهد جاسور سئوردرلر وياخود برشکردان
 اچينده چوق کتوردرلر . اولکي حالده مشتری
 شکرک آرتاتی الوب جينه قويه رق اقامتگاهنه
 کوتوره بيلور . و یريان کبريتک فضلہ سنی دخی
 آلوب کوتوره بيله چکی کبی . اما صایغیلی آدملر
 حرص و طمعی بوقدر ایلرویه کوتورمزلر .
 اکر شکری برکاسه و کبریتی دخی برکبريتک
 دروننده چوق مقدارده کتوردرلر ايسه مشتری
 بالکز قوللانه جنی قدرینی قوللاناوب باقیسنی
 کوتورده من .

قهوه وغازينولرک عاديلرنده فرنکلر شاپقه لرینی
 چيقارمزلر . فسلیلر هيچ بريرده چيقارمزلر يا .
 مابعضک معتبر قهوه لر غازينولر واردرکه درونلر
 ده قادين اولمدينی حالده دخی شاپقه لرک
 چيقارلمسی اومحاملره مخصوص بر عادت حکمنی
 لمشدر . شاپقه لرک چيقارلدينی یرلرده ايسه

پالطو وسائرہ نك چیقار لمسنہ دہہ بالطبع لزوم وارد رہے۔
 « شرقی قہوہ » دنیلمن یرلرک سائر قہوہ لر دن
 پك دہہ فرق یوقدر . عادى قہوہ لرک آدابى بورالر
 ایچون دخى کافیدر . شوقدر کہ خوانندہ لر تغنى
 ایدر لر ایکن انلرہ قولاق و یرمیوب دہہ یانسدہ
 رفقا ایلہ جہراً مباحثاتدہ بولمق خوش کورلمز .
 پك خوشہ کیدن ہنر لر اوزرینہ ال اورمق
 آلقشلامق او یونجیلر ایچون تحسین مقامنہ قائم
 اولہرق مستحسن کوریلور ایسدہ آووجلرینی
 پاٹلاتور جہسنہ ال اورمق شیق صایلمز .
 فی الحقیقہ صنعتکارلری آلقشلامق لازم کلور
 ایسہ یالکیز ال اورمق وضع و حرکتی کو سترمت
 کافیدر . فقط باستون ایلہ تحتہ لر اوزرینہ اورمق
 و پوتین و چزمہ اوکچہ سیلہ دوشہ مہلر اوزرندہ
 تپنمک پك بیاغلیق عد اولنہ جنی کبی ساحہ
 تماشا اوزرندہ درلو قیافت و اوضاع و اطوار ایلہ

ار باب تماشایه هنر صاتان قزئر ایله مناسبت
ومعارفه یی اعلان ایلیه جک تبسملرده اشارتلرده
فلانلرده بولمق دخی بی-اغیلغی اعلاندن بشقه
هیچ بر معنا کوتوره مز .

بومثللو عمومی محملرک اک مهمی تیاترولردر .
حتی تیاترولرده سیغاره ایچلمک دخی ممنوعدر .
اکثریسنده شاپقه چیقارمق بیله تحت مجبوریته
اولوب یارسک بیوک او براسی کی بعض پک
معتبر تیاترولره مسامره رو باسیله بیله کیتمک
تحت مجبوریته کیرمشدر .

تیاتروییه یالکز باشنه کیدن اجنینهک لوجه
استیجار ایتسی بهوده مصرفدر . مکر بر صفت
رسمیه سی اولده انک شان و شرفنی محافظه
لوجه استیجار ایده . اجنبی ایچون ثروتنک
مساعده سنه کوره یاقولق یاعادی صندالیه ده
اوطورمق کافیدر . ذاتاً تیاتروییه کیتمکدن

مقصد اصلی حسن تماشا ارانہ جغنه کورہ اور تعلق
پردہ برنجی ، ایکنجی ، اوچنجی سرہ قولتق
صندالیہ لری اوزرندہ او طور مق حسن تماشانی
اک زیادہ تأمین ایدن برشیدرہ . حتی اوروپا لیلرک
کرکی کی معتبر اہالیسی بیلہ برابر لرنده قادین
اولم دینی خالدہ لوجہ طوتمیوب قولتق صندالیہ می
اوزرندہ او طور لرکہ بولرک برنجی سرہ می
اعتبار جہ ایکنجی اوچنجی درجہ دہ اولان
لوجہ لردن دہا معتبر در .

قہوہ لردہ غازیولردہ اولدینی کی بالخاصہ
تیارولردہ اوزاجق بریردہ ویاخود لوجہ لردہ
طانی دینی بر آدمی کورن انسان یا لکنز خفیف
بر باش اشارتیلہ سلام ویردرک آشنالغک دہا
ایلروسنہ کیتمز . اگر کوردیکی ذات کنند .
یسنجہ پک محترم ایسہ پردہ آرہ لرنده یانہ کیدوب
دہا اوزون اوزادی یہ سلاملا شہرق حال وخاطر

صوریشه بیلور . اما طاییدینی ذات قادین ایسه
 او یون اوینار ایکن کوزلری کوزلرینه ایله
 بیله سلام ویرمز . پرده اردلرنده یاننه کیدوب
 سلامق عادتاً بر بورج حکمنی الور ایسه ده
 اوزون اوزادییه صحبت ایده مز . اوله بیله رکه
 بشقه ارککلر دخی اوقادینه عرض خلوصه
 کله جکلر درده کندینک چکیلیمسنه متظر لر در .
 ایلروکی پرده آره سنده تکرار کلمنی اوقادین
 التماس ایتمز ایسه زیارت وسلامک یالکنز
 شو بردفعه سیله اکتفا ایدوب بردها یاننه کیتمز .
 اوقادین پک بیلدیکی وهمان تکلیفسزجه طانشدینی
 احبابی اولوب ده یاننده بشقه ارکک دخی یوق
 ایسه تیاترود «فو آیه» دینان استراحت محالمرینه کیدوب
 چر زلمک و برشی ایچمک ارزو سنده بولنوب بولمادینی
 ارکک صوره بیلور . قادین نازکانه بالتشکر رد
 ایدر ایسه تکلیفی قبول ایتدیرمک ایچون اصلا اصرار
 ایتیبو همان سوزی بشقه طرفه چویرر .

تیاترویہ وبخصوص معتبر بر تیاترویہ کچ
کیرمک معیوب اولیوب بر درجہ یہ قدر شیق بیله
عد اولور ایسده او یونی یاریده براقوب
چیقماق موافق نزاکت صایلمز . زیرا بو حال
او یونی بکنامش اولغه دلالت ایدرکه فی الحقیقه
هیچ بکنامش بیله اولسه ینسه پرده نك نهایتنه
قدر اولسون بکلیوب پرده آره سنده تیاتروی
ترك ایتمک موافق مروت صایلور . هله ا دیون
اوینامقده ایکن تیاترودن چیقماق دکل آ کیرمک
ایچون بیله عالمی راحتسز ایتمک بالطبع نزا کته
صیغمز .

اوروپا تیاترولر نك همان کافه سنده قولتق
وعادی صندالیه لرك صره لری غایت صیق
اولدیغندن بونلر اوزرنده هیچ کیمسه بولمادیفی
زمان صره لر آره سندن کچمک کوچ اولمز
ایسده اوزرلرنده آدم اوطورر ایکن کچه

بيلمك عادتاپك كوچدر . كچن ذاته يولويرمك
 اچون هر كسك طوپالانوب بوزولمسي ضروريدر .
 عالمي بوصورتله راحتسز ايتك ايسه موافق
 نزاكت اوليه جغندن پرده قپاندقجه صره لر
 اوزرنده كي خلق يرلرنده اوطور يورلر
 ايسه كنديسي دخی قلدانم يوب اوطور مق اذغانلي
 آدم لر اچون لوازمنددر . حتی بو سببه مبنی
 ارباب احتياط صره نك ايكي اوجندن بريسندە كي
 موقعی انتخاب وترجيح ايلر .

بوراده تياترويه دائر سويلديكمز سوزلر
 اوروپاده هنوز معارفه ومناسبتی فامليالر میانه
 قدر واردير ماش اولان مبتديلر ك تك باشنه
 تياترولره كيتدكلری زمانه مخصوصدر . فامليالر
 ايله برابر كي دلك لازم كلور ايسه ده بعض
 آداب واردركه ايلروده يرلری كلدكجه ايراد
 اولنه جقدر . قونسرتولر یعنی اجتماعات موسيقيه

دنی مبتدیلر ایچون همان کیریلی ویره جک یرلر
اولمديغندن اشبو احوال ابتدائیه میاننده
ذکر اولمییوب ایلروده محال مخصوصه سنه ترك
وتأخیر قلنمشلردر .

توالت

بورایه قدر قارئلر مزه ایتدیكمز دلالت اوروپاده
یبانچی صفتیله بر درجه یه قدر تك باشنه کبی بر
صورته یشامق آدابنی کندیلرینه کرکی کبی
اوکرتمشدر صانورز . بوندن بویله قارئلر مز
یواش یواش فاملیالر ایچنه وکبار عالمترینه طوغری
ایلرولیه جکلردر . اوحالده توالت مسئله سی اول
باول اوکرنلمسی بیلنمسی لازم کلن مسائل
صره سنه کچمک طبیعیدر .

انسانک قلیغنی قیافتی تمیز پاک و عمومماً قبول
اولمش بولان صورتیه موافق اولمسی یالکیز

اوروياد- دگل جهانک هر طرفنده لازمدر. ايلک
تصادف و نقابل ايديلن آدمي اول باول برکړه
سوزولر. تپه دن طارناغه قدر قابني قياقتي حافي
شاني حده تدقيقدن چکورولر. بومسايه و تدقيقده
کوريله جک قصور و نقصان او آدم حقدنه
ويريله جک اي و فنا حکملر خصوصندمک بيوک
تأثير کوسترد. دوشونمايدرکه بزم بورالرده بيله
عادتدن بيوجک برفس عادتدن دها آجيق ويا
قويو رنگلي برسرپوش عادتدن اوزون وياقيصه
برپوسکل واصل عادتدن بر از دها زياده ويا
نقصان اولان شيلر درحال انظار دقتي جلب
ايدرک « عجبا بوني نه اچمون بويله يامش ؟ »
ديه اصحاب مراقی درحال دوشونمکه سوق ايدر.
بعضاً بونلر شو جزؤيات اوزرينه او قدر دوشو-
نورلرکه او آدملرک همان همان خفتلرينه قناعت
درجه سینه وارولر. ايسته کوريليورکه موده

دنیاں شیئہ اسارت دنیاںک ہر طرفندہ آزچوق
وارد ر . اک چوق اولان یردخی اوروپادر .
اورادہ توالثہ اول قدر اہمیت ویریلورکہ مودہ
قیافتہ مخالف ت عادتا انسانک حیثیتی اخلاہ قدر
سوء تأثیرات کوستر .

توالث خصوصندہ اک منتظم اک راحت اولانلر
عسکرلردر . یرینہ کورہ کوچک ویاسیوک اونیفورمہ
لرینی لابس اولہ جقلرنندن اللرنندہ عسکرجہ
بیاض الیوانلری دخی موجود ایسہ توالثلرنندہ
ہیچ برشی نقصان قالمش دیمکدر .

سیویالر ایچون سیاحت و صیدوشکار قیافتلری
اولدینی کبی وەلوسید قیافتی ات قیافتی صندالردہ
کورہک چکمک قیافتی دخی وار ایسہدہ بونلر
« سپور » دنیاں ادمانجلیق احوالہ مخصوص
قیافتلر اولوب صورت عمومیدہ توالث بختہ
ادخال ایدیلمزلر . بونلردن ماعددا شہرلر

داخلنده ارککلر ایچون اوچ قیافت واردر .
 اک عادسی « طیشاری قیافتی » دنیان هرکونکی
 قیافتدرکه پانطالون و یلک و جا کتدن عبارت
 بر قوستوم دیمک اولوب بونلر بالطبع بیاض
 کوملک ورنکللی بیون باغی ایله تکمل ایدرلر.
 بوقوستوملرک هانکی رنکدن اوله جقلری
 لابسلیرنک ذوقنه حواله اولمش ایسه ده
 پک آچیق رنکلر و جا کتلدده کی پک قیصه
 و یووارلق اتکلر کذلک اوکلری پک آچیق
 یلکلر کنجیلره ده مناسب کوریلوب یاشیلر
 ایچون قویورنکلر واوزونجه اتکلر وقپالی
 اوکلی یلکلردها زیاده یاقیشیق آلورلر. یازقیش
 هوا ای اولسون فنا اولسون بوقوستوم اوزرینه
 برده « پارده سو » یعنی خفیف پانطو کیمک
 وهیج اولمز ایسه آنی قول اوزرینه آلمق دخی
 ذوق سلیم اربابنک رعایت ایده جکلری قواعددن

اولوب کنجیلر بوقواعدده قایلده رعایتکار اولسه لر
 دخی یا شکیلر ایچون بوکار رعایت لزومی برقات
 دها آرنا . هله دیوان اوروپا لیلک ک مهم
 ملبوساتندن اولوب قیودن طیشاری به دیوانسز
 حقیقه من دینلسه پکده مباحه هل اولنه من .
 « سن وسال و شان و حاله کوره هرکسک
 کند ی ذرق سلیمه مراجعت » سوزی آغزه
 اندینی زمان هرکس کند ی نظر دانی دوت
 آچیلدر . بیللملیدر که کنجیلرک موده به همده
 ینه کنجیلرک عائد اولان موده به رعایتلری عادتاً
 بروظیفه بر بورج حکمنده بولمقاله برابر وظیفه به
 رعایت خصوصنده افراطکده تفریطکده انظار
 استغراب واستهزای جلبندن خوف اولنه جقدر .
 بورعایتده افراطه وارانلره کنج بیله اولسه
 « غومو » دیرلرکه بزم بوراده « شیق » کله سینه
 ویردیکمز معنای مستهزایانه به دلالت ایدر . هله بویه

خفیف لکدن اوچه جق مرتبه ده کی سوسلر براز
 یاشنی باشنی آلمش اولان آدم لر ایچون بالکلیه
 و بحق شایسته تزییف واستهزا کوریلوریا !
 تقریط دخی بویله در .

هر کسک حال وشانه متناسب برقیافت !
 بوسوز بالخاصه اوروپاچه پک زیاده مهم بر
 سوزدر . حال وشانه موافق قیافتی انسان
 بشقه لرینه صورمغه ده کلمز . زیرا صور دینی
 آدم بالطبع کندی ذوقنه کوره رای ویره جدره .
 آنک ذوقی سلیم بیله اولسه صور آنک حال
 وشانه متناسب اوله بیله جکی نصل اثبات
 ایتملی ؟ هر کسک سالک اولدینی مسلکک و هر کسه
 مادرزاد اولان اخلاق و اطوارک قیافت اوزرنده
 بیوک بر تأثیری واردر . قوستوم وشایقه والدیوان
 کوزلک وباستون هپ بر اولدینی حالد بونلری
 تلبس واستعمالده بیله مسلک و اخلاقک او قدر

بیوک تاثیر و وارد رکہ مثلاً بر فیلسوف ایلہ
بر شاعرک و یا خود رسام و موسیقی شناس کی
بر آدم ایلہ بر اصنافک و یا بر محکمہ رئیسک
قیافہ لرنده کی فرق عظیم ہر کسک کوزینہ چار پارہ
آداب معاشرت اوزرینہ ایکی مکمل و مصور
جلد یازمش اولان بر تال یالکز بر نوعدن عبارت
بولنان شابقہ نی باشہ قویمق امرندہ التمش درلو
وضعیت تصور و ترسیم ایلمشدرکہ ہیچ بریسی
دیگرینہ اویمز .

قیافتک ایکنجیسی « رده نغوت قیافتی » درہ
سیاہ چوقہ دن معمول کوکسی قاووشدیرملی
دوریک یاقہ لی وایک صرہ دوکہ لی اولان کسویہ
« رده نغوت » دیرلرکہ رسمی اولیان کوندوز
ویزیتہ لرینہ و بعضاً خصوصی و تکلیف سزاقشام
طعاملرینہ و سائر بعض مراسمہ دخی بو قیافتہ
کیدیلور . اشبو رده نغوت قیافتک پانطالونی

دخی مطلقا سیاہ اولہ جق و پک مستثنا بعض یرلر
ایچون سیاہدن ماعد اقویو جہ بررنک پانطالون دخی
کیله بیلور ایسه ده هر حالده سیاہ ترجیح قلنه جقدر .
الدیوانلرکده قویو جہ رنکلی اولسی مرجحدر . هله
اشبوره ده نفوت قیافتنک شاپقه سی دخی سیاہ سلندیر
شاپقه اولور ایسه دهـا زیاده جدیته دلالت
ایدوب ینه سیاہ یووارلاق شاپقه ایکنجی درجه ده
موافق کور یله بیلور . اماره ده نفوت قیافتیه
آچیق رنکلی و یاخود تپه سی ازیک قیریق
بوکوک شاپقه لر هیچ مناسب دوشمنز . رده ده نفوت
ایله بیاض بیون باغی جائز دکلدرد . آچیق رنکلی
چیچکلی فلان بیون باغیلر دخی خوش کورونمز لر .
اک اعلاسی سیاہ رنک اولوب سیاہه قریب قویو
رنکلر دخی کبار واریدر لر . مقدملری بو قیافتک
یلکی دخی مطلقا سیاہ اولمق لازم کلور ایدیه ده
شمذیلر ده رده ده نفوت قیافته بیاض یلکی ده

قبول ایتشلردر . حتی سواره قیافتدن بیاض
یلدی بالکلیه قالدیردق رده نفوت قیافته نقل
وتخصیص ایتشلرده دنیله بیلور . اشبو بیاض
یلکلر یاز موسمنده پیکه دن وقیش موسمنده
یو کدن اولق دها مناسبدر .

قیافتلرک اوچنجیسی واک مهمی سواره قیافتیدر .
بونده سیاه پانطالون و قویروقلی ستری ایله
بیض بیون باغی و بیاض الیوان شرط اولوب
مقدملری بیاض یلک دخی شرط ای دیسه ده
شم دیلرده سیاه یلک بیاض مقامنه قائم اولمشدر .
فقط یلکک اوکی غایت آجیق اوله جق یعنی
اوچ دوکمدن عبارت بولنوب بولر دخی انجق
برقاچ یره ق یره صیق صیق دیزلش بولنه جقدر .
بز عثمانلیرک دوز یاتلی و بر صره دوکمه لی
ستریلر من اورو پالیرک اشبو قویروقلی ستریلری
مقامنه قائم یعنی رسمی سوبیل کسوه مز اولدیغندن

بزم ایچون اورویا سالونلرنده قور بوقلی ستری
کیملک اورویا یلرجه دخی خوشه کیتامسی لازم
کلن برحاندرو. کندی ستریلر من تر حیح اولمق
بالوجوه موافق آدابدر.

رده نیت قیافتی و باخاصه سواره کسوه سی
حقنده انساك حال و شاننه جهت موافقت آرامق
او قدر متعب برایش دکلدر. چونکه بوقیافتلر
و باخصوص سواره قیافتی عادت اونیفورمه دیك
اولوب انساك کندی ذوق سلیمی آرائمقدن
زیاده هر کسك بر برینه بکزمه سی جهتی آرانور.
بناء علیه بوباده ترزیلر اک ماهر معلم اولوب
آنلرک ویره جکلری رایه انباع لازم کلورکه
ترزی دخی سواره قیافتی یابدیره جق اولان
مشتری به ویره جکی وصایا میاننده از جمله بوقو.
بروقلی ستری اوزرینه مطابقا سلندیر شاپقه نوعندن
کیلمسی لازم کلن شاپقه نك دخی آچیلور قپانور

صویندن اولسنی توصیہ ایدر . زیرا ایلروده
کوریلہ جکی وجهله برچوق یرلرده شایقہ یی الہ
طوتمق لازم کلوب بر بوغم قالین صوبا بورسی
کی شیئی الہ طوتمقدن ایسه اوستنه باصدیرلدینی
زمان تلدن معمول یایلری قبانوب صحن جسمامتنده
قالان شیئی الہ طوتمق دھا قولای اولور .

هانکی جمعیتده که قادینلر شایقہ لرینی ومانتولرینی
چیقاروب باشی آچیق وده قولته قیافتده بولنه .
جقلردر اوراده ارککلرک دخی مطلقا سواره
قیافتنده بولنملری لازم کلور . بوجمیتلر ایسه
اقشام طعامی ایچون یاپیلان ضیافتلر وکیجه
وقوع بولان مسامره لر، بالولر، قونسرتولر، تیاترولر
کی شیردر . دوکون ویاخور جنازه مناسبتیله
کلدسایه کیدلمک لازم کلدیکی زمان دخی سواره
قیافتیله کیدلمک ایجاب ایدوب هله صورت
رسمیه ده وقوعه کلن هرنوع اجتماعات ایچون

بوقیافت شرطدر . بولردن مانعا هریره
 رده نغوت قیافتیه کیدیلور . فقط چای ایچون
 ایدیلن دعوتلر حقنده اخلاق یونک رایلری اختلا -
 فلیدر . المزده بولن ان کتابلرده بوکا دائر
 برچوق تفصیلات کوردک که اک زیاده رایلری
 جامع اولمق اوزره استحصال ایده بیلمدیکمز
 نتیجه شوندن عبارت اولدی : چای دعوتلرینه
 قویروقلی ستری ایله کیدیه جک اما پانطالونک
 مطلقا سیاه اولمسی شرط دکلدرد . بوز رنکلی
 پانطالون کیمک دخی شیق صاییلور . حتی
 بیون باغی سیاه والدیوان « غری پرل » دنیلن
 قویوجه شکر رنک دخی اوله بیلور . تکلیفسز
 اولان چای دعوتلرینه رده نغوت ایله کیتمک
 جائزدر . حتی رده نغوت ایله کیدیلور ایسه خانه
 صاحبه سی « بنی تکلیفسز احبابی جمله سنه قبول
 ایتمش » دیه ممنون بیله اولور . ارککلر ایچون

کوندوزلری مجوهراته متعلق زینتار طاقمق
 عادنا عیب صایااور . اولسه اولسه بیون باغی
 اوزرینه بر ایکنه قونیله بیاورکه آنک دخی
 قیمتی برشی اولسی لازم کلیوب آنیقه نوعندن
 عد اولنه بیله جک درجه ده حسن تصنیف مظهر
 نوادر معمولاندن اولسی ترجیح اولسور .
 ارکنلر ایچون ذیقیمت مزینات یالکز کیجه لری
 جائز کوریه بیلور . قویروقلی ستری وسار ددن
 متشکل سواره قیافتند واجتماعات مهمده
 ارکنلرک بیون باغی ایکنه لری غایت قیمتی
 پر لانه، زمره، یاقوت وصفیر کبی کرک رنگسز
 کرک رنگلی طاشارله مرصع اوله بیاور ایسه ده
 بونار متعدد طاشلرک جمعی صورتیه مرصع
 اولیوب تک طاشدن عبارت بولمق مرجحدور .
 کوملرکک اوک دوکمه لری، قول دوکمه لری دخی
 مرصع اوله بیاور . پرمغه ده یالکز بردانه اولمق

اوزره قیمتلی بر یوزوک طاقیله بیلور . لیکن
 ساعت قوردوننک قوجه مان برشی اولسی و برده
 قوجه مان مدالیون طاقلمسی اصلا شیق صایلمز .
 غایت اینجه برالنون قوردون طاقیلوب و اوکه
 مرصع اولسون غایت کوچک برده مدالیون
 بولمق کافیدر . کوندوزلری ایسه ساعته هیچ ده
 قوردون طاقلمیوب قوردونسز قولالامق ده
 غوستولو دها کبارانه صاییلور .

نشانی اولان آدمک او نشانه مخصوص اولوب
 یا ایکی شرید اوچندن و یا خود « روزدت » یعنی
 کل دینلن نועدن بولنان شریدینی کوندوز بیله
 طاقسی لازمدر . بونلری عادی طیشاری قیافتنک
 جا کتلیری ایلیکنسه بیله طاقق ممکن ایسه ده
 حامل نشان اولان آدمک وقارلی اولسی لازم
 کلوب ارباب وقار ایسه شریدوروزدت رده نفوت
 اوزرینه طاقینی ترجیح ایدر . هله بیوک توالت

دینلن مسامرہ قباقتندہ اشبو شرید وروزہ تلی
مطلقا طامق ضرورت حکمنی آلور . بعض
مسامرہ وبالولردہ نشانلر مطلقا طاقیلہ جقلردر .
اما نشان طامق درجه سنده مهم و رسمی اولیان
اجتماعندہ روزہ تلی طامق اولہ مز . بر آدمک
حامل نشان اولدینی بیلنوزدہ شرید و یاخود
روزہ تنی طامق ایسہ نشانی استحقار ایدیور
دیہ بحق تعیب اولنہرق او آدم سوسیالیست ،
آنارشیست کی ارباب وقار نزدندہ نفرتلہ کوریلوب
نامی بیلہ یاد ایدلمک ایستلمین فرقلرہ منسوب
عد ایدیلور .

صاج ، صقال و طرناق مسئلہ لری دخی توال
مبحثہ داخلدر . ہلہ صاج مسئلہ سی بوندن
اولکی عصرده توالک اک مهم قسمنی تشکیل
ایلر ایدی . اوزمانلر « پەروقہ » دینلن یاپمہ
ویالانجی صاچلری باشہ طامق عادتا مراسمدن

ایدی . تاریخ قدمی اسکی فرس و مصره قدر
 واران بو عادات بالاخره اوروپایه دخی سرایت
 ایدرک بعض یرلرده بعض وقتلر اعتباردن دوشمش
 ایسهده ینه تجدید اعتبار ایلهرک نهایت کچن
 اون سکزنجی عصر اواخرینه قدر هر طرفده
 صورت رسمیهده جاری ایدی . باشنده په روقه
 سی اولمدیغی حالده بر جمعیه کیتمک حتی سوقاغه
 بیله چیقماق همان همان پانطالونسز کز مکه مقیس
 کوربله بیله جک درجه لرده معیاندن ایدی .
 پروقهلرک هر عصره کوره بر موددسی اولوب
 بونلرک تنظیمی ، تعمیری ، تطهیری ایله اشتغال
 ایدن پروکیه لر پک مهم اصناف ایدیلر . کبار
 بیننده بونلرک درجه اهمیت موده لر ایله اشتغال
 ایدن صنعتکارلردن بیله زیاده ایدی . نهایت
 فرانسه بیوک قاریشیقلمی ائناسنده په روقه لر
 بالکلیه اعتبار و حکمدن دوشهرک اکا بدل

هر كسك كندی صاحپلرینی اوزاتمی عادتی
میدان آدی . لیکن اوروپاده صاحپ قریمی
عاتی ارککار ایچون همان مستولی اولوب
یاشاندیجه ارککار قباق باش قالدقلرندن صاحپلری
اسکی پروقه لر قدر اوزاتمی هر کسه میسر
اوله بیلورمی ؟ بناء علیه صاحپلر قیصالمغه
باشلادیلر . زمان زمان کا کلر ، زلفلر پرچملر
برشکل مخصوص پیدا ایدیورلر ایدی . بونلر
گاه پومادانر ایله یاغلانیورلر گاه قزغین تیمورلر
ایله قیوریلورلر ایدی . بوصورته صاحپ طرامق
بر آراق اوقدر اهمیت پیدا ایدی که صاحپلری
نصل طرامق ، نصل یاغلامق ، نه یچمده قیوریمق
لازم کله جکی خصوصنده شیکلر متحیر قله رق
« قووافور » تعبیر اولسان بر برلر ایله اوزون
اوزادی به مذا کره به کیریشورلر ایدی . بوصنف
اهل مراقك بقیه سی حالا موجوددر . لیکن

شيقرك قسم كليسى صاچ خصوصنده غايت
 سادەلىكى التزام ايلمىشلردر . كنجلردن زانف
 وكا كلرينى اوزاوب ايستديكى كې طرايانلر حالاً
 تزييف واستهزا اولمزلر ايسهده جدى قفالى
 آدملىر صاچلىرى وار ايسه آنلىرى فورچه كې
 قرقوب قيصالتورلر . شاه عسكر طاقي ايچون
 قرقه صاچ اوازم رسميه دندر . برنالك ديش
 اولدينى وجه ايله بىرما صاچلرك بىچملىر يله
 اوغراشمق قادينلره ترك اولمىشدر .

صقال مسئلهسى دىخى اورو پاليلرى آز
 اشغال ايتماشدر . صقالك تاريخى ده پروقه
 وباخصوص صاچ تاريخىدن آشاغى قالمز .
 صقالى ويىنى عمومأ و بالكلية تراش ايتمك
 ويالكز صقالى تراش ايدوب بيقلىرى صاليويرمك
 ويالكز بيقلىرى تراش ايدوب صقالى براقق
 وصقالك يالكز چكهنى قازيتوب يناقلىر قسمى

ویا خود یالکز یناقلری قازیتوب چکه جھتی
 صالیویرمک ویالکز بامتنی ویا خود یالکز کردن
 الی قیللری اوزاتاق کی صقالی بیغی بیک درلو
 شکله قویانلر کورلمشدرکه زمانلرینه شخصلرینه
 نظراً بونلرک کافه سی ده شیق عد اولمشدر .
 نهایت شم دیلرده توالک بوجهتده ترک تعصب
 ایدلمشدر . بعض کیمسه لر صقال و بیغی کاملاً
 تراش ایتکی حالا کبارلق عدایتدکاری کی بعضلری
 دخی صقالی تراش ایدوب بیغی صالیویرمک
 ویا خود صقال و بیغی عادتاً بزم الاترقه حالده
 تنظیم ایلیمک کبارلقدر دیه قبول ایلمشلردر .
 لکن صقال و بیغی هر هانکی صورتده تنظیم
 ایتک لازم کلور ایسه کلسون تراش ایدیله جک
 یرلری عادتاً هر کون تراش ایتک مقتضی اولوب
 اوپله برقاج کونلک تراش ایله جمعیتلره کیتیمک
 دکل سوقاغه چیقماق بیله جائز کوریله من . کباردن

اولان آدمرك خانه لرنده توالت او طه لرنده
مكمل بر بر طاقلى بولنوب بعضلىنك مستقل
بر برلى و بعضلىنك بر برلك وظيفه سنى ايدى جك
اوشاقلى بولدىنى كى بر چوقلى ده كندى
كندىلرني تراش ايدرلر .

طرقاق بختنه كلنجه : اوروپايلرك طرناقلىنى
اوزاندىلى كوريلورده سبب و حكمتى اكثريا
بيلنميهرك مراق ايديلور . طرناقلى آلا
بيلدىكنه اوزاتمق اسكىدن قالمه بر عادت اوله رق
كبازلغك صوك درجه سى عداولنور . اوافدىنك
هيچ برايش ايله اشتغاله مجبور اولدىنى بوندىن
اكلانشيله جق ايمش . اللرىنى و پرمقلىنى هيچ
برايش ايله اشغال ايتميه جك اولدىغنه نظراً
اللرندىن الديوانلرني دخى چيقارمغه مجبور
اوليوب حالبوكه طرناقلى اوزون اولور ايسه
الديوانلرك پرمق اوچلى بوزوك قالميه رق دوز

و منتظم طورہ جق ایٹس . بمضامینٹ روایت
کورہ بو طرناق اوزانق مودہ سی کویا چینلیلردن
آلٹش ایسہدہ بو خصوصہ چینلیلری تقلیدک
وجه و حکمتی بیانہ مامکددر . اما بو مجهولیت
یا کز بزه مخصوص دکلددر . کیفیت مأخذلرمز
ایچون دخی مشکوکدر . هر نه ایسه اصل سبب
و حکمتی پکده بیانہ مکسرین طرناقلریخی اوزان
موسیولر ایچون طرناق آرہلریخی غایت تمیز
طوتمق شرط اعظمدر . طرناق اوزون اولوبده
آرہسی دخی سیم سیاه کیر طولار ایسه کبارلغه
دلالتی شویله طورسون بیانیغتده اک مردار
درجه سی، عد اولنور . حالوکه اصل اوروپا
کباری زدنده طرناقلری اوزانماق مطلوب
اولوب بونلری کسمکه، تور پوله مک، قورچالامغه،
تمیزله مک مخصوص درلو طاقم وادوات دخی
ایجاد اولنشددر . الیرک و طرناقلرک تماماً تمیز

طورمسی جهانک هر طرفنده افندیلک کبارلق
علامتیدر .

بومبجندہ قادینلرہ عائد توالتدن بجشہ
کیریشمیہ جکز . زیرا بجی نہ قدر قیصہ کسمک
لازم کلسہ جلدلر طولدرمق اقتضا ایدوب ینہ
عہدہ سندن کلنمش اولہ میہ جفی دہ درکادر .
اولہ یا ؟ اوروپادہ « قادین » دیمک همان توالتدن
عبارت اولوب بونک اصول وقواعدی اوقدر
چوق وهر موسمہ کورہ اوقدر متحولدرکہ
اوروپانک ارککلری بومسئہدہ انجق اعتراف
جہل ایلہ یاقہلرینی قورتارہ بیلمشلردر . حتی
قادینلرک اکثریسی بیلہ جہالتلرینی اعترافہ
مجبوردرلر . هانکی درلو مراسم ایچون نرہیہ
کیدیلہ جک ایسہ نہ صورتدہ کینمک لازم کله جکی
خصوصندہ مودسترا ویاخود کیدیریجی قادین
ایلہ استشارہیہ محتاج اولیہ جق وایشہ کندی

کندیسنه قرار ویره جک ولکن ویره جکی قرارده
 اصابت دخی ایده جک قادین اوروپا بیوک
 شهر لر نده ده نوادر دندر . بز بوراده من جهة
 ارککلره دخی تعلق اوله بیهل جکندن طولای
 یالکز قادین توالتنک اساسنی تعیین ایدرک
 دیه جکز که : قادینلرک توالتی اساساً درت نوع
 اولور . برنجیسنه « ده زاییه » دنیلور که کینامش
 اولمق دیمکدر . فقط خیالی دوچار استعجال ایدوب ده
 بولکله یه بالکلیه چپلاقلق معناسی ویر ماملیدر . واقعا
 « بن ده زاییه » یم دیمکدن ظاهراً « بن چپلاغم »
 معناسی مستفاد اولور ایسه ده استعمالاً بونک
 معناسی قادینک کندی خانه سی ایچنده کیه بیهل -
 جکی الکساده البسه یی کیمش اولمی دیمکدر .
 قادین توالتنک ایکنجیسی « ماتینه » یعنی صبحکاهی
 دنیلان قیافتدر . بوتعبیری یازار ایکن احتیاسات
 شاعرانه سی پک تیز پرواز اولان برار قداشمزک

خطای خاطر مزه کلدی. زواللی شاعر کنج
 کوزل بر قادینک صبحگاهی توالی تعبیرندن مقصد
 قادینک هنوز یتاغندن چیقدیغی حال پریشا-
 نیسیدر ظننه دوشوب بونی شعرنده نه کوزل
 تصویر ایتمش. انک تصویرینه کوره ده زاییه
 حالی بیله تمامیه پوشیده لك حالیدر. حال بوکه
 قیافت صبحگاهی قادینک کوندوزلری شهر دروننده
 ایشی کوچی ایچون کز مک ویاخود سیاحتده
 بولمق اوزره تلبس ایتمی لازم کلن قیافت
 اولدیغی بزم شاعر برکرده ده مادام لوئیز دالقدن
 صورت او کرمش اولسه ایدی اوطاتلی خیالات
 شاعرانه ک تصویر ایتدیردیکی صورتدن طولایی
 بک محجوب قالیر ایدی. قادین توالتنک
 اوچنچیلی «کوندوز توالی» اولوب قادین
 بوتوال ایله ویزیته لره ویاخود مسیره لره کیده
 بیله جکی کبی کندی خانه سنده ویریلن ویزیته لری

دہ بوصورتلہ قبول ایدر نہایت دردنجیسی « دینہ
توالتی » اولوب سفر یہ بوقیافتلہ کیدہ چکی کبی تیارویہ،
قونسرتویہ، مسامرہ یہ دہ بوقیافتلہ کیدر۔ بر از
تعدیلاتندن قطع نظر بالوقیافتی دخی اشبودردنجی
قیافتدر۔ لکن بودرت در او قیافتک مودہ لری بر کرہ
سنہ دہ اوچ درت دفعہ دیکشہ چکی کبی ہر مودہ
دکشد کہ دخی بر شیق قادین یکی مودہ نی کندی
ذوقنجه تعدیل ایدہ جکنندن بونلرک تفصیلاتنہ
دائر یا لکز بز دکل ہیچ بر کیسمہ حرف واحد
سویلیہ مز۔ اورویا جہ کنج قزلرک توالتریلہ متأهل
قادینلرک توالتری آرمہ سنہ پک بیوک برفرق
واردر۔ کنج قزلرک توالتری غایت سادہ در۔
آنلرہ اویلہ قطیفہ نوغندن آغر قماشلر کیدر مز لر۔
الماسلر فلانلر طاقدیر مز لر۔ یا لکز بر صرہ
انجویہ مساعده و یریلہ بیلور۔ لکن قزلرک شو
سادہ لکدریلہ برابر ہر موسمہ، ہر زمانہ، ہر مکانہ

کوره و لنگر نه کمالی دخی او قدر اوزون
و مناق بر مشهور که اولور اولمز قزوالدی
بیه بوبیده اعتراف قصوره مجبوردرلر .

پرهزانه

مما و آ ارتق اور و یاده بر هوتله بیانچی
صفیه تک باشه یا شامقدن اجنبی مسافری
قورناروب معاشرت عالمی انجمنه صوفی صره سی
کدیکی انجمن یوقاروکی تولت بابی تشکیل
ایلمش ایدک . ایشته مسافر من کینمش ، قوشانمش
اولدیفندن شمعی ایش تقدیم و توصیه کیشدرکه
بیانمدک بر آدمی معارفه و مناسبت پیدا اتمک
ایستدیک ذواته تقدیم و توصیه و تعریف اتمک
دخی « پرهزانه » دیرلر . اور و پاچه بو تقدیم
و تعریف مسئله می بر احتیاج عمومی حکمندودر .
زیرا هر کسک یکدیگریله معارفه پیدا اتمسک
همان وسیله یکانه می بوندن عبارتدر .

ایکی ذاتی بربرینہ پرہ زانتہ ایتک بونلرک
معارفہ یکدیگرہ لایق اولدقلرینہ عادتاکفالت
کوسترمک دیمکدر . یالکز بوندن آکلشیلورکہ
شووظیفہ غایت نازک غایت مهم بروظیفہ در . قاعدہ
اساسیہ مقتضاسنجه دائما کوچکار بیوکلرہ تقدیم
اولنہ جقلردر . اما بوکوچکلک بیوکلک یالکز
رتبہ جہ دکلدر . انسانلر میانندہ رتب رسمیه نک
مدار تمیز عد اولندیغی یرلردہ واقعا کوچک
رتبہ لیلر بیوک رتبہ لیلرہ تقدیم اولورلر ایسہ دہ
بشقہ مناسب تارده کنجکلک اختیارلق دخی نظر
دقتہ شایاندر . بعضاً مرتبہ مدنیہ سی بیوجک
بیلہ اولسہ ینہ کنج آدمی اختیار آدمہ تقدیم
ایلمک عکس حالدن دہا مرغوبدر . آرہ لرنده
یاشیجہ اولان فرق پکده نظر دقتہ چارپمز
ایسہ اوحالده بیوکلک کوچکلک یالکز مرتبہ
مدنیہ دہ آرانورہ لیکن ایکی آدم آردسندہ کی کرک

رسمی و كرك مدنی بیوكلكدن كوچكلكدن اول
 ودها زیاده اهمیتله آرانه جق شی ناموس ووقار
 و حیثیت جهتمندن بونلرك معارفه و مناسبت
 پیداسنه ایاقترلری قضیه سیدر . ديدك یا !
 تقدیم و توصیه ماده سی اچنده برده تكفل
 امر مهمی واردر . كوچك آدمی بیوك آدمه
 تقدیم ایده جك ایسه كده او بیوك آدمك توجهنه
 لایق اولیان بر كوچك آدمه تقدیم ایلر ایسه ك
 بوعیدم لیاقتی اكلا دیغی زمان او بیوك آدمك
 بزى شدیداً مؤاخذه سنه حق ویرمش اولورز .
 عكس قضیه دخی بویه در . یعنی بر كوچك آدمی
 « بیوكدر » دیه بر یسنه تقدیم ایدرز . حالبوكه
 او آدمك رتبه رسمیه و یا خود مرتبه مدنیه سی
 بیوك اولمقلله برابر ناموس و حیثیت و عرض
 و ادب جهتمندن حال و شأنی او كوچك آدمك
 شرف ذاتیسنه شرف قاته میه جق یولده اولور

ایسته آیتده زی مۆلکده حق اولور .
 زیرا بر آدم دیگر نه بردهست مشترک طرفدن
 بر مزانته ایدیلور ایسه آتانی بکر بکری هانکی
 محالده کوره جاک اولسه لر سلا ملامشقی حقی
 قزاقش اولور لر . یالکز بوسلاملامشقی ماده .
 سنک بینه انظار عالده نه بیوک اهمیت اولدانی
 محالده بیان اولمشدر .

ایمدی ایکی آدمی بر برینه تقدیم ایتک اینجون
 اول بول ایکسینک دخی غیابنده ایکن حال
 و شانلرینی احد همایه تعریف ایتک و آنک
 اوزرینه تقدیم اینجون مساعده لرینی ایستک برکانت
 بیهوده عد اولنه مز . بو حالده بیله بونلری
 بر برینه تقدیم ایدر ایکن بیوک اولان آدمه :
 « مساعده بیورکز که سزه فلانی تقدیم ایدیم »
 دیملی و کوچک اولانی تقدیم ایدر ایکن دخی
 بیوک ذاتی اشارت ایدرک یالکز : « موسیو فلان »

ديه اسمنى سويلمك ايله اکتفا ایتلی . اگر
ایکسنگ دخی مرتبه سی مساوی و یا خود مساوی
کبی برشی ایسه ایکسنگه بردن : « مساعده ایدکز که
سزی بربریکزه تقدیم ایده میم » دیدکن صوکره
برال ايله بریسنی و دیگرال ايله دیگرینی طوته رق
و یا خود یالکیز طوتار کبی اشارت ایدرک :
« موسیو فلان و فلان » دیلی و هیج بریسنک
عنوان وصفتی سویلماملی . فرض ایتلی که
بونلرک نام وصفتری ذاتاً بربرینه معلومدرده
مجهوللری اولان شی یالکیز شخصلرینی تعیندن
عبارتدر .

ایکی آدمی بربرینه تقدیم ایچون استیدان لازم
کله جکنی سویلمش ایدک . اکثریا کوچکلر کند-
یلرینک بیوکلره تقدیمی رجا ایده جکلرندن اصل
استیدانی بیوکلردن ایتک لازم کلور ایسه ده
بعضاً بیوکلر دخی علمی ، ادبی ، قلمی ، صناعی

استعداد صاحبی اولان بر طاقم کنج لک کن دیلر -
ینه تقدیمی ارزو ایده چک لرندن او حالده دخی
استیذانی کوچک لر دن ایتک ایجاب ایلر . هله
ایکی آدمی بر برینه پره زانته ایدوب ده بالا خره
بونلرک معارفه و مناسبتی ایلر ویه کوتوره میهرک
قطع مناسبتیه مجبور اولملری آرده واسطه اولان
ذاتی زیاده سیله محجوب ایده چکندن بویه بر
محجوبیتیه دوچار اولمق سزین پک زیاده اهتمام ایله
طور اتمق لازم کلور .

بر قادین هیچ برار کک کن دیسنه تقدیم
اولمسنی هیچ بر کیسه دن التماس ایده مز . ذاتاً
بر قادی اراک کله تقدیم پک نادر مناسبات دن ماعدا
جائز اوله میه چغندن قادی نیک برار کک تقدیم اولمق
ارزوسنی کوس تره بیلمسی دخی ممکن اوله مز .
بناء علیه بر قادین ایله برار کی یکدیگرینه تقدیم
مسئله سی ده زیاده ناز کدر . الگ ساده سی ال

فولايي قاديننه تقديم اولمغني ارکک ايستملي
 و آنک بو آرزوسي قاديننه آچيله رق موافقتي
 استحصال اولمغلي ده آندن صوکره تقديم اولمغلي .
 بونده بيله تقديم ايدن ذاتک او قادين ايله غايت صميمي
 دوست اولسي لازم کلور . والا تقديم اولمغ ايستين
 آدم مطلقا قوجه سنک . قوجه سي يوق ايسه باباسنک ،
 قرنداشنک ، والده سنک والحاصل وليسنک ، حامسنک
 وساطتته مراجعت ايتمليدر . مع هذا بر قادين
 کنديسنک دوستي . مجربي ، مؤتمني اولان ارککي
 ديگر بر قاديننه تقديم ايدم بيلور . او حالده تقديمني
 قبول ايدن قادين بومعارفهي اک قيصة بر زمان
 ظرفنده قوجه سنه ، قوجه سي يوق ايسه وليسنه
 اخبار ايدرک ايلک مناسبت دوشمسي اوزرينه
 او آدمي بونلره پره زانته دخی ايدر .

واقعا بر قادينک قوجه سنه بر ارککي تقديم
 ايدم بيلمسي بر چوق خصوصاتده جائز کورلمز

ایسہ دہ بو حال قادینک و تقدیم ایدہ جکی ارککک
 پک کنج اولمیری کبی احوال دن ناشی اولمق
 لازم کلور . حتی برکنج قز دخی باباسنہ ہیج
 برارککی پرہ زانتہ ایدہ مزکہ سببی دخی ہپ بودر .
 لکن مادام لوئیز دالمق متاہل برقادین حقندہ
 شو تقدیم ممنوعیتک بعض استثناری دخی اولدینفی
 تسلیم ایدیورکہ اودہ تقدیم ایدہ جکی ارککک
 کندیسنہ ینہ معتبر برقادین طرفدن پرہ زانتہ
 ایدلمش اولمسی و کندیسنک ہر وجہلہ اعتماد
 و حرمتہ شایستہ بولنمیدر . بومساعدہ ویرلمیہ جک
 اولسہ اوقادین کندی محبہ سی طرفدن پرہ زانتہ
 ایدلمک ایستیلان ارککی « قوجہ مہ تقدیم ایدم »
 دیہ قبول ایتامک کبی بر مجبوریتہ دوچار ایدلمش
 اولورکہ بودہ بالطبع تجویز اولنہ مز . ہر حالہ
 سو قاقدہ تصادف ایدلدیکی زمان کندیسنہ سلام
 ویرمسی قادینک قبول ایدہ بیلہ جکی برارککک

بر محبه سی طرفدن تقدیمی قادین قبول وارکی
بالا خره کندی قوجه سنه و یاولیسنه دخی تقدیم
ایده بیلور .

برکنج قیزک هیچ برارکی پدرینه پره زانته
ایده میه جگنی خبر ویرمش ایدک . شونی ده علاوه
ایتملی نزکه : مثلاً بر بالوده صاحبه خانه برارکی برکنج
قزه تقدیم ایدرده بعده اوارکک کن دیسنک سائر
کنج قز لرده تقدیمی او قزدن رجا ایدر ایسه
رجاسی قبول و ایجابی اجرا اولنه بیلور . اما
اوارکک قزک کندی اناسنه باباسنه تقدیم اولمسی
رجا ایدر ایسه قز مقتدر اوله مز . ارکک تکرار
خانه صاحبه سنه مراجعتله کن دیسنی قزک ولیلرینه
دخی تقدیم ایتدیرمیلدر .

هر حالده بر قادینی برارککه پره زانته ایتمک انک
شان نسوانیسی محل اوله جغندن مطلقاً قادینی
بی-و-ک ارکی کوچک فرض ایدرک ارکی

قادینہ تقدیم ایتماید۔ فقط ارکک حکمداران
 ذیشان خاندانلرینہ منسوب اولور ایسه کندیسنه
 کفو اولیان قادینلردن دها بیوک عداولنور۔
 برده آووقات حاکم فلان کی خدمت و مأموریت
 عمومیه ده بولنان آدملر ایله بر قادینک کور یله جک
 ایشی اولور ایسه اوزمان قادین بولنره پرہ زانته
 اولنق لازم کلور ایسه ده پرہ زانته اولنان ارکک
 او قادی نی نه کندیسندن دها بیوک کور مک
 درجه سنده تعظیم ایله تلقی ایدر۔

بعض کرہ دخی اولورکه بلا استیدان و حتی
 کندی اختیار یکز خارجنده اوله رق ایکی آدمی
 بر برینہ پرہ زانته ایتمکه مجبور اولورسکز۔
 مثلا بر یرده بردوستکز ایله برابر بولنور ایکن
 دیگر بردوستکز کلوب سنزکله بر شیرلر قونوشمغه
 باشلار۔ بولنری همان بر برینہ پرہ زانته ایدہ مزسکز یا
 معارفه یی قبول ایدوب ایتیمه جکلرینی یلمیورسکز۔

برده با فارسکزه اولکی دوست دخی سوزه
 قار یشوب یکی کلن دوست دخی اکا جواب
 ویر ییور . زیرا بویله لقردی یه اشتراک ایچون
 پره زانته اولنمش بولنمق شرط دخی دکلدر . بناء علیه
 طرفینک پره زانته اولمغه آرزوسی حاصل اولمش
 دیمک اولدیغنی اکلایه رق بونلری در حال بربرینه
 تقدیم ایدرسکزه بونک ایچون دخی آره لرنده کی
 بیوکلکی کوچکلکی نظر دفته الهرق هر حالده
 کوچک اولانی بیوک اولانه تقدیم ایده جت
 ایسه کزده بیو کدن مساعده سنی ایستیه جک کز زمان
 برده « اویله ایسه » شرطنی قانارسکزه یعنی
 بومعارفه یی کندیلری ایستد کلری ایچون عقد
 ایلدی کیزی بیلدیرمش اولورسکز .

سلاملر

توالتی اکال ایتمش و بعض محملره پره زانته
 ایلدیمکه باشلامش اولان آدم ایچون آداب عمومیه دن

اوکرنه جکی شیلرک صرہ سی سالامرہ کلش اولور۔
 شمدی یہ قدر دوشن مناسبتلر اوزرینہ رسم
 سلامہ دائر بعض شیلر بیان ایدلش اولدینی کبی
 بوندن صوکرہ دخی دوشه جک مناسبتلر اوزرینہ
 علاوہ سی لازم کلن شیلر بالطبع ایراد اولنه جقلر
 ایسه ده اوروپا آداب و اصول معاشرته سلام
 مسئله سی دخی پک بیوک مسائلدن اولوب فاملیا
 ویاخود کبار عالمترینہ کیریله جک مداخلک بریسی ده
 بو اولدیغندن عمومیت صورتیه بیلنمسی لازم
 کلن آداب وقوعدی بروجه آتی بسط وتمهید
 اولنور :

سلام آدابی سلامانه جق اولان ذواته وبونلرک
 بولندقلری محله کوره تنوع ایدر۔ مثلا کوچکک
 بیوکه بیوکک کوچه ارککک قادینه قادینک ارککه
 سلام ویرملری وبو-الاملرک سواقده ویاشمندوفر
 تراموای کبی وسائط نقلیه ده ویاخود غازینو

تیارو متلاو عمومی بر محله ویرملریله بر سالون
 دروننده ویرلمسی آره سنده بیوک فرقلر واردر .
 عسکرلرک سلامی قولایدر . آنلر سواقده
 اولسون سالونده اولسون کرک کندیسنندن
 کوچکسه کرک بیوکنه سلام ویرمک ایچون صاغ
 النی صاغ شقاغنه قدر کوتورمکن عبارت بر حرکت
 ایدر . بوسلامک درجه تعظیمی النی شقاغنده نه
 قدر زمان طوته جنی حسابیله تعیین اولنور .
 زیرا سلام ویردیکی ذاتک رتبه سی نه قدر بیوک
 اولور ایسه النی شقاغنده او قدر زیاده طونار .
 حتی بعضا بیوک امرادن بریسی ضابط ویا کوچک
 ضابطه اوزون اوزادی به امرلر ویردیکی مدت
 طرفنده مخاطب اولان عسکر هیچ النی شقاغندن
 یندیر میوبهپ سلام وضعیتنده بولنور . عسکرک
 سلام وضعیتنی عسکرک غیریه بکزه مز . زیرا
 لمنی ا کوب ایکی قات اولمز . وضعیت عسکریه دنیلان

صورتده یعنی بر از اوک طرفه مائل اولدیغی
حالده دیم دیک طورر .

سلامی اولا کوچکلر بیوکلره و یرملیدر .
بزم بورالرده دخی عسکر ینتده بوقاعده
جاری ایسه ده عسکرک غیریده سلامی بیوکلر
ویروب کوچکلر قبول ایدیورلر . اوروپاده ایسه
سلامی کوچکلر ویروب بیوکلر قبول ایدرلر .
سوقاقده کوچکلرک بیوکلره سلامی شاپقه
چیقارمق صورتیه اولور . بونک الکخفینی یالکز
صاغ الینی شاپقه یه کوتوروب کنارینی طوتمقدن
عبارتدر . برازدها احتراملی طورانلق لازم
کلور ایسه سلام ویربلن آدمه طوغری برربع
دائرہ قدر دونیلور . آندن صوکره شاپقینی
چیقارمغه طورانلق و برازقالدیرمق و قالدرقدن
صکره اوک طرفه طوغری اوزانلق و باخصوص
یره طوغری ایندیرمک تعظیمک درجه درجه
آرتمی دیمکدر .

قرال وایمپراطور کبی مراتب بشریه نیک
 اک یوکسکلرنده بولنان ذواتک آلائی صورتیه
 انشای مرورنده خلقک آئی سلاملامسی
 شایقه لرینی کاملاً چیقاردقدن صکره هواده دخی
 صاللامق ایله تکمل ایدر . حتی بعض کیمسه لر
 شایقه لری باستونلرک اوجنه قوندیره رق
 هوایه قالدیرلر .

سوقاقده بیوکلر کوچکلرک سلامنی اک خفیف
 بر صورتده المق ایچون یالکیز بر باش اشارتی
 ویررلر . برازده تبسم علاوه ایدرلر ایسه سلامه
 برده التفات قاتمش اولورلر .

بیلدیکی برقادینه سوقاقده راست کلنجه سلام
 ویرمک لازم کلوب کلیه جکی بحثنده اختلاف
 واردر . سلام ویر یله جک اولور ایسه مطلقاً
 کوچکدن بیوکه سلام ویرمک صورتنده یعنی
 بر صورت تعظیمکارانده ویریلور . ارکک

نه قدر بيوك اولور ايسه اولسون قادين دخی
 نه قدر كوچك اولور ايسه اولسون ايستر كنچ
 كوزل ايستر اختيار چيركین بولسون نوع
 نسوانه بوضورتبه حرمت عادتدر . يالكز حكمداران
 ذیشان ايله طوغریدن طوغری به حكمدار
 عائله سینه متعلق اولان ار كككر مستثا اولوب
 قادينلرك انلره ويره جككري سلام عادتا « رهوه
 رانس » درجه سنده تعظيمی اولمق لازم كلور .
 بودقيقه به واقف اولميان قادينلرده ادبه مغاير
 حرکات نادر اولمديغنی مادام لوئيز دالق اعتراف
 ايله بر فقره صورتنده حكايه دخی ايلبوركه :
 يكي يتشمه كباردن و صكره دن كورمه متمو -
 ليندن بر قادين ايجه كنچ و كوزل دخی بولمق
 حديله هر ار ككك بنات حوايه وانلر مياننده
 بالخاصه كندی شيخصنه رعايت مجبور بئتك در -
 جه سنی او قدر استعظام ايلرايدی كه كندینه

سلام و یرن ارککلر یردن سلام و یرمه لر
 حرمت سزایکده بولند قلوبنی حکمه قدر وارر
 ایدی دیه جک اولور ایسه ک هانده مبالغه یه حمل
 اولماملیدر. بو مقبله نوجاه ونوسامان برکون
 کرچکدن اسکی کبار واسکی متموایندن اولان
 ده ها بر چوق قادی نلر ایله الیوم موزه حالی
 آلمش اولان (ورسای) سالونلرنده کزینور
 ایکن اورویا حکمدارلرندن برینک بیوک مخدومی
 اولان بر پرنس دخی ورسای کز مکه کلور .
 سالونده بالنصادف ایلک او مقبله جدیده ایله
 ملاقی اوله رق حسب انزا که ایلک سلامی
 پرنس ویردیکی حالدده مغرورده مرقومه شویله جه
 برباش اشارتیله رد سلام ایلدکن بشقه پرنسک
 سلامنده کی اختصاری برده سوء تربیه سنه حمل
 ایتک صورتیله کندیزی سوء تربیه ده بولور .
 تمام اوته طرفده اصل زنکین واصیلزاداندن

بولنان قادینلره پرنسک تقریبله ویردیکی سلامه
 قادینلر طرفدن غایت تعظیمکارانه ره ووه رانس لر
 ایله مقابله اولندیغنی کورنجه کندی سوء تربیه -
 سنی اکلایه جنی یرده او قادینلری دخی تخطئه یه
 قدر جسارت ایتزمی ؟ بونک اوزرینه او قادینلرک
 اک اختیاری طرفدن : « ثروت واصلتده قدم
 پیدا ایلدکجه پرنسلره ایدیله جک معاملاتی دخی
 او کورنورسکزر مادام » جوابی النجه اوزمان عقلی
 باشنه کله رک مو ص مور مورارر .

مع هذا بحشمزدن تباعد ایتیه لم . سوقاقده تصادف
 ایدیلن بیلدک قادینلره سلام ویریلوب ویرلیه جکی
 حقنده کی اختلافک فصل حل اولندیغنی کوره لم که
 بوجه تدن خطالرمز آزالمش اولسون .

انکلینز عالم لرنده قادین بر توجه ویا تبسم ایله
 ارکه که سلامک لزومنی کوسترمینجه سوقاقلرده
 قادینه سلام ویرلمز . شمدیلرده بودعات اوروپانک

سائر طرفلرینه دخی تعمم ایتکه باشلامشدر .
 بوتجاهاک سبب و حکمتنی تفصیله لزوم وارمیدر؟
 وار ایسه یا لکن شوقدر جغنی سویلیه لم که او قادینک
 یاننده و یا خود یقیننده شاید برارکک واردرد
 قادین سزکه اولان معارفه سنی او ارکه که بللی ایتک
 ایسته میور ایسه رضاسنک خلافتنه اوله رق کند .
 یسنه سلام ویرلمش اولسون ملاحظه سیله سلام
 ویرماملیدر . لکن بوکبی مراسمه ملاحظه
 ورائی عادت بر صفت حاکمیتله مقبول اولان مادام لوئیز
 دالق قادینلره سلام ویرمک خصوصنده احترازک
 بودر جه سنه ده بر معنی ویرده میور . بونک ایچون
 سویلیه جکی سوزی ینه قادینلره خطاب ایدرک
 دیورکه : « اویله بر احتراز یکز وارا ایسه او حالده
 هر یرده هر زمان هر صورتله سلاملاشمقدن هیچ
 بروجهاه احتراز ایتیه جکه کز ارکه کلردن ماءدا
 هیچ برارکک ایله مناسبت کزی ایلر ویه کوتور .

ماملایسکنز۔ تاکہ سلام و یرمک حقنہ مالک ولہ رق
ایستہ میہ جککنز یرلردہ دخی سزی سلاملا یہ رق
بر موقع مشکلدہ بولندیرہ مسونلر ۔
واقعا بوسہ سوز حقیقہ حاکمانہ و حکیمانہ بر
سوزدر ۔ سلاملا شفق مسئلہ سندن کرک قادیئک
کرک ارککک احتراز لری ایکسینک دہ علمہندہ
بر ظن حاصل ایدہ جک مواد دندر ۔ لیکن باقیہ لم
اوروپادہ بر چوق ارککلر ایلہ قادیئلر آرمہ سندہ کی
مناسبات مادام لوئیزدالک بوسہ سوزینی قبولہ
مساعده ویرہ بیلورمی ؟ اوروپانک آداب
عمومیہ یہ صورت ظاہرہدہ رعایتی تعصب درجہ سنہ
وارمقلہ برابر ایشک ایچ یوزندہ او قدر احوال
موجود و متجلیدہ کہ مادام لوئیزدالک ہرنہدیر
ایسہ دیسون برشکر خندہ برکوز پارلیسی دخی
سلام مقامنہ قائم اولور۔ ہمہدہ انی تعاطی ایدئلر
آرمہ سندہ کی اسرار مکتومہ بی ار باب دقت نظرندہ
افشا ایلر ۔

مع هذا بز تجسس خفايا ايله مأمور اولمدينغىمزدن
 ينه مادام لوئيز داللك سوزيني ديكليهم. دييور كه:
 برقادينك هر كسدن زياده كندى قوجه سندن
 وقوجه سى يوق ايسه پدر و برادر كى و ايلرندن
 احترازی لازم كلزمى ؟ بو حالده او قادينك
 معارفه و مناسبتى اولان ار ككلرك كافه سى قوجه.
 سنك و و ايسنك ده معلوملرى معروفلى بولمق
 ايجاب ايدر . بويله اولنجه سوقاقده اوار ككلر
 طرفدن سلاملاقمق امرنده او قادين هيچ بر
 كيمسه دن احتراز ايتمه بيلور . حتى بر محبه سى
 واسطه سيله هنوز قوجه سنك طائيدىنى بر ار كك
 ايله معارفه پيدا ايتمش اولسه بيله اوار كك ايله
 سوقاقده تصادف ايلدكلرى زمان قوجه سى
 ياننده دخى اولسه ار كك ينه كندى سنى سلاملا -
 مليدر . بو حالده اكر او محلك مساعده سى وار
 ايسه قادين كندى قوجه سيله اوار ككك

آرہ سندہ مرتبہ رسمیه و مدنیہ کورہ یا قوجہ سنی
اکا و یا خود انی قوجہ سنے پرہ زانتہ ایدر .
ہمدمہ قوجہ سنے بشقہ بر ارکیکی پرہ زانتہ ایتسی
سائر حال وزمانلر دہ بالکلیہ ممنوع ایکن شو
مناسبت آندن مستنادر . اورا جقدہ ارککلری
بر برینہ تقدیم و توصیہ ایشی کوریلوب بتورلدکن
صکرہ بالا خرہ او آدم ایلہ معارفہ و مناسبتنی
نصل پیدا ایتش اولدیفنی دخی قوجہ سنے بشقہ جہ
ایضاح و تفصیل ایدر .

معارفہ و مناسبتلرک بو صورت صافیہ سندن
بشقہ درلوسنی مادام لوئیز دالاق قادینلر ایچون
اصلاً تجویز ایتیمور . بورایک فکر شیطنت
اربابی اولان قادینلر نزدندہ ہیچ دہ مقبول
اولہ میہ جغنی کندیسی دخی رعنا بیلوریا . اما
رسماً وقاعدۂ تجویز ایتیمور . سوقاقدہ بر قادینک
ارکک طرفندن سلاما لائنسندہ بعضاً محذور

کوريله جك اولسه بيله بعضاً دخى بالعكس
 سلاملا نمسندەك بيوك محاذير وخيمه كوريله جكنه
 مثال اولق اوزره كندى محبه لرندن بر مادامك
 باشنه كمش اولان شو حالى بر فقره مهمه صورتندە
 حكايه ايدرك ديوركه :

كباردن بر مادام كندى محبه لرندن بر يسـنك
 خانه سنده وينه كباردن وحسن خلق و شان
 وشرف اصحابندن بر ذات ايله معارفه پيدا ايدرك حتى
 كيفيتى قوجه سـنه دخى اخبار ومومى اليهـك
 فضائلى تعداد و بيان ايدر . آره دن برايكى كون
 چكدكن صـكره اومادام قوجه سـيله برابر بر
 باغچه ده كزى نور ايكن اومناسبت پيدا ايلديكى
 ومحاسنى اكاده حكايه ايتديكى افدينك اوزاقدن
 كنديلرينه طوغرى كلكده بولنديغنى كوره رك :
 « ايشته او ديديكم ذات بودر . بزه طوغرى

کلیور . سکاده پرہ زانتہ ایدہ یم « دیہ قوجہ سنہ
 دخی ارانہ ایدر ایسہ دہ مومی الیہ قادیئلرہ سلام
 ویرمک خصوصہ اندکیز اصولنہ رعایتکار
 اولوب مادامدہ کند یسنی سلاما مغنی امرایدہ جک
 درجہ دہ منتظر اولدینگی اوضاع و اطواری کورہ .
 مینجہ باشنی اوتہ طرفہ چویروب بالاسلام کچرہ .
 وای قادیئلہ کی محجویت ! وای قوجہ سنہ کی
 صورت ! قادیئلک ارباب فضیلتدن اولمق اوزرہ تعریف
 ایلدیکی ذاتہ مقدمات حسن تربیہ بولمقدن
 فضلہ قوجہ یہ بردہ شبہہ ایراث ایدہ جک شو
 حال و طور دہ بولمنی حقیقہٴ جان صیقمزمی ؟
 قادیئلک قوجہ سی یک تربیہ لی بر آدم اولدیغندن
 تأثر و اشتباہنی تصریح ایتمہ بیله « بونلرک پیدا
 ایلدکلری معارفہ و مناسبت اکر ناموسکارانہ بر
 صورتہ اولسہ ایدی بوتجاہل ایلہ او مناسبتی
 ستر ایتمی لازم کلور ایدی . » شبہہ سی

ولو که بیلدیرم سرعتیله اولسون البته آد مجکوزک
 قلبدن کچمش اوله جفی کی قوجه سنک قلبدن
 بویله برش بهه کچمش اوله جفی قادینک دخی
 عقلنه کلهرک محجوبیتندن پانچسار کی قیزارمغه
 باشلار . ایشته انکلیر عادتنی قبول ایتک ماده-
 سنده بهضاً بویله حاللر اولور که آرتق هانکی
 طرفی اختیار ایتک لازم کله جکی ارباب اذعانک
 تمیزینه قالور .

سوقاقده کیدیلور ایکن قولنده برقادین اولان
 ارکک دوسته تصادف ایدلدیکی زمان قولنده کی
 قادین ایله هیچ برمناسبت و معارفه بولمیدینی
 زمان دخی ارککه ویریله جک سلام قادینه
 توجیه اولنه رق ویرلمک قاعده دندر . اکر بوسلامی
 متعاقباً ار ککلر طوروب براز سوزایده جک
 اولورلر ایسه قادینک قوالیه سی قادینی اوارککه
 پردزانتسه ایده مز . مکرکه کندی قاریسی اوله .

کندی قاریسندن بشقه برقادینه قولنی ویرمش
ایسه اوقادینک اوارکک ایله معارفه پیداسنه
راضی اوله جغنی بیله میه جگندن واستیدانه دخی
حال و محل مساعدده اوله میه جگندن قادین لقردی به
قاریشه جق بیله اولسه ینه پره زانته ایدمز .

تراموای و شمندوفر و بونلرک بحریسی دیمک
اولان کوچک واپورلر دروننده ویریه جگ
سلام دخی سوقاق سلامی کیدر . حتی شاپقه
چیقارمغه غلبه لکک مساعدده سی یوق ایسه سلامک
اوجهتی ده ا قیصه بیله کس یلور . حال و محل
مساعد ایسه ایلک سلامی ویرمک کندی وظیفه سی
اولان کوچک آدم بیوکک یانه قدرده کیدرک
عرض تعظیمانده براز ده ایلرویه وارر . کور-
دیکی ذات قادین ایسه دخی بویه حرکت ایدر
اما قادین اولسون ارکک اولسون کندیس-
نک تقریبی خوشه کیتمدیکنی ویا خود کیتیه جگنی و او

ذاتک کندی سلام و تعظیمندن دها مهم شیلرایله
 مشغول بولندیغنی ویا بولمق ایستیه جگنی اکلار
 اکلامز هان اورادن تباعد ایتمی غایت
 لازمدر.

والا بر صوغوق تلقییه دوچار اوله رق قلبا
 منکسر قالمسی پک ممکندر . اما او طانییدیغنی
 ذاتک بشقه مشغولیتی اولیوبده ویردیکی سلامی
 دخی کندی امیدندن زیاده طور تلطیف ایله
 آلور و حال و شانیه بوتصادف و ترقیدن محظوظ
 قالدیغنی و ملاقاتک دوامندن ده خوشالانه جغنی
 کویسترر ایسه او حالد یانندن آیرلیه رق مطلوبی
 وجهله مصاحبه ایتک آرتق نازکانه بر بورج
 حکمنه کیرر . بویولده کی تصادفاتده دخی انسان
 احتیاطلی طاورانه لیدر که نزا کتده قصور ایتیهیم
 دیرایکن کندیسنی بر بیوک آنغاریه التنه صوقمش
 اولسون . ینه اورویالی دوستلرمزدن بر یسنک

باشنه گلش اولان حل بوبابده پک کوزل بر مثال
اولور . فقره شودرکه :

بیوکدرده موسم صیفی کچورمکده بولنان
اوروپالی دوستمز منسوب اولدینی سفیرک
بالدیزی یاننده بر قوجه قاری اولدینی حالد
شرکت خیریه واپورنده کورنجه بالتقرب سلاملا
مغه کندیسینی مجبور کورر . بونقرب وسلامدن
بالدیز جنابلری ده ممنون قالور . زیرا دوستمز
هم غایت تربیه الی هم ده میر کلام بر مرد نام
اولدیفندن هانکی مصاحبه ده بونسه هر کسی
کندیسنه حیران ایده جک ذواتنددر . کوپری به
قدر کلدیکی حالد رفیقہ سی بورفاقتدن او قدر
ممنون اولور که شوسیاحتک لطافتنه طویه مدیغنی
دخی اکلاته رق شاید دوستمزک بشقه بر بیوک
مانعی یوق ایسه چارشویه قدرده رفاقت ایده
بیلیدیکی صورتده دها زیاده ممنون و متشکر

قاله جغنی بیان ایلر . دوستمزك فی الواقع مانعی وار اما معتبر رفیقہ سی او مانعی برده « بیوک » دیه توصیف ایلدی . مانع ایسه بیوک دکل . بیوک بیله اولسه درجہ اہمیتی قابل اعتراف دکل . زیرا چند ماہ مقدم قوجہ سی وفات ایتمش بولنان تازہ طول بر محبہ سی تسلیہ یہ کیدیور ایتمش ! الحاصل او کون چارشوینی کز مکہ برلکده کیدرک شوراسی بدستان ، بوراسی آنتیقہ جیلر دکانی ، شونلر ایسه تحفجیلر دیه یریر طولاشہرق و بونلرک برچوغندن برچوقده اشیا مبايعہ ایلیہرک کوپری بہ قدر عودت ایلدکلری زمان اقشام واپورلرینک وقت حرکتی حلول ایلدیکنه واقف اولورلر . برده باندیز جنابلری : « موسیو فلان بز بوکیجه نی بک اوغلندہ کچوره جکز . اکر سز بیوکدرہ یہ عودت ایدیور ایسه کز لطفاً شواشیانی سفارتخانہ یہ ایصال ایتدیری

ویررمیسکز؟ « دیمزمی؟ آرتق بورجا رداولنه۔
 بیلورمی؟ زواللی دوستمز شوانغاریه وسیله سیله
 اوکونکی فرصتدن محروم قالدیغنی یانه یاقیله بزه
 حکایه ایلمشدرکه کندیزی پک لطیفه کو برذات
 اولدیغندن هم سرگذشته آجمنش هم ده صورت
 حاله کولونمشدر .

قهوه وغازینو کبی یرلرده سالاملاشمق ینه
 سوقاق سالاملاشمسندن پک ده فرقلی دکلدره .
 شوقدرکه سلام و یریلن ذاتک درجه اعتبارینه
 ویاخود آره ده کی محبت ومودتک قوتنه کوره
 برکره اوزاقدن سالاملاقدن صکره برده یقینه
 وارهرق سالاملامق و حتی اشاغیده کوریله جک
 قاعده سی موجبینجه ال ویرمک دخی لازم کلور
 ایسه بونی ده ایفا ایلر . اما یاننده اوطورمق
 مسئله سی واپورده کی آدمک یانه تقرب مسئله سی
 کیدر . او آدمک بونقریدن خوشلانه جنی قطعاً

تحقیق ایتمینجه بوکاجسارت ایتاملیدر . باخصوص
 قهوه غازیو لوقانطه کی یولرده بوکی تقریر
 ضمنده برده اکرام دیلنجیلکی مسـتر اولوب
 تقریدن مقصد اوراده کی مصرفی اوداته یوکلتمک
 آرزو سیدر یوللو بر حکم ویریله جـک ایسه
 بوندن قطعاً بجانب ایلیمک علو جناب اقتضا
 سندندر .

تیاترولرده ویریله جـک سلامر تیاترو بختنده
 بیان اولاندیغی کـی صالونلرده ویریله جـک
 سلامر دخی ایلر ده مبحث مخصوصنده بیان
 اولنه جقدر .

ال ویرمک

فرنکلرک بر بریله ایتدکری مصافحه یی
 سلاملاشمقدن عبارتدر ظن ایتک خطادر .
 سلام ویرمک بشقه ال ویرمک دخی بشقه

بر رسمدر . کوچکدن بیوکه بیوکن کوچکه
اجرا ایدیان مصافحاتک سلامدن بشقه دها
برچوق معناری واردرکه تفصیلات آتیهدن
مستبان اوله جقدر .

اساساً ال ویرمک مسئلهسی بیوک طرفندن
کوچک حقنده یک بیوک بر اثر لطف اولوب
کوچک طرفندن بیوک حقنده ایسه اک بیوک
برعلامت استرحام دیمکدر . آنجق کوچک
طرفندن بیوکه ال ویرمک مسئلهسی غایت مهم
خصوصات ضمننده غایت نادر اوله رق وقوعه
کله بیلور . مثلاً کندیسندن بیوک بر ذاتی سلاملایان
آدم اوزانه ال دخی تقدیم ایده بیلیمکی مطلقاً
حدینک فوقنده بر حرکت عد ایدر . نصل
عد ایتسونکه اوزات مقابله کوسترمیه جک اولور
ایسه بوده کندی حقنده حقارتک اک بیوکی
عد اولور . فقط سلاملامش اولدینی بیوک

آدمك طوغرىدن طوغرى به كنديسنه ال دخى
 اوزاتمى بيوك برالتفات و غايت عد اولنه جغندن
 او غناسته مظهرى ردايله كوچكك دخى بالىقه ابلاه
 ال اوزاتمىدن استكاف ايده بيلمى خيال
 و خاطره بيله صيغه مز .

فرض ايده لم كه ال اوزاتمى جراتى كوچك
 آدمده كوريله جكد . زيرا كوردك كه بوبابده
 بيوك آدم ايچون جراته جسارته لزوم يوقدر .
 او جراته محتاج اولان كوچك آدم محتاج اولديغى
 جراتى بردنبره پيدا دخى ايده مز . يعنى
 طوغرىدن طوغرى به اللى اوزانه مز . بلكه
 مسترحانه برطور و محترزانه بروضع ايله اولان
 آووجنى وحتى بعضاً ايكي آووجنى بيله آچار .
 همان همان بزده ديلنجيلرك آووج آچدقلىرى
 صورته قريب برحال ايله طاورانوركه بوده
 « كللكز كرم ابدىكز بكا الكترى دخى ويرهرك »

حقمنده اك بيوك لطف و غنايتكنز اثرينى كوستر -
 يكنز « ديمك اولور . اما بوده اويله اولور اولمز
 كوچككر طرفدن هر بيوك حقمنده اجرا اولنه
 بيله جك شيلردن دكلدر . آرهلرنده بر درجه يه
 قدر اولسون مناسبت بولان آدملره مخصوصدر .
 كنديسنى دها كوچك كورن آدم قطعياً امين
 اولمليدركه بويله دست تضرعى كسادايلديكى زمان
 ديكرى بهمه حال النى اوزاته جقدر .

واقعا رد ايتسه اويله علناً و تماماً بر صورت
 علنيده اوزاتلمش اولان الى رد ايتك درجه -
 سنده وخامت كوستره من ايسه ده هر حالده معامله
 رد معامله سى دكلى ؟ بهمه حال ينه كوچه كيدر .
 لكن بوصورتله ايديلن استعطافه رد ايله معامله
 ايتك دخى موافق تربيه اوله ميه جفندن قارشو -
 سنده كى آدم بهمه حال النى اوزاتور . او حالده
 كوچك آدم كال شوق و شطارتله او الى كندي
 انه آلوب صيقار .

بوصورتله میدان مصافحه ده تقابل ایدن ایکی
 آدم مرتبه مدنیه جه یکدیگرینه مساوی اولورلر
 ایسه ایکیسندن بریسنک همان الی اوزامسی تکبر
 وتعظمه دلالت ایدر . نزاکت اقتضا ایدرکه
 هر ایکیسی اولا بربرینه قارشو آووجلرینی آچهرق
 لازمه استعطافی اجرا ایتسونلرده بعده مصافحه
 ایلسونلر . اما بوصورتده ال آچق ماضی ومستقبله
 نسبتله زمان وحالک عادتاً فقدان مساوی اولان
 قلت امتدادی قدر سورکسز اولمایدر . زیرا ال
 آچانی بکلتتمک آنک کوچکلکنی یوزینه اوروب
 حدینی بیلدیرمک دیمک اوله جغندن تکبر وتعظمک
 اک مرداری بواولور . بناء علیه ایکیسی دخی
 اللرینی آچار آچز بربرینک اللرینه صاریلورلر .
 بیوک آدم کوچک آدمه بلاطلب ولا انتظار
 الی اوزاته جق اولور ایسه آنک برانی کوچک
 آدم ایکی الیه طوتهرق کمال شوق وتعظیم ایله

صیقلیدر. حتی بیوک آدم الی چکمی نجه الدن
براقاملیدر. آنک الی در حال براقق آنک عاطفته
احتیاجی اولم دیغنی کوسترمکسر .

الاله طوتشه جق ذوات سوقاقده ایسه لر
بهمه حال صول اللریله طوتشم لری قاعده دندر .
زیرا سوقاقده بر برینه تصادف ایلدکلری زمان
شایقه لرینی صاغ اللریله قالدیره جقلری ویا
چیقاره جقلری کبی باستونلرینی ویا شمسیه لرینی
دخی صاغ اللرنده طوته جقلرندن صول اللرینی
اوزاتملری طبعاً دخی ضروری و مجبوری حکمی
آلور . اما بویله صول الی اوزاتمی قاعده سی
تعمم دخی ایتمشد . یعنی کړک سـوقاقده کړک
صالونده زرده بولنیلور ایسه بولنلسـون مطلقاً
اول باول صول ال تقدیم اولنوب ایکی ال بردن
طور مسترحانه ایله آچلمق ایچون دخی ایکسنگ ده
سربست بولنملری لازم کلور .

بر برینه مساوی اولان آدم لر آره سنده کی
 دوستلق بیوک اولوب ده چوقدن بری ده کورو شما-
 مشلر و یا خود بریسی سیاحتدن کلمک و یا خسته لقدن
 قالقمق کی برده وقعه کچورمش اولور ایسه
 او حالده شایقه لریله سالاملاشدق دن صکره شایقه لر
 باشلره قونه رق و باستون و شمسیه لر قولتق التنه
 النهرق ایکیسی دخی ایکی الریله مصافحه ایدر لر
 والارینی براقیوب برچوق زمان صیم صبقی
 طوتار لر که بو حال بزم بورالرده ایکی آدمک کمال
 تحسر و اشتیاق ایله قوجا قلاشملرینه مساویدر .
 واقعا اوروپانک بمض یرلرنده و بالخاصه روسیه ده
 قوجا قلاشقمق دخی واردر . آغزدن آغزه
 او پوشمک بیله ! لکن شم دیکی حالده ارککلرجه
 بو عادتک موده سی کچمش ویا لکنز قادینلر میاننده
 بر درجه یه قدر اجرا اولنمقده بولنمشدر . ذاتاً
 برچوق امراض ساریه نک میدان سرایتی توسع

ایتمدجہ ایتمکده اولان بریرده شو اوپوشمەنک
 مضرات صحیہ سی دخی محتاج تفصیل دکلدر .
 ارککلر ییننده ال اوزاتمق بعضاً تعظیم دکل
 بلکه استغای قصور مقامنه قائم اولور . من غیر
 تعدد برزبان ایرشدیردیگکز آدمه « پاردون »
 کلمه سەنک بر چوق دفعه تکرریله برابر ال دخی
 اوزانورایسه کز بووضعیت اوروپاچه اک بیوک
 علامت انتظار واسترحام اولان و دیزلری اوزرینه
 چوکه مکدن عبارت بولنان وضعەک مقدمه سی
 دیمکدر . زیان ایرشدیردیگکز آدم اوزاندیگکز
 الی قبول واخذ ایتسه بیله اکر ذره قدر حسن
 تربیه اصحابندن ایسه مطلقاً سزی عفو ایدر .
 قادینلره کندی صالونلرندن بشقه هیچ بریرده
 دست تعظیمی تقدیم ایتمک شیق صایلمز . کندی
 صالوننده دخی غایت تعظیمی بر صورتده سلام
 ویرلدکن صوکره اوسزه الی اوزاتور ایسه

مع التشرک والتکریم قبول اولنور سده اوزاتمدینی
 صورتده سزک اوزاتمکزینه بر حساب وتأمله
 لزوم کوسترر . بو حساب وتأمل نتیجه سنده ال
 اوزاتمغه قرار ویره جک اولور ایسه کزینه بیوک
 آدم لر حقیقده یاپلادیغنی تعریف ایلدیکمز وجهله
 آووجکزی آچهرق اوزاتورسکز . قادین ایسه
 منز آووجی یره باقق وال اوستی یوقاری به
 کلمک صورتیه الی اوزاتور . بعض جن فکری
 اولانلر دیرلرکه قادینک بو وجهله ال اوزاتمسی
 النک اک کوزل جهتنی کوسترمش اولمق ایچوندر .
 فی الواقع اللرده وبالخاصه قادین النده کوزلک
 آرانور و بولنور . همده اوکوزلک آووج
 ایچنده دکل ال اوستنده بولنور . آووجلرک
 هپسی بر برینه مساوی کیدر . اما اللرک اوستنده
 حال بشقه در . قوپ قوری و سیاه برال اوستنده
 طمارلرک مائی غیغ ازلرکی قبارمسی و پارمق

دیبلرندہ کی کمیکلرک سیوریلوب چیقہمی بشقہ در
 پاموق کبی بیاض برال اوستندہ مائی طمارلرک
 او پاموقلق و بیاضلق التندہ فیروزہ رنیکلہ ترسم
 ایتمی و پارہق۔ دیبلرینک ایسہ برر لطیف
 غمزہ کبی چوقورچوقور اولمی حالی نہ بشقہ در۔
 بناءً علیہ قادینک او وضعیتلہ ال اوزاتمہ دن
 مقصدی اللہ کی بولطافتی کوسترمک ایچون
 اولسہ دخی بجادر اما بوتأویل طوغری دکلدرد۔
 قادینک بووجہلہ ال اوزاتمہ عادات قدیمہ دن
 قلمہ برادر۔ عادات قدیمہ اقتضاسنچہ قادینلر
 ارککلرہ الارینی او پدیرلر ایدی۔ او پدیرمک
 ایچون اوزانیلان الک وضعیت طبیعیہ سی دخی
 بودر۔ شمدی بو عادات دست بوسینک یالکزشو
 وضعیتی قالمش ایسہ دہانی اوزاتان قادین پرنسملردن
 وسائر اونسبتدہ اعظم نسواندن اولور ایسہ
 اولی او پمک حالا دخی باقیہ در۔ اصیلزادکان

عالم‌رنده حالا کمال اهمیتله جاریدر . لیکن قادینلرک
 الی او پیلور ایش دیه هر اوزاتیه-ان قادین
 انی او پمکه قالقشحق انسانی او قدر مشکل
 موقعه دوشوررکه تعمیر قبول ایتمز . زیرا بر قادین
 « پرنسیه » دنیلن اصیلزادگان صنفندن اولور
 ایسه پک کنج دخی اولسه یاشلی آدملرک بیله
 انک الی او یمک لازم کلدیکی حالده بویله علو
 مرتبه اصالت و سمو منزله نجابتلریله ممتاز اولمیان
 و بناءً علیه ارککاره الی او پذیرمکه حتی بولنمیان
 بر قادینلک الی او پمکه قالقشحق یا او الدهکی
 لطافته ایمرنمک و یا خود قادینی تحقیر ایتمک معناسنه
 حمل اولنه جقدر .

قول و یرمک

ال و یرمک سلامدن بشقه برشی اولدیغی
 حالده قول و یرمک دها بالکلیه بام بشقه برشیدر .
 حتی بونی سلاملاشحق مسائلی میاننه ادخالدن

ایسه سالون ویاسفره مراسمی یاننه ادخال ایلمک
دها زیاده مناسب بیله دوشر ایسه ده مأخذلر مزك
اك زیاده سی آنی بومیانده ذکر ایتمش اولدقلری
جهتله بزدخی آنلره اتباع ایدی ویردك .

اركك ارککه قول ویرمکده همان هیج برقاعده
یوقدر . باخصوص ایکسی ده رتبه جه مساوی
اولورلر ایسه ده هانکیسی هانکیسنه قول ویرسه
جائز اوله بیلور . هله بر زماندنبری ارکك ارککه
قول ویرمک عادتی سرعیتدنده ساقط اولمشدر .
یان یکا یوروپه جك اولان ایکی تربیه لی ارکك
هیج ده بربرینه قول ویرمیهرك یوررلرکه بو حال
دها زیاده کبارانه عد اولنور . اما بو حالده ایکسی
دخی آباق اویدیره رق بربرینه او قدر ملاصق
کیتملیدرلرکه قول ویرمش اولسه لر دخی آنجق
بو قدر ملاصق کیده بیلملیدرلر . هله اوچ کشی
اولورلر ایسه اوچنك دخی قول ویرهرك

التصاقلری عادتاً عیب صاییلور . مطلقاً قول
ویرشمك لازم كلورسه ایکیسی بربرینه قول
ویرهرك بریسی ده آیری یوریملیدر .

خارجده یعنی سـوقاق و باغچه کبی یرلرده
ارککك قادینه قول ویره بیلیمسی مطلقاً قادین
طرفدن طلب و امر و قوعنه وابسته در . یوقسه
خارجده قادینه بشقه درلو قول تقدیم اولنه مز .
قادینه قول ویرمك لازم کلدیکی زمان دخی
مطلقاً صاغ قول تقدیم اولنمیلیدر .

واقعا بوبابده اقوال مختلف اولوب بعضیلری
بالعکس صول قولی تقدیم ایتمك اصل قدیم شیقاقه
دها موافق اولدیننی ادعا ایتمشلر و واقعا بر زمانلر
ارککلر قادینلره صول قوللرینی تقدیم ایلیمشلر
ایسه ده اوزمان قادینلرک قوالیه رلری حقیقه
بللری مجلی آدملر اولوب مجلیله مدافعه و یا
تعرض ایچون دخی صاغ قولك آزاده بولنمسی لازم

کلیدیکندن قادینه تقدیم اولنه بیله جک یالکیز
 بر صول قول قالور ایمش . ایشه بونقطه نظر دین
 باقیلهجه صول قولی تقدیم ایلمک ترجیح اولنه جق
 ایسه ده شمدی سـ اثر نقاط نظر دین باقیله رق
 قاعده بی بالکلیه صاغ قوله چویر مشلردر . عربده
 قادین صاغ طرفه آنه جنی کبی سفره دده صاغ
 طرفده او طوره جق و بالولرده قادریل ولانسیه
 او یونلرنده هپ ارنکک صاغ طرفی اشغال
 ایلیه جکدر . بناء عالیه سوقاقده کز یلور و یا خود
 بر صالوندن ضیافت سفره سنه کیدیور و یا بالوده خرام
 ایدیور ایکن قادینه صاغ قولی تقدیم ایلمک ترجیح
 اولمشدر . هله ارکک اونیفورمه لابس و قلیچ
 حامل اولوبده قادینه صول قول تقدیم اولنه جق
 اولور ایسه قلیچ قادینی راحتسز ایده جکندن
 بومناسبت دخی صاغ قولی ترجیح ایتدیرمه
 سبب اولمشدر .

قادينە صول قول تقديمى بالكر بروقت لازم اوله
 بيلور كه اودخى سوقاغك صول طرفندن كيدلديكى
 زماندر . سوقاقده قادين بنالر طرفندن واركان
 دخى سوقاق اورتەسنە معروض اولان جهتتەن
 بوزمك لازمدر . سببى ايسە اوكلارندن كچيله جلك
 مغازەلرى قادينك دها اعلا تماشا ايدە بيلمەسندن
 ماعدا قارشو طرفندن كلنلر طرفندن دخى قادينك
 راحتسز ايدلما مسندن عبارتدر . زيراقادين مغازەلر
 طرفندە بولنە جق اولورسە قارشودن كلنلر
 كنديسنك ساغ قولى جهتتەن وحتى قواليسنك
 دخى صاغندن كچەرك قادين بنالر جهتتەن و بنالر
 ايله كندى قواليسى آره سەندە بىنە محفوظ
 قالور . ايستە بونما مسندن طولاي سوقاغك صول
 جهتتەن كيديلور ايكن قادينە صول قولى تقديم
 ايتمك ترجيح اولمشدر .

ايكى قادينە بردن وفاقت ايدلديكى زمان اركان

قادینلردن یالکز بریسنه قولنی ویرر ، دیگر
 قادین آیری یورر . قول ویریله جک قادین دخی
 بالطبع دها معتبری اولور . والدهسی ایله قیزی
 کلین ایله قان والدهسی برابر ایسه حق تقدم
 والدهلر کدر . ایکی قادینه بردن قول ویرن ارککه
 « ایکی قوللی کوپ ! . . . » دیه نظر استهزا
 ایله باقیلور .

ینه شو قول ویرمه که متفرع مواددن اولمق اوزره
 خبر ویره لم که کرک ارکک کرک قادین ایکی یا خود
 اوچ کشی قول قوله ویره رک یا خود قول
 ویرمیوب یان یکا یورویره رک قارشودن کلیورلر
 ایسه بونلرک آره لرندن کچمک حسن تربیه
 دلالت ایتمز . آنلره یول وره رک بریادن
 کچملی . بو بایده آرقداشلر مزد بریسنک
 پارسده سفاهت پرستان نسواندن ایکی اوچ
 قادین طرفندن آلمش اولدینی جواب مزعج

کبی جوابلره انسان کندیسنی هدف ایتمالی .
فقره شودرکه :

دوستلر مزدن بریسی اقشامدن براز صکره جه
پارسده شانزه لیزه ده کز نیمکه چیقمش . معلوم یا ؟
اقشامدن صکره جه پارسک سفاهت پرستان
نسوانی بو محله کز مکه چیقارلر . قارشودن
طوغری سفاهت حاللری حسبله قریتهرق
دو کوله رک فینک اوروب قیچ آتهرق کولو
شهرک سویل شهرک کلکده بولان اوچ آشفته یه
چانق ایستهمش . بونک ایچون دخی قاریلرک
تشکیل ایتدکلی خطی یاروب اورته لرندن
کچمک صورتی بولمش . قرارینی موقع
اجرایه دخی قویهرق قاریلر طرفندن :
« قادینلره بویله می معامله ایدیلور افندی ؟ »
اعتراضنه دوچار اولوب ده کویا جواب اولهرق
دخی : « قادینلره بویله معامله اولمزا یسه ده بویله

معامله ایدلیه جک قادیلر سزمیسکیز؟ « کستاخلفنی
دخی ایدنجه آشفته لر: «اگر سزده بوسوز کزله
اکلا تمق ایستدیککیز عفت حال بولنسه ایدی
بزم کبی قادیلر دده بومعامله بی ایتمز ایدکیز. اوچ
کشینک آره سندن کچمک او قدر ادب سزل کدرکه
اکا نسبتله بزم حالمز عین ادب محض عفت
صاییلور » جواب صوابی و یردرک زواللی
دوستمزی تحجیل ایلمش لدر .

قارشو طرفدن کلن اکر یالکیز برنک قادین
اولور ایسه اکامطابقا بنالر طرفدن یول ویردرک
کندیسی آچیقدن کیتمک ارکک ایچون حسن
تر بیه مقتضیاتندن عدا اولنور .

قادینه قول ویرلش اولدینی حالده ارک
مغازه خانه کلیسا فلان قپوسی اولسون کرک
یمک او طه سی وصالون و سائر قپوسی اولسون
حالی هر هانکی بر قیودن کیریلور ایسه ارکک

بر آديم قدر ايلروليوب قادين آنك آرقه سـنه
 طوغرى يانندن يوريمليدر. بونك حكمتى هم
 اوقبونك ايچ طرفنده ناولديغنى قادينك حاميسى
 ديمك اولان ارككك اول كورمىسى هم ده طار
 قبودن كچمك ايچون قادينى راحت براقسىدر .
 قادين اول كچه جك اولور ايسه اركك طرفندن
 روباسنك اتكلرى چيكنتمك محذورى بوصورتله
 برطرف ايدلمش اولور.

رەوەرانسلىر

« رەوەرانس » ديه ارككلر طرفندن ايكي
 اللرى پانطالونك ديكشلىرى حذاسنجه صاللا-
 نديروب باشنى وبانى يره طوغرى كركى كې
 اكمكن اينديرمككن عبارت بولان وضعيته
 دنيلوركه بوكا بزجه بعضاً « بيون كسمك »
 وياخود « بيون اكك » ديه تعبير اولور .
 قادينلرك رەوەرانسلىرى شو تعريف ايلديكمز

ارک رک رده و درانس لرندن دها کوزلدر. زیرا
آنلر اوموزلرینی کیرویه و کوسلرینی ایلرویه
سوق ایدهرک و باشلرینی قالدیردرق دیزلرینی ده
یواشجه اکوب بویلرینی قیصه التمنی متعاقب
بتون وجودینی کیرویه طوغری سوق صورتیه
رده و درانس لر یاپارلرکه بونلری صورت مخصوصه ده
مشق دخی ایلمکاری جهته بهض قادینلر
حقیقه پک کوزل یاپارلر. اک کوزل یاپانلری
اوزاقدن کوریه جنک اولور ایسه ظن اولورکه
کیروسی کیرو اوچه جقدر.

شم دیلرده اولور اولمز صالونلرده اولور
اولمز مناسبته ایله رده و درانس یایمق عادت هان
قالدیرلشددر. رده و درانس لر بهض مناسبات
مخصوصه اوزرینه اجرا ایتیمکده درلر.

رده و درانس یایله جق یرلرک بریسی بالور
اولوب مناسبت مخصوصه سی دخی قادریل

ولانسیه اویونلرنده معین اولان محملر وزمانلر-
 درکه اومناسبتلرله قادین ارکک اویونجیلر بربرینه
 ره وهرانس یاپارلر . بریمی دخی دوکون
 و یورطی کبی مناسبتلردرکه کرک کلیسالرده
 و کرک سالونلرده اجرای تبریک لازم کلدیکی
 زمان آنی ره وهرانس صورتندده یاپارلر . بر
 مناسبت دخی حکمدار و یاخود پرنس مرتبه-
 سنده نجیب اولان و یا صورت اخری ایله پک
 معتبر عد اولنان ذواته تقدیم اولنمقده درکه حین
 تقدیمده انک طرفدن کوریلن التفاتلرک هربرینه
 بر ره وهرانس یایمق مقتضیدر . حتی بویله
 نجابتسمات اولان ذواته قادینلر دخی اک لطیف
 ره وهرانس لرینی اجرا صورتیله عرض تعظیفات
 ایدرلرکه سلاملره دائر اولان بابده ورسای
 موزه سنده برپرنسی سلاملایان قادینلر فقره سی
 بوراده دخی تخطر ایدملیدر . اوت ره وهرانس

اجراسی ایچون بر مناسبت دخی پرنس-ملک
 مرتبه-سندده بیوک اولان ذواتک سالاملا تسمی
 مناسبتیدر . سواقاقدہ بیلہ اولسہ شایقہ بی کاملاً
 چیقاروب صاغ الیلہ صاغ طرفنہ ایندیردکن
 صوکرہ رەوەرانیسہ قریب بر حرکت ایدملیدر .
 ھلہ کلیسا سالون وسائرہ کبی باشی اچیق طورلق
 عادت اولان یرلردہ مطلقا رەوەرانیسدن بشقہ
 بر صورتلہ سالاملاملیدرلر . شوصایدیغمز
 مناسبتلردن ماعددا رەوەرانیس یایمق امرندہ
 غایت احتیاطلی طاورانملیدر . زیرا رەوەرانیس
 یایلمیہ جق یرلردہ یایمق تعظیمہ حمل اولنمق
 شویلہ طورسون اگر لطیفہ یەدہ حمل اولنمزايسہ
 مطلقا استہزایہ ، تحقیرہ حمل اولنور . بزم بو
 طرفلردہ استحقاقک لزومک اقتضائک فوقندہ
 بر آدمک انکفی او پمک نہ دیمک اولور ایسہ
 رەوەرانیس دخی او دیمک اولدیغندن وقتلی

وقتسز یرلی یرسز یاہیلہ جق اولور ایسہ قابل
 عفو اولیہ جق بر تربیہ سزک ایدلمش اولور.
 ایشک الک کسدرمه صورتی سلاملامق نوعندن
 اولان اکیلملری براز مبالغہ لیجه یایمق صورتیله
 ردہ و درانس دخی اجرا ایتمش اولمقدر.

فرانسه و المانیانک کو یلرنده و دانیمارقه واسوج
 ونوروجک کو یلرندن ماعددا قصبه لرنده دخی
 ردہ و درانس یایمق عادتق باقیدر. اسوج ونوروج
 داخلنده اثنای سیاحت مزده راست کلدیکمز
 کویلولر و بالخاصه قادینلری ایله قزلری بزی
 ردہ و درانس لر ایله سلاملامقده ایدیلر. انس-انک
 نائل اولدینی اثر نزا کته دها بیوک برعلامت
 نزا کت ایله مقابله ایتسی جهانک هر یرنده حسن
 تربیه نک قواعد اساسیه سندن اولمسیله بز دخی
 اوکویلیلره فوق الحد تعظیم ایله رد سلام ایلیور

ایده ده بچہ ارہ لر رد معاملہ سنہ دخی دیگر بر
قاج رموہ رانس ایلہ تشکر ایلور لر ایدی .

دیز چوکمک

صالونلر دہ وسائر مجامعہ الیوم بالکلیہ متروک
ایسہ دہ اسکی زمانلردن قالمہ دیز چوکمک عادت
نادراً بمض مناسبتلرلہ حالا دخی اجرا اولنمقدہ
در . بو حرکت یا بردیز اوزرینہ چوکولہ رک
دیگر بجاغک مقوس طور مسندن ویاخود ہر
ایکی دیزک بردن اوستہ چوکولسندن عبارتدر .
بالطبع شوایکنجی صورتی برنجی صورتندن دہا
زیادہ تعظیم کارانہ در .

دیز چوکمک یاپک بیوک بر یالوارمق امرندہ
تذللک صوک درجہ سی عد اولنور ویاخود
حکم داراق ویا آنلر طرفندن ایستدیکنی یایمغہ
مقتدر اولان ذوات مہمہ یہ بر بیوک قباحتی عفو

ایتدیرمک ایچون مرحمت مخصوصہ سنہ دخالت
صاییلور . اسکی زمانلرده پایا، ایمپراطور، قرال
کبی ذواته تقدیم عبودیت طرزنده دخی اجرا
اولنور ایمش اما شمیدیلرده شو بیان ایلدیکمز
مناسبیدن بشقه هیچ برمناسبته دیزچو کولمز .

خانہ تنظیمی

اوروپا اصول و آداب معاشرتنه دائر بوراپه
قدر ویرمش اولدیغمز معلومات اوزرینه
شرقلیرمزدن اوروپاده بولنانلرک فاهلیالر ایچنه
ویزیتلر، ضیافتلر، سیوارلر، بالولر کیده
بیلیمک صرهمی کلش اوله جغندن بونلر دائر
تعداد و تعریفی اقتضا ایدن آدابی یازمق زمانی
کلش اولیورسده خانہ تنظیمنه دائر اولان شو
بابی آنلر تقدیم ایدیشمز اورالر کیریلوب
حقیقلمق امرنده کی مراسمک حسن تلقیسنی

تسهیل ایدہ جکدر . واقعاً بزم شرقیلمزدن
 اوروپادہ بولنہ جق ذوات ایچون برخانہ تنظیمنہ
 لزوم کورلمسی حقیقہ استبعاد اولور . باخصوص
 ضیافتلر ، بالولر ویریلہ جک صورتدہ واسع
 ومنتظم خانہ تنظیم ایتمک احتیاجی شرقیلمزدن
 برملیوندہ برکشینک یانندن بیلہ کچہ مز . آنجق
 شمیدیلردہ بزدخی اسکی الاترقہ صالونلرمزی
 نصلسہ بکنمیرک الافرانغہ اصولدہ صالون
 تنظیم ایدہ جکزدیہ خیلی خطالره دوچار
 اولمقدہ بولنہ دیغمزدن اوروپالیرک خانہ لربنی
 اصل دوزلدکلری حقندہ ولو مختصراً اولسون
 معلومات پیدا ایدہ جک اولور ایسک کنندی
 تنظیمات بیتیه من خصوصندہ دخی براز دها
 اوایاق بولنورزدہ خطالرمز دخی آزالور . مثلاً
 الافرانغہ راغب بر بیوجک ذاتک صالون اتخذ
 ایتمش اولدینی محلدہ پالطو وشاپقہ وسائرہ اصغفہ

مخصوص اولان آصقیلردن بر یسنى كندی
 كوزمن ايله كورمه شزدركه واقعه - ا پك سوسلی
 باپلمش بر آصق اولمق ايله برابر هر حالده سوقاق
 قپوسی جوارندن پك ده اوزانه میه جق اولان
 بر شیئی صالونه قدر چیقارمق انسانی بالطبع
 تبسمه مجبور ایدر .

اورو پاده مستقلاً بر خانه یه مالک اولمق هر قوله
 میسر دکلدر . بیوک قوناق و یا خود شاتوصاحی
 بر آدمك قوناغنه هنوز خیالیزی ادخال ایده من
 ایسه ده كرك بر آپارتمانك و كرك بر كوچك
 خانه نك اورته حاللی دنیله جك درجه ده تنظیمندن
 بر صورت مطلقه ده بحث ایلیه جك اولور ایسه ك
 شو خانه تنظیمی خصوصنده قارئلر منجه حصولی
 آرزو ایلدیكمن فكر اجمالی ینه حاصل اولمش
 اولور .

اورو پا اصول معماریه سنجه بر خانه یه داخل

اولان آدم اول بول کندینی « وستیول »
 ذیلان یرده بولور . وستیول خانه نك قبونقطه-
 سنده یابندان خارجه طوغری چیقمش ویاخود
 داخله طوغری کیرمش مربع ویا مستطیل بر
 مدخلدرکه چیقنتیلی ایسه طیش طرفنده قولونلر
 وکرینتیلی ایسه ایچ طرفنده برجاملی قوبولنور .
 اشبو وستیوله کیرلدیکی زمان انسانك کوزینه
 ایلک ایلدشه جك یر « وستیه ر » در . بولکه
 « البسه لك » معناسنده در . یا غمورلق ، پالطو ،
 باستون ، شمشیه ، چیزمه ، چامورلق فلان
 کی خارجه کیله جك و قوللانیله جق اشیانك
 براقیله جفی محلدركه اك عادسی قویه یقین بر
 محله لزومی قدر آصقیر وضعندن عبارتدر .
 دها کبار یرلرده اوفاجق بر اوطه بی وستیه ر
 اتخاذیله آصقیرلی اوریاه تعلیق ایدرلر . بوندن
 دها زیاده کبار اولان یرلرده قادینلرك وستیه ر-

لری آری وارککلرک وستیه رلری آری اولوب
بو حالده قادینلر یرینه ارککلرک وارککلر یرینه
قادینلرک کیرملری موافق ادب کورلمز .

اک کبـار یرلرده کرک قادین وکرک ارکک
وستیه رلری برنوع توالت او طه سی حالده بولنوب
ایسه تمیزله مک ایچون هر نوع فورچه لر دن ماعدا
بر آیدنه وبرلا و ابو یعنی یوز طاقی و طراقلر
و پودره لر و سائر توالته لازم اولان شیلر دخی
موضوع کوریلورکه کان مسافرلرک توالتلری
تعصیره محتاج بر حالده ایسه اشبو وستیه رلرده
ایم اولنورلر . هله قادینلره مخصوص اولان
وستیه رده طوپی ایکنه وفورکته و مقاص و برار
ایکنه ایپلک همده هر رنکدن ایپلک و ابریشمی
حاری بر محفظه بولندیره ق دخی صاحبه خانه نک
خرده اندیشلکنه و بناء علیه حسن طبعنه دلالت
ایدر . شو قدرکه بشقلرینک استعمال ایلدکلری

طراق و باش فورچہ سی کبی شیلری استعمالدن
 پک چوق کیمسہ لر بحق استکراہ ایدہ جککری
 جہتلہ وستیہ رلرہ قونیلہ جق بو مثللو لوازم او قدر
 تمیز اولماید کہ آنلری استعمال ایدنلرک ایکنیمہ۔
 جککرندن صاحب خانہ امین بولماید۔ بر خانہ
 اصحابنک کبارلقجہ، تمیز لکجہ و مسافر لرینہ
 رعایتجہ درجہ سی دہا وستیہ رلرینہ نظر اولندیغی
 آندہ آکلا شیلور۔

وستیہ ردن صکرہ مسافر لرک مراجعت ایدہ جکی
 یرصالون اولہ جتی ایسہ دہ بعض کبار قوناقلرنده
 ویاخود رسمیتی حائز اولان یرلردہ «آنتی شامبر»
 دینلن برکوچک صالون دہا وارد کہ اصل
 کیریلہ جک صالونک مدخلی اولوب مسافر او شاقلر
 طرفدن اولا اورایہ قبول اولنور واورادن کرک
 قارت دوویزبت ارسالیلہ وکرک اوشاقلرک
 اخباریلہ کیفیت صاحب خانہ یہ عرض اولہ رق

انك طرفدن ویريله جك مساعده وامراوزرینه
 مسافر اصل سالونه دخی ادخال اولنور .
 اشبو آتی شامبرده مسافر نه قدر آز بکلتد .
 یریلور ایسه حقنده اودرجه لرده تعظیم ایدلمش
 وزیاده جه تأخیر ایتدیریلور ایسه حقنده اوقدر
 حرمتسزلک کوسترلمش عد اولنه جغندن شاید
 صاحب خانه بر مهم مسافر ایله بر بیوک ایش
 مذاکره سنده بولنه رق یکی کلن مسافری
 زیاده بکلتدیره جك اولور ایسه بالذات کلوب
 زیاده سیاه عذرلر دیلمه که مجبور در . آتی
 شامبرلر پک ساده دوشه لی اولورلر . یعنی
 کلنلرک اوطورملری ایچون قنایه وقولتق
 وصندالیه طاقندن بشقه اوله ماصه اورتوسی ،
 دولاب ، یازیخانه کبی شیلر بولنمز . دیوارلره رسم
 آسیاه بیلور ایسه ده سالونلرده کی رسملردن ده
 اعلا اولمیهوب آنلردن ده اشا غی رسملر

اولمیدر . بعضاً کلن مسافر پک معتبر ذواتدن
اولور ایسه پالطو وسائر سنی آنتی شاهبرده
براقور که بوحالده اوراسی وستیهر مقامنه قائم
اولور . لیکن بونی جائز کوروبده او جوازندن
استفادهیه دخی قالقشما ملیدر . آشاغیده وستیهر
وارایکن آنتی شامبری وستیهر مقامنده قوللانمق
او قدر بیوک جرأتدر که اولور اولمز کیمسه
ایچون جرأتک بودر لوسی عفو اولنه مز .

بعضاً پک دوستانه اولان ویزیتلری صاحبه
خانه کندی « بودوار » نده وصاحب خانه ایسه
« قابینه دو تراوای » یعنی ایش او طه سی دینلن
یرده قبول ایده بیله جک لری کبی « کوچک
سالون » ده دخی قبول ایده بیلور لر . بناء علیه
اول باول بونلری تعریف ایدلم .

« بودوار » دیه قادی نلرک کندی خصوص
اقامتگاهلرینه وال ایشلرینی کورمکه مخصوص

اوطه لرینه دینور . بو اوطه لرده مفروشات
اوله رق یاریم ویاخود وسعتنه کوره برطاقم قنابه
وقولنق و صندالیه بولنور . حتی «اوزون اسکمله»
دینلن و اوزرینه اوزانوب یاتمغه مخصوص اولان
قنابه لردن دخی بریسی بولنه بیلور . اوفارق بر آینه
بو اوطه یه زائد کورلیه جـکی کی آینه اطرافه
هرنوع فطوغرافیا رسملری و باخصوص فاملیا
خلقنک رسملری تعلیق اولنور . لکن قیمتلی
طـابلولری بودوارلره آصق قدرلرینی تنزیل
صـاییلور . مکرکه فاملیا یادکارلری اوله لر ،
آینه لی بیوک دولاب ، لاوابو یعنی نوز طـقلری
کی شیلری بودوارلره قویق قطعاً جائز دکلدر .
مادامک کندینه مخصوص کتبخانه سی وار ایسه
آنی ده بورایه قویار . ال ایشـلری ایچون کاهه
لوازم هپ بو دوارلرده بوانور . بناء علیه مادام
جنابلری کلفتلی مسـافرلرینی بو اوطه یه قبول

ایده میوب اسکی دوستلری واولدقجه افریادن
معدود بولسانلری قبول ایده بیلور .

امایکی دوستلری بوراده قبول ایده مامک انلر
حقنده حرمتسزلك عداولنه جنی ایچون دکلدره .
بالعکس آنلری محرمیت وخصوصیت دائر دسینه
قبول ایتمش اولاق دیمک اوله جنی ایچون یکی مسافری
محظوظ ومنتدار ایدر . هله قادین قادینه ایدیلن
زیارتلرده ایستدکلری قدر بوش بوغازلق ، چان
چانلق ، چال چکه لك ایتمک ایچون اک مساعد
یر بودوارلردر . بر قادین هنوز ییسانجی عد
اولنان بر ارکیکی بودواره قبول ایده جک اولور
ایسه شوتکلیفسز لکدن طولایی عذرلر دیلر ایسه ده
ارکک دخی قادینی خصوصی اوطه سنده راحتسز
ایتمکه سبب اولدیغندن طولایی دها زیاده عذرلر
دیلر .

بودوار قادینه نسبتله نه ایسه « قاینه دوتر اوای »

یعنی ایش او طه سی ار که نسبتله اودر. ار که ک
کتبخانه سنک اصل وضع اوله جق یری بورا.
سیدر. یازیمخانه سی ایسه بالطبع بوراده بولنور.
قنایه مفروشائی طبق بودوار کی اولوب اگر
صاحب خانه بشقه جه سلاح سالونه مالک
اولیوب ده شهره شایان قیمتی سلاحلری ده
وار ایسه آنلری دخی قاینه دوتر اوای دروننده
مناسب یرلره تعلیق ایله تشهر ایدر. فقط
آندیکه متعلق تحف و تفاریق بورایه قویمقدن
ایسه سالونه قویمق مرجحدر. ایش او طه سنه
آینه قونلمیه جفی کی قیمتی رسملر دخی
قونلمز. مکرکه مشاهیر علما و ادبانک رسملری
اوله. هله مشاهیر مذکورنک هیکللری وار
ایسه بو ایش او طه لرندن بشقه یرلره قویاملیدر.
کوچک سالون عادتاً بیوک سالون کیدر.
بونلرک ایکسی ده مسافر همده کلفتلی مسافر

قبولنه مخصوص یرلردرکه کوچکنک بیوکندن
 فرقی یالکز جسامت جهتنددر . بهضاً خانەنک
 جسامتنه وصاحبنک رتبه و ثروتجه اهمیتنه کوره
 کوچک صالونلر متعدد دخی اولورلر . بوراده
 مفروشاتجه اک مهمشی شمینەنک یعنی اوجاغک
 صاغ طرفنه موضوع اولان قولتق صندالیه درکه
 صاحبه خانیه مخصوص اولوب واقعا فامیلیا
 نشریفاتنجه والدلر ، قان والدلر خانه صاحبه سی
 اولان مادامه تقدم ایدرلر ایسه ده بوقولتقده
 اوطورمق حق آنلره دخی ویرلر امشدر .
 برخانەنک صاحبه سی هرکیم ایسه بوقولتقه
 او اوطوره جقدر . قولتغک قارشوسنه اک کوزل
 اولان قنابه قونورکه مادامک اک معتبر مسافری
 اورایه اوطوروب قونشه جقلردر .

بو قولتق ایله قنابه دن ماعدا صالونک مناسب
 یرلرینه دیگر قولتقلر قنابه لر و « دیوان » دیدکلری

بزم آلازقه مندرلرودکرمی شکلده یرمندرلری
 فلانلر دخی قونیلوب تنظیم اولنورلر. صالونک
 اورته یرنده بیوک برماصه بولنهرق انک اطرافنه
 دخی خفیف و ظریف صندالیه لر قونیلور. کړک
 بواورته ماصه سنک اوزرینه وکړک صالونک
 جسامتده کی مساعده یه کوره بشقه مناسب یرلره
 وبالخاصه مادامک قولتق صندالیه سنه یقین بریره
 قونیه جق دیگر ماصه لر اوزرلرینه اک یکی
 چیقمش اولان کتابلردن برازی و علمی و ادبی
 مجموعه لړک صوک نسخه لری و اوکونکی غزته لر
 قونیه جفی کبی برده التوندن و کموشدن معمول
 بیوجک برقویا و طباق و سپت کبی برشی دروننه
 و بونلر بولمز ایسه آغا جدن اویمه و یا سازدن
 اورمه غایت ظریف سپت کبی برشی ایچنه و هبیچ
 اولمز ایسه اسکی معدن طباعه اک معتبر مسافر لړک
 براقش اولدقلری ویزیته کاغدلری وضع اولنور.

اولاری بونلردن لوحه لر تشکیل ایدرک سالونلرک دیوارینه آصیلور و «ایشته بزه بویله معتبرذوات ویزیتہ ویررلر» کبی برلسان حال ایله افتخار اولنورایدیسه ده شمعی بو عادت باردکور نمکده در. سالونه اوزون صندالیه قویمق کبارلق عداولمز. زیرا سالونلرده اوزانوب یاتمق حق هیچ بر کیسه یه ویرلماشدر. کرک کوچک کرک بیوک سالونه فطوغرافیا رسملری و باخصوص فاملیا خلقنک رسملری تعلیق اولنه مز. سالونلرده بولندیریه جق فطوغرافیا رسملری منتظم آلبوملر دروننده بولمق شرطدر. سالونلرده اک نفیس لیطوغرافیا و قره قلم و صولی بویا و یاغلی بویا رسملردن بشقه سی تعلیق اولنه مز. آینہ لی دولاب و بزده «برو» دنیان و اوروپاده «قومود» تعبیر اولنان چکمه لی دولابلر و هله یوز طاقی سالونلره اصلا قونیه مز. بعض کبار عالملرنده

بیوک آینه لر بیهه سالونلر ایچون لازم عد
اولنما مقده ایسه ده هر حالده آینه قونیه جق
ایسه بعضاً بزده اولدینی کبی برولر اوزرینه
قونلمیوب قونصوللر اوزرینه قویق لازم کلور.
اگر خانه ده افندی به مخصوص ایش او طه سی بوق
ایسه کتبخانه سی کوچک سالونه اوده یوق ایسه
بیوک سالونه قونیلور اما یازبخانه سی بورالر
قونیه مز . مخصوصاً ایش او طه سی اولیان آدم
ایچون یازبخانه سی عادتاً یتاق او طه سنه قدر
کوتورمک اولادر . هر نوع ستاتونر و صنایع
نفیسه یه عائد تحف و تفاریق هپ سالونلره
قونیلوب اورایی عادتاً بر آتیقه جی مغازه سنه
بکرتیلور . بزم بورالرده یرلره سردیکمز خالی
سجاده لر دیوارلره چاقیلوب اسکی معدن طباقلردن
غایت نادر و نفیسلری واریسه آنلردخی سالون
دیوارلرینه تعلیق اولنه بیلور . فقط او قدر نادر

ونفیس اولیہ۔ انلرینی یمک سالوننه قویق دھا
زیادہ کبارا قدر۔ خانہ نک بشقہ جہ بردہ موزیقہ
سالونی یوق ایسہ پیانوی دخی کوچک ویا خود
بیوک سالونہ قویارلر ۔

بر سالونی تزین خصوصندہ اک بیوک اہمیت
تنویرات مسئلہ سندنہ در ۔ تنویراتدہ و دھا
طوغریسی وسائط تنویریہ دہ نہ قدر کثرت
اولور ایسہ او قدر کبارلق صاییلور ۔ فقط اصل
کبار اولان یرلردہ نہ ہوا ونہ دہ پترول غازی
سالونلرہ قبول اولنمیبوب لامپلر قولزا یاغی ایلہ
یانار جنسندن وضع اولنور۔ حالا وسائط تنویریہ نک
اک شیقی اسپرمچت موملری اولوب پک بیوک
سالونلردن بشقہ یرلرہ الکتریق ضیاسی بیلہ
هنوز ادخال اولنما مشدر ۔ وسائط تنویریہ
شمعدان وکړک تک وکړک متعدد موملی فانوسلی
فانوسسز ماصہلر اوزرینہ قونور ویا دیوارلرہ

چاقیلور نوغندن هر نوع شمعدانلر ایله آویزه لردن
 و برده لامپه لردن عبارتدر . لامپه لر اوزرینه
 کاغذ و یا قماشدن معمول متخالف شکللرده رنگا
 رنگ آباژورلر دخی قویارلر . وسائط تنویریه نك
 کثرتی سوس صایلدیغندن اکثریسی یا قلمیه جق
 اولدیغی حالده دخی مناسبتلی مناسبتسز یرلره
 بونلری طولدیرلر . برصا لونك تزیناتی مدح
 اولنه جغی زمان بالخاصه « آجیورنو تنویر اولمش
 ایدی » دیرلر که کوندوزکی تنویر ایدلمش اولدیغی
 بیان دیمکدر .

ایشته اوروپاچه صالونلرک کرک کوچکلری
 و کرک بیوکلری بوصورتله تزین اولورلر . حتی
 کوچکلری قونسولار و بیوکلری ماصه لر اوزرینه
 قونلمق ایچون چین کاری درلو وازو
 و چیچکلر دخی پیدا ایدرلر . صالونلرک
 کوچکلریله بیوکلری آره سنده جسامتجه فرق

اوله جنی کبی برده رسم لوحه لری و سـتاتولرک
و وازو و چیچکل کلرک دها جسیملری بیوک
صالونلره قونلمقدن عبارت فرقدن بشقه فرقلری
یوقدر .

اوروپاچه یمکخانه دخی عادتاً برنوع صالوندر .
تزییناتنه اکا کوره اعتنا ایدرلر . یمک صالوننده
قنایه قولتی طاقمی هیچ بولنمز . بعدالطعام شاید
براز ایلیشیلوردیه برایکی گوشه و سدیربولندیرمق
جائز اولوب فقط بونلر اوطورهمقدن زیاده
سوس ایچوندرلر . یمک صالوننک مفروشاتی
یالکز صندالیهدن عبارتدرکه بونلرک بیله مفروش
اولماملری مرجح ومطلوبدر . اغاج طاقملری
نه قدر قیمتی وبهالی اولورسه اولسون اوزرلری
ساز اوریلی اولمق کافیدر . یمک صالوننده
کتبخانه یه کتابه متعلق شیلر بولنمق اصلاً جائز
اولیوب بورانک کتبخانه مقامنه قائم اوله جق

تزییناتی ینه بر کتبخانه درجه سنده اعتسالی
 یابامش اولان دولابلر دروننه اسکی معدن
 طباقلر وکاسه لر و الماس طراش حقه لر قوپالر
 و صراحی لر فلانلر قونلمقدن عبارتدر . ستاتولر
 رسملر دخی قونیلر بیلور ایسه ده محله مناسب
 شیلر اولملری لازم کلور . مثلاً شراب مؤکلی
 اولان باکوس هیکلی بولنه بیلور ایسه ده سودا
 مؤکلی اولان وهنوس هیکلی خوش کورونمز .
 رسملر دخی بوکا مقیسدن .

« ناتور مورت » دینلن میوه و چیچک و سائر
 رسملری ایله « پهی زاز » دینلن قیرلق ،
 صحرائق ، اغاجلق رسملر خوش اولور . انسان
 تصویر قونلمز . هله فاملیایه عائد رسملر هیچ
 تجویز اولنمز .

یتاق اوطلر ایسه فاملیا خاق میاننده هر کسک
 بر خصم وصیت تامه ایله مالک اولدیغی یرلردر .

زیرا بیوجک برخانه ده بیوک و کوچک سالونلر
 ویمک سالونی عمومہ عائد صاییلان یرلر اولوب
 مادامک بودواری ایله موس-یونک یازیخانه-سی
 بعض خواص احبا ایله برده فاملیا خلقنک مشترک
 اولدقلری قسملر دیمکدر . اما هرکسک یتاق
 او طه سی کندینه مخصوص یوواسیدر . بونلرک
 ایلمک لوازمندن اولان یتاق طاقی نه قدره کلف
 وتمیز اولورسه صاحبنک او نسبتده حسن طبیعتنه
 دلالت ایدر . حتی بو مسئله ده غایت خوارده
 بر آدمک اصلاح احوال ایتسنه سبب اولان
 فقره نی مثال اوله رق اتیانہ لزوم کورمکده یز .
 اربانه معلوم اولدیفی و بیامینلرا یچون بو کتابک
 مبحث مخصوصنده تعریف و ایضاح اولنه جفی
 وجهله پارسده « دومی موند » یعنی یاریم کبار
 تعبیر اولنور بر فرقہ واردرکه اسمنه باقوبده بزم
 « اورته حاللی » تعبیر ایلدیکمز فاملیالردن ظن

ایتمایدر . واقعا بونلر اورته حاللی عداولنورلر
ایسه ده ثروت وسامان جهتدن دکل عرض
وعفت وادب و تربیه جهتدن اورته حاللی عد
اولورلر . بونلرک کرک شخصلرنده کرک خانه لرنده
انظار خلقه کورینه جک اولان یرلری واقعا پک
سوسلی اولورایسه ده کور نیمه جک اولان یرلری
نظافت و سوس جهتده کرکی کبی دوچار اهامل
اولور . اشبو یاریم کبارلرک برده چاریک کبار
قسمی واردر . آنلره نسبتله یاریم کبار طاقی
عادتا ارباب عفت وعصمتدن عد اولنماید .
اما بونلر دخی بالکلیه باشی آچیق اسافلدن
دکلدرلر . شخصاً و بیتاً کورینه جک جهتلری
دومی موندلردن دها سوسلی دها پارلاق اولوب
کورنیمه جک جهتلری دخی بر نسبت معکوسه
ایله دها زیاده اهامل اولنورلر . کنج وعجمی کبار
زاده لردن بریسی شو چاریک کبار صنفنه منسوب غایت

کوزل برقائینہ عاشق اولور. تربیه سنی ظرافتی
 حسنندن - وسندن بیله بالا تر بولور. بعضاً اک
 بیوک کبارک بویولده کی قادیئلری بالنزوج کندی
 مرتبه اسانلرینه قدر ترفیع واصعاد ایلدکلرینی
 دخی دوشونجه کندیسی ده هوساتنی اودرجه لره
 قدر واریرر. باشلار ملازمته ! قادیئک صا-
 لونی ، یتکخانه سی فلانی غایت شایق ! عجمی
 عاشقه کندیسی بهالی صاتمق ایچون او قدرده
 ناز واستغنا ایدیورکه زواللی کبار زاده نک جهان
 کوزینه کورنمور. برکون ینه عاشق بیچاره نیاز
 وممشونه . کاره ناز حالنده ایکن عاشقک صوات
 وصالجه یاسندن یتاق او طه سنه طوغری قاچان
 قزی کبار دلی قانلی دخی تعقیب ایدرک اولجه
 ایکسینک ده خیال و خاطر لرندن بیله کچماش
 اولدینی حالمده کنبدیلرینی یتاق او طه سنده
 بولورلر . راده هر شیئی او قدر قاریشق و

باخصوص یتاغی اودرجه لرده مشوش و مردار
بولورلرکه بونی کورن عاشق کندی خانه سنده
چیچک کبی یتاقلرده بیتوت ایتکه لیشه رق
هر کسی ده بویله نظیف اعتقاد ایدرایکن معشوقه -
سنگ یتاغی معده بولاندیره جق برحاله کورنجه
اوراده یتان آشفته دن دخی ایکره نوب عقانی
باشنه آلورده بوسفیلرک ظاهری اولان پارلاققلرینه
امنیت ایتماک لزوم حکیمانه سنی تسلیم ایدر .

الحاصل یتاق او طه سنده هر شی و باخاصه
قاریوله طاقی نه قدر تمیز نه درجه لرده سوسلی
اولورسه چوق دکلدر . یالکز صاحبک کندی
نظافت و صحت بدنییه سی ایچون دکل بعض
مناسبتلر اوزرینه بوراسنی احبابندن بعضیلرینه ده
کوستره بیله جکی ایچون ! قاریوله طاقندن صکره
بریتاق او طه سنگ ایکنجی درجه یه قالان لوازمی
لاوابوینی یوز طاقیدر . کیجه دولابی تذکار

واخطارده حاجت اولیان لوازمین اولوب
اگر صورت مخصوصه توات او طه سی یوق
ایسه توات طاقی دخی اشبو یتاق او طه سنده
بولنور . آینه لی دولاب قومود وسائر توات
محفظه سی اولان شیلردخی اساساً توات او طه سنه
عائد طاقبردن ایسه ده مخصوص توات او طه سی
بولندینی حالد بولنر دخی یتاق او طه سی
لوازمین صاییلور . یتاق او طه سنده قاریوله
برایسه یالکز براسکمله یا خود قولنوق بولنه
بیلوب قاریوله ایکی اولدینی صورتده بولنر دخی
ایکی اولور . بشقه مفروشانه لزوم بو قدر . ایسته
بوصورتده مفروش اولان بریتاق او طه سی
قایایا اعضاسندن ماعدا خارجدن کیمسه یه
کوسترلماک وحتی یتاق ویوز طاقی پک منتظم
وتمیز دکل ایسه « پاروانا » دنیان اکرمتی پرده لر
ایله ستر اولندقیجه عائله اعضاسندن بیله کیمسه یه

ارائه اولنـامق حسن تربیه مقتضاسندن عد
اولنور .

اما یتاق اوطه لری پک سوسلی و پک تمیزا اولانلر
بویابده دخی برکوسترش اولمق اوزره آز چوق
مناـبتلر اوزرینه اوطه لرنی همده مع الاعتذار
! . . . کوسترمکدن ینه کیرو قالمزلر .
آز چوق کباردن فاملیالر ایچون یتاق اوطه سیله
توالت اوطه سنی آیرمق مطلقا لازمدر . او حالد
بونلر او یله برصـورتده تنظیم اولنه بیلورلر که هر
ایکی سنی دخی فاملیا خارجنده کی ذواته بیـیله
عرض وارائه ایتک ممکن اولور . ایمدی بویله
توالت اوطه سندن آیری اوله جق یتاق اوطه لرنده
بر « آلقوو » بولوب یتاق دخی انک ایچنه یاپیلور .
بو کله عن اصل عربیدن مأخوذ اولوب مشـتق
منه فی فریکلر تعین ایتیمورلر ایسه ده « القبّه »
اولسنی ظن ایده بیلورز . زیرا بومثللو منقولانده

اکثریا بالر واوہ قلب اولنوب بو کلمہ عربیہ دخی
اولو جہامہ مقلوباً وفرنک شیوہ منجہ قرائت
اولمق لازم کلورسہ « القووا » حانہ کیرہ
یتاق او طہ لرنده قپوسز یوک کبی دیوار ایچنہ
صوقولمش بریتاقلق قدر یرہ دینلور کہ طوانی
دخی اکثریا قبه کبی یاپیلور . بو القوود لک
درونہ وسیلی بریتاق یاپیلہ رق اوکنہ دخی مکلف
برپردہ چکنجہ ایشته یتاق مستور قالہ جغندن
او طہ لوازم سائرہ سیلہ برابرہر کسک کیروب چیقہ
بیلہ جکر براو طہ حالنہ کیرمش اولور . اما بو
القوور او یلہ هر کسدہ بولنہ بیلہ جک یتاقلردن
دکلدر . بو اولمزایسہ قاریولہ نک اوزرینہ مکلف
پردہ لر شکل و صورتندہ جبنلکر یاپیلور کہ
بونلرک 'وک پردہ لری قپاندانی زمان یتاغک
درونی ستر ایدلش اولور . او حالہ یتاغک
هیئت عمومیہ سی او طہ ایچندہ غایت مکلف

بر چادر حافی آلوب انظار تماشادن نهی شویله
 طورسون عادتا انظار تماشایه وضعی لارم کلور.
 بویله کشاده بولندیر یله بیله جک یتاق او طه لرینک
 کیجه لوازمی دولابی مطلقا بر پاراوانا ایله ستر
 اولنور. لاوابو قونلمز. حتی قومود و آینه لی
 طولابده قونلمز. آنلر توالت او طه نه تفریق
 اولنوب آنلره بدل خصوصی کتبخانه و حتی
 بر یازینخانه و صورت مخصوصه ده سلاح سالونی
 یوق ایسه قیمتی سلاحلر بورایه قونیلور.
 فاملیا خلقنک و پک عزیز احبابک فطر غرافیا
 رسملر یله ینه بونلرک یاد کاری اولان تحف
 و تفاریق دخی بوصوتده کی یتاق او طه لرینک اک
 کوزل تزیناتنددر.

بویله اولان یتاق او طه سی هر کسه کوستریله
 بیله جکی کبی ینه بویله مستقلاً قومودلردن و غایت
 کوزل و تمیز لاوابولردن ماعدا مکلف بر ماصه

اوزرینه قونلمش توالٹ طاقیله دخی مزین
 بولنورکه بو طاقم درلو لوانطه لر پومادالر پودرالر
 چاقیلر فورچه لر مقاصلر میلار دوکمه قانجه لر
 صابونلر والحاصل سوسه متعلق هرشیدن متشکل
 اولور. هله اشیای مذکور منک موضوع اوله جقلری
 قابلر کوشدن ویا خودا ک صافی بللور دن فلان دن معمول
 بولنور لر ایسه بونلری مسافر لرینه تماشایا ایتدیر مک
 اصحاب خانه ایچوز بشقه جه بر حظ مقافنه قائم اولور .
 کنج قزلرک یتاق او طه لر ی غایت ساده اولق
 و آداب عمومیه ذره قدر تعلقی اوله جق شیلر
 ومثلاً چپلاق رسملر وستاتولر قونلمیوب کند-
 یلر . مخصوص غایت ساده توالٹ طاقلریله
 رومان دن فلان دن عاری ویا لکز دین و اخلاق
 و ادبیات کتابلرنی حاوی کتبخانه جکی دخی
 بوراده بولنق لازم کلور . قزلر کینمه لرنده
 قوشانمه لرنده نه قدر ساده اوله جقلر ایسه یتاق

اوطه لرنده دخی بوساد دلك آنلرك برنجی سوسی
 برنجی زینتی عد اولنور . دوشونملی که قزلره
 الماس طاقق بیله شیق اولیوب حتی پالطوومانتو
 کی طیشاروده کییه جکلری شیلرك قطیفه کی
 آغر قاشلردن اولسی ده جائز دکلدر . کذلک
 قاریوله لرك دخی مکلف دانتالرله مزین بولمق
 کی ماداملره مخصوص اولان شیلری کنج قزلر
 ایچون تجویز ایتمایلیدر .

شهر ایچنده ساکن اولان فامیلیلرك خانه لرنده
 مسافر یاتیریله جق یتاق اوطه لرینه اصلا احتیاج
 کورماز . زیرا کیجه نه قدر کیچ قالنورسه
 قالنسون وکیدیله جک یر نه قدر اوزاق اولورسه
 اولسون مسافرلر مطلقا خانه لرینه ویاخود
 هوتلرینه عودت ایدرلر . فقط پک بیوک
 فامیلیلر نزدنده مسافرا ایچون دخی یتاق اوطه لری
 بولنه جنی کی بالخاصه شاتو وصیفیه صاحبلری

کیجہ یاتیسنہ دہ مسافر قبول ایلدکارندن آنلر
 ایچون دخی مسافر یتاق او طہ لری تہبہ ایتدیر ملک
 لازمدر . بونلرک صورت تفریشی یالکز
 بر یتاق ایله کیجہ دولابی یوز طاقمی
 بر ایکی صندالیہ و برده بوش قوموددن
 عبارتدرکہ مسافر برقاج کیجہ قانق ایچون
 چاشور چانطہ سنی دخی برابرکتورمش ایسہ
 ایچندہ کی اشیایی بو قومودہ یرلشدیرہ بیلور .
 بو او طہ لره فامیلیا اعضاسی و یاخود احبای
 عزیزہ رسملری و یادکارلری و صاحب خانہ یہ
 مخصوص اسامیجہ و کتب و سائرہ قونلمز .
 قونیلہ جق اولسہ بونلر صاحب خانہ نک کندی
 او طہ سنی مسافره و یردیکنہ و بودہ بشقہ
 بر یتاق او طہ سی بولمہ دیغنہ دلالت ایدر .
 بر خانہ دہ بالو و یریلہ جک اولور سہ اک
 بیوک صالون رقصہ تخصیص ایدیلہ رک درو .

ننده کی مفروشات کاملاً چیقاریلور . زیرا
 مسافرلری بشقه یرلرده اوطورتوب بوصالونده
 ایسه یالکز رقص ایدیله جکندن مفروشات
 احتیاج اولمدقن بشقه بونلررقصیده مانعدرلر .
 آنجق بردن بشقه سالون یوق ایسه رقص اولنه جق
 سالونک کنارلرینه برونهات ایکی صره سندالیه
 دیزبله بیلور . کوچک سالونلر متعدد ایسه آنلرک
 بریسی کاغداویوننه تخصیص اولنه جقدر . فقط کاغذ
 اویوننه وقف ایدیله جک کوچک سالون و یا
 دیگر اوطه لر یوق ایسه یتاق اوطه لری بوایشه
 تخصیص اولنه بیلورلر اما اوحالده یتاق اوطه سینه
 مخصوص اولان اشیادن چیقاریله بیله جک اولانلری
 اخراج ویاخود پاراوانه ایله ستر ایدلمیدر . یمک
 سالونی دخی ایچکی ومیوه وشکرله وقورابیه
 ایله مالامال برکیلارحاله قونیله رق مسافرلردن

اورایہ مراجعت ایدہ جک اولانلر ایچون کشاده
بولندیریلور .

بورایہ قدر ویردیکمز معلومات اورتہ حاللی
بر آدمک خانہ سنی بزه طانتدیرمش اولہ جنی کبی
بیوک کبارک قوناقلری حقنہ دخی ایجہ
بر فکر ویرمشدر . زیرا یالکز بر صالون ویمکیخانہ
وبودوار ویتاق اوطہ سندن عبارت اولان عادی
خانہ لر فوقندہ آنتی شامبر وکوچک صالون
وایش اوطہ سی کبی دہا بیوجک بر خانہ
تصویری تعریفانمز میانندہ داخل اولدینی کبی
بونکدہ فوقندہ اولہ رق ارککلر قادینلر ایچون
آیری آیری وسستیه رلی وخصوص توال
اوطہ لی وبناء علیہ یتاق اوطہ لرلی آیری خانہ
لر بیلہ تعریفات مذکورہ میانندہ داخلدرلر .
بوندن صوکرہ الک کبار ذوانک قوناقلرینہ صرہ
ککش اولورکہ اورالردہ سلاح صالونی بیلاردو

صالونی « باغچہ صالون » یعنی قیش باغچہ سی
 صالونی فامیلیا موزہ خانہ سی کبی بعض دوارڈھا
 بولنہ جقدر .

ویزیتہ لر

ابواب سابقہ ویریلن معلومات اوزرینہ
 براورویا بلده سنہ یکی کیتمش اولانلری اورالردہ کی
 آداب معاشرہ کرکی کبی آالشدیرہ بیلدک ظن
 ایدرزہ شمدی بو آدم ایچون دائرہ معارفہ بی بالتوسیع
 زیارتلرہ دخی باشلامق زمانی کلش دیمکدر .
 چونکہ شمدی یہ قدر آرزچوق بعض ذوات
 ایله معارفہ لر پیدا ایتمش اولہ جنی کبی بوندن
 بویله سائر صورتلرہ دخی معارفہ لر ومناسبتلر
 پیدا ایدہرک مطلقا فامیلیالر ایچنہ قاریشہ جقدر
 والا او مملکتدہ قرق بیل اقامت ایتسہ ہپ
 برہوتل مسافری واومملکتک ببانجیسی عجمیسی
 جاہلی اولوب قالمقدن ایلرو یہ کچہ مز .

سائر صورتلرله دخی معارفه لر پیداسنه
چالشمق دیمک انسانک بر مملکتده مناسبت پیدا
ایتمک ایستدیکی ذوات ایله حتی بلا واسطه و بالذات
دخی معارفه حاصل ایتمک قدر هر درلو تدابیره
مراجعت ایلمک دیمکدر .

اوت بمضاً انسان بلا واسطه و بالذات دخی
معارفه لر پیدا ایده بیلور . هله بر اجنبی ایچون
بوکا حال مسافرتی ده مساعددور . شویله که :
معارفه پیداسنی آرزو ایلدیککز ذاتک قبول
کونی هانکی کون اولدیفنی اوکرنورسکز .
اورو پاده کبار جه ذواتدن هر برینک بر قبول کونی
واردر که اوکون مراجعت ایلین دوستلری سالوننده
قبول ایدر . یوم مذکورده طوغریجه او ذاتک
خانه سنه کیدر ، اوشاغی واسطه سیله کندیسنه
ویزیته کاغدی کزی ایصال ایدرسکز . آتی
کورنجه سز کله ملاقاتی قطعاً ودایده من . بو

بوملاقانده او آدمك فضل و كمالی و سزہ قدر
 واصل اولان حیثیت و شهرتی ولو که یوزینه قارشو
 اولسون برلسان مناسب ایله مدح و ثنا ایدرک
 وکنند یکزک دخی او شهره نه مقصده له
 کلش اولدیغکزی آ کلاته رق معارفه و حمایه سنی
 قازانه بیلور ایسه کز شویله بختیار اوله جغکزدن
 بویله مستفید قاله جغکزدن فلاندن بحث ایدر سکز.
 شونی قطعاً بیللملیسکز که او آدمی اگر قازانه بیله جک
 ایسه کز ایشته بوایلک ملاقاندہ قازانه بیله جک سکز.
 فقط حربی قازانه بیلکه مدار اولق ایچون
 کندی نفسکزی مدح و تعریفده مبالغه ایدر
 ایسه کز بالعکس قازانه مامکزی موجب اولور.
 چوق معالی آز سوز و کبارانه تواضع ایله غایت
 حکیمانه حرکت سزی مقصوده ایصال ایچون
 کافیدر.

برکیمسه یه ویریلن ویزیتہ مطلقاً آنک طرفدن

دخی مقابلهٔ اعاده‌ی مستلزم اولور . او آدم
 سزك تكليف ایلدیككز معارفه‌ی رد بیله ایددجك
 اولسه هیچ اولمز ایسه اقامتگاه‌کزه برقارت
 دووینیت کوندررکه بوده سزکله معارفه
 ومناسبتی ایلرویه کوتورهمیه جکنه دلالت ایدر.
 والا مطلقاً بالذات کلوب زیارت‌کزی اعاده ایده.
 جکدر. حتی سزدن خوشالانمش ایسه « ملاقامز
 بو قدرله قالمیه جغتیی دخی امید ایده بیلورم افندم »
 طرزنده برامید دخی ویرر. بویله برسوزی او
 سویله مدیکی حالده سز سویلیه بیلورسکز. « علو
 جناب ونزاکت طبع‌کزدن امید ایلرم که تشرّفم
 شو ایلک دفعه دن عبارت قالمز » دیرسکز که بو
 سوزه جواباً البته برقاج سوز دخی کندییی
 سویلیه جکندن اوسوزلردن ده سزك حق‌کزدکی
 افکارینی اکلارسکز. اوروپاده بولان انسان
 پک دریادل اولمیدر. خاطر دن چیقارما ملیدر که

اوروپا لیلر دأرء معارفه و مناسبتلرینك توسعنی
 بك ده ایسته مزله. هله كندیلرینه نافع اولمیه حق
 وهیچ اولمز ایسه كندیلرینی اكلندیره میه جك
 اولان معارفه لر مناسبتلر خصوصنده غایت نازلی
 و مستغنی اولور لر .

هر نه صورتله اولور ایسه اولسون ایلك دفعه
 اوله رق وقوعه كان و یزیتله بر چاریك ساعتدن
 ونهایت یكرمی دقیقه دن زیاده امتداد ایده مزله .
 بومدت ظرفنده وحقی آندن اول بر بشقه
 زیارتجی ده اكلش ایسه سرك ایچون آنلری
 یالکز براقوب چكلمك کیتمك ایجاب ایدر .

فقط اولکدی ده قاحق اقتضا ایتدی طرزنده
 همان صاوشمز سکز. برایکی دقیقه ده او طور وب
 باده نزاكتله خانه صاحبنه تشكر ایده رك یکی
 كان ذاتی حتی طانیر یغکز حالده دخی سلاملا یه رق
 چکیلور سکز .

فرنکلر بویله برصالونه کیده جکلری زمان
 پالطوسنی طیشاریده براقوب فقط شاپقه سی
 باستونی النده اولدینی حالدہ کیررلر . بونلری
 صاغ الاریلہ طوتہ رق رومہ رانسدن ناقص بر
 اکیلکم صورتیلہ سلام ویررلر . ال تقدیمی
 لازم کلورایسہ آنک ایچون دخی صول الارینی
 تقدیم ایدرلر . خانہ صاحبی نرہیہ اوطورمسنی
 اشارت ایدرایسہ اورایہ اوطوررلر . اوطوردقلری
 زمان شاپقلریینہ الارندہ بولنور . آنی الارندن
 براقق لازم کلور ایسہ یایرہ قویارلر یاخود
 برصندالیہ اوستہ . ماصہ ویازیخانہ کبی شیر اوزر .
 ینہ شاپقلہ قویمق غایت عیب صاییلہ جنی مثللو
 شاپقلہ سنی باستوننہ کیدیروب چو یرمک والنده
 شاپقلہ ایلہ اوینامق دخی عیب صاییلور .
 بر آدمک صالونی قبول کونی اوشاغی فلانی
 اولمز ایسہ ایش محاندہ دخی کنڈیسنہ بویله

ایلك ویزیتسه ویریله بیلور . او حالده ویزیتسه
 کاغدکزی دخی کندی الارکز ایله ویررسکز .
 حتی محل اقامتکزی ده یازارسکزکه بو حال اندن
 بر اعاده ویزیتسه ایسته مک دیمکدر . بوملاقانک
 مراسم سائرده سی ده ینه سالونده کی کیدر .
 ایلك ویزیتسه ویرلدکن صکره آنی اعاده
 ایچون برهفته قدر مدت واردر . ایلك ویزیتسه
 نه قدر تیز اعاده اولنورسه او قدر بیوک حرمت
 دیمک اولوب معارفه یی ایلرویه کوتورمکده
 او قدر زیاده مستعد اولمق معناسنه دلالت ایدر .
 ایلك ویزیتسه ویریله جک ذاتک قببول کونی
 معین اولیوبده ویزیتسه ایچون دخی آنک
 خانه سینه کیدیله جک ایسه اولا بازار و یورطی
 کونلری کیتمک مناسب اولمز . زیرا بو کونلر
 فاملیاجه زیارتلره مخصوص اولدیغندن کیده جککز
 آدمک یاننده خصم واقرباسی بولمق و یا خود

کندیسی آنلرک خانه سنه کیتمش اولوق محتملدر.
 بوکونلر دده زیارت قطعاً ممتنع دکلدر. اما آنک
 ایچون صورت مخصوصه ده دعوت وقوعی لازم
 کلوب بوا یسه هنوز ایلک زیارتنی اجرا ایدلر
 حقنده وقوعی تصور اولنه بیله جک شیلردن
 دکلدر. بعد الظاهر آلافرانغه ساعت ایکیدن
 اول والتیدن صکره دخی ویزیتیه کیدلر.
 ایکیدن اول کیدیلور ایسه احتمال که خانه خاقی
 هنوز توالت و یا خود خانه خدمتنده بولورلر.
 التیدن صکره کیتمک دخی کندیسنی اقشام
 طعمانه دعوت ایتدیرمک ایچون ایمش کی اولور.
 اکر قبول کونی وار ایسه آندن بشقه کون
 کیتمک هیچ مناسب دوشمز. ایش محلنده
 زیارت ایده جککیز آدمک یاننه دخی تمام ایش
 ساعتلرنده یعنی آنک او محله بولنه جغی زمانلرده
 کیتمک لازم کلور.

مملكته يكي وارمش اولديفكر ائنهاده كرك
توصيه مكتوبكزي مرسل اليه لینه ايصال
و كرك طرفكزدن بالاده بيان اولنديني اوزره
ايلك ويزيته ي اعطا ايتدكدن صكره او آدم
دخی سزه اعاده زیارت ایلیه جك اولور ایسه
آراق هر قبول کونی آنك خانه سنه ویزيته یه
کیده بیلیمك یولی سزك ایچون آچلمش اولور .
فقط سز دخی مرتبه مدنیه جه او آدمك کفوی
ایسه کز . یالکز کندی ملاقاتکزله اکتفا
اید مز سکر . بکلی سکر که سزی یا خانه سنه اقشام
طعامنه و یا خود مسامره سنه و یا بالوسنه دخی
دعوت یلسون . بو بر نزاکت معنیداردر که او
آدم دخی خردد اندیش ایسه سزك ایچون
کندی نظرندہ تمحین ایتمش اولدینی قیچی
آرتدیرمغه مجبور اولور . برایکی هفته صکره سزی
اقشام طعامی مسامره چای دعوتی بالوکی برشیئه

دعوت ایدر. بونلرک چایدن ماعداسنه دعوتی لا اقل
 بش کون اول تبلیغ ایدرکه سز بوبش کون
 ظرفنده یعنی دعوتہ اجابت اقشامندن اول
 یابرکوند وز ویزیتہ سی دها یاپارسکز و یاخود
 اکا بدل برقارت دوو یزیت کوندر رسکز. فقط
 بالذات ویزیتہ ویرر ایسه کز دهاز یاده تعظیم دیمک
 اولور. ویزیتہ یه کیتدی ککز حالده یکی
 دوستکزی خانه سنده بوله میهرق کندی الکزلہ
 قارت دوو ویزیتکزی براقور ایسه کزینہ بالذات
 زیارت ایدلمش مقامنه قائم اولور. نہایت معین
 اولان اقشنام کلدکده سفرہ یه و یاخود مسامرہ
 و یا بالویہ دخی کیدر رسکز کہ بونلر مباحث مخصوص
 صہ سنده بشقہ جہ تعریف اولنہ جقلردر. فقط
 بوضیافتدن صکرہ نہایت برہفتہ یه قدر برویزیتہ
 دها ویرلمک مجبوریت آلتندہ در. بوکادہ «ویزیت
 دودیرستیون» یعنی ہضم زیارتی تعمیر اولنور.

ایلك زیارتدن صکره اجرا اولنه جق اشبو
 ضیافتدن اول و صکره کی ویزیتلرده آرتق سزاو
 آدمک و حتی فاملیاسنک دخی تمامیه معارفه و مناسبتی
 دائره سی داخلنده معدود اوله جنگیزدن بوزیارتلر
 اگرچه ایلك زیارتلر کی اوله جق یعنی اون بش
 یکر می دقیقه دن زیاده امتداد ایتیه جکلر و سزدن
 صکره بریسی دها کلورایسه او مدتدن اول بیله
 قالقیلوب کیدیه جک ایسه ده اگر سزک اوراده
 بولند یغکز اون بش یکر می دقیقه ظرفده
 بشقه زیاربجی کلزده صاحب خانه دخی سزکله
 سوز ایدیور وایدیلن مکالمه دن محظوظ اولیور
 ایسه مدت اقامت یکر می دقیقه یه واردی دیه
 همان قالقوب کیده مر سکز. نزا کتکز اقتضا ایدرکه
 براز دها او طور وب مصاحبه ده دوام ایده سکز.
 تا بشقه بریسی کلنجه یه ویاخود صاحب خانه
 سوزی کسنجه یه قدر بودوام مقتضای نزا کتدر.

صالون صاحبی و قبول کونلری معین اولان آدم
 کندی یا بنده مسافر بولند قجه نه کتاب نه مکتوب
 هیچ برشی او قویه مزه هیچ برشی یازمه مزه شاید
 بغتہ بویله بر مجبوریتہ دوچار اوله جق اولسه
 مع الاعتذار مسافر لرندن استیذان ایدر که ایستدیکی
 اذن و رخصت دخی بالطبع در حال ویریلور.
 حتی حسب الایجاب صالونندن بر آز خارجه
 چیقہ جق اولسه بیلہ ینه مسافر لرندن استیذانه
 مجبوردر. بواسطیذانه رعایت ایتمین صالون صاحبی
 عادتاً مسافر لرینه حقارت ایتمش اولور.

برارکک ایچون ویزیتہ یه کیتمش اولدیغی
 صالونه لاری دیوانسز اوله رق کیرمک خلاف
 ادبدر. قادینلر ایچون بالکلیه عیبدر. صالونده
 بواندیغی مدت حسب الایجاب یا لکز بر النندن
 واصل مرجع اولانی صول النندن دیوانی
 چیقاره بیلور. حتی پک لزومنی کورر ایسه

ایکسنی بردن چیقار مق دخی نمکندر. لکن ویزیته
مدتی بیتوب ده سالوندن چیقوب کیده جکی زمان
مطلقا اول بول دیوانلرینی کیوب او یله چیقملیدر.
حتی بو دیوان کیمک مسئله سی ده ها زیاده
اوطورمسی صاحب خانه طرفندن آرزو
اولنوب اولمادیغنی ا کلامغه ده وسیله اولور.
مکالمه دن محظوظ اولور ایسه مسافر دیوانلرینی
کیمکه باشلاینجه « نه عجله ای دیورسکیز؟ مستعجل
ایشکزمی وارد؟ » کی برسـؤال ایله تمديد
اقامته آرزو کوسـترلدیکنی آکلار. هیچ سس
چیقـارلمز ایسه مسافر کیمکه مأذون اولدیغنی
تفهم ایدر. حاصلی دیوانله کیرلمش اولان
بر سالوندن دیوانسز چیق مق او یه میه جنی جهتله
یرندن قالقمزدن اول بونلری کیمک شرطدر.
سالونده الارینی پانطـالونک جینه صوقوب
کزینمک و کزینمک واسنه مک پک عیب اولدیغنی کی

ينہ اللار جيبيده اولديني وپرمقار يلكك جيپلري
اچننده وياخود باش پرمقار يلكك قواوقلري
آلتدن كچورلمش بولنديني حالده كزينمك وكوكس
كرمك دخي كبارانه حر كاتدن عد اولنه مز .

برسياخته كيتمك وياخود سياحتدن عودت ايتمك
ودوستلرينك چوجني طوغمق و خانه سنده خسته
ودوكون ويا جنازه اولمق كي برچوق مسائله
وبزبته ويرمك مجبوريت تحته كيرر كه بونلر ايلروده
« مراسم مدنيه » بابنده آري آري تفصيل اولنه .
جقاردره بوفصلده مشغول اولديغمز زيارتلردن
مقصد اصلي انجق ايلك معارفه لري حصوله
كتوره جك ومناسبات واقعه يي قوتلنديره جك
ايلك زيارتلري اكلاتمقدر . حتى بشقه و قتلر
بريمكه دعوت اولنديغمز زمان كيدوب كيتيمه .
جككزي بر تذكره ايله يازمق مجبوريتنده
بولنديغمز حالده بوراده ايله بر مجبوريتكز

اولد یغنی ده بیان ایتدک . اوت بشقه زمانلر یغنی
 آلشقین اولدیغکز بر یرده طعامه دعوت اولنور
 ایسه کز کیده جککزی ده کیتیمیه جککزی ده
 مع التشکر والاعتذار یازمغه مجبور سکز . بالو
 وسواره ایچون بویله جواب یازمق لازم کلز
 ایسه ده طعام ایچون مطلق لازم کلور . چونکه
 طعامده مدعولرک عددی وسفرده یرلری
 معین اولدیغندن خانه صاحبی اجابت وعدم
 اجابتی ده بیلملی ده اکاکوره طورانمیلدر . اما
 ایلک طعام دعوتی ایچون جواب یازمه نیک
 لزومی یوقدر . چونکه بهمه حال اجابته مجبور
 سکز . مع هذا اجابتکزی یازسه کز بیان تشکره
 وسیله اوله جنی ایچون ینه مقبولدر . بویولده کی
 زیارتلرده هنوز قادینلردن بحث ایدلماش
 اولسنه البته دقت اولمشدر . آنک ایچون دخی
 شمدیلک یالککز شوقدر برشی دیمکه اکتفا
 ایدلم که :

صالونلرده شمینه نك صاغ طرفنده کی قولتوق
 صندالیه سی دائما خانه صاحبه سی اولان مادامکدره .
 ویزیته انناسنده دخی ایلمک سالاملر تعظیملر دائما
 اکاحصر اولنه جقلردر . حتی والده سی قان والده سی
 بیله اولسه صاحبه خانه آنلره تقدیم ایدوب قوجه سی
 ایسه والده وقان والده سندن صکره سالاملانور .
 اکر صاحبه خانه ال تقدیمه دخی منتظر اولدیغی
 وضعیتی کویسترر ایسه ال دخی تقدیم اولنه جقدره .
 بعده صالون داخلنده طانیشیلان بشقه آدملر
 وار ایسه آنلرکده اولا قادینلرندن وحتی اک
 یاشلیلرندن بدأ اوله رق هر بر بنه سالاملر ویریلر .
 جکدر . طانیشیلان کیمسه یوق ایسه جمله نه
 بردن برسلام ویرمک کفایت ایدر . خانه صاحب
 ویا صاحبه سنک چوجقلرینه بیله سالام ویرمک
 مقتضای نزا کتدر .

قاین بولندیغی یرلره ویزیتیه کیدلدیکی زمان

برابرنده کوپک بولندیرق اصلا جائز دکادر .
 کوپک نه قدر کوچک نه درجه لرده کوزل نه قدر
 قیمتی اولور ایسه اولسون آنلر ایله برلکده
 ویزیتیه کیدیه مزه . مبرکه انسانک بویه نوادر دن
 برکو پی اولوب ده کورمک ایچون برلکده
 کتورمسی دخی اولجه قادین طرفدن التاس
 ایدلمش اوله . او حالدیه بیله « مجرد امر یکزه
 امتثالاً کتوردم » دیه عذرلر دیله مک لازم
 کلور . قادینلر بیله جدی ویزیتلرینه کوپکلرینی
 کوتورمیبوب اوقیمتلی لولولرینی قاسمتورلرینی
 خانلرنده براقورلرده عودتلرنده قرق بیلمق
 مشتاق ایمشلرجه سنه ملاقاته مسارعت
 ایدرلر .

صالونلرده قادینلر ایله ایدیه جک مصاحبه لرده
 جدیت آراماملیدر . انکلتزه و آمریقا نسوانی
 مستثنا اولوب بونلر ارککلر قدر جدی بمثلره

کیریشہ بیلورلر ایسہدہ فرانسه آلمانیا آوستریا
 وروسیه نسوانندہ معارفہ اشتراکک اودرجہ سی
 یوقدرہ روسیه ادباسندن بریسی آثارندہ «روس
 قادینلرینک اوقویوب اکلاہ جقمالرینہ احتمال
 ویرہم» دیمش اولدیغنی مستشرقات مشهورہدن
 کلنار خانم «روس ادبیانی» نامیلہ عثمانلیجہ
 اولہ ق کچن سنہ نشرایتدیکی اثر نفیسده شرح
 ایلمشدر . بوسوزی سویلین روس ادبی ایسہ
 قدمادن دکل عادتا معاصرینمزدندر . برده جودت
 پاشا زاده کریمہ معنویہ من فاطمہ علیہ خانم
 افندینک «نسان اسلام» نام اثر نفیسلرینی
 یارسده طبع ونشر ایدیلن «لوریان» نام غزته
 فرانسیزجہ ترجمہ و نشری رجاسندہ بولنوب
 مؤلفہ مشارالہا طرفندن رخصت دخی استحصال
 ایلمش اولوب انجق کتاب مذکورده حکمت
 دینیہ دائر بعض مباحث عالیہنی طی اتمک

لزوم کورمکله بونی خانم مشہار الیہادن حین
 استیذانندہ ترویج مرامہ مدار اولمق اوزرہ
 « قادینلرک بوکی مباحث عالیہ ایلہ اشتغال
 ایدہ بیلہ جکلرینہ پارسدہ ہیچ برکیمسہ احتمال
 ویرہ مز » دیمش و آوروپا و آمریکا نسواننک
 لوریان ہیئت تحریریه سی طرفندن ظن اولندیغی
 درجہدن دہا فاضل اولدقلری فاطمہ علیہ خانم
 افندی طرفندن بعض قادینلرک و آنلر طرفندن
 یازلمش آثارک اسامیسی بیان اولنہرق
 اثبات ایدلدیکی حالہ ہیئت تحریریه کوچ ایلہ
 اقناع اولنہ بیلیمشدر . بوبایدہ جریان ایدن مخابرہ
 اوراقنی کندی کوزلرمز ایلہ کورماش اولسہ
 ایدک پارسدہ باصیلان برغزتہ ہیئت تحریریه سی
 طرفندن آوروپا و آمریکا نسواننہ اسناد اولنان
 شودر جہلردہ کی بضاعہ سزلکہ اینانہ مز ایدک .
 مع هذا اوروپا و آمریقادہ علم و عرفان ایلہ ممتاز

قادینلر بوندن مقدم نوادردن اولوب هنوز
 شو سینه لرده بر از چوغالغنه باشلامش لردر .
 مضحکه نویس مشهور مولیه رک « عالم قادینلر »
 قوم دیاسیله علم و عرفان ادعاسنده بولنان قادینلر
 حقننده کی تمسخراتی میدانده در . بو ادعاده بولنان
 قادینلره تخصیص ایدیلن « مائی چورابلی »
 لقبی حالا دیلملرده مثل سائر در . الحاصل
 اوروپانک هر طرفنده وبالحاصله فرانسه ده و آنک ده
 دها زیاده خصوصیتله مرکز اداره سنده قادینلر
 او یله خارجدن توهم اوانه جنی وجهله معارف
 جدیده دن محروم اولدقلری جهته آنلرک صالونلرنده
 نه قدر اهمیتسز شیلردن بحث ایدیلور ایسه
 مصاحبه او قدر قولایلاشمش اولور . اوروپا
 قادینلدر اهل معارفدر دیه مهم بر مسئله
 آچوبده قادین او مسئله دن بی خبر چیقار ایسه
 کند ی جهالتنه قائل اوله رق محجوب قاله جنی

یرده باله کس صالونی آقادیما حاله قوندیغندن
 وبوایسه اصول معاشرتک بیلنمأمسنه دلالت
 ایده جکندن بختله اوبختی آچانک تربیه سزالکنه
 قائل اولور . هیچ بر مسئله ده ارکک حقلی
 چیقمیله جق قادینی حقسنر چیق-ارمیله جق دائما
 قادین حقلی چیقوب ارکک حقسنر چیق-جق .
 قادین هر نه یامش ایسه بکنیله جک یادیغنی شی
 موافق طبع سلیم اولدیغندن بختله ینه مدح و ثنا
 ایدیله جک الدیغنی شی چرکین ایسه قیمتندن بحث
 اولنه جق الحاصل آنک یادیغنی شی آندن بشقه هیچ
 بر قادینک بیله یاهمیله جق درجه لرده مستحسن
 کوریلله جک . بومداهنه وریانی ده حسن تربیه
 وقادینه لره حرمت ورعایت عدایدیورلرکه
 افکاجدیله اربابنک بوکا شاشامسی قابل اوله مزه .
 اوروپالی و بالخاصه پارس قادینلری بریرده
 شرقلی و مسلمان کوردکلری زمان برنجی درجه ده

مراق ایتدکلی شی ترک حرملرینی صور مقدره .
 قادینلرک استتارینه وزوجانک تکثرانسه دائر
 یالان یا کلش برطاقم ماصال نوعندن خبرلر آلمش
 اولدتلری جهتله بونلرله شرق ارککلرینک غدر
 واعته افلرینی دیلارینه طولامقدن پک زیاده
 متلذذ ولورلر . او قدر عجیب و غریب مطالعات
 سردایدلرکه انسانی یا کولدورمکدن یا قیزدیرمقدن
 خالی قالمزلر . بونلره جواب ویره رک مرام
 آکلامق امکانی تصویره بیله صیغه مز . زیرا
 او حائد بحی جدیاته واردیرمق ایجاب ایدرکه
 بونک یولسز اولدیغنی اول دخی خبرویرمش ایدک .
 ایشک الک کسیدیرمه سی « هر قومک بر عادتق
 واردر مادام . هر دینک بر حکمی اولور . بو عادتلر
 بو حکملر کندی اربابی نزدنده مقبولدرلر . مثلاً
 شرقیلره صورار ایسه کز آنلر دخی اوروپالیلرک
 یالکز بر قادین ایله اکتفا ایتلرینه وقادینلری

هر كسك انظار تماشا سینه عرض ایلعلرینه
 شاشارلر « دیه ایشی لطیفه یه حمل ایدر ك جدیدانه
 صار دیر ماملیدر .

صالونلرده كوچك چوجقلرك اداره سی دخی
 خیلی مشكلدر . واقعا بونلر چاغر لمقسزین هیج
 بر کیسه نك یاننه کیتامك ایچون مؤکدا تنیه
 آلمشارایسه ده چوجق ایچون آدیغی نذیهاته
 توفیق مهامله قابل اولورمی ؟ ارککلره هیج
 اولمزایسه اوزاقدن اوزاغه اولسون صوقیله رق
 ساعتلرینه یوزوکلرینه باقمق مراقفی هیج بروجهله
 یکه مزلر . هله صالونلرده کوردکلری عثمانیلرک
 فس لرینه مراقلری پک زیاده اولوب پرمق اوجیله
 فسه طوقونه رق بویاسی پرمغه چیقوب چقمم دیغی
 کورمك ایچون او پرمق اوجنه باقمق مراقفی اوروپا
 چوجقلرنده بر علت مستولی حکمنده در .
 ولوکه بونلر فی الحقیقه یانکزه کلیه جك اولسونلر

یا سزک آنلری چاغیروب تلطیف ایتماکنز قابل
اولورمی ؟ چوجقلره ایدیلن التفات والدہ لرینه
تعظیم صاییلہ جنفی بیلدیککنز حالده بولازمه
نزا کتی ده ایفادن کیرو طوررمیسکنز ؟ حالبوکه
چوجقلره ایدہ جککنز مکالمہ ده دخی ارککلرینه
« موسیو » وقزلرینه « مادموازل » دیہ خطاب
ایتمک درجه لرنده اهتمالی طورانمہ نزا کتہ
مجبورسکنز .

ضیافتلر

فامیلیالرایلہ معارفہ پیدا اولہرق یوقاریکی بابدہ
تعریف ایلدیکمنز ایلمک ویزیمتہ لر دخی تعاطی
ایلدکدن صکرہ بحثک صرہسی ضیافتلرہ کلورہ
زیرا اولجہ دخی دیمش اولدینمز وجهلہ او بارق
صاحبی بر آدم ایلہ حصولہ کلن ایلمک معارفہ نک
متممی ضیافت اولوب سزکله معارفہ ومناسبتی
ایلرویہ کتورمکہ اودخی طالب وراغب ایسہ

سزه بر ضیافت ویرمهکه عادتا کندیسنی بورجلی
کورر . چای اجتماعلری عادی مسامره لر
بالولر فلانلر دخی بو ایلک ضیافتدن صکره به
قاله جق شیر حکمنی آور .

فاملیلر نزدنده ضیافت صورتیه ویریلن
سفره لرده طعام ایتمک هوتلارک تابل دوتلرنده کی
طعامه پک ده زیاده بکزه مز . اوروپا جه اک مهم
شی ایشته بو ضیافت سفره لرنده تناول طعام
عادتی بیلمکدر . بوبابده کی اصول و آداب او قدر
مغاق شیردرکه کندی آره لرنده دخی قصور دن
بالکلیه - الم اوله رق طعام ایده بیلن آدمرا اوروپاده
دخی پک مبذول دکلددرلر .

کوندوز ویزیته لرینه حتی کوندوز طعاملرینه
بیله ایدیلر جک دعوت صاحب خانه اولان موسیو
نامنه ایدلدیکی حالده کیجه طعاملری مطلقا قادین
نامنه و مسامره لر و بالولر مشترکاً قادین ایلر ارکاک

نامہ اجرا اول نورلر . انسان برطعامہ دعوت
 اولندیغی زمان بودعوتہ اجابت ایدوب ایتیمہ جگنی
 درحال صاحب ویا صاحبہ خانہ یہ با تحریرات
 اخبار ایتیمکہ مجبور بولندیغنی یازمش ایدک .
 عدم اجابت ایچون البتہ برسبب اولہ جغندن
 اوسببی وهیچ سبب یوق ایسه یالاندن اویدیر .
 یلہ جق سببی کمال تأسفله درمیان ایتیمک لازم
 کلور . زیرا جف القلم رد ایدی ویرمک اصلا
 خوش کوریلہ میہ جکندن ماءدا اوزات ایلہ
 دوستانی دخی تعطیل دیمک اولہ جنی آشکاردر .
 کلہ جک دعوتنامہ ده « فلان ساعتہ » دیہ ساعت
 دخی تعیین اولنمشدرکہ بوساعت معینہ قطعیدر .
 انکایزلر اوساعتدن نہ بر دقیقه اول نہ ده بر دقیقه
 صکرہ اولماق اوزرہ دقیقه سی دقیقه سنہ کلیمکہ
 کندیلرینی مجبورعد ایدرلرکہ شمدیلرده بومجبوریت
 اورو پانک هر طرفہ تعیم ایلیمکده در . یاریم

ساعت اول کیتیمک نه قدر موافق تربیه کورلمز
ایسه ساعت معینه دن اون دقیقه کچ کیتیمک آندن
زیاده مغایر تربیه عد اولنور. مسافرلردن بریسی
کچیکمش ایسه صاحب خانه آنجق بش دقیقه قدر
یمکی تأخیر ایدرک کچ قالانی بکلیه بیلور. دها
زیاده بکلمسی موجود اولان مسافرلر حقنده
حقارت دیمک اولور.

اوله یا! بر آدم ایچون برچوق آدمی بکلنمک
او قدر آدمک اهمیت مجموعه سی بیله اوبرتک آدمک
اهمیت منفرده سندن زیاده اولدیفنی اکلایمق
دیمکدر. فی الحقیقه اوله بیله اولسه مسافرین
سائریه بونی بویله جه کوستروب اکلایمق آنلر
حقنده البته حقارت یرینه کچر.

برخانه یه اقشام طعامنه ایدیلان دعوتی قبول
ایتمک بالمقابله اودعوت صاحب ارینه بر دعوت
دخی کندی طرفندن ویرمکی تعهد دیمکدر.

اگر دعوتی قبول ایدن ذات بکار اولور ایسه
متاهل اولان میزبانہ فاملیاسیلہ برابر ضیافت
ویرہ میہ جکندن اومادامہ ییل باشندہ قدرتی
یتدیکی قدر آغر بر ہدیہ تقدیم ایدر . متاهل
بولندی حالدہ اوشہردہ مسافر اولہرق بر
ہوتلدہ بردائرہ مخصوصہدہ ویاخود کندیسہ
مخصوص بردائرہدہ ساکن اولان آدم خانہ
صاحبہ لکی وظیفہ فی الک یقین دوستلرندن
بریسنک حرمنہ کوردیرمک ایچون دوستندن
رجا ایدرک مقابله ضیافتی دہ ویرہ بیلور . فقط
بواتخاب ایدہ جکی مادامک براز اوصالی عقلای
حتی برازدہ یاشلی قادینلردن اولسی لازمدر .
فقط برطول قادینہ بووظیفہ تکلیف اولنہ مز .
باخصوص ہم طول ہم کنج اولورایسہ مسافر
افدینک کندی حرمنہ پک مشابہ اولہرق التباس
لازم کله جکندن ہرکسی معالی معالی کولدیرہ

بیلور . اما طول قادین پک یاشلی و پک ده معتبر
اولور ایسه بویله بر وظیفه کندیسنه تحمیل
اولنه بیلور .

قوشلق ضیافته رده نفوت قیافته کیدیله
بیلدیکی حالدده اقشام طعامنه مطلقا سواره
البسه سیله یعنی بیاض بیون باغی بیاض الدیوان
سیاه قویروقلی ستری و سائر ایله کیدرلر .
بو صورتله اقشام طعامنه کیدلیدیکی زمان هوا
نه قدر صیجاق اولور ایسه اولسون پالطو کیمک
لازم اولوب فقط آنی باستون و شمسیه سنی
حتی شاپقه سنی بیله و سته رده براقق لازم
کلور . دعوت اکر طعامه اولیوب بالویه اولسه
ایدی شاپقه سی النده بولنه جق ایدی .
ضیافته ایسه قادینلر بیله مانتولرینی شاپقه لرینی
چیقاروب کوزل و مزین صاچلرینی بیاض
وچپلاق کردن واکسه وکوکس و قوللرینی
کوستره جکلردر .

مسافر لر ایچنده بر برینی هنوز طانیان آدم لر
 واریسه صاحب ویاخود صاحبۀ خانه طرفدن
 در حال یعنی سفره یه کیدلمزدن اول بر برلرینه
 پره زانتہ اولنور لر . سفره جی کلوب ده خانه
 صاحبہ سنہ « ما نامک طعامی حاضر در » دیہ
 اعلان ایلدیکی زمان مادامہ قوائی تقدیم ایتک
 شرفی مسافرک اک معتبرینہ عائد اوله جغندن
 اوزمان هرکس بر برینہ باقی شہرق بو بخنیارلق
 کیمک حقندہ غبطہ بخشای وقوع اوله جغنی
 آراشدیر لر . اگر بوشرف ارککلردن هیچ
 بریسی طرفندن کوزه الیریلہ میہ جق اولورایسہ
 مادام جنابلری کندی انتخاب کردہ سنہ اوفاجق
 برکوز اشارتی ایدہ ییلور . لکن بواختابده مادام
 جنابلری البتہ اصل کندی کوکلنک ایستدیکی
 اک کنج والک کوزل آمی ترجیح ایدہ مز .
 اصل خلقک تنسیب وتصویب ایلہ جکی کیمسہ نی

انتخاب ایدر که اوده رسماً یا مدنیةً و یا خود سنأ
 علماً مرتبه‌سی ذوات سائر دنك فوقنده اولان
 آدمدر . او آدم شو و کوز اشارتنی کوره من
 اکلایه من ایسه مادام کیفیتی جهراً دخی میدانه
 قویه رق « موسیو فلان لطفأ قولکزی بکا
 تقدیم ایدر میسکز ؟ » دیه بیلور . حتی قادینک
 قوجه‌سی و یا خود والده‌سی وار ایسه « موسیو
 فلان قولکزی زوجه‌مه (یا خود قیزی) لطفأ
 تقدیم ایدر میسکز ؟ » اخطارینی آنلر ایدرلر .
 خانه صاحب‌سی قوجه‌لی دکل ایسه بویله قولانی
 ویردیکی آدم اک اول سالوندن کنیدیسی چیقار .
 قوجه‌سی وارا ایسه او دخی قادینلرک اک معتبرینه
 قولانی ویرمش اوله جغندن اولا آنلر و متعاقبأ
 صاحب خانه ایله قوالیه‌سی چیقارلر . بعده
 مسافرلرک اک معتبری قادینلرک اک معتبرینه
 صره‌سیله قوللرینی تقدیم ایدرک برر برر

چیقار لر که بواعتبار ثروت و سـامانـدن زیاده
 موقع و مأموریتـه و حتی سن و ساله عائددر .
 هرکس صاغ قولنی تقدیم ایلدیکی قادینی سالوندن
 چیقاریر و طعمـاخـانه یه ادخال ایدر ایکن برآدیم
 قدر ایلر و ایوب قالدینه راحتسز اولماسی ایچون
 قپویی کنیش براقور . طعام سالوننه کیرلدیکی
 زمان ارککلر قوللارنده کی قالدینلری براقوب
 بررده حرمتلیجه ره وهرانس لر ایله سالاملار لر .
 قالدین دخی اوافق برره وهرانس ایله مقابله ایدر .
 بو حالده هرکس صاحبـه خانه کندیسنی نرویه
 او طورته جق دیه آباق اوزرنده طوروب منتظر
 اولور .

سفره نك اورتہ یری اك معتبر یریدر . آنك
 بر طرفنه خانه صاحبی وقارشـوسـنه دخی خانه
 صاحبه سی او طوردر لر . بو حالده خانه صاحبك
 صاغ طرفی قالدینلر ایچون و خانه صاحبه سـنك

صاغ طرفی دخی ارککلر ایچون اک معتبر بر
اولوب صاحب وصاحبه خانه نک صول طرفلری
قادرین وارککلر ایچون ایکنجی درجه ده معتبر
یرلر اوله جقلری کبی آندن صکره دخی بونلرک
صاغندن وصولندن پیدرپی کله جک یرلر مرتبه
مرتبه اهمیت واعتبارلری آزالان مواقع عد
اولنور . مسافرلرک عددی اون ایکیدن آشاغی
اولور ایسه صاحبه خانه هرکسک اسملریله خطاب
ایدرک اوطوره جقلری یری الی ایله اراؤه ایدر .
اون ایکیدن زیاده اولدقلری صورتده اسمنی مین
افاجق برقارت پیشکیر اوزرینه قونیله رق هرکس
دخی بونلره باقرق کندی یرینی آرار بولور .
هرکس یرلرینه اوطوردینی زمان اوله بیلورکه
صالوندن یمکخانه یه کلنور ایکن قول ویرمش
اولدینی قادینک یانه دوشامش اولسون ولوکه
پان یکا اوطورمش بولسونلر هر ارکک اولو

صاغ و بامده صول طرفده کی قادینه طوغری
 سلام و یرمک وضعیتنه بکزر بر صورتده اکیلوب
 برقاج مالایینی سوز سویلر . ارککک صاغندهده
 صولدهده برر قادین بولنسی سفرهیه دائما
 بر ارکک بر قادین او طور مق صره سنجه ترتیب
 ایدلمش بولنسننددر . اوت بو صرهده سویلنه جک
 سوزلر مالایینی اولورلر . غایتی سفره نك کوزل
 قورلمش اولنسندن و صاحبه خانه نك نزا کتندن
 فلانندن عبارت اولور . زیرا سفره باشنه مصاحبه
 ایچون دکل یمک ایچمک ایچون کلنمشدر .

بشقه لری پخته لرینی آلمغه باشلامزدن اول کندی
 پخته سنی آلمق مستحسن دکلدر . هر کس یان کوز
 ایله بر برینه باقه رق همان جمله سی بردن کی
 بر حرکتله پخته لرینی آلورلر . چوربا طب اقلری
 طولی اولدقلری حالدده قونلمش اوله جق لرندن
 پنه هر کسله چوربا به مباشرت اولور . پیشکیلری

نصل قوالا نلق لازم کله جکی نابل دوتلره
مخصوص اولان باده بیان اولمشدور .

شوراده ضیافت سفره لرینک نصل قورولد -
قلری حقننده برازا یضاحات ویرملی یزکه بونلر ایله ده
طعام تناولنک اصول و آداب دخی تسهیل ایدلمش
اولسون .

ضیافت سفره لرنده هر مسافرا یچون دوت قدح
موضوعدر . بونلری طباعک صاغ طرفنه طوغری
قویارلر . فقط بر خط مستقیم اوزره دیزمزلر .
صو بارداغی ایله ینه آنک کچی بیوجک اولان
بورددو قدحنی یان یکا قویوب شامپانیا قدحنی
بونلرک ایچ طرفنه یعنی سفره نك اورتی سی سمتنه
قویارلر . دردنجیسی مادر قدحی اولوب آنی
صو و بورددو قدح لرینک طیش طرفنه یعنی
سفره نك کنار ی جهتنه طوغری قویارلر . بو حالد
دوت قدح شکل معین کچی بر شکل پیدا ایتمش

اولورلر. اگر مسافر لرہ اکرام اولنہ جق شرابلرک
مقداری کثیر ایسه اوشاقئر آنلرک قدحلرینی
دخی برابرکتورلر. سوزشراب بحثده ایکن
شونی ده علاوه ایدہ لم کہ شرابلرک نوش ایدلمسی
صرہ سی دخی برقاءدہ یہ تابعدر . چوربادن
صوکرہ مادر شرابی ایچیلور . اگر بونی متعاقب
«اکسترا» یعنی خارج از ترتیب شراب تقدیم
اولنہ جق ایسه «قاپ» و «سیچلیا» دنیلن شرابلر
کتوریلور. برنجی صیجاق طعام ائناسندہ «بورغونیا»
یاخودبوردونک «ایکنجی قرو» دنیلن نوعلرندن
ویریلور. بعدہ صغوق یمک طباقلری تقدیم
اولور ایکن ینہ اکسترا اولہرق «رین» و «شاتو
ئیکم» صونیلور. ایکنجی صیجاق طعام ائنا-
سندہ بوردو یاخود بورغونیاک «ایکنجی قرو»
ودھا اعلاسی «بیوک قرو» دنیلن نوعلری
ویریلوب سبزہ لر کبابلر دخی بوشرابلرایلہ تناول

اولنه بیلور. « قسه رس » دنیلن شراب ایسه
 طاتیلرک اثنای تناولنده نوش اولنور. نهایت
 میوه اثناسنده « موسقات » و « آلیقات » و « مال
 ووازی » و « پدر و قسه مهنه » و « قونستانس »
 و « توقای » شرابلرندن بریسی و یاخود برقاچی
 ایچیلور. شامپانیا یالکز سفره نك صوکنده
 صونیلور و ایچیلور دیه پك چوق اوروپالیلر
 دخی قانع ایسه لرده اصول معاشرت کتابلرنده
 بو حکمک طوغری اولمدیغی و سفره نك ایتداسندن
 اتهاسنه قدر کرك ساده و کرك آشلامه شامپانیا.
 لرك تقدیم اولنه بیله جکی بیان اولمقده در. واقعا
 تفصیلانک بو درجه سی بزم ایچون لزوم سز
 کوریلور ایسه ده بیلمک هر حالده بیلمامکه
 مرجع در. هله کنج رومانچی لرمز اوروپایه
 متعلق بر رومان یازارلرده بر سفره تصویر ایدجک
 اولور لر ایسه رومانک شاعر بی جهته ده کی

خیال‌لرینی اصول معیشتجه، دخی خیال اوزرینه
 بنا ایده جک‌لرینه بویله حقیقت اوزرینه بنا
 ایدرلرده اثرلری طبیعی به ده‌ا قریب ده‌ا مشابه
 اولور.

ینه سفره‌نک قورلمسینه متعلق احوال‌دن اولمق
 اوزره خبر و یرم که : سفره‌ده چتال ییچاق
 توزیماتی خصوصنده اوشاقلر طرفندن شاقردی
 پاطردی ایقاعی معیباتدن اوله جنی جهته‌له میوه
 ایچون استعمال اوله‌جق چتال ییچاق طاقنی‌ده
 اولجه سفره‌یه قویمق جهتی ترجیح اولمشدر .
 میوه ایچون ایکی ییچاق قویارلرکه بر یسنک
 تیموری کموش یالیزلیدر . انک ایله پورتقال
 والماکی اکشی میوه کس‌یله جکدر . بویچاقلر
 وینه میوه‌یه مخصوص اولان چتال وقاشقلر
 کوچک برچای پیشکیری اوزرینه وضع ایدیلور .
 حتی اشبومیوه طاقلرندن ماعدامیوه لر دخی کوزل

کوزل میوه دائلر درونلرنده اولدقلری حالدہ
 سفره اوزرینه قونیلہرق رنگ و رایحه لری دخی
 تسریر عیون و تلذیز دماغ ایدرلر . بونلردن
 ماء-دا روس موداسی اولاق اوزره کموش
 چیچککلر دروننده چیچککلرله دخی سفره
 اوزرینی تزین ایدرلر که بعض صیفیه لرده
 باغچه لره قوریلان سفره لک بیاض اورتولری
 اوزرینه معطر و ملون چیچک یاپراقلری
 سریدکلری دخی واردر .

اوروپاچه شمیدیلرده علایق دینه چوق کیمسه ده
 قالمش ایسه ده آز چوق کباردن صایغیلی فاملیالرک
 ضیافتلری اگر جمعه کوننه تصادف ایدر ایسه
 مدعولر بیتنده شاید پرهیز طوتانلر واردر دیه
 بریسی پرهیز چوربامی دیکری ات صولی چوربا
 اوله رق سفره ده ایکی درلو چوربا بولندیرلر .
 چوربادن ماعدا طعاملرده بویله برلرلوم و مجبوریت

اولیوب متعدد طعاملر میاننده پرهیزکارلر دخی
 ییه جک شی بوله بیلورلر ایسه ده آنلر ایچونده
 صورت مخصوصه ده بر ایکی درلو پرهیزیمکی
 حاضر لایتمش اولمق پک کبارانه بر نزاکت صاییلور.
 ذاتاً قاتولک و پروتستانلرک پرهیزلری بزم روملر
 وارمنیلر کبی ساده صویه یمک پدشورمک درجه -
 سنده اولیوب یالکز ات یمکدن پرهیز ایدرلر .
 پارسده شمیدیلرده قوشلق ضیافتلری همان کلیاً
 قالدیرلمش ایسه ده بمضاً برایش مذاکره سنه وسیله
 اولمق ایچون ینه وقوعه کلورکه او حالده قوشلق
 طعاملرینه چوربا قونلمق هیچده اقتضا ایتمز .
 حتی بونک ضیافت عد اولمق اهمیتی میدان
 مذاکره عد اولمق اهمیتندن بیله اشاغی اولدیغندن
 طعامی متعاقب قاذینلر چکیلوب ارککار قهوه لرینی
 سیغاره لرینی دخی سفره ده ایچرلر .

عادتا تابلی دوتلرده بیله کوراتی پاطردی آغز

شاپردامق صیجاق ینکلری اوفله مک کی شیر
 عیب صاییلوب هله بویله ضیافت سفره لرنده کرک
 مسافرلرک کرک اوشاقلرک هر نوع شماتلری بالکلیه
 عیب صاییلور. زیر ابوسفره لرده سکوت و سکون
 او قدر مطلوبدرکه سفره نک هر هانکی بر طرفنده
 او طور ان بر کیمسه سوز سویلر ایسه هر کسک ایشیده
 بیلمسی لازمدر. بناءً علیه هر کس اداب طعامی
 بیله رک اکا کوزه طور انمقده کند یسنی مجبور کورر.
 دوشونملیدرکه بوسکون و سکوت ایچنده اک کوچک
 قصور لر بیله مستور قاله مزله. مثلاً اوشاقلر یمک
 طباقلر نی مسافرلرک صول طرفندن ویردکلری
 خالد شرابلری صاغ طرفلرندن طولدیره جقلردر.
 هم هر نوع شرابدن هر کسک اوکنده برر شیشه
 بولمیبوشیشه لر خارجه اوشاقلرک یداداره سنده
 بولنورلر. بناءً علیه شراب ایستیه جک ادم
 قدحنی صاغ الیه طوتوب صاغ اوموزینه

طوغری قالدیرر و او شاق دخی اولوجهله
 طولدیرر . بواصوله مغایر اوله رق صول
 اوموزی حذاسنه شراب قدحی قالدیرمق عیب
 صاییله جفندن ماعدا محذور دن دخی سالم قاله مز .
 ممکندر که او آنده صول طرفنده کی آدم دخی
 قدحی بر معتاد صاغ اوموزی حذاسنه قالدیر .
 سوزده قدح قدحه شانغر شونغور بر مصادمه
 وقوعه کلسون . كذلك صاغ طرفندن یمک
 المغه طور انمق یالکز بوبابده کی ادابی بیلمامک
 صاییلمیوب صاغ طرفنده کی آدم بویله بر
 طور انشه منتظر اولیه جنی جهتله راحتسز دخی
 ایدلمش اولور .

بعض کبار سفره لرنده دقت و اهتمام زیاده
 و مسافر لره کویسترش فوق العاده اولوب استاقوز
 و چغانوز و تکه کبی بوجک نوغندن اولان طما .
 ملردن صوکره هر مسافره بر بللور کاسه ایچنده

براز صیجاق صو تقدیم ایدرلرکه بوصو جزو بجه
 معطر دره. نابل دوت بختنده بیان ایلدیکمز وجهله
 بوصولری شربت صانوب ایچمکه طورانهقدن
 زیاده سیله احتراز اولماید. بونلر یالکیز پرمقلرک
 اوجلرینی ایص-لاتوب بعده سیلمک ایچوندور.
 خوش یمک او قدر تمیزینله جک که پرمقلر ده
 تمیزلمکه محتاج اوله جق هیچ برشی قالمیه جق.
 مجرد سوسی چوغالتمق ایچون بوا کرامه دخی
 لزوم کورلمشدر. فرنکار ثروت وسامانلرینی
 بومثللو طاقملری چوغالتمق صورتنده کوسترلر.
 پرمق اوجی دیدکده خاطر مزه کلدی. بزم
 بو طرفلر ده اثنای طعمامده پرمق اوجلرینی
 یالامق همان آدابدن بیله عد اولندینی حالده
 اورویاده بونی بیان کورن دخی یوقدر. حاکایه
 ایدرلرکه بردفعه جزایرلی عربک بریسی اثنای
 طعمامده پرمقلرینی یالامشده سفردهده بولان بر

دو قنور » پارمغ کزده یاره آغری نوعندن بر
شیمی وارکه آغز کزه کوتوری یورس کز ؟ « دیه
صورمش . آنلرجه بالکلیه مجهولاندن اولان
بومللو شیلری یاهرق انظار استغرابلرینی جلب
ایتمکدن ایسه هیچ یامماق جهتی ترجیح ایلمک
اولادر .

ضیافتلرده هر طعام توزیع اولندقدن صکره
بقیه سی صوغوماق ایچون صورت مخصوصده
یایلمش صوبا کی بر محل اوزرینه طباعی وضع
ایدرلر وتا اندن صکره کی یمک طباعی کلنجیه
قدر اولکی طباعی اوصیجاق یردن قالدیرمزلر .
بوندن مقصد کویا ایکنجی دفعه اوله رق او
یمکدن المق ایستیه جک اولانلره منتظر بولمق
ایسه ده تربیه خصوصنده متعصب اولانلر هیچ
بر یمکدن ایکی دفعه المزلر . ذاتاً بونلر طعامی
نه چابوق یرلر نه آغز . او یله بر صورتده یرلرکه

هر كسله برابر طباقلری ایچنده کی طعامی بتوررلر .
 او كنده کی طعامی هر كسدن اول بتورنلر . غالباً
 بردها الملق ایچون استعجال ایدیور ! « ديه تزييف
 اولورلر . الك صكره يه قالانلر ايسه » باری ييه جکی قدر
 السه ایدی ده بویله عالمی بکلمسه ایدی « ديه
 تعيب اولورلر . زیرا ضیافتلرده هر کس طعامی
 بتورمش اولینجه دیگر يک کتورلمز . ايشته
 تربيه خصوصه سنده پک اهتمامی اولانلر بویکی
 صورتله دخی دوچار تزییف اولماغه فوق الحد
 غیرت ایدرلر .

ضيافتلرده بعضاً هر طعامده چتال پچاق تبدیل
 اولنمز . زیرا بواصول طاقملرک پک چوق اولمسنه
 احتیاج کوسه تروب او قدر طاقم ايسه هر یرده
 بولنمز . يالکز چور بادن صكره آرتق قاشیغه
 احتیاج قالمیه جغندن قاشیغی چوربا طباغنك ایچنده
 بر اقلیدرکه اوشاقلر قالدير سونلر . اما دیگر

یمکلمده چتالار پک بولاشق دکل ایسه لر طباعک
 خارچنده اکثریا بوایش ایچون مخصوص اولان
 بلور کرسیلر اوزرینه قونیه جق. چتال و بچاغک
 براستا و روز رسم ایتملرینه دخی اعتنا اولملیدر.
 اوروپا لیلر بو وضعیتدن تشم ایدر لر. کیرلی چتال
 و بچاقلر ایله سفره اورتوسنی بولاشدیر مق تابل
 دو تلمده بیله عیب صایلدیغندن فاملیا ضیافتلرنده
 بالطبع دها زیاده عیب صاییلور.

اوشاقلر طباق دکشدیر رایکن کیرلی طباعی
 مسافرک کندی ایله سفره دن بش اتی پرمق قدر
 قالدیر می لازم کلور. زیرا اوشاق یا یکنز بر ایله
 هم تمیز طباعی او کیرلی طباعک آلتنه سوره جک
 هم ده کیرلی طباعی آله جقدر. کیرلی طباعی
 مسافر کندیسی قالدیری ویرمز ایسه طباق طباعه
 چارپارکه بودخی سفره ده معیاندن صاییلور.

ذاتاً کسینهش اوله رق بیوک طباقله دیزلش

اولان ات پارچه لرینی حددن زیاده بیوک کورورک
 کویا انلرک بریسنی تماماً آلور ایسه خلق تعیب
 ایده جک ایمش کی انلری کسمکه قالدشمق دها
 بیوک عیدر. پارچه لرک جسامتی تعین خصوصنده
 آشجیلر البته دها ماهر در. اوپارچه یی بیوک ککندن
 طولای ییه میوب ده بقیه سنی طباعی اچنده براقور
 ایسه هیچ ده عیب صایلمز. یمکک صوینه امک
 باتیروب سومورمک وکیکلری الی ایله طوتوب
 کیرمک غایت عیب صاییلدیغی کی میوه تقدیم
 اولور ایکن اولمشلرینی اییلرینی سچمک ایله
 اوغراشمق و بادم و فندق کی شیلری دیشلریله
 قیرمه قالدشمق هپ مخالف ادبدر. بونلری
 قیرمق اچون آیریجه فندق قیرانلر ویریه جکندن
 انلری قوللانمیدر.

سفره نك صوکلرنده اگر مسافر لر آرد سنده
 سوز دوام ایدیور ایسه صاحبه خانه بوسوزی

یاریدہ کس دیرہ رک سفرہ دن قاتی ویرمز . تمام
سوزہ صحبتہ فاصلہ ویرلدیکی زماندہ قالقارکہ
اوقالقنجه هرکس دخی برابر قالقار . اوزمان
ارککلر صاغ طرفلرنده بولنان قادینلره قوللرینی
تقریم ایدرک ینہ سالونه عودت ایدرلر . زیرا
قهوه لر ایچیلہ جکدر . بو عودت ائسانده سفرہ یه
کلنور ایکن قول ویرمش اولدینی قادینی
آرامق ایجاب ایتمز . حین عودتده هرکسک
وظیفه سی صاغ طرفنده کی قادینه قول ویرمکدر .
قهوه ایچیلور ایکن صیجاق قهوه یی صغومتق
ایچون قهوه یی اوفله مک ویاخود طباغنه درکمک
برتابل دوتده بیلہ مستحسن اولدینی محملنده
خبر ویرمش ایدک . بو حاللر برصالونده هیچده
جائز دکلددر . حتی فنجانک ایچنده بر کوچک
قاشیق واریسه آنی چیقاروبده طباغک اوستنه
قویمق دخی موافق اولیوب ینہ فنجانک ایچنده

بواندینی حالدہ قہوہ بی ایچملی وقاشیق فنجانک
ایچندہ قالمیدر .

مادام لوئیز دالق غایت مدققانه و کبارانه بر ملا -
حظه اولاق اوزره دیورکه : بویله ضیافتلرده
اطعمه نك شویله کوزل بویله نفیس اولدقلرینه
وصاحب وصاحبه خانه نك شو ضیافت تدارکات
کلیه سیله کندیلری یعنی مسافرلر ایچون پك چوق
زحمته کیرمش اولدقلرینه دائر ثنا کویانه و متشکرانه
سوزلری اصلا اوزاتماملیدر . هیچده قاله بیله
آلما ملیدر . خانه صاحب لرینك یالکز دوستلرینی
تخطر ایتمش اولملری شایان تشکر برائر نزاکت
کورملك کافیدر . زیرا اووادیده سوزی اوزاتمق
من جهة عاداتا « بز بویله طعاملری کندی خانه -
مزده نصل بوله بیله جکز ؟ آنك ایچون پك
نفیس والذ بولدق . سز دخی هر کون بویله طعاملر
بویله سفره لر تشکیل وتهیه ایده میه جکز ایچون

بزه کوسترش اولمق اوزره بیوک بیوک زحمتلره
 کیرمیشسکیزه دیمک اولورکه بونلرده نه خانه
 صاحبلی ونه ده مسافرلرک کندیلری ایچون
 خوش کورینه جک حکملردن دکلدر . مع هذا
 یمکلردن بریسی حقیقه نوادردن ویاخود پک
 صنعتکارانه مختراعات جدیده دن ایسه آنی ده
 تقدیر سزمد حسن ناسز چور ماملیدر . تقدیرکارانه
 سوزلر سویلملیدر اما شاید سزک نوادردن ظن
 ایلدیککیز طعام بالعکس پک مشهور و معروف
 برشی ایسه تقدیر اتکزده فنا حالدده فالصو ایتمش
 اولورسکیز .

کذلک شوده مادام لو ئیزک پک مدققانه
 سوزلرندندر که شاید طعاملرک بریسی یانمش
 ویاخود آرزو اولندیغی درجه ده کوزل اولمامش
 اولورسه تربیه لی اولان صاحبه خانه مسافرلری
 حضورنده اوشاق و آشجیلرینی ذم ایتمز .

بونلری چا غیروب تکدیره هیج قالقش-مز .
 مؤاخذه و تعذیر بالآخره خصوصی بر صورتده
 اجرا ایدلک اوزره مسافرلرینه یالکیز
 « بویک اولماش ! » دیرواوشاغنه دخی کیرویه
 کوتورمسنی صغوق برطور ایله امر ایدر . بو حالد
 مسافر اویمکی خوش کوردرك ییمک ارزوسنی
 کوسترماملیدر . زیرا صاحبۀ خانہنی تکذیب
 چیقار که بالطبع عیب اولور .

اوروپاده هر نوع ایچکیلر و خصوصیلہ اینجه
 و بهالی شرابلر اسباب ثروت و ساماندن عداو لقمقله
 برابر سر خوشلق زیاده سیله معیوب اتدندر . بناء
 علیه سفرده ایچیلن شرابلرله بالطبع آثار نشئه
 هر کسده نمایان اولور ایسه ده سر خوشلغک الک خفیف
 مقتضیاتندن اولان کوه زه لک بیلہ عیدر . ینه
 بوجمله دن اولمق اوزره یاننده و یا خود قارشو سنده
 بولنانلرله قدح طوقوشدیر مغه قالقش مق کبارلغه هیج

صیغماز. «توست» دیدکاری اصولده
بر کیمسه بی تعظیماً آنک صحتیه اداره
اقداح ایدلمک جهتلی واریسه ده مراسمک
بودرلوسی اوپله بدمستانه بر صورتده اولمغه هیج
براحتمال ویریله مز. اما بودیدیکمز شی صایغیلی
طاقمدن متشکل اولان کبار وناموسلی سفره لره
مخصوصدر. یوقسه عیش ونوش اربابی بمضاً
اورپا طلاسون چال اویناسون نوعندن ضیافتلر
یایارلر که بونده «دوکیلن می قیریلان شیشه رندان
اولسون» سوزی هرکسک برات سربازیسی
مقامنه قائم اولور. قیریلانه دوکیلنه دکل آسفره
التنده صیزوب قالانلره بیله کیمسه برشی دیه مز
اما بویولده کی احوال هیج بر اصول و آدابه
تابع اولماق شرطیله موافق مطلوب کوریه
جکندن بزم بوکتابمزده آنلره دائر مندرجات
قبولری مسدوددر.

چایه دعوت

اقشام طعمانه ایدیلن دعوتلر من جهة
 الك مختصر اجتماعلر ديمك اولدقلرى حالده من
 جهة اخرى الك مكلف اجتماعلردن عداولنور.
 اختصارينه سبب بمضاً اون ايكي كشیدن اشاغی
 اولان برجماعت احبابه دخی اقشام طعامی ضیافتی
 ویريله بيلمسيدر . حتی برتك كشی به بيله بر
 دینه ویريله بيلور . كلفتنه سبب ايسه ضیافته
 دعوت اولنان احبابك مقدارى الى غير النهایه
 آرته بيله چكى كبی اقشام طعامی ينه بوكیجه
 ویريله جك چای ضیافتنه مسامره به حتی بالویه
 بيله مدخل اوله بيله چكندن بو حاللر اقشام
 طعامك اهمیت وكلفتنی آرتیردقجه آرتیررلر.
 بویه ایکی جهتلی اهمیت چای دعوتنده واردور .
 چای ایچمه كه دعوت ديمك هر كس اقشام طعامنی
 كندی خانه لرنده تناولدن صكره مدعو اولدقلرى

خانه یہ کیـدرک کیجہ چایلرینی اورادہ ایچمک
 دیمکدر۔ چای دعوتی اون کشیدن اشاغی اولہ مز۔
 اون کشیدن اشاغی اولور ایسہ آرتق بوکا
 « دعوت » دنیلہ میوب بالتصادف کیجہ ویزیتہ سی
 مناسبیتیلہ مسافرلرہ چای اکرام اولنیور
 دیمک اولور۔ چای دعوتیلرینک مقداری
 اوندن آشاغی اولہ میہ جنی کی او توزدن زیادہ دہ
 اولہ مز۔ زیرا چای دعوتی یالکز خصوصی
 مصاحبہ مقصدیلہ اجرا اولنہ جغندن او توز
 مسافر میانندہ اوچ بشدہ خانہ خاقلی نوبت نوبت
 سوز سویلیوب بشقہ لری دہ دیکلہ مکہ مقتدر
 اولہ بیلدکلری حالہ دعوتیلرک مقداری او توزی
 کچدکدن صکرہ بویلہ برطرفک سویلیوب دیگر
 طرفک دیکلہ یہ بیللمسی امکانی آرتق اورتہ دن
 قالقار۔ او توز کشیدن سکسان کشی بہ قدر
 مسافر دعوت اولنان اجتماع « سوواردہ » یعنی

مسامره حکمی المش اولور . او حالد بوقدر
 احبابی اکلندیره بیلیمک ایچون دها بشقه اکلنجه -
 لره لزوم کوریلور که محلنده ذکر اولنه جقلردر .
 مدعولرک مقصداری سکسانی دخی تجاوز ایدرک
 یوزه ودها اوتیه طوغری وارر ایسه ایش
 مسامره درجه سنی ده کچمش و آراق بالو مرتبه -
 سنه وارمش اولور .

دینه وسوواره و بالو کی اجتماعلر اجتماعات
 موقوته دن معدود اوله مدقلری حالد چای
 دعوتلری اجتماعات موقوته دن عد اولنورلر . یعنی
 هر موسمه بر آدم هانکی کونلر قولایینی بولور
 و یا خود جانی ایستر ایسه بر دینه وسوواره و یا
 بالو ترتیب ایدرک وقوعندن بر هفته مقدم
 دعوتنامه لرینی کوندرور . فقط بر موسمه
 هفته ده بر کره می اون بش کونده بر کره می نه قدر
 و نه ترتیب ایله احبابی چایه دعوت ایده جک

ایسہ یا لکڑا لکڑا ملک دفعہ سی ایچون وقوعندن درت
 بش کون اول دعوتنامہ لکڑا کوندر و ب بونلر دہ
 « موسیو و مادام فلان بوسنہ کی چای دعوتلرینی
 فلان و فلان آیلرک ایکنجی و طقوزنجی و اون
 التنجی، یکرمی اوچنجی الخ... کونلرینہ مصادف
 اولان فلانجہ کونلر دہ اعطایہ قرار و یرمش
 اولدقلرندن... « مقدمہ سیلہ دوستلرینی بونلرک
 عمومہ بردن دعوت ایدر. بودعوتنامہ بی آلانلر
 ہر ہفتہ یا خود ہر اون بش کونلر دہ بر کرہ اشبو
 چای مجلسلرندہ اثبات وجودہ مجبور دکلدلرلر.
 ابتدلرندہ بر کرہ و انتہالرندہ دخی بردفعہ کیتمک
 درجہ لرندہ اثر قبول کوسترمک نزاکت کافیہ درہ.
 اما ہر کس بونی بویلہ بیلہ رک بناء علیہ برنجی
 ایکنجی اجتماعلر دہ غلبہ لک چوق اولدینی حالہ
 موسم اورتہ سندنہ کی اجتماعلر دہ کیمسہ بولنمہ
 جفندن و موسم صوکلرندہ ایسہ غلبہ لک ینہ

آرتہ جفندن اصل ذکاوت و فطانت اربابی ایکی
 دفعہ اجابت ایدہ جکر ایسه موسم اورتہ سنده
 کیدر لر که تنہا قدم ہم دہا کوزل قونوشوب
 اکنور لر و صاحب و صاحبہ خانہ بی دخی
 اکندیروب ممنون ایدر لر ہمده کندیلری دخی
 غلبہ لك زمانلردن زیاده مظهر اکرام و نائل
 التفات اولور لر . چای دعوتلر ینہ اجابت
 ایدلیہ جکی ایشاملر ایچون عدم اجابتی صورت
 مخصوصده اخبارہ دخی حاجت یوقدر . بالعکس
 بوبابده صاحب و صاحبہ خانہ ایچوز احبابہ ایکنجی
 برتذ کرہ دہا کوندرمک مجبور تی واردر .
 اوده موسمک صوکنده چای اجتماعتہ نہایت
 ویرلدیکی زمانہ موسیو و مادام فلان اسبوعی
 ویاخون اون بش کونده بر کرہ ویرمکده اولدقلری
 چای ضیافتلرینہ فلان تاریخدن اعتباراً ختام
 ویرمشلردر . طرزندہ برتذ کرہ یازوب اولجہ

دعوت ایتمش اولدقلری ذواتک هر برینه بر
 نسخه کوندرمک صورتیه ایفا اولنور. آداب
 معاشرت اوزرینه کتابلر یازان مادام لوئیز دالق
 جای دعوتلرینک ختامی بویله بر تذکره ایله
 اخبار ایتمکی اصل نزاکت کبارانهیه موافق
 بولیوب صوک اجتماعده بوختامی خانه صاحبلرینک
 شفاهاً اعلان ایتلرینی ترجیح ایلیور ایسه ده
 مؤلفین سائر بونک عکسفی التزام ایدیورلر.
 زیرا اولجه دعوت ایدلمش اولانلرک جمله سی
 صوک اجتماعده موجود اوله میه جقلرندن کیفیت
 ختامی خبر الهمیانلر بر هفته صکره ینه جای
 واردر ظنیله کله جک وقیوبی قیالی بوله حق
 اولورلر ایسه بونک عیبی هیچ بر شیده مقیس
 اوله میه جغنی حکم ایدیورلر.
 جای ضیافتلرینه کیدیله جکی زمان ارککلر
 ایچون سوواره قیافتی کیمک لازم ایسه ده بوز

رننگلی پانتالون و بیاضدن ماعدا آچیقجه رننگلی
 الیوانلر و باخصوص سیاه بیون باغی بچون دخی
 جواز وارددر. حتی اصل طبایع سلیمه اربابی
 نزدنده سوواره قیافتنی بوضورتله تعدیل ایلکم
 ترجیح دخی اولور. چونکه چای اجتماعاتی
 کویا تکلیف و تکلفدن آزاده و بر صورت
 خصوصیه ده اککنمک ایچون یاپدیغندن قیافتجه
 دخی شوقدر تکلیفسزلك ده متناسب کوریلور.
 اگر چای اجتماعاتی سکر اون کشیدن و آنلر
 دخی صمیمی احبادن متشکل اولور ایسه وایلمک
 اجتماعده صاحب و صاحبه خانه طرفلرندن
 تکلیف دخی وقوعه کلور ایسه دیگر اجتماعانده
 رده ده نفوت قیافتیه کیتکم دخی جائزدر .

یارسده اشبو چای دعوتلرینه آلافرانغه
 اقشام ساعت طقوز بچغه طوغری کیدر لرکه
 قیش موسمنده آلا نورقه ساعت درده طوغری

دیمک اولور وایکی یچق ساعت قدر او طوروب
 نهایت نصف لیلده عودت ایدر لر . فرانسه نك
 ولایت لرنده واوروپانك آلمانیا و اوستریا کی
 جهات سائره سنده دها ایرکن کیدیابوب فقط
 نصف ایلی پك ده کچورمز لر . حتی اوروپانك
 جهات سائره سنده و بر درجه یه قدر فرانسه ده
 بیله جای دعوت نیدن چیقیلوب بالویه دخی
 کیدیله بیلور . ذاتاً جای اجتماعی غلبه لکجه
 ایسه بالویه کیده جك اولانلرک نصف لیلدن
 اولجه بیله سیویشملری ممکندر .

نصف لیلدن بر ساعت اول مسافرینه جای
 توزیع قنور . بوتوزیع برقاج درلوا اجرا اولنور .
 بعض کیجه لر جای ایله برابر قورابه و پاستا
 و سائره دن ماعدا صغوق هندی و سائره کرامنه
 قدر دخی وار لر که او حالده چایلری ایچمک ایچون
 یك صالوننه کیدیلور . حالبوکه اصل جای توزیمی

سالونده وقوع بولمیدر . زیرا چای اجتماعندن
 مقصد احبابجه سنه قونوشوب اکلنمک اولوب یمک
 سالوننه مراجعت ایدیله جک اولور ایسه قادیلره
 قول و یرمک و رسم داخلنده کیدوب رسم
 داخلنده اکل و شرب ایتمک لازم کله جکندن
 بولکفتلر شو جمعیتمک اساسنده مقصود اولان
 کلفتسز لکه مغایر کوریلور . اک کبارانه بر
 صورت توزیع اولمق اوزره « آمه ریکن »
 دنیان ایکی قاتلی برتپسییه مراجعت اولور که
 بوتیسیر اینجه وقوتلی آغا جلدن بیچمه تحته لردن
 ایکی قاتلی راف شکلنده پایملوب فقط ایکی یاننده
 ال ایله طوتیله جق برر قولباری دخی بولور .
 اوست قانده کی تپسی اوزرینه دیکر اوفاق
 برتپسیده موضوع اولدینی حالد چایدان وضع
 اولمشدر . چایدانک آلتده برده اسپرتواو جاقجینی
 یانار که چایدان ایچنده قاینایان صو صغومسون

دیه . آنک یاننده برده چای ابریقی و کوچاک
 و ظریف بر کوپ ایچنه موضوع قیاق و شکر ایله
 مملو شکر دان و شکر ماشه سی دخی موضوع
 بولورلر . اشیای مذکوره تپسینک اورتلق
 برینه یرلشدیرلش اوله رق آنلرک اطرافنه دخی
 چای فنجان و طباقلری دیزیلورلر . بوتپسینک
 الت قانی بوش اولوب اوست قانده کی فنجانلر
 ایله چای توزیع ایدلدکن صوکره بوش کلن
 فنجانلر الت قانه قونیه جقلردر . بعض صالونلرده
 ایسه تمیز فجانلری الت قانه قویوب اوست قانده
 بونلرک قونیه جقلری یره دروناری درلوپاسته لر
 غاتولر ایله مملو طباقلر قونیلوب بو حالده بوشالان
 فنجانلر بشقه برتپسی اوزرینه طوپالانه جقلردر .
 اگر پاسته و غانو و قورابه و سائر طباقلری چوق
 اولوب ده تپسینک اوست قاننه صیغمیسه جق
 اولورلر ایسه اوشاقلر بر بشقه تپسی اوزرنده

موضوع اولدقلری حالدہ بونلری مسافرلرہ تقدیم
ایدرلر . مسافرلر چوق اولورلرایسہ بویله ایکی
قاتلی تپسیلردن برقاج دانه سی طونانیلوب برقاج
ماصہ اوزرینہ قونیلورلر و چایلر ایچیلوب ایش
بتدکن صوکره ینہ قالدیریلورلر .

مع هذا ایکی قاتلی تپسیلر هپ کبار عالمه
مخصوص کلفتلی بدایع جدیدہ دن اولوب من القدیم
تشکیل اولنه کلن چای ماصہ سی ایسہ ایکی طرفدن
قاندلری آچیلان معهود ماصہ لردرکه آنی خانه
صاحبہ سنک یانہ قورارلرو آنک اوزرینہ بریوک
تپسی وضع ایدرلرکه تکمیل چای طاقیلہ
ما کولات ماصہ سی دخی او تپسی اوزرینہ
ترتیب اولمشلردر . مدعولرک مقصداری اون
ایکدن متجاوز دکل ایسہ خانه صاحبہ لری کندی
قزلری ویاخود اقربا ویا تعلقاتنک الک کنجیلری
واسطہ سیلہ چایلری توزیع ایتدیروب اوشاقلری

ایشہ قاریشدیرمزلر . فنجانلری صاحبه خانہ
 طولدیرر . فنجانلرک کنارلرنده یاریم یارمق یر
 قالنجیه قدر طولدیرر وهر فنجانه یالکز بردانه
 شکر قویار . بده قزلردن ویا دلی قانلیلردن
 بریسی اوفنجانی برکوچک تپسی یه قویوب صول
 آوجی اوزرینه وقیماق کوپنی صاغ انه الهرق
 مسافرله کتورر . آنک آرقهسی صره دیگر
 قز ودلی قانلیلردن بریسی ده ایکی انه ایکی طباق
 پاتسری الهرق اوکده کی یه تبسیت ایدر . اما
 بوصورتله ایدیان خدمت یالکز اختیارله
 مخصوص اولوب قادیندن ارککدن کنج طاقنی
 خانه صاحبی ماصه باشنه کلوب چایلرینی آلمغه
 دعوت ایدر .

اشبو قزلردن ودلی قانلیلردن بر فنجان
 چای و یاخود بر قورابه فلان قبول ایدنلر غایت
 متواضعانه تشکرات ایله قبول ایدرک آنلرک

عادی خدمتکار لر دن اولم دقلرینی بو صورتده اعتراف
ایتمش او اور لر و چایلرینی ایچ-سوب بتور دکن
صکره کلوب آلملرینی بکلمه کسزین بلذات قالقوب
کندی لری کوتور لر اوزمان خانه صاحبه سی
فنجانی تکرار طولدی رمنی تکلیف ایدر که قبول
اولنه جق او اور ایسه شوایکنجی فنجانی اوراده
آیاق اوزرنده ایچمک ایله یرینه قدر کندی سی
کتور مک بیننده مسافر مختار قالور. خانه صاحبه سی
پک بیوک بر حرمت اولق اوزره مسافر یرندن
قالقه کسزین بر چای دها اکرام ایده جک اولور
ایسه چای ابریقنی بر قیزویا بر دلیقانی واسطه سیله
ار مسافرک یانه قدر کوندروب طولدور تر .
لکن فنجانی کندی یانه جلب ایله طولدیروب
کوندرمز. شاید کندی فنجانندن بشقه بر فجاندر
ملاحظه سیله مسافرینی ایکنرندیر مسون دبه .
اگر مسافر لر اون ایکندن اوز بشدن زیاده ایسه

بو توزیع ایشنی یالکیز قزلره دلی قانلیلره کوردیر مک
ممکن اوله میه جغندن اوشاقلرک معاونتلیرینه دخی
احتیاج مس ایلر .

چای دعوتلرنده یکر می کشیدن زیاده مسافر
اجتماع ایلر ایسه برکوشه یه وویست اوینامق ایچون
دخی بر ماصه قونیله بیلور . زیر اجمعتک اودرجه .
سنده وویست اوینا یانلردن باقی احباب دخی
قونوشوب اکلنه بیلور لر . لکن اون بشدن
آشاغی مدعولر میاننده اویون ایله اشتغال خوش
کورلمز . خانه صاحبه سی تکلیف بیله ایتسه نازکانه
تشکر لرله رد ایلرک اولی کوریلور .

حتی چای دعوتلرنده پیانو چالمقده ویا شرقی
او قومقده مہارتی اولانلردن برنہایت ایکی
پارچه سنی ترنم ایلر می رجا ایدیله بیلدیکی حالده
دها زیاده سنی ایستہ مک غیر جائزدر . بواجتماعلر
اساساً قونوشمق مقصدینه مبنی اولوب هرکس

مشاهداتندن مسموعاتندن غریب اولان شیلری
 حکایه ایلر. پولتیقه وسائر جدیاته دائرہ صاحبات
 دخی خوش کورلمز. صالونی براقادمیایه بکرتک
 همان هریرده هر زمان موجب استغراب اولوب
 حکایات واقعہ ایله حضاری یا متأثر ایتک
 ویاخود کولدرمک لازم کلورکه اوروپا لیلر ایچون
 تأثر براز مشکل ایسه ده خندیه استعداد ذاتاً
 برکمال اولمغله اوجہتده موفقیت یک قولایدر.
 بزم بو طرقلردن کیدنلر و باخصوص مسلمان
 اولانلر ایچون اک زیاده موجب تعب وزحمت
 اولان اجتماع شوچای اجتماعلریدر. سفره لرده،
 مسامره لرده و باخصوص بالولرده هرکس بشقه
 شیلرله مشغول اولوب مکالمه و مباحثه میدانی
 همان بالکلیه طارلاشدیغندن مسلمان اولان
 اجنبیلر قولایجه یاقه بی قورتاره بیلورلر ایسه ده
 اشیو چای اجتماعلری یالکیز مباحثه مقصدیله

وقوعه کلمه اولوب اوروپا لیلر ایسه کندیلرینه
متعلق بیک درلو حکایانی تکرار تکرار دیکله -
مکدن بیقمش اوصانمش اولمقدن ناشی احوال
شرقیه وعادات اسلامییه دائر صحبتلردن پک متلذذ
اولورلر . لکن بوندن اول دخی بالاناسیه بیان
ایتمش اولدیفمز وجهله اوروپا قادینلرینه جدیات
خصوصنده مرام اکلاتمق قابل اوله میه جفندن
احوال ملیه واحکام دینه نی بونلره حکایه وتفہیم
خصوصنده غایت حکیمانہ طور املایدر .

اشبو چای دعوتلری ارکانی عالم وادیب و ذکی
وظریف آدملر اولورلرایسه حقیقہ پک کوزل
اکنیلور . اوروپا معیشتک شانتکارانه اولان
صورت سفیانہ سندن لذت آله میه جق قدر افکار
جدیه اربابندن بولسانلر ایچون بکنوب لذت
الہ بیلہ جک معاشرت یکاه اشبو چای اجتماعلر -
ندن عبارتدر . بونلرده قادینلر دخی سوزہ

قاریشورلر ایسه ده آنلرک ایده جککری بختلر
هر حالده «قادیجیه» تعمیرندن ایلرویه کچه منزلر.
آنبق بر ادیب، بر طیب، بر شاعر بر آووقات، بر
فیلسوف، حاصلی معارف بشریه شعباتندن
بریسنه منسوب اولان صاحب اختصاص یینه مصدا
حبه جاریه نك کوستردیکی کریزگاه اوزرینه کندی
صلاحیتنه عائد بر مسئله نی بسط و تمهیده کیرشدیکی
زمان اکر طلاق و فصاحتی دخی یاردم ایدرسه
او قدر کوزل سوز سویلرکه بو صحبت قدرینی
بیان مستعملر ایچون نك مکمل بر درس یرینه
قائم اولور. بویولده کی تکلفسز و خصوصی
اجتماعات اوروپائییه نك هیچ بریسنده مصاحبه نك
بودرلوسنه یول آچیله مز. بعضاً دخی اشبو
چای مدعولری میاننده اوله معارف شتایه
منسوب دکل ایسه ده اوروپانك هوا وهوس
عالملرینه منسوب قادین ارکک ذوات موجود
اولورده کویا اوستی قبالی اولمق شرطیله برازده

خوارده جه سنه صحبتہ کیریشیلور . اما صحبتک
 بودرلوسی ایچون کنج قیزلر بولنماق شرطدره .
 اگر اعضای موجوده یاری کبار دینان طاقدن
 اولوبده قزلرک دخی یالکز اسملری مادموازل
 اولور ایسه آنلرک وجودلری ده مصاحبه مطلوبه یه
 مانع اولماز . بو حالده او قدر طاتلی ایہاملر، لطیف
 ایملر ایله مصاحبانہ کیریشیلورکه او یولده کی شیلردن
 ذوق آلا نلر دخی او صحبتلرک بودرلوسی صور
 سائرۂ اجتماعاتک هیچ بریسنده بوله مزلر .
 الحاصل اوروپا معیشت صحیحہ و حقیقیہ سی دیمک
 شو جای اجتماعاندن عبارتدر دنیلسه پک ده مبالغه یه
 حمل اولنه مز .

سوواره

« سوواره » دیمک مسامره دیمک اولوب
 حکمی دخی اقشاملری بعدالطعام اویقو زمانہ
 قدر کچوریله جک ساعتلری احباب ایله برلکده

چکورمکدن عبارت اوله جق ایسه ده بو اسمی
 اصل جای دعوتلرینه و یرمک دها مناسب
 اوله جفی درکار ایکن او یله بر اجتماعه توسیم
 ایتشلر درکه بالودن فرقی یالک زرقص ایدلما مکدن
 عبارتدر . سواره اها ایسنک اوتوزدن سکسانه
 قدر ذواتدن متشکل اوله بیله جکفی خبر و یرمش
 ایدک . اشبو سواره لردن هر برینه بشقه جه
 دعوتلی اولق شرط اولوب بر سواریه دعوت
 اولندم دیه دیکرینه دخی بلا دعوت کیدیه مزه .
 فقط دعوتنامه کلدی دیه مطلقا کیتمهک و یا خود
 کیدیه میه جک ایسه مطلقا خبر و یرمکه مجبوریت
 دخی یوقدر . اما کیدلسون کیدلسون برهفته
 ظرفنده او فاملیسایه برویزیه و یریلورکه کیدلمش
 ایسه تشکر و کیدلامش ایسه اعتذار مقامنه قائم
 اولور . اکر بر اجنبی اچون شو مسامریه دعوت
 ایلک دفعه اوله رق واقع اولیور ایسه مسامردنک

وقوعندن اول دخی برویزیتہ ویرمک ویاخود
قارت دوویزیت براقق ایجاب ایدر .

سووارمیه جای دعوتندن براز صکره جه و بالو
دعوتندن براز ایرکنجه کیدیلور اما هیچ
بروقده آلافرنگه ساعت اوندن اول واون
بردن صکره کیدلمز . کیجه یاریسندن بر ساعت
صکره سائر مسافر لر ایله برابر عودت اولنوب
اکر او فاملیا خلقی ایله دوستلق پک صمیمی
اولوب ده براز دها او طور لمسی رجا ایدیلور سه
بوده مستشار .

مسامریمه کیدلدیکی زمان اوشاق وار ایسه
قپودن یالکز کلن مسافرك اسمنی صاحب
وصاحبه خانه یه اعلان ایدر . سالونه کیرن مسافر
طوغریجه بونلرك یانسه کیدوب سالاملا دقدن
صکره برده حضار سائر منک عمومنی بردن
سالاملا یه رق خانه صاحبه وصاحبی ایله استفسار

حال و خاطر ضمنتده بر قاج لقردی تعاطی ایلر.
 صالونک زینتیه، مسافرلرک حسن انتخاب
 وشعشعه سینه دائر اوله رق دخی برایکی لقردی
 سویلدکن صکره یانلرندن آریلور. چونکه
 بویله سکسان مسافری اعزاز مجبوریقی التنده
 بولنان صاحب وصاحبیه خانیهک یانلرند
 میخلانوب قالمق وکندیلمینی کوز حبسنه آلمق
 اصلا جائز دکلدیر. آندن صکره حضار
 موجوده بی کوزدن کچیروب اصل کندی
 آشنالری نروده ایسه انلرک یانیه صوقولور
 وکویا یکیدن بر صالونه کیریور مشجه سینه
 آنلری ده سلاملایه رق اکر حضورندن خوشلا.
 نیورلر ایسه آنلرک یاننده ایستدیکی قدر امرار
 وقت ایده بیلور.

بر مسامره نک بالودن فرقی یالکز رقص
 ایدلما مکن عبارت اولدیفنی سویلمش ایدک.

بوسوزی ایضاح ایچون خبر ویردم که برمسامره
 قیافتک بر بالو قیافتندن حقیقه فرقی یوقدر .
 زیرا ارککلر سیاه قویروقسز ستری وقادینلر
 ده قولته قیافیله کیده جکلری کبی بیوک سالوندن
 ماعدا کاغد او یونلری ایچون او طہلر وتوتون
 ایچنلر ایچون قوموارلر دخی تعین اولنہرق
 حتی تربیات متممہ دن اولمق اوزره برده چالغی
 طاقی بولندیریلہ جقدر . پک مرقص والسالر
 مازورقلر فلانلر چالندقیجہ رقص مراقلیسی
 اولان قادینلرک ارککلرک اوموزلری اوینار
 ایسہدہ رقص ایتمزلر . قادین ارکک قول قولہ
 ویروب کزینمک ویاخود مانغہ مانغہ اوطوروب
 قونوشمق صورتیلہ اکلنورلر . بعضاً تیاترو
 مشاہیر صنعتکارانندن بعض مغنی ومغنیہ لردعوت
 اولنہرق آنلرک آثار ہنر یلریلہ مند تشنیف آذان
 ایدیلور . بعضاً بوسہ ووارہ لہ بر « قونسرتو »

چاشنیسی ویرمک ایچون مدعولرک قادین ارکک
هنرورانندن دخی بویله بر عنایت رجا قلنور.
من القدیم بویله سوواره لرده بر قوم دیاو حتی بر ترازدیا
اوینامق عادتیی بیلله موجود در که حالا دخی
بعضاً یاپیلور. کاه اولور که پک مشهور بر حقه
باز دعوت اولنهرق اجرا ایده جکی هنرلر
تماشا اولنور. گاهیجه دخی « اسپریتست »
ویا خود « مدیوم » دنیلن ذواتدن بری دعوت
اولنهرق اظهار ایده جکی عجائب و غرائب
کوریلور. بویله صورت عمومیه ده اشتغال ایدیلن
اکلنجه لردن ماعدا مانعه مانعه اوطوروب
قونوشان جماعتلرک هر برینک حالی جای
ضیافتلرینه براز بکزر ایسه ده خارجدن کلوب
قائیشه جق اولانلر صحبت جارییی تعدیل
ایده بیلله جکلرنندن جای اجتماعنده کی لطافت
ینه بونلرده بولانه من.

بر سهو و ارمیه کیدلدیکی زمان اوراده هنوز
معارفه پیدا اولماش ذواته دخی تصادف ایدیه
بیله جکندن بونلره تقدیم و توصیه اولمق ارزو
ایدلدیکی حالده اولا مشترک بر دوسته مراجعت
اولنور . اکر مشترک دوست بولنه من ایسه
صاحب و صاحبۀ خانیه مراجعت ایدیلور . بونلر
اوپره زانته اولمق ایستیلن آدمدن بالاستیدان
نائل مساعده اولورلر ایسه کلوب بره زانته
ایدملک ایستینی بولورلر کوتورلر بره زانته ایدرلر .
اگر آرامغه کلزلر ایسه شاید اونوتمشلدردیه
ایملک ایدیلن رجایی بردها تکراروتأ کیده قالقشما .
مدیر . زیرا آنلر اونوتمشلدردیه . ایاجیلک
وظیفه سنی ایفا ایتمشلدردیه . فقط رخصت
اله مامشلدردیه شوعدم موفقیتلرینی اورتهیه قویمنی
موافق نزاکت بوله مدقلری ایچون خبر
ویر مامشلدردیه . اما بوعدم موفقیتدن طولایی

اول قدر متأثر دخی اولماملیدر . تأثر وتأسف
بووساطتی ایفا ایدنه عائددر .

تکلیف ایلدیکی ذاتی قبول ایتدیره مامک
قبوله غیر شایان ذوات ایله مناسبتی اولدینی
یوزینه اورلمش دیمکدرکه اکر واسطه بویولده کی
تحقیقات بعیده بی دخی هضم ایدهمیه جک قدر
مغرور آدملردن ایسه بو حقارتک التنده قالمامنی
بیله کوزه آلدیرر .

سوواره لرده ساعت اونبر ایله اون ایکی آره سننده
اوشاقلر مسافر لره سرینلک مشروباتی توزیعنه
باشلارلر . اوکده بر اوشاق شروب پونج کی
مشروبات قدح لری مملو بر تپسی ایله صالونه
کیروب آرقه سنندن دیگر بریسی دخی بوش تپسی
ایله کیررکه برنجی اوشاغک توزیع ایلدیکی قدح لر
ایچلدکن صکره بوشلرینی دخی ایکنجی اوشاق
طوبالار . سوواره لرده مادموازلار و مسافر

دلی قانلیله خدمت تکلیف اولنه مزه نصف لیندن
صکره جه یمک صالوننک قبولری آجیله رق مسافر لر
اورایی دخی زیارته مختار قالور لر . بورایی
بر چای بوفه سی صورتنده تنظیم اولمشدر .
لکن پاتسری نامیهله خمیردن پاپلمش شکرلی
شکرسز یاغلی یاغسز ما کولانک انواعی مبذول
اولمق لازم کلدیکی کبی بعضاً بر صغوق هندی
و بر صغوق بوط و سائر دخی بولندیر لر .

طالب و راغب لر چوق و سفره کوچک ایسه
هر کس آیاقده یر ایچر . یرک مساعدده سنه کوره
بعضاً یالکز قادینلر و بعضاً یالکز اختیار قادینلر
اوطوروب ذوات سائر نک کافه سی آیاقده یر
و ایچر لر . مسامره لر کیجه یاریسندن صکره ساعت
ایکی به و بعضاً دهها زیاده یه قدر دوام ایلدکلرندن
چای ایچوب یمک صالوننه کیدلدکن صکره دخی
ساعت بر پچغه طوغری اوشاقلر شروب ونشو

پونچ کبی توزیعانی بردها تکرار ایدرلر . حتی
بو ایکنجی دفعه توزیعانده طوکرده دخی فنا
کورلمز .

ایشته « بالو » اطلاق اولنه میه جق درجه لر -
ده کی مختصر مسامره لر بوندن عبارت اولوب
رقص دخی علاوه اولنورایسه ایش بالودرجه سنه
واصل اولمش بولنور . ذاتاً بالو دخی مسامره
دیمک اولوب فقط رقصک ده انضمامندن طولایی
« سوواره دانسانت » تعبیر اولنورکه « مسامره
رقصیه » دیمک اولورو آکا دائر بعض آداب آشاغیکی
بابده بیان ایدیلور .

بالولر

بربالویه دعوت اولمق وکړک اندن اول وکړک
آندن صوکره تشکرو یا اعتذار ویزیته لرینه کیدمک
وار ککړ ایچون سیاه وقادینلر ایچون ده قوله

کینمک و دعوت اولنان یرم کیدوب خانه صاحب
 و صاحبہ سیلہ کورشده کدن صکره خلق ایچنه
 قاریشماق ماده لری هپ یوقارو کی بایده مسامره لر
 حقنده بیان اولنان قواعده عیندر . شو قدرکه
 صاحب و یا صاحبہ خانه برکیسه ایله رقص ایتمکه
 بولنور ایسه اول بول آنلری سلاملامق غیرتنده بعض
 ایجاب ایتیب همان حضار موجوده ایچنه قاریشی
 ویرملی و بعده آیاقده کزینیلور ایکن صاحب
 و یا صاحبہ خانه یه ایلمک تصادف ایدلدیکی زمان
 سلاملامق وظیفه سی ایفا ایلملی . بالو اقشاملرنده
 بونلر مسامره اقشاملرندن دها زیاده مشغول
 اوله جقلری جهتله رسم سلامی اوزاتمغه کلز .
 نه قدر ممکن ایسه او قدر قیسه کسمک مرجحدر .
 مسامرات رقصیه ده یعنی بالوده اساس مقصد
 رقصدن عبارتدر . بو وظیفه اول بول صاحب
 خانه ایله اوغللری وار ایسه آنلره واقرباسنه

تعاق ایدر . بونلر نه قدر دعوتلی قادین وار
 ایسه یاشیجه و جان و شایجه او ینامغه مستعد
 و حقیقی بوانلار بئک کافه سیله رقص ایتمهک مجبور
 درلرکه یالکیز بو مشغولیت ییچاردلری کرکی کبی
 یورمغه کافیدر . بونک برعینی مادام ایله قزلرنده
 واقربادن اولان کنج قادینلردده واردر . زیرا
 بالویه کیدن دلی قانلیلرک کافه سی رقصه باشلایه
 جقملر ایسه سائر قادینلردن اول خانه صاحباسی
 و یاخود قزلریله رقصه مجبوردرلر . اکر بو
 کنجیلرک مقداری دهها زیادهجه ایسه خانه
 صاحباسیله قزلرینک یورغونلقلری دهها زیاده
 آرنار . بالیه باقملی که مسافرلردن برکنج مادام
 و یاخود مادموازی رقصه دعوت ایتمز ایسه
 حقنده حرمتمسزک ایتمش اولور . مادام و یاخود
 مادموازل دخی بونلرک ایتدیکی دعوتده اجابت
 کوسترمز لر ایسه حرمتمسزک ایتمش اولورلر .

شو و ایکی طرفلی مجبوریته دن دخی مزعج
بریور غلق استنتاج ایدلش اولور. مسافر لردن
اویونجی کنج لر ایلاک رقص لرینی خانه صاحبه سی
ویاقزی ایله اجرا ایلدکن صکره رقصه مستحق
دیگر قادی نلری کوزدن کچوروب آره لرند بوندن
اول خانه سینه دعوت اولمش بولندیغی قادی نلر
وار ایسه آنلری سائر لرینه ترجیح ایتملری ده
مجبوریدر .

مسامره یه چای ضیافتدن ده اکیچ کیدلدیکنی
خبر ویرمش ایدک. بالویه ایسه مسامره دن ده ا
کیچ کیدیلور. هله پارسده بالویه تام نصف ایله
قدر کیچ کیتمک کبارلق عداو لنوب کیدر کیتمز رقصه
باشلانیمه رق بر از صکره باشلامقده کبارلغک متممی
عد ایدلدیکندن بالونک نهایتلری بعضاً کوندوزه
قدر وارر . ایمدی رقص ایتمک هم حق هم
وظیفه سی اولان برکنج رقص ترتیباتی اکا مخصوص

اولان پروغرامدن کوزلجه بالتبع اویله بر صورت
حسنه ده تعیین ایلرکه اوینامسی ضروری اولان
قادینلردن بعضلرینی اونوتمق کبی غیر قابل عفو
قصورلردن کندیسنی قورتارر .

بر قادین رقصه دعوت اولنه جنی زمان یالکز
سلا ملامتی وضعدن عبارت بر دعوتله اکتفا
ایلمک نزا کته صیغمز . هله فرانسه ده بودعوتی
اوفاجق بر نطق صورتنده یاملیدر . مادام ویا خود
مادموازل ایسه عنوانی اکاکوره تعیین ایدرک
« شو اوینانه جق بولقایی بر لکده اجرا مشرفیتی
امید ایلیه بیلور مییم ؟ » یوللو براستیدان ایتلیدر .
اوزمان قادین اکر قبول ایده جک ایسه
« ممنونیتله افندم » دیه اجابت کوسترر . اکر
معذور ایسه « فوق الحد تأسف ایدرم که ... »
مقدمه سیاه جواب ردینی اعطایه باشلار . اما او
بولقایی بر بشقه سنه وعد ایتمش ایسه صاحب

مراجعتی مایوس ایتماک ایچون دها صکره کی
 او یونی مطلقا اکا وعد ایدر . اکر بالکلایه
 معذوریتمدن بحث ایدر جک ایسه او حالدو بالونک
 نهایتنه قدر بشقه برکیمسه ایله دخی اوینایه مزه
 اما بو حل قاملایا بالولرینه مخصوص اولوب
 عمومی بالولرده حتی مدعولرک پک زیاده کثرتندن
 طولایی یسه عمومی بالو حکمنی آلا ن سفر
 بالولرنده وباخصوص برواپور صالوننده اجرا
 اولنان رقصلرده قادینلر ایستدکلری آدملر ایله
 اوینایوب ایسته مدکلری آدملر ایله اویناماق
 حقنه مالیکدرلر . یورغونلای دخی برقادین ایچون
 رقصه ایدیلان تکلیفی رده عذر اوله بیلور ایسه ده
 دیکاندکن صکره یسه مطلقا تکلیف ایدن ذات
 ایله اویناملیدر . هله بو مجبوریت قزلر ایچون
 دها بیوکدر .

قادیناک بر رقص ایچون ویرمش اولدینی وعدی

اونوته بیلمسی دخی ممکن اندندر . باخصصوص
 بهض پک کوزل قادین و قزله رقصنه رغبتکار
 ارککار دخی پک چوق بولنه جغندن و موسیقانک
 هانکی ساعت و دقیقه ده هانکی او یون هوالرینی
 چاله خنی دخی ارلدن قرارلشدر یلوب پروغرا-
 ملری تنظیم ایدلمش بولنه جغندن قادینک ده
 اواقشامکی رقصلر بیک کافه سی رغبتکارلر
 طرفندن آغزه ایدلمش بوانور . اوقاین ایچون
 شاشرمق خطا ایتمک دهها زیاده محتمل اولور .
 بوخطالر ایسه قادینلر و باخصصوص قزله ایچون
 غایت عبیدر . بناءً علیه آنلره کوزل کوچک
 دفترلر یا یلوب ویریلور و بولر برده قورشون
 قلم معاق بوانور . قادینلر اودفترلره هانکی
 رقصلری کیماره وعد ایتمش اولدقلر نی قید
 ایدرلر . ذاتاً بالونک رقص پروغرامی بودفترلره
 مطبوع بولندیغندن ایده جککری قید هر رقصی

کندیلرینه وعد ایتمش اولدقلری آدمک اسمی
 یازمقدن عبارتدر . برقادینک رداید جکی ارککه
 اک مقبول عذری دخی بودفتری کوسـتره رک
 « ایشته موسیو پک تأسف ایدرم که بورقصی
 فلانجه ذاته وعد ایتشم » یاخود « پک تأسف ایدرم که
 رقصلمک کافه سی وعد و اشغال اولنمشدر » دیمکدر
 بو حالده آرتق ارکک ایچون سـویله جک هیج
 برسوز قالمز . ذاتاً قادین بودفتری کوسـتروب
 اثبات مدعایه مجبور دخی دکلدریا ! سویلدیکی
 سـوزه اینـانق حجبـورتی ارککه عالمدر .
 یالان سویلمش ایسه بالآخره کیملرله اوینادیغی
 کوریلهرک یالانی میدان چیقارکه بویله برعیبی ده
 قادینلردن هیج بریسی قبول ایده مز .

بر قادینی ویاخود بر قزی بر رقصه دعوت
 ایدرک موافقتی ده استحصال اولندیغی فقط
 هنوز اورقصک صره سی کلدیکی وقت قرار

واقعی اونو تمامق ورقص، مذکورک زمانی کلد -
 کده همان قوش-وب قادینی اویونه قالدیر.ق
 ارککلرک اک بیوک وظیفه لرندندر .

بوبابده نسیان و خطا اصلا معذور کوریله مز.
 حتی سوز و یردیکی حالده کیدوب رقصه قالدیر -
 منی قادینک بابامی قوجه سی قرنداشی کبی وایسی
 ویاخود کندینه تودیغاً بالویه کوندرلمش اولان
 قوالیه سی اوبچاره اونوتغان حریفک یانه کیدوب
 اوصورتله قادینه ایتمش اولدینی حقارتک انقاهنی
 آلمغه قدر واررلر. آنلر دخی کندیسنه برحقارتله
 اکتفا ایدرلرایسه ینه لطف ایتمش اولورلر.
 بوایشک صوکی دوئللویه قدر منجر اواق بیله
 محتملدر . حتی بر زمان قوجه مان بر رومان
 اوقومش ایدک که زمینک خلاصه سی بر وجه
 آتی ایدی :

موسیونک بریسی کنج وکوزل بر مادامه عاشق

اولہ رق پک چوق ارقہ سنہ دوشمش پک چوق
 یالوارمش یاقارمش ایسہ دہ بر درلو موفق
 اولہ مامش . فقط عاشق افندی او قدرت مزعج
 و مصرایمش کہ قادیں بروجه ایله حریفک تمقیباتندن
 قور تیله میور ایمش . تضیقہ اتندہ بو قدر اصرار
 ایتمہنی پک چوق رجا ایلدیکی حالده ممکن دکل
 رجائی قبول ایتدیرد مامش . حریف تہدیدلرہ
 بیله قیام ایتمش . قطعاً مایوس ایدیله جاک اولور
 ایسہ برافتر ایله قادینجہزک حیثیتی اخلال ایدہ .
 جگنی دہ مقام تہدیددہ آغزندن قاچر مش .
 نہایت قادیں اچون شوو حریفدن بشقہ درلو
 قور تلمق چارہ سی قالہ رق آرمہ بر مانع قطعی
 قویمنہ لزیم کورلمش . عاشق و معشوقہ بر کیجہ
 معتبر بر بالودہ یکدیگرینہ تصادف ایتمش لر .
 عاشقک حالی معلوم یا ؟ قادیندن رقص استدعا سنہ
 قیام ایله رجالینی بر چوق کرہ تکرارہ دخی

جسارت آلمش . قادين هييج بر رجانه موافقت
 کو-ترميو ب عاتقي-أبوساً اعاده ايلدکن صکره
 « قارنه » تعبير اولان مهورد مبنی مبنی دفترينه
 براويون مقابلنه عاشقنك اسمنی يازمش . بواويونه
 کنديسنی دعوت ایدن سائر « قوالیه لرده » دخی
 عاشقك اسمنی یاد ايله فلان افندی یه وعده
 ایتمش اولدیغنی بیانه عذرلر دیله مش . رقص مذکور
 اوینانمغه باش-الادقده عاشق بی خبر بالطبع
 معشوقه-نی اویونه قالديرمغه کلامش . بوکاپك
 چوق کیمسه لر دقت ایتمز . باخصوص او رقصی
 کندیلری ایستدکاری حالدده جواب رد آلازلر
 ده زیادده دقت ایتشلر . قادينك اویونه قالقما-
 مسنك سبی او آدم طرفندن دعوت اولندیغنی
 ودعوتنه اجابت دخی ایلدیکی حالدده وعده
 خلف ایدمش اولسنی قادينك دخی سویله-سی
 اوزرینه تحت حمایه-سندده بولندیغنی قوالیه

(کہ او دخی قادیئہ عاشق ایش) بالطبع
 او افندیئک یانہ کیدرک ایضاحات ایستہ مش .
 عاشق افندی « خیر اویلہ برتعد و قوع بولامش
 ایدی » دیش ایسہدہ بالونک مبادیسندن بری
 بیـک دفعہ قادیئک یانہ صوقیلوب دعوت
 ایلدیکی کورلمش ایکن بوجوابہ اینامق قابلمی ؟
 جواب مذکور انکار التزامی یہ حمل اولہرق
 ایش دوئللویہ منجر اولمش ویسچارہ آدم اوہوزی
 باشندن برقلیج یارہ سی یدکن صکرہ شو وقعہ
 ارتق او قادیئ ایلہ محافظۃ مناسبتہ مانع اولہرق
 قادیئ دخی حریفک النـدن قورتلمش . قادیئ
 حیلہ سی بو ! ...

بر قادیئ ایلہ او یونہ قالمدینی زمان بمضاً
 او یون آردلرنده قادیئ دیکلنمکہ لزوم کورہ بیلور .
 ہاہ قادریل لانسہ کی او یونلر دہ مرتب فاعلہلر
 دخی واردر . بوکی توقفلر اناسنندہ قوالیہ

قادينك يانندن هيچ برطرفه آيرليوب كرك
 اويون نوبتلىرىنه و كرك قادينك دفعه آيىنه منتظر
 بولمليدر . قادينك يانندن آيرلىق ومله اواشاده
 بشقه قادينلر ايله سويلشمك اشارتلشمك
 كندى رفيقه سى حقننده قيدسزلىق وحق
 حقارت عد اولنور . بوتوفقلر ائناسنده قادين
 ايله صيقى فىق قونوشمق كولوشمك دىخى خوش
 كورلار . اوروپاك بوكى خصوصانده ظاهرأ
 آداب درجه رعايتلىرى پك زياده وهمده تحت
 مجبوريتده بونوب مثلاً اويونده قادينك كندى
 الى اچننده طوتدينى الى صيقمق وهر درلو
 معنالى حاوى نظرلرله تبسملرله باقمق وبعضأ
 لفظ واحددن عبارت بر سوز ايله بيك مرام
 اكلامق والحاصل اوقادينك استعداد مخصوص
 هوا پرستيسى هانكى درجهيه قدر مساعد ايسه
 طاشقنلقده اودرجهيه واردقن صكره براز دها

ایلوو یه بیله کچمک شو ایکی هم حال سرداش
ایچون ممنوع اولدقدن فضیله باکده نربله عد
اونور ایکن ظاهر حالده کویا یکدیگر ینک هوا
وهوسندن قطعاً مستغنی ویا کلیاً مجتنب ایمشار
کی طورانق لازمدر .

اوره پاده کنج اولانلر ایچون رقصارده مهارت
تامه پیدا ایتک حسن تربیه نک برنجی لوازمند
ندر . رقصده مهارت اولدینی حالده مجرد کوزل
قزلرک کوزل قادینلرک نازک میانلرینه قول آتمق
هوسسیله او یونه کیرشمک کندینی خلقک اسان
تزییفه آتمق دیمکدر . زیرا بوبله اولان او یونجیلر
قادریل ولانسیه کی مجتمعاً اوینانان او یونلری
عجیلاک بلیه بلیه بوزارلر وپواقا والس مازورنه
صوتیش کی او یونلرده کندی رقص ایتدیردیکی
ویا خود کندی جوارنده رقص ایلین قادینسک
فتانه باصمق ویا کندی دوشمک ویا بقالرینی

دوشورمك كې قضاالرده يول آچار. بوتضالره
 سببیت کوسترمك عادتا كپازه لكدرد . و اسفاكه
 امشالی ده پك چوقدر . بالومی ایله آینه کی
 پرداخت ایدلمش بالو پارکلهری اوزرینه بویلی
 بوینه اوزانوب بیقلمش واک فناسی حین انهدامده
 رفیقهنی دخی برابر آلوب دوشورمش اولان
 عجمی اویونجیلره بتون بالو خلقنك لفظاً
 آجیدقلری حانده وجهاً قهقههلرله کولملری
 مشاهدات نادره دن معدود دکلدر . بونکله
 برابر کنج آدملرک رقصلره اشتراک ایتیمه رک
 یالکز برکوشه ده مسکین مسکین آیاقده طورورق
 سیر و تماشا ایله وقت کچیرملری دخی پک
 صفوق درشر . بویله او یون بیلمین کنجیلر
 ایچون طاریق اسلم دعوت اولندقلری بالورله
 هیج کیتماکدر . برکت ویرسون که بزم شرقلیلر
 ایچون بالورده رقص ایتک تحت مجبور یتده

دکلمدره بزم عادت ملیه وقومیہ مزدہ رقص
بولندیندن بحثله « بیلیم » دیمک عذر مقبول
یرینه کچر وبواعترافده بولن ان شرقیلر تعیب
دخی اولمزلر .

بالولرده کاغذ اویونلری دخی جمله لوازمین
اولوب حتی هر درلو اویونلر ایچون مخصوص
اوطه لر کشاد و ماصه لر تأسیس اولنور ایسه ده
بالولرده کی قمار اویونلری حقنده بیلیمسی لازم
کلن بعض شیلر واردرکه آنلر دخی بیلیملیدر .
واقعا اوروپاده قمار مراقی اگرچه همان هر طرفه
تعمم ایتمش ایسه ده قمار بازاق اساساً ینہ
معیباتدندر . وفرت ثروت وسامانلرندن طولانی
نوع بشر ایچون ممکن اولان ذوقلرک کافه سی
بالتذوق همان بشقه اکلنجه سی قالمیانلر ایچون
اماتہ اوقاته قمار اویونلرینی مدار اتخاذا ایتک
تجویز اولنمشدر . پک زنکیکن اولمدینی حالده

اختیار لقمه دن طولای ذوقلری قماره منحصر قالانلر
 دخی بویله در . لکن یاشجه کنج وکیسه جه
 زوکورت اولوبده قماره زیاده سیله هوسکار
 بولمق استفاده نقدییه بی بویوله آرامق دیمک
 اوله جغندن قمار بازلرک بومقوله لری معیوبیتدن
 اصلا خلاص اوله مزلر . بالولرده ایسه قمار
 ماصه لری عادتاً علی العموم بویله سفاهت قمارى
 کندیلرینه مباح عد ایدلره مخصوص اولوب کنجلر
 ایسه رقص ایله عادتاً موظفدرلر . یاشلیرله قمار
 ماصه لری کشاد ایدلامش اولسه یالکز او یونلرک
 تماشاسیله کندیلرینی اکلندیره بیلمک قابل اوله من .
 کنجلر ایچون رقص مجبوری عد ایدلیوبده قمار
 ماصه لرینه دوام مستحسن کوراسه قادیلری
 صچرانه جق اوینانه جق آدم بولنه من . ایشته
 بوسه بیلره مبنی قارتلره ک زیاده یاقیشق آلان شی دخی
 رقص سالونلرنده هیبت مخصوصه لریله قزلرینه ک

کلینلرینک واکثریا کورلیدیکی اوزره زوجهلری
کنج ایسه آنلرک شوق وانبساطلرینی قیرمقسزین
قار او طهلرینه چکلمکدر.

اے شیق تریهلی نازک دلی قانی رقص صلوه
ننده دخی شایقه سنی النده طونار . بونک ایچون
آچیلور قیانور یایی سلندیر شایقه لر واردرکه
قاندیغی زمان بر بیسوک برداق قیغی ویاخود
سفره نهاله سی صورتی الور . دلی قانی بوشایقه یی
یا النده یاقولتوغی التنده بولندیردینی حالده
کزینور . رقصه باشلایه جنی زمان شایقه یی رقص
رفیقه سنک اوطور مقده بولندیغی صندالی نك الله
قویار . اونیفورمه لابس اولانلر دخی رقص
ایده جکلری زمان قلیجیلرینی بوا سکملیه نك الله
براقورلر . شایقه و قلیجی بوا سکملیه نك الله
قویمقده کی حکمت کندیلری رقصده ایکن
اواسکملیه بشقلرینک اوطورمینی منمدر .

زیرا رقصك ختامنده رفیقہ سنی ینہ اورایہ قدر
 کوتوروب او طور تہرق برده تشکر دن صکره
 یانندن آیرلق قوالیہنك وظیفہ سیدر . دیمك
 اولیوركه هانكی اسكلمهك ویاخود قنایهك
 التنده شایقه ویاخود قلیج کوریلور ایسه آنك
 اوزرینه او طور ماملیدر .

کنج قزلر بالورده والدملرینك ویاپدر ویاخود
 کندیلرینی اورایہ تحت حمایه لرندہ کوتورمش
 اولان ذرايك او طور دقلری یردن بشقه هیچ
 بریرده او طورده مزلر . بونلری او وایلر ك مساعده سیله
 رقصه قالدیران ذات دخی ینہ اویره کوتوروب
 تسلم ایدر وقزدن اول وایلره تشکر ایدوب
 باده قزه دخی تشکراخی تقبیم ایلر .

بمضاً رقصدن صکره قوالیه لر رفیقہ لرینی بوفیه
 کورورلر . قزلری یالکیزجه بوفیه کوتورمك
 جائز اولیوب قز بو آرزوده ایسه اولا والدملرینك

یانسہ کوتوریلہ رک آنی دہ برابر آلدقـدن صکرہ
 بوفہ یہ کیدی لور۔ قادین اولور ایسہ یالکـزجہ بوفہ یہ
 کوتورمک جائـدر اما قادینلر میانـدن پک تازہ
 طولار دخی قز حکمـندہ طوتیلورلر۔ برلکـدہ
 رقص اونان کرک قادیـندن کرک قزدن اندہ کی
 بوکتـدن ویا خود باشـندہ کی قورساژندہ کی چیچکلر۔
 دن برچیچک ویا بویولـدہ بشقہ برشی ایستہ مک
 غایت بیاغیلک عد اولور۔ ذاتاً کنـدیسـندن بویـلہ
 برطلب وقوع بولان قادیـن ایچون جواب رد
 ویرمک دخی محقـقدر ۔

بالودہ کرک ارککلرک کرک قادیـنلرک الـدیوان
 چیقـسارملری اصلا جائـز اولیوب ہلہ للرنـدہ
 الـدیوان بولمـدیغی حالـدہ رقص ایتمک بالکلیہ
 معایبـدن عد اولور ۔

بعض قادیـنلر کرک چرکینـلکلرنـدن وکرک فقر
 حالارنـدن طولانی رقص ایچون راغب بولہ مزلر ۔

کوزلری کنج ویاخود زنکین مقبل قادینلرده
 اولان کنجلر بو بیچاره لری رقصه دعوت ایتزلر.
 صاحبه خانه بونلره دقت ایدرک تکلیفسز دوستی
 اولان ارککلردن بوقادینلری رقصه دعوت
 ایتلرینی التماس ایلر. او حالدده صاحبه خانه نیک
 رجاسنی همان قبول ایدرک اشارت ایتدیکی
 قادینی رقصه دعوت ایتلی اما بودعوتک برصدقه
 اولدیغنی زنهارا اکتایوب کویا کندیسایله
 رقصه مشتاق ایش کی طورانملی . صاحبه
 خانه وسائر جن فیکرلی آچیق کوزلی قادینلر
 بوجعلی اشتهایک فرقه واررلر ایسه ده شو
 یالانجیلقدن طولای اوزانی تعیب ایتک شویله
 طورسون بالعکس بونی حسن تر بیهسنه حمل
 ایدرلر. هله کندیسندن هیچ التماس وقوع
 بولمادیغنی حالدده بو حال شناساغنی بو خاطر سرازانی
 کندیلکندن یان ارککلر بین النساء قهرمانلر
 درجه سنده عالیجناب عد اولورلر .

انسانك ز يادہ سيله هوسكار اولدینی برکوزل
 قادین ایله قوجاق قوجاغه صاريله رقرقن ایتک
 نصف مواصله درجه سندن خوشه کیده جک
 احوال دن اولم سيله انسانك ز یانه خوشالانی
 قادینی قاج دفعه رقصه دعوت ایتش اولسه اول
 قدر دفعه دها دعوت ایتکی البته ایترا ایسه ده
 عین قادین ایله اوج دفعه دن زیاده رقصه جواز
 کوسترلمز. قادین دخی ایستسینه خوش کورنمز.
 « یکدیگرینک قوتوغدن آریلیور » و « برینک
 برونی دیگرینک اکسه سندن دئما تباعد ایتیور »
 و « غیر قابل انضکاک محب و محبه » کی ییک درلو
 سوزلری کندی علیملرنده جلب ایتش اولورلر.
 اما برقر ایله شانلیسی و یا خود تازه بر طول ایله
 طایبی بوقاء ددن مسته ادرلر. لکن بر آدم کباردن
 ایسه آنکه رقص ایتک بر قادین ایچون شرف
 صایله جغندن او آدم یا مکز بر قادینه حصر رغبت

ایتمیوبده بر کره رقص ایلمدیکی قادین ایله بردها
 رقص ایتمیه رک هپ بشقه قادینلری دعوت
 ایده جک وبوصورتله دها یک چوق قادینلری
 قوالیه کی شرفیله مشرف ایله جک اولور ایسه
 کندی کباراغنه دها زیاده جیبان بر حرکتیه
 بولمش اولور .

آز چوق کبارانه اولان فاملیا بالورلنده برقدی
 اویونه دعوت ایتک ایچون مطلقا اکا پروزانه
 اولمش بولمق لازم کلز . هیج پروزانه
 اولمش بولمادیکی قادینی وحتی قزی دخی
 رقصه دعوت ایدر . اوقادین او قز دخی قبول
 ایدر . زیرا او یله اولان بر بالویه دعوت ایدیان
 ذوانک کافه سی یکریکریله کفو ورقصه لایق
 اوله جملارینه شبهه ایدیله مز . لکن غازی نور
 بالوسنده ایش بویله اولمادیکی کبی یک غایه لک
 اولار رسمی بالورده عمومی غازی نو بالوسی

حکمی الہ بخشدن قادیسنلر و قزقر پرد زانتہ
اولخامش بولد قلمری ارککار طر فندن وقوع بولان
رقص دعوتلرینی ناز کانه رد ایتک صلاحیتینی
حائزدرلر . اوله یا ؟ بویله غلبه لک و عمومی
اولان بالولره کوچک بیوک ابی کوتو هر کس
کیرد بیلور . قادین ایسه قوالیه سی کم اولریغنی
بیلیمک ایستر . اما کرک عسکر به دن کرک ملکیه دن
اونیفورمه لابس اولان ذاتک بیساغی بر آدم
اوله ییه حنی میدانده دیمک اولدیغندن کدیسنه
پرد زنته دخی ایدلماش بولانسه دعوتنی قبولده
قادین انچون بر بآس یوقدر . اونیفورمه لابس
اولمیان آدم ایسه هنوز پرد زانتسه اولخامش
بولدیغنی قادینه اولاکندیسنی پرد زانتہ ایتدیره جک
برکیمسه آرار . اک اعلاسی صاحب و یا خود
صاحبه خانمیه مراجعت ایتمکدر . اوله مدبغی
صورتده او قادین و یا قزک حامیسی و یا اولیسی

اولان خانه قارت دوو بز بقی تقدیم ابدرك
 به زمانه اولتمانی و جا ابدی بیایور ایسه ده
 بو حرکت شو تقدیم ونوصیه بیوک بر احتیاجی
 اولدغنی کور نه چکندن و لوا احتیاج بر اوردیجه
 آراه جتی اولور ایسه نختده برده هوا و هوس
 مسخر اولدغنی کور به چکندن بوده کباراه
 بر حرکت عدا اولتمیز . برده حامی و واییسی
 طرفدن رد اولتی و برر ایسه محجو بنیت
 بودرجه نه تحمل دخی هر کس کاری اولمیز .
 بلکه رفیق ایله یکی قادین ایله ارکمت
 صبیقینی سوزلشوب کولوشمی عیب اولدغنی
 سوبلشمش ابدک . اودق قنق سوز ایتیری
 جائدر . بوندن ماعدا بر باوده بونان قادینلری
 بر معنی ایله اشارت ابدک بانشی کی آملره آملره
 دئر سوز سوبلشمش ثابت عیب صلیبیلور . بو حال
 بلکه بر اولمده مخصوص اولوب هر زنده

اولورسه ارلسون بشق لرینی پر مقلریله کوستردک
 یاننده کی آدمه تشریف ایلمک مییادن مدوددر.
 خصوصی ارلان بالورده حضارک دفع
 حرارتتری ایچون کونا کون ایچکیلری طوندور.
 مهلری حاوی بوفه لر بولدیریله جنی کی نصف
 ایلمدن صکره اوشاقلر واسطه سیله قد حلی
 تپسیلر اوزرنده مراتب شربتلر صیجق شرابلر
 پونجیلر طوندیرمه لر شکرملر فلانلر توزیعنه ده
 باشلانور. هله بوتپسیلر جله دن زیاده قار
 ماسه لری بولان اوطه لری زیارت ایدرلر. زیرا
 اویونلرله مشغول اولانلر بوفه لر هیج کیده
 نزلر. برده مسافرلرک کافه سی صوبه یه قالمق
 مجبوریتی اتنده بولمییوب ده اول کیتملری
 بلکده مطالب اولدیغندن هیج بر عزت
 واکرام کورمکسزین کیتامش ارملری ایچون
 بوتوزیماته لزوم کوریلور. صوبه یعنی کیجه

طعامی نصف ایلمدن ایکی اوچ و بعضاً درت ساعت
 صکره چیقاریلور. صوبه ایچون عادتاً بر ضیافت
 کبی یمک سالونی تهیه ایدلمشدر. فقط صیجاق
 و صولی یمکار بولغیوب اغایی صفوق اطعمه ایله
 مجهنز کوریلورلر. اگر مسافرلر چوق و برلر آز
 ایسه قادینلر اسکمه لره اوطورروب ارککلر
 آیانده طوررلر. بعضاً قادینلر بیله اوطوره جتی
 بر بولغزده هرکیس آیق اوستنده قاور. اوزمان
 ارککلر طباق و چقال بحقی تداریکله برر مقدار
 یمک آلوب قادینلر یدیرمک یعنی ایوازلق ایتمک
 خدمتیه مکلف اولورلر.

بومبجشده بالور احوالنه دائر سـویلدیکمز
 شیلرک نه قدر نائن اواریغنی معترفز. بویولدیکی
 اجتماعنده رعایتی لازم کلن قواعد و آداب او قدر
 چوقدرکه بحقی تعداد و تعریف یالکز اکا
 مخصوص جلدلر طولدرمغ، توقف ایلمر، مثلاً بز

یالکز قادینلردن قزلردن چیچک ایستمک مغایر
آداب اولدیغنی اخطار ایله اکتفا ایلدک . حالبوکه
نسوانک الارنده بولنان یلپازه و مندیله کی شیلره
طوقونمق و بونلری آنلرک الدن آلوب باقق
دخی معباتدندر . بویولده کی حرکات او قادینی
اوقزی بنمسمش اولمق دیمک اولوب بونک
ضمننده کی اهمیت دخی محتاج تفصیل دکلدر .
کذلک بر قادینک یلپازمسنی کوزلکنی فلاننی
قیرمق نوعندن بر قضا وقوعه کلانجه اوزون
اوزون اعتذارلره لزوم کوسترمکسزین قیریلان
شیئی همان کندی جینه قویمق والیقین بر زمان
ظرفنده انک بر مثنائی بالمبایعه تقیم ایلمک اقتضا
ایدوب فنط قیریلانندن دهاپک اعلاسنی کوندرمک
دخی قادینی محجوب ایلمک عد اولور . اگر
قیریلان شی پک بهالی اولوب ده عیناً تضمین ایتمک
او آدمک قدرت مالیه سی فوقنده ایسه ممکن مرتبه

بلورسزجه تعمیر ایتدیرمک مثانی تقدیمدن زیاده
موافق حال و مصالحت عداو اور . الحاصل بویله
اوافق تفك دها بر چوق شیر واردرکه آنلرک
کافه سنی بورایه جمع ایتمک قابل دخی اوله میوب
بونلر پییدربی اوروپا معاشرتنه کیرشدکجه
اوکر نیله جک شیردر .

قارت دوو یزیتلر

اورو پایه کیدن بر آدم ایچون قاردوو یزیت
بولمق برنجی ضرور یاندندر . قارت دوو یزیت
بر آدمک اصل رسمی هویتی دیمک درجه سند
مهمدر . هله برکره دائره معارفه و مناسبتی بویله
سفره لره سوو ارم لره بالولره کیده جک درجه لرده
توسیع ایدنبجه قارت دوو یزیتلرک لزومی بالکلیه
آرنار .

قارت دوو یزیتلری اصل یاپدیرمق یعنی نه جنس

کاغذ و نه قطعہ ونہ شکلدہ یازی اتخاب
ایتمک مسئلہ سی مودایہ تابع برشیدرکہ ہو کونکی
مودائی تعریف ایدہ جاک اواساق بیله یازن
اومودا دیکشور . بناء علیہ بونلری طبعہ
مأمور اولان مطبعہ جی بو بابدہ هرکسدن دها
عالم اولہ جغندن آنلرہ مراجعتلہ مقصود حاصل
ارلور . یالکز حاوی اولہ جقلمری عبارتہ لری
تعبین امرندہ برقاج سوز سویلنہ بیلور .

قارت دوویزیت استعمالی ایوم عثمانیلرمن
اچون دخی لوازم مدنیہ صرہ سنہ کیرمشدرہ
بونلری اعمال ایتیردکلمری زمان (فلان افندی)
ویا خود (فلان بک) (فلان پاشا) دیہ عنوانلریخی
دخی اسملریلہ برابر یازدبرمقدمہ درلرہ بوبابدہ کی
مطبوعاتلری نه اولدیغنی بیله من ایسکده
اوروپادہ ارککلرک کندی قارت دوویزیتلری
اوزرینہ (موسیو) کلمنی یازدیرملری عیب

صاييلور . بالىكز بر فاملياده قاديىنلرك ار كىلرك
 قارتلىرى بشقه بشقه اولادىن ماعدا برده
 ايكيى انچون مشىترك بر قارت يايىلهرق ايسته
 بوقارتلرك اوزرىنه « موسيو و مامان فلان » ديه
 قاديىنك ده ار كىلرك ده عنوانلى يازىلور . يوقسه
 ار كىل يالىكز كىدى قارتى اوزرىنه (موسيو)
 كىله سنى يازدىر ميوب اصل اسمى نه ايمى انك
 ايلك حرفنى يازدىقن صكره فامليا اسمنى تامىله
 يزار و بىلده الت طرفده ايكنجى سطر اولهرق
 مىلك و سىمىنى ده تحرير ايدىر . حقى قارتك بر
 كوش . سىمى اقامتكاهنى يعنى خانه سىنك سوقاغنى
 ونومروسىنى ده يازدىر مقىل كىلردن ارلمان و بىلده
 عايه اقامتكاهى مەروف بولمىل ذرات انچون جائز
 و طيب و آووقات كى خدمت عمر ميهده بولان
 و يا خود تجارتله اشتغال ايدن ذوات انچون واجىد .
 اكر بو آدمك قىرنداش و سائر اوفاميليا عنوانيله خطاب

اولنور اقرباسی وار ایسه او حالده اصل اسمنک
 یالکنز ایلمک حرفنی یازدیرمی کافی اولمیوب
 اسمنی ده تماماً یازدیرر . قادینلر ایسه کندیلرینه
 مخصوص اولان قارت دوووزیتک اوزرینه دائماً
 « مادام » کلمهسنی دخی یازدیررلر . فقط متأهل
 ایسه کندی وافتیز اسمنی یازدیرمز . قوجهسنک
 فامیلیا اسمنی یازدیرر . لکن بین الاقر با بشقه
 بر قادین دخی بواسم ایله یاد اولنور ایسه او حالده
 قوجهسنک وافتیز اسمنک یا ایلمک حرفنی یاخود
 تمامنی یازدیرر . قزلرک ویزیتہ کاغدی اولمیوب
 اقتضا ایدر ایسه والدولرینک قارتلری اوزرینه
 قهرشون قلمی ایله کندی اسملرینی یازارلر
 واسته مال ایدرلر . اما اوتوز یاشنی کچمش
 وقوجهیه وارمق هوسنی برامقش اولان قزلرک
 « مادمازل فلان » ديه کندیلرینه مخصوص
 ویزیتہ کاغدلری اولور .

اصیلزاد کالدن اولانلر قارتلرینک اوزرینه
 کندی خاندانلرینه مخصوص اولان آرمه‌نی دخی
 ریم ایتدیره بیلورلر. صفت رسمیه‌سی اولانلر
 آنی ده یازارلر. مثلاً «فلا نجه فرقه فریقی» و یا خود
 «فلا نجه محکمه اعضا‌سی» دیرلر. بنه‌اء علیه
 بزده دخی یا لکزامم و مخلصلری یازیلوب ده بعه‌ده صفت
 رسمیه دخی علاوه اولنور سه کافیدر کی خاطر ده کلور.
 واقعا او حالده او آدمک «بك» و «افندی»
 و «اغا» کی عنوانلری فرق اولنه‌من ایسه‌ده
 قارت دوو یزیت بر نوع امضا دیمک اولوب
 دوشونمایدر که امضایه دخی عنوان قونلمز. هله
 بزده امضالر اوزرینه لزومی کورلدکجه بیوک بنده
 و یا خود کوچک بنده قویق دخی لازم کلوب
 قارت دوو یزیتلر اوزرینه بونلر قونلدیغی حالده
 بیوک برذاته تقدیم اوله‌جق قارته فضله اوله‌رق
 برده افدی و بك و پاشا کی عنوان علاوه‌سی
 بتون بتون جای استغراب کوریلور.

قارت دوویزبتلرک نره لردنه مناسبتلر اوزرینه
 نصل اعطا اولنه جقلری مسئله سی دخی پک
 اوزون بر مسئله در . مأخذلر مننده کوره بیادیکمز
 درجه سنی یازده لمده قاله جق نقصانلرینی بوردما
 قارلر من قولایجه اکمال اید بیلورلر . زیرا
 ایش بر کره شویازده جقمز درجه ده اوکرنیلورسه
 بو عاده کرکی کبی الشمس دیمک اوله جنلرندن
 اکسیک قاله جق برلرینی ده بشقلرینک کندیلرینه
 اید جکلری مامله لردن اکلا یوب اکمال
 اید بیلورلر .

قارت دوویزبتلرک اصل وضع لری تبریک ایچون
 ایدی . اولاری تبریک ایچون بر اقیلان قارتلرک
 بر زاویه معینه سی بوکیلوب قیریلور ایدیسه ده
 شمدی بو عاده رعایت اولم یوب اکثر یاساده جه
 بر اقله مقدمه درلر .

فقط بر ارکک ییل باشی وسائر یورطی کونلری

کبی ایام رسیده قامیلیا خاتونک عمومته بردن
 ایدءجکی تبریک ایچون قارت دوووزیت برافه جق
 اولورسه اوخانه ده موسیو ومادامدن ماعدا
 دهانه قدرقادین وارکک وار ایسه جمله سی وحتی
 با کردقزلراچوزده براقوب ارککلراچون براقوز.
 حتی بمضاً کندی ساکن اولدینی شهر وقصبه ده
 اوزاق یرلرده بولان احبایه دخی پوسته ایله
 تبریک قارتلری کوندریله بیلور. کندی ساکن
 اولدینی یرده کی احبایه پوسته ایله قارت دوووزیت
 کوندرمک لایق اولیوب مظاروفاً براوشاق بدیله
 ارسالی جائز ایساده بوبیله سیوا بر حرمت یرینه
 قائم اوله من. بذات کونوروب بر ققی دهانزاده
 موافق نزا کندر. لکن برخلی زماندنبری امور
 خیریه دن بریسنه اعانه بر مقصدار یاره براقق
 صوریله بو وظیفه تبریکه دن قورتمق دخی
 مودا اولمشدر. بزم استانبولده همان هر سنه

قرہ دکز بوغازندہ کی جان قورتاران نفرانی اچون
 برمجیدیدن اقل اولماق واوست طرفی ویرنلرک
 سروتنہ قالمق اوزرہ لوانت ہرالد غزتہ خانہ سنہ
 ارسال اولنان اعانہ نقدیہ ییل باشی یورطیلری
 ویزیتہ لرنندہ قارت دوویزیتہ لرنندہ انسانی
 وارستہ و معاف ایلمکدہ در . شو ییل باشی
 یورطیلرینہ دائر اکا مخصوص اولان فقرہ دہ
 دخی بعض مسائل درج اولنمشدر .

غالبہ لک بریرہ یاخود آرہ لرنندہ قرابت
 اولدیغی حالہ جملہ سی برخانہ دہ مقیم اولان
 برقاج فاملیا نزدینہ کیدیلوب دہ بونلر خانہ لرنندہ
 بولنمیورلرایسہ جملہ سنہ یالکز برقارت براقیلہ بیلور
 ایسہ دہ بوقارتک بتون خانہ خلقنہ مخصوص اولدیغی
 اوشاغہ ویاخود قپوجیہ صورت مخصوصہ دہ
 تنیہ ایتلیدر . بو حادہ اوشاق ویاخود قپوجی
 اوقارنی بتون خانہ خلقنہ ارانہ ایدرک مطلوب دخی

حاصل اولور . كذلك بویله غلبه لك بریره
 کیدوبده بعضیلری خانه ده و بعضیلری غائب
 بولورلر سه سالونده اولانلره ویزیت و یریلور
 و بولردن غائبلرک دخی حالاری خاطرلری
 صوریلهرق فقط طیشاری به چیقلدینی زمان غائب
 اولانلر ایچون اوشاغه ینه برقارت و یاخود
 هربری ایچون برقارت تسلیم اولنور .

بر دوست طرفدن یمکه و یاخود سه و وارمه
 دعوت اولندیغی زمان بولره کیتمزدن اول
 و کیتدکن صوکره اجراسی لازم کلن ویزیتلره
 بدل بالذات قارت دوو یزیت بر اقیله جنی کبی اوشاق
 یدیله اولمق شرطیله مظر و فادخی ارسال اولنه بیلور .
 بولرن ماعدا دوست اولان بر فاملیاده بر جنازه
 وقوعنه و یاخود دو کون اجراسنه دائر مطبوع
 بیاننامه لر کوندریلور و یاخود چو جق طوغدینی
 خبرالنور سه كذلك برقارت ارسال اولنور .

حتیٰ برخستہ ہواند فی زمان بلذات کیتمک واسمٰنی
دفتر مخصوص نہ قید ایتمک لازم کلور سہ دہ مخصوص
زوار دفتری بولندیرہ جق قدر کباردن اولمزایسہ
ینہ قارت براقیلور یا خود کوندریلور . بوقارتلرک
ہربری برزیارت حکمٰنی الور .

برسیاحتہ کیدیلہ جکی زمان اک معتبر دوستلرہ
بلذات کیدرک استحصال رخصت لازمدرکہ بوکا
«قونثرہ» یعنی مأذونیت ویزیتسہ سی دنیلور .
کیدلدیکی زمان او دوست خانہ سہندہ بولمزسہ
قارت دووویت برامقی لازم کلورکہ بوقارتلرک
اوزرینہ دخی p.p.c. حرفری یازیلور . «پور .
پراندر . قونثرہ» کلہ لرینک ایلمک حرفری اولوب
ممنہ سی دخی «استحصال مأذونیت ایچون» دیمکدر .
بعضاً او قدر اہمیتی اولیان دوستلرہ بلذات
کیدلیوب بوبہ یازیلی بررقارت مظروفاً دخی
ارسال اولنہ بیلور . سیاحتدن عودت ایدلدیکی

زمان ایسه معتبر دوسه تیره برر ویزیتیه ویرمک
 اقتضا ایدوب اگر حین عودتده اولیکی اقامتگاه
 دکشمش ایسه بالذات ویزیتیه کیدلدیکی حالدیه
 بیله یکی اقامتگاهی مبین برده قارت ویریلور .
 بالذات کیدلمیه جک اولان دوستلره یالکیز برقارت
 کوندرمک کفایت ایدوب اقامتگاه تبدل ایتمش ایسه
 انلرک اوزرینه ده یکی اقامتگاهی یازمق کافیدر .
 قادینلر هیچ بروقتده ارککلره قارتنی کوندره -
 مزلر . مکرکه یالکیز مسامره بالو ویاخود طعامه
 دعوت ایچون اوله . اگر قادین متأهل اولورسه
 بودعوت قارتنی دخی قوجه بیله مشترکاً ایصال
 ایدر .

بر خانه یه تبریک ایچون دکل ویزیتیه ایچون
 بالذات کیدیلوب ده خانه صاحبی خانه سنده
 بولنمزسه اوزمان براقیله جق قارنک صول طرفنک
 تکمیل کناری اوست طرفه یعنی یازینک مطبوع

اولدینی جهتہ طوغری بوکیلوب قیریلہرق
 اولہجہ براقیلور. بروفاندن صکرہ تعزیه زیارتی
 ایچون کیدیلوبده خانه صاحبی خانهسندہ بولنمز
 ایسه بویله بوکوک بر قارت براقیلور اما صاغ
 طرفینی بازینک نہایت بولدینی ظرفک کناری
 اشاغیہ طوغری یعنی مقوانک یازیسز جهتہ
 طوغری بوکیلہرک براقیلور. بعض کیمسہلر
 شو تعزیه قارتلرینک بر طرفنی آزیجق یرتمقلہ
 اکتفا ایدرلر.

بر غزته سنزک لہکزدہ بر فقرہ یازمق ویا خود
 بوبلہ خوشہ کیدہجک بر ایش حتی ہیج
 بیلمدیککز طانیدیفککز کیمسہلر طرفندن یاپلمق
 کی مناسبتلر اوزرینہ مظروفاً بر قارت ارسال
 اولنور ایسده اوزرینہ ہیج بر شی یازاز.
 عمومی بر محلدہ بعضاً انسان کندیکندیسنی
 بر کیمسہیہ پرہ زانتہ ایتمکہ مجبوردر. بو حال

اجنیلره دها چوق واقع اولور. حتی بشقه لری
 دخی کندی کندیلرینی سزه پره زانته ایده بیلور لر.
 بونی اولجه دخی دوشن مناسبت اوزرینه بیان
 ایلمش ایدک. او یولده وقوعه کله جک تقدیم
 وتوصیه لرده کندیسنی پره زانته ایده جک اولان
 آدم، یزیته کاغذینی تقدیم ایله نفسنی تعریف ایلر.
 پره زانته اولنان ذانک ده برویزیته کاغذی اعطاسیله
 معارفه واقعه یی قبول ایتمش اولدینی کوسترمک
 نزاکه لازمدیر. بعضاً دخی شویله عمومی
 بر محله بردوست واسطه سیله انسان بر کیمسه یه
 پره زانته اولنور سده اودوست کندی اوصافی
 لایقیله تعریف ایدمز. بوحاله پره زانته اولان
 آدم برویزیته کاغذی تقدیم ایدرکه کندی حقه ده
 ویریلن خبرلری متعمم عد اولنور دیگر
 ذات اکر پک معروف آدم لردن ایسه مقابله
 ویزیته کاغذی ویرمه که مجبور اولمز.

اصول معاشرۃ دائر کتاب یازانلرک بالانفاق
 حکم لربینه کوره چپلاق بر قارت دوویزیتی هر
 نرمیه اولور ایسه اولسون اوشاق واسطه سیله
 کوندرمک جائز اولیوب مطلقا بر ظرف درونه
 قویق ایجاب ایدر. ولوکه ظرفک اوستی بازلماش
 اولسون. فقط بالذات بر اقلدینی زمان مطلقا ظرف
 بر اقلملیدر. ویزیتہ کاغذلری اوشاق ایله می
 کوندرلش بوقسه بالذات صاحبی طرفندمی بر اقلملش
 اولدینی آنجق بوبله ظرفی ویاظرفسز بولمئسندن
 اکلا شیلور. برخانده موجود اولان نفوسه
 کوره هر برینه بر قارت تقدیمی لازم کادیکی زمان
 دخی جملہ سنی بر ظرف، قویق ظرف خصوصندہ
 طعم کاراق صایله رقی تحسین اولامیور. هر برینی
 آیری آیری ظرفلره قویق جہتی ترجیح
 قلمینور.

توتون

توتون مسئله سی اوروپا اصول و آداب
 معاشرت بجه او قدر مهم و مغلق مسائلند که آنک
 تذکار بی شمعی به قدر تأخیر ایش اولمق لغزیدن
 طولانی قارئلر من استغراب ایتسه لر سزادر
 انهای سیاحتده و حین اقامتده بعض برلرده توتون
 ایچیله میوب بعض برلرده دخی ایچیله بیله جکنی
 شمعی به قدر دوشمش اولان بر قایچ ناسبت
 اوزرینه اخطار ایلمش ایدیسه که ده مسئله ک اهمیت
 شامله سندن ناشی بونک ایچون شویله بر باب مستقل
 تشکیله لزوم کورلمکده در .

اوروپا جه قادینلریاننده توتون ایچمک قطعاً
 معایبندره . بچون ؟ اسبابی تعیین خصوصنده
 بر چوق سوزلر سویلنمش و حتی کویا قادینلرک
 سوردکاری دوز کونلرک صاراروب قراره جقلری
 جمله اسبابدن اولوق اوزره دره پانلنمش ایسه ده

اسباب مذکور بك هيچ بریسی قبول و تسام
ایدلما مشدر . مع هذا بومعیویت و ممنوعیت
اوروپا لیلرک سائر بر چوق عادات و آدابی کی بالاکلیه
سیبسنز و حکمتسنز دخی دکلدرد . توتون ایچمین
انسانلر ایچون توتون حقیقهٔ مزعجدر . حتی
اوزم مسک کی یکیکجه توتونلر مرکز قوقوسی بیله
توتون ایچمینلرک معدلرینی بولاندیروب
اوکسور و کلرینی دخی فنا حالده تحریک ایدر . هله
او آوروپا بک سرت وفا قوقولی توتونلری یالاکز
اوروپالی قادینلرک نازک صدرلرینه و حساس
معدلرینه دکل آبزیم کی توتون آالشقنی اولان
ارککلرک بیله معدده سنه صدرینه فنا تاثیر ایدر .
ایشته قادینلری بوزجندن قورتارمق ایچون
یانلرنده توتون ایچمک معایبدن عد اولمشدر که
بکده اصاب اولمشدر . اولور اولمز یرلرده توتون
ایچیله مامک عادت شدیده و مرعیه سی بک چوق

کیمسه لک شرفنا اے یادہ دوچار اولہاملرینی
 استلزام ایلمکده در . صانکه بزم بورالرده هر برده
 توتون ایچمه مساعده اولایورده اییی ایدیلور؟
 بعضاً قپوسی پنجره لری قپالی براوطه دروننده
 بش التی توتون تریاکیلری اجتماع ایدرک فاصرفاصر
 ایچدکلری سیغارملرایله اوطه ایچنده توتون
 دومانندن قره بلوطلر پیدا ایدلمسی ذوقه کیدن
 شیلردنمیدر ؟ رمضانده صیام حالیه علی العاده
 توتون ایچیلن براوطه یه کیرلدیکی زمان اوطه نک
 هر طرفه سینمش اولان زیفر قوقولرینی حس
 ایتماش آدم وارمیدر ؟

اما شرب دخان ممنوعیتک عادنا تربیه مدنیه جه
 بر قانون حکمی آلمسی و اوقانونک محافظه احکامنده
 تعصب درجه سنه وارلمسی دخی اوروپا ایلر نذرنده
 بیله تصدیق و تحسین اولنه جق احوال دن عد
 اولنمور . مثلاً بعض سالونلرده توتونک لقر دیسینی

بیله ایتک فحشیاته دائر افردی درجه سنده عیب
صایلمق کی که بوده تفریط دیمک اولوب افراط
فصل شایان تحسین اوله من ایسه تفریط دخی
اوله جه شایان تحسین اوله من . اصل فحشیات
درجه سنده معیوب عد اولمق لازم کله جک
شیئک دنیانک هر طرفنده هر قوم نزدنده معیوب
اولمی یعنی طبیعاً دخی مستکره اندن بولمقی
لازم کلرب حالبوکه بعض عادتلر بر قومک نزدنده
معایبدن صایلمدینی حالده دیگر قومک نزدنده
معایبدن صایلمامسی وبالعکس مباح و بلکه کده
محاسندن عد اولمقی واقع او اور ایسه او حالی
تعیب ایدنلرک بمضلری دخی بشقه جه شایله جق
و تعیبه بیله سزا کوریله جک احوال دن عداوانوره
مثلاً اوروپا بلرک باشلری آجیق اولمی علامت
تعظیم عد اولمق ایله بزم باشلر مزک قپالی اولمی
علامت تعظیم عد اولمق کی ! توتون دخی

بویله در . هم اوروپا کز ارقدرد تعیب ایادیکی
 توتون یالکز بزده او قدر تعیب اولماق له قالمیوب
 اوروپا نک دخی هر طرفنده توتونک دو چار اولدینی
 تعیب او قدر شدتلی دکلدز . بزم بو طرفلرده
 قادیسارک دخی بر طاقی ایچکلری کی روسیه ده
 رومایاده یونانستانده ایتالیا ده وحی فرانسه نک
 بیله جنوب طرفارنده برچوق قادیسار توتون
 ایچرلر . اوروپا نک اطراف سائره سنده اکرچه
 قادیسار دن توتون ایچنلر حقیقه معدوم قیلندن
 اولان نوادر دن ایسه لرده یانلر ندم توتون ایچلمسی
 تجویز ایدن قادیسار او قدر نوادر دن دکلدز .

بواحواله نظر آ توتون حقنده کی افکار و احکام
 آداب معاشرتہ دائر کتـاب یازانلر نزدندہ دخی
 متخالف و متناظر دہ اک زیاده رأیلرله ویریلن
 حکملر ایسه بروجه آتی تمداد و بیان اولنورلر :
 کلیسا کی اجتماعات رسمیه کی عقد نکاح کی

بالو کی سفرہ کی والحاصل قادینلرک ده قولته
اوله رق بوانه جقلری وبناء علیه ارککلرک دخی
سیاه قویروقلی ستری کیه جکلری محملرک کافه سنده
توتون ایچمک قطعاً وکلیاً ممنوعدر. بونک ایچون
هیچ براستنا مساعدده فلان یوقدر.

بوندن صکره مساعدده لرک برنجیسی برضیافتده
خانه صاحبی اولان ارکک طرفندن باشلار.
طعامدن صکره صاحب خانه سیغاره کتورتورک
اول بول کندیمی آلوب ایچر ایسه سائر
مسافرلر دخی بومساعدده دن بالاستفاده ایچرلر.
آرتق قادینلرک حضوری دخی مانع عد اولنه مز.
بوندن طولایی ارککلر تعیب دخی ایدیله مز.
شوجرائنک کافه مسئولیتی او مساعددی ویرن
صاحب خانه یه عائددر. توتون ایچلمسندن بیزار
اولان قادینلر او محلی ترک ایله کندی دائره لرینه
چکیله بیلورلر. بوندن طولایی خانه صاحبی

اولان ذات ايله قاریسی آره سنده بعضاً بیوک
 بیوک غوغالر دخی ایدلمشدر . زیرا قاریسی
 یاننده توتون ایچلمامک صورتیه ایدیلجک
 تعظیمی محافظه وظیفه سی اول باول قوجه سنده
 عائد اولوب مسافرلرینه ویردیکی مساعده ايله
 اووظیفه یی قوجه سی اخلاص ایتش اولورایسه
 بوندن طولای دیگر مسافر لره مسئولیت ترتب
 ایده مز . حتی صاحب خانه سیغاره کتورتوب
 تکلیف ایدرده مسافر لر ویاخود آنلردن بریسی
 سیغاره یه آلیشقیلنی معروف اولدینی حالد
 مجرد قادینلره حرمتسزلیکده بولمیه جغم دیه قبول
 ایتمامکده اصرار ایدر ایسه بودخی هیچ تحسین
 اولنه مز . زیرا او حالد صاحب خانه یه ویاخود
 سیغاره یی قبول ایدن سائر مسافر لره تربیه سزلیک
 حکم ایتش اولور . لکن صاحب خانه کندی
 قاریسی یاننده توتون ایچلمامسینی قطعاً آرزو

ایدرده بوبابده کیسه به مساعده و یرمیه جک
اولور ایسه هیچ بر کیسه کندیلکندن توتون
ایچمه که جرأت کوستردمز . مع هذا بومساعده
سز لکک قانون قطعی حکمی المش اولدینی
خانلرده برده فوموار یعنی توتون ایچمه مخصوص
محل بولغاید . اگر اوپله بر محل یوق ایسه
توتون تر یا کیسی اولان مسافر لک قادینلر
چیقدقن صکره طعام سالوننده توتون ایچمه
حقاری وارد .

بروایورک کزنتی محلی و قیرلق و صحرالق
وباغچلک یرلرده قادینلر موجود اولدینی حالد
دخی سیفاره ایچمک جائزدر . مع هذا توتونک
قادینلری تعجیز ایدجکی ایچمکون دکل مطلقا
قادین باندہ توتون ایچمک عیب صایله جنی ایچون
بورالرده ایچمک جهتی انزم اولور ایسه شہ یوق که
مستحسندر . هاله بویله آچیق و عمومی یرلرده

انسانك رفاقتنه قادين بولور وياخود كنديسي
 بر قاديننه عرض رفاقت ايدرسه توتون ايچمكينه
 قطايآ ممنوع حكمنى لور . بوكي برلرده دكل آ
 سوقاقره كيدر ايكن بيله بر قاديننه تصادف ايدلسه
 و او قادينك سزه سويليه چكي برشى ارله رق سزى
 ياننه چاغرسه سزك دغنى الكزده سيغاره بولنسه
 آنى بيله آتمق او قادين حقنده پك بيوك اثر تعظيم
 صايلور . لكن تعظيمك بودرجه يى مطلوب
 اولان يرلرده بيله اودرجه تعظيمه رعايتكار
 ار ككلرينه نوازدندر .

بر قادين برار ككه سيغاره ايچون مساعده
 ويره بيلورمى ؟ بوسـؤـالك جوابنى مادام لوئيز
 دالق و بر بيور . ديوركه : « بوسـؤـاله تصديق
 ايله جواب ويره بيلورم وايضاح مرام ايچون
 بلذات نظر مشاهده مدن كچميش اولان ايكي
 وقعهي ده حكايه ايدرم . وقعهنك بريسي شودر كه :

شرق طرفی اہالیسندن غایت فطین و ظریف
 اولہرق ہر جہتہ جالب انظار تکریم ہونہان
 بر ذات نفیس عثمانی تو تونہدن اعمال ایتدیکی
 سیغارہ لری ایچمکہ او قدر مبتلا ایدی کہ بوکیفدن
 نفسی محروم ایدہ بیلمسنہ امکان تصور اولنہ من
 ایدی . بر چاریک ساعت سیغارہ سز قالمش اولسہ
 اسنہ مکہ باشلا یوب شو پرہیز یارم ساعت دوام
 ایدہ جک اولسہ ذکائی غائب ایدرک شدتلی
 بر باش آغریسنہ دوچار اولور ایدی . بوسیدین
 طولایی قادینلر مجلسنہ نادرآ کلور ایدی .
 یالکز بر مادامدن ماعداکہ اودخی غایت مستثما
 و ظریف بر قادین اولوب بوذاتک محاضره سندن
 یک زیاده متلذذ اولمغله آنک حقنہ بر مساعده
 فوق العادہ اولمق اوزرہ خانہ سندنہ و کندی
 یانہدہ سیغارہ ایچمہنی تجویز ایلمش ایدی .
 اما بو شرقلی ذات دخی کندی مملکتک التریالی

رجالندن اولمسیله قادیندن نائل اولدیغی مساعده‌یی
 سوء استعماله دوچار ایتیموب از جمله محبه سنک
 نزدنده بوئنه رق سیغاره اچمه‌کنده بولندیغی زمان
 بشقه بر مسافرك ورودی اوشاق طرفدن
 اخبار اولور اولمز سیغاره‌سنی سوندیرر ایدی.
 ایکنجی وقعه شودرکه : یاشلیجه بر قادین اسکی
 دوستلرندن بریسه‌یله بر کون کز مکه چیقارق
 توتون تریاکیسی اولان دوستنه اننای مشی
 وجولانده کندیسنی سیغاره‌دن محروم بر اقامسنی
 رجا ایلدی ایسه‌ده تریاکی افندی بو رجاسنی
 قبول ایده‌مدی . قادین اصرار ایدرک : « جانم
 بزم صالونده بولندیغمز زمان مساعده‌می قبول
 ایدرک اچیسورسکزیایا ؟ » دینجه تریاکی افندی دخی :
 « اوت ! کمال لطف و مرحمتکزدن بو مساعده‌یی
 ویریسورسکز و بن دخی استفاده ایدیورم اما
 بوراسی مسیره عمومیه‌دره بر معتبر قادین یاننده

سیغاره ایچدیگهی کورنلرینی تعیب ایدیهیلورلر.
 باخصوص بشقه دوسهتیرکز سنزک یانکزده بنم
 سیغاره ایچدیگهی کورنلر ایسه آنلر دخی بونی مباح
 عد ایدیه جکلرندن اطرافکزده بر تریاکی جماعتی
 پیدا اولور. « جوانی ویرمک سیغاره نی بنه
 ایچماشدر »

امید ایدرم که شو ایکی وقعه بر قادینک نه کی
 حلالده ارککه سیغاره ایچمک ایچون مساعده
 ویره بیله جکئی وارککک دخی بوندن نه وجهله
 استفاده ایدیه بیله جکئی قارئ وقارنه لریمه نفهم
 ایچون کافی کوریلورلر »

بزدخی امید ایدرزکه قارئ منر نصیب الانک
 بوندن زیاده سنه لزوم کوسه ترمزلر . ارککلر
 ایچون سیغاره یه مساعده نی کندی طرفلرندن
 ایستامک نزاکته موافق دوشمیه جکندن بشقه
 ایستیه جک بیله اولسالر بعضاً قادینلر طرفندن

پك آغر جوا بلره دخی كندیلرینی دوچار
ایدرلر . ایشته ازجهله اوروپا ییلردن بریسی
اشنای سیاحتده توتون ایچمك ممنوع اولان بر
واغونده یالکیز برقادین یولجی ایله برابر بولماق
عقلمجه قادیندن ایتحصال مساعیه مدار اولماق
ایچون : « مادام ! یانکیزده سیغاره ایچلمسه
سزه فئالق ویررمی ؟ » سؤانی ایراد ایلمش
وقادین طرفندن : « ییلم افندم ! هیچ تجربه
ایتدیکم یوقدر . دائماً تربیه لی ارککلر ایله الفت
وانسیت ایتدیکمدن یانمده هیچ بریسی توتون
ایچمك تربیه سزلیکنی قبول ایتمامشدرکه توتونك
بكا فئالق ووروب ویرمیه جکینی تجربه ایتمش
اولهیم » جوابی آانجه محجوب قالمشدر .
بوقادین من جهة ینه پك درشته انه پك سرت
جواب ویرمشدر . مادام اوئیز داللك نقل
ایلدیکی فقره آیه محویتکارانه اولدینی حالمده

بوندن دها مؤثر ہم دہا لطیفندو۔ حکایہ ایدیورکہ:
 بریسی یاشلیجہ اولان ایکی قادین بر قطارک
 واغونلرندن بر یسنہ کیرمکہ طورانورلر۔ او
 واغونده بولنان ایکی ارکک بوقادینلر کیررلرایسہ
 توتون ایچہ میہ جکلری مناسبیلہ قادینلری دفعہ مدار
 اولق ایچون! «نوراسی توتون ایچیلہ جک واغوندر»
 دیرلر۔ حالبوکہ او واغونده توتون ایچیلہ جکنہ دائر
 موجود اولسی لازم کان یازیلر دخی یوق ایئش۔
 قادینلر بونک فرقہ واردقلری حالہ ینہ ایلدشک
 ایتیمک بشقہ برواغونہ کیرمکہ چالیشورلر ایسہ ده
 هیچ بر بوش واغون بولہ مدقلری کی قوندوکتورلر
 دخی «عرب لرد! عرب لرد!» دیہ باغرمہ باشلا دقلرندن
 قطار همان حرکت اوزرہ بولدیغی حالہ قادینلر
 نہ اولورسہ اولسونی کوزلرینہ کسیدیرہ رک ینہ ایلک
 دفع اوانہ ققلری واغونہ کیررلر۔ کیردکاری زمان
 سیغاره ایچمک اوزرہ بولنان ارککلر او واغونک

توتون اچمه مـ سـ اعد واغونلردن اولـ مـ اسی
 مناسبـ بـ یله بالجبوریه سیغاره لرینی آتمغه طوراندـ
 قلرندن یاشلیجه اولان قادین : « دوام ایدیکز
 افسـ دیلر دوام ایدیکز . ذوقکزی بوزمیکز .
 توتون اچمه بـ یله جـ کـ واغونلردن اولوب اولمـ دیغنی
 و بورادن سزکـ بزی تبـ عیده دکل بالعـ کس بزم
 سزی توتون اچـ یان واغونه کوندرمه که حقـ مز بولوب
 بولمـ دیغنی تـ خطر بـ یله اتمـ جـ کز . ذاتاً یانـ کـ زه
 ایکی قادیـ کـ یرمـ کـ تعـ جیزی سزکـ اچـ ون کافی
 اوله جـ نـ دن برده سیغاره لر بـ کـ زه مـ اعهـ تـ له تعـ جیزی
 برقات دها آرتـ یرمـ قـ ایستـ مـ یر » دیر ایستـ ده
 حر یفلر اولـ قادیـ نـ ره یالان سـ ویله هـ ش اولد قلرندن
 طولایـ فـ اـ حالـ ده محـ جوب قالد قلرندن بود فـ هـ
 ویردکاری مسـ اعدـ یـ قبول شـ ویله طور سون آنی
 نازکـ هـ بر جزای سز اوله رق باتـ اقـ غایت نازکـ هـ معـ اـ
 هـ لات ایله قـ با حـ تـ لرینی عفو ایتـ یرمـ که چالشـ شـ لردـ ره

ایشته بویوللرد، بامضاً بوبله حاللرخنی بولندیغندن
توتون ایچمک مجبوریته دن طولایی انسان کندیخی
شو و محجوبیتلره دوچار ایتمه که چالیشه جق
اولورسه شبهه یوق که دهایی ایتمش اولور .

اوروپاده پوسته و تلغرافخانه و شمنده فر
استاسیونلری و سرکیلر و حتی بیوک و معتبر
مغازه لر کی مسقفات داخلنده سیخاره ایچمک
ممنوعدر . بونک سببی دخی اورالرده بر زمان
ایچون قادین بولمسه دخی هر زمان قادین کیره .
بیله جکی قضیه سیدر . یعنی بونلر پوسته خانه سرکی
مغازه فلان اولدیغی ایچون محضاً عمومی برلردن
اوله رق و مسقف بوارقلری ایچون دومان تراکنه
صالح بوانه رق اورالره کیره بیله جک قادینلری
راحتسز ایدر ظیلله شرب دخان منع اولمشدر .
بوممنوعیتک حقلی اولوب اولمادیغنی دوشونما ملی .

مذوع اولدیغنی بیلهرک توقی ایتلی که صکره جداً
دوچار منع اولوب ده ایش محجوبیتیه منجر
اولسون .

مراسم مدنیہ

بوسر لوحه ایله بروجہ آنی کشاد ایلمکده
بولندیغمز بایده مراسم مدنیہ دن مقصود من
ییل باشی و سائر یورطیلر ایله احبابدن بریسنگ
خانه سنده چو جق طوغمق ، دوکون یاپلامق
خسته و یا جنازه وقوعه کلک کی مناسبتلر اوزرینه
اجراسی رسم تحتیده اولان ویزیتلر در .
بو ویزیتلر لرده وقوعه کله جک اهمال وقصور
السانه بیوک بیوک معارفه و مناسبتلری غائب
ایتدیره بیله جکی کی یکی قازانلمش اولان مناسبات
ومعارفات مفیده ی تقویه ده دخی پک بیوک تأثیر
کوستره جکندن بو بایده کی آدابہ رعایتیده
اهتمامی طور انملرنی قارئلر منزه توصیه ایدرز .

اوروپا جہ مراسم مدنیہ نک ال بیوکی والک زیادہ
 مرعی و معتبری ییل باشی مراسمیدر . ییل باشی
 اوروپا ییلر ایچون هم دینی و هم مدنی اولوق
 اوزره ایکی درلو اهمیت حائز بولدیغندن اوروپا جہ
 دینلی دینسز صنف اہالی سہالک اولدقلری
 مسالکہ کورہ بر قسمنک طوطدقلری یورطیلرہ
 دیگر قسمی رعایتکار اولوق شویله طورسون کمال
 نفرتلہ تحقیرانده بیله بولندقلری حالده اشبو ییل
 باشی کوننہ ہر صنف خلق طرفندن عموماً
 رعایت اولور و مراسمہ دخی ہرکس توفیق
 معاملہ ایدر . حتی ہودیلر مراسم دینیہ جہ
 نصارادن بالکلیہ بعید اولدقلری کبی کندیلرینہ
 مخصوص برده ییل باشیلری بولندینی حالده بیله
 ینہ سنین میلادیہ ابتدالرینہ رعایتہ مجبوردرلر .
 کندیلری اوروپا نک ہریرندہ جزؤ قلیل بر حالده
 بولہرق بتون معارفہ و مناسبت و معاملہ لری

رأس سنۃ میلادیہ رعایتکار اولان اہالی ایلہ جاری بولمق حسبیلہ بورعایتہ حقیقۃً مجبوریتلری واردر . حتی بزم بورالردہ بیلہ رومدن ارمنیدن کبار فاملیالر واهمیتلی اوروپالیر ایلہ مناسباتی اولان مراسم پروران اسلام دخی ییل شی مراسمہ رعایتلہ بویورطی بہ منسوب اولان دو - ستلری حقندہ کوزل برخاطر شناسلقده وانورلر . ییل باشنده کی مراسم بریسی قارت دوویزیت کوندرمک و دیگری بالذات زیارتہ کیتمک و اوچنجیسی دخی ہدیہ ویرمک صورتیلہ اوچ درلو اجرا اولنور .

اماقارت دوویزیت ایلہ بالذات زیارتک ایکسینی بردن اجرا ایتک دہایوک نزاکت عد وانور . بعض انسانک اثبات مخلصت ایتمک مجبور اولدینی یرلر واردر کہ آنلر حقندہ بوایکی درلو وظیفۃً تبریکک ایکسینی بردن اجراہ

مجبوری و ارادہ . بریسی یا پیدای دیہ دیگرینک
اجرا سندن صرف نظر اولہ ماز . مثلاً بوندن
اول دخی بالمناسبہ بیان ایدلش اولدینجی و جہاہ
امور خیریدن برشیئہ اعانہ تقدیمہ اعطاسیہ
ییل باشی مراسمندن استحصال موفقت
ایدلدیکی حالہ دخی بعض مهم ذوات ہم زیارت و ہم دہ
قارت دو ویزبت تقدیمہ ایفای تبریک دلزوم و ارادہ .
دلہ کوچکلر طرفندن بیوکلرہ وغایت صمیمی
دوست اولانلرک بربرینہ قارشو بویکی وظیفہ نک
ایکسینک دہ اجرایی لازمدر .

بض کیمسہ لر قارت دو ویزبتلرک مطلقاً
ییل باشی کونی ارسالی لابد اولیوب کانون
نائی آیندہ ہانکی کون اولور ایسہ اولسون
ارسال اولہ ییلور ظنندہ بولورلر ایسہ دہ بوطن
خطادر . قارت دو ویزبتلری مطلقاً ییل باشی
کونی کوندرملی . بالذات ویزبتیہ کلنجہ ماہ

کانون ثانی غایب سنه قدر هر کون اجرايه مساعدہ
 وارد در. بوايسه طبیعت و مصالحته دخی موافق قدر.
 چونکه سنه نك ايلك کونی هر کسك هر یرمقارت
 دو ویزیت کوندره سی ایچون ماده هیچ بر مانع
 متصور ارلمدیخی حاله یوم مذکورده هر کسك هر
 یره بالذات زیارته کیده بیلمسی ایچون امکان مادی
 دخی یوقدر. هر کس ویزیتیه کینمش اولورسه
 هیچ بر کیمسه یرنده بولانه میه جغندن و یريله جك
 زیارتلری کیم قبول ایده جکدر ؟ انجق ییل باشی
 کونی قارت دو ویزیت ارسالی اونوتلمش ذوات
 وار ايسه ايلك کونی کوندرلمدی ديه ارسالیدن
 بالکله صرف نظر ایتکه ده جواز یوقدر.
 واقماً بوتأخر براز صوغوق دوشر ايسه ده هیچ
 کوندرماه که نسبتله البته ارلادر. برده آر دکز.
 دوی معارفه و مناسبت هنوز بوتبر بکه وجوب
 قضاعی کوستره جك درجه ده اولیان کیمسه لره

ییل باشی کونی قارت دو ویزیت کوندرمکی
اونوتمش اولور سهکزده برده اواقشام سزه
کوندرلمش اولان قارت دو ویزیتلری معاینه
ایلدیککز صرهدہ آنلرک قارتلرینی کوررسکز .
بو حالده ایکنجی کون مطلقا قارتکزی کوندرمک
مجبوریت قطعیه تحتیه کیرر . کوندرمیه جک
اولور ایسه کز اوزاتلر ایله قطع الفت و ترک
مناسبت آرزوسنده بولنمش اولدیغکزی کویستر -
مش اولورسکز .

ایمدی ییل باشی کونی ایچون بتون دوستلره
کوندریله جک ویزیت کاغدلرینی دها اولظر فلره
قویوب اوزر لرینی ده یازہ رق حاضر لاملی .
اوکون بونلری اوشاقلر ویاخود « قومیسینور »
دنیاں چوجقلر وحتی شهر پوستلری واسطه سیله
توزیع ایتدیرهلی . بعدہ سزه بالذات تبریک
زیارتنه کله جک آدملر وار ایسه آنلری

بکلیوب یوق ایسه ویاخود انلرکادرکدن صکره
 دوستلریکزک اک معتبرلرندن اک مهملرندن
 بدأ ایله ویزیتهلره باشلاملی . اوکون اقشامک
 معتاد اولان ساعتهده اقامتکاهکزه عودت
 ایلدیکیکز زمان دوستلرک دخی سزه کوندرمش
 اولدقلری قارت دووویزیتلری معاینه ایدرک
 قارت ارسالانی او نوتمش اولدیغکزر ذوات
 وار ایسه ایکنجی کونی ایچون انلرک قارتلرینی
 دخی حاضرلاملی وبو معاینهک ده یاردیمیله
 ایکنجی کونی اجرا ایدبله جک ویزیتهلرک
 پلاننی یاهررق اجرایه باشلاملی . ایکنجی کونی
 بتوریلایمیه جک اولور ایسه دائماً اک اهمیتسزلری
 اک صکرهیه قالمق اوزره ایکنجی اوچنجی
 دردنجی الی آخره کونلرایچون دخی بویله پلانلر
 تنظیم ایدرک اجراسنده تکاسل کوسترمانلیدر .
 اجنبی اولهرق اوروپاده اقامت ایده جک

اولانر ایچون بیل بائنده راساً ویزیته ویریله -
 جك ذواتك اتخابلرنده یالکیز اوز تلرك مراتب
 مدنیه بنی و برده کندی اقامتگاهنه نسبتاً آنلرك
 اقامتگاهلرنده کی اوزاقانی یقینانی دوشونمك
 لازم کلوب ممالکک یرلیسی اولان اوره پالار
 ایچون ایسه بونلردن بشقه حصم واقربالانك
 درجه بنی دخی دوشونمك اقتضا ایدر . حتی
 فالما اعضامی یئنده کندیسندن بیوک اوله رق
 بناء علیه ایلک زیانی کندیسنك ویرمسی لازم
 کلنلر مراتب مدنیه لك اک یوکسه کلرینه دخی
 ترجیح اولنورلر . مثلاً بر آدم اناسنه باباسنه
 سال جدیدی تبریک ایتمکسزین افندیسنه تبریکه
 کیدرمز . کیتمش اولسه وبونك بویله اولدیفنی
 افندیسی دخی بیلسه بنی اناسنه باباسنه ترجیح
 ایلدی دیه ممنون اولموب بالعمکس شو رجحانی
 او آدمك تربیه سزلیکنه ادب سزلیکنه حمل ایدر .

سـنـهـنـك ايلك واينكجي وسائر كونلري بر
ياندن راساً ويريله جك ويزيته لرله اشتغال اولنه جنی
كی كرك بوكونلرده وكر ك ایام متابعه ده كندیسنه
ویرلمش اولان ویزیتـهـلـرك اعاده سی و كندی
ویردیكى ویزیتـهـلـری اعاده كله جك اولانلرك قبولی
ایله ده اشتغال اولنور .

زیرا ییل باشی ویزیتـهـلـری مطلقاً اعاده اولنق
لازمدر . همده ممکن مرتبه بالذات اعاده اولنمیدر .
اقران اقرانه و حتی كندیسندن برار كوچك
اولانلره بیله ییل باشی زیارتی بالذات اعاده ایتك
لازم كلور . یالـكـز قارت دوو ویزیت ارسالیله اعاده
زیارته آداب معاشرت حقنده كتـاـبلـر یازانلرك
اك چوقلری جواز كوستر میورلر . هانکی مرتبه ده
بولان آدمـلـرك هانکی درجه ده بولـنـلـره قدر
بالذات اعاده زیارته مجبور بولندقلرینی تعیین
خصوصـنـده ذكر اولـنـان مؤانلریندنه اوزون

اوزادی یہ منظرہ لریوروتلمشدر . بوبابدهسویانن
سوزلرک خلاصۃ الخلاصہ سی شوکامنجر اولہرق
دینلیورکہ کندیلرینہ برییل باشی ہدیہ سی ویرمکہ
مجبور اولہ جغکز ذواندن ماعدا ویزیتہ لرک کافہ سی
اعادہ یہ مجبورسکنز .

اوت بیوکلر طرفندن کوچکلرہ برییل باشی
ہدیہ سی ویرملک دخی عادتاً مجبوریدر . اولہ
کندی خدمتہ تکزده بوانان اوشاقلرہ ثانیہ پوسہ
غزتہ موزعہ لری کبی عمومی خدمتہ کارلردن
اولدقلری حالہ اکثریاسزہ دخی مکتوب وغزتہ
وسائرہ کنورن آدملرہ ثالثہ پروکار ترزی
قوندرہ جی وسائر الشقین اولدیغکز مغازہ لردہ
سزہ الکزیادہ مناسبت پیدا ایتمش اولان کوچک
خدمتہ یہ رابعاً خانہ کزده اوشاق صفیلہ دکل مأمور
یازیحی ومعلم وموزیقہ اوستہ سی کبی ذواتہ خامسا
خانہ لره دوام ایدن طیب دیشچی پاپاس وسائرہ یہ

سادسا همان عموماً اهل بیتکزه سابقاً بر نشانی
 دلی قانی کندی نشانیسنه و یا خود بر بکار آدم
 مستقر شه سنه و كذلك بر بکار آدم برویا بر قاج دفعه
 ضیافتده بولمش اولدینی حالدہ بکارانی یا خود
 خانه سزلکی حسبله مقابله ضیافت و بر مامش
 اولدینی دوستک زوجه سنه مناسب ییل باشی
 هدیه لری و یرمک عادتاً تحت مجبوریتده در .
 انجق بوصفله عائد ذوانک درجه اهمیتلرینی
 تعیین ایلمکده صعوبت بولمدینی کی هانکیلرینک
 هدیه سی نقدی اولمق دها زیاده مقبوله کچه جکفی
 ایضاح دخی لزوم سزدر . بونلرک اهمیتلرینه لرندن
 اولوب ده ییل باشی تبریکی ایچون کلش بولانلره هدیه
 و یریه مامش ایسه بر قارت دوو ویزیت ایله اعاده
 زیارت جائز اوله ییلور ایسه ده طیب ایله پاپاسه
 مطلقاً بالذات اعاده زیارت ایجاب ایدر .
 ایشته بو زیارتلرک ییل باشی کونلرنده بر بیوک

شہر دہ عمومی آمد و شدی نہ درجہ لردہ آرتد۔
 یردینغی موازنہ یہ مدار اوماق ایچون خبر ویزم کہ
 ییل باشی مناسب تیلہ شہر درونندہ شمندوفر
 تراموای اومنیوس و کوچک واپورلر کبی وسائط
 نقلیہ نک ایام عادیہ ایچون معین اولان اسفار معتاد
 دہ سی یکر می مثلی آرتدیریورده ینہ بونلردہ
 اوطورہ جق یر بولنہرق بیلت آلمق ایچون خاق
 نوبت بکلہ یور۔

بورادہ بحث ایلدیکمز عمومی یورطی ییل باشی
 یورطیسیدرکہ کانون نانینک ایلک کونیدر۔ اما
 ییل باشنہ اسناد اولان یورطیلر بوندن عبارت
 دکلدرد۔ دینی اوماق اوزرہ دہا برچوق یورطیلر
 وار ایسہدہ متدین اولمیانلر آنلرہ رعایت ایتمز لر۔
 بونلر میانندہ اک بیوک واک ہمہی دخی کانون نانینک
 یکر می بشنہ مصادف اولان یعنی ییل باشی کونندن
 برہفتہ اول کان اصل شب میلاد عیسی (علیہ السلام)

یورطیس-یدرو. بوکا « نوئل » دیرلر. قدیمدن قالمه
 برعادت اولماق اوزره کبار یرلرده « آربردو نوئل »
 یعنی « نوئل اغاجی » نامیله صنعی بر نخل یاپارلرکه
 طالارینی درلو اویونجاقلر شکرلر شکرلرله چقور-
 لانه لر تعلیمیله نرین ایدرلر. معتقد و متدین
 قامیلیالر نزدنده اشبو نوئل کونلری دخی تبریک
 اولنور. بوتبریکات عذیله ییل باشی تبریکانی کی
 اولدقدن فضله طفولیت مسیحیه مقتضاس-نجه
 چوجقلر دخی تبریکلره تشریک ایدیلورلر. بناءً
 علیه تبریکه کلن چوجقلر بونوئل اغا-ج-نک یانسه
 کوتورلدکلرنده س-وینه س-وینه اوزانوب معلقات
 لطیفه دن برویا برقاج دانه-نی آلورلر.

نوئل یورطیسی صرف دینجه، برشی اولدیغی
 جهته شو چوجقلره مخصوص اولان جهنندن
 بشقه-نی ذکر ایلمک ایسته-منه ایسه-لده
 بویورطینک کیجه-س-نه « ره وه ایون » دینلوب

دینجه یك بیوک اثر نوازش و تلطیف عهد
اولندیفندن ایشک شو جهتنی اخطاره مجبورز که
ره و رایون دیدکاری یورطی کیجه سی بزم بورالرده
« بوجوق » یاخود « ات کسیمی » ویا « طموز
قرمی » دینلن یورطیدر . بناء علیه طعاملرینک
اکثریسی لحم خنزیردن یاپلمش اولمق اوزره
بوکیجه یه مخصوص برسفره ترتیب اولنور . حال
ووقتی بولنده اولانلرک همان کافه سی بویله برسفره
ترتیب ایتمش بولندقلرندن بوسفره لره یکدیگری
دعوت ایده میه جکری درکاردر . هرکسک
کندی سفره سی آماده وکندی لری مسافر تدارکی
احتیاجنده ایکن بشقه لرینک دعوتلرینه اجابت
ایده مزلریا ! باطبع سفره یاپه می انلری وبالخاصه
مملکتده خانه وقاملیا صاحبی اولمیان غربای
اجنبیه یی دعوت ایدرلر . آرتق اسلام دینده
بولانلر ایچون بویولده کی برسفره یه دعوته اجابت

ممکن اوله ميه جغندن ناز كانه بر صورتده اعتذار
 ايدرك كنديني قورنارمق لزومی آشكاردور .
 كذلك ييل باشي يورطيملرندن ودينجه ايام
 عيدهدن بولنديني حالده پك زياده اهميتدن ناشي
 بعض يرلرده اجنبيلرده تعميم ايدلمش بر يورطي
 دخي « ايفاني » يورطيسيدور . كانون تانينك
 اتيسنه مصادف اولان بويورطي مجوسي پاپاسلرينك
 بر كوكب دلالتيله محل ولادت عيسايه كلهرك سجده
 ايتمش اولدقلى حقنده كي روايته مستنددور .
 بويورطي يهده اجنبيلرك دخي تشريكنه سبب
 ايفاني مناسبتيله ياپيلان پوغاچه دن طولايي
 برده ضيافت سـفره سي ويرلمسي قضيه سيدور .
 نوئل يورطيسنده اولديني كي بويورطيده دخي
 حال ووقتي مساعدا اولانلر ايفاني پوغاچه سي
 ياپوب بناء عليه برده سفره ترتيب ايده چكلرنندن
 بوسفره لري شنلنديره چك مسافرلري انجق حال

و وقتلری مساعد اولمیانلرایله برده غربای اجاندن
تدارك ایدم بیلورلر. بو سفره لر نوئل سفره لری
کبی اسلام ایچون تهلیکلی دکلدر یینی محزو
ر شرعی بو قدریمکلری علی العاده یمکلردن اولوب
فضله اوله رق اییفانی پوغاچه سی واردرکه
یاغ و اون وشکرو یمورطه دن مرکب اوله رق عادتا
بزم روملرک یاپدقلری ییل باشی چورکلری
دیمکدر. هم بوسفره لر پک اکلنجه لی ده اولورلر.
زیرا اییفانی پوغاچه سی سفره یه کلدیکی زمان هنوز
کسیله مامشدر. اوزرینه بر بیاض اورتی اورتهرک
سفره نك رئیس بولان ذات بر یچاق طوتان انی
بر برك لانه صوقوب پوغاچه یی کسمکه باشلار.
بویله کیزلی اوله رق کسمسنگ سبی پوغاچه دروننده
مدفون و مخفی اولان نشانه یچاق دکه جک اولور
ایسه غجرتیسنندن و یا خود نشانه ک بر طرفی
آچلمسندن طولانی نروده بولاندیغی بیلنمسون

قضيه سيدر . حقي غيجرتي دخی طويولماق اچون
 سفره خاقي کورولتي باطرتي ايدەرك اظهارشوق
 وشادمانی ايلرلر . بئەدە هرکس اني اورتونك
 التدن صوقوب بر پارچه بوغاچه الور . اکر
 کيزلي اولان نشان کنديسنه اصابت ايتمش ايسه
 درحال ميدانه قويار . بونشان اکثراً پورسلندن
 ياپلمش اوفاجق برانسان شکلندەدر . نشان
 کنديسنه اصابت ايدن ذات ارکاک ايسه
 کنديسنه بر فراليچه وقادين ايسه بر قرال انتخاب
 ايدە جکدر واکر خانه وفاميليا صاحبي بر آدم ايسه
 کله جک بازار سفرەسندە بولنديغی خانه خلقيه
 انتخاب ايتمش اولديغی قرال ويا قراليچه يه
 بر ضيافت چکە جکدر . اکر بکار ويا خود
 خانه سز بر آدم ايسه ضيافت چکە ميوب اکابدل او
 هفته ظرفندە کندی قراليچه سنه ويا قرالنه بر کوچک
 هديه کوندرە جکدر . بو هديه نك بر چيچک دوتي بر

رسم آبومی بر قوطی شکر و یا شکر ملہ بر شیشہ نفیس
شراب کی برشی اولسی دہ کافیدرہ ایشہ بو
پوغاچہ مناسب تیلہ ایفانی سفردسی پک اکلنجہ لی
ارلہ جغندن اجنبیلر اچون شایستہ رغبتدر اما
بوراجقدہ شونی دہ اخطار ایددم کہ برار کہکشان
چیقارسہ قادیلرک اککنج و کوزلنی قرالیچہ انتخاب
ایتمی انظار تحسینی جلب ایتمز مکرکہ انتخاب اولنہ جق
قرالیچہ خانہ صاحبہ سنک کندیس اولہ ! نشان
برکنج قادینہ چیقہ مش ایسہ اودہ بردلی قانلی بی
انتخاب ایتمیوب یاشلی بر آدم انتخاب ایدر .

اوروپا مراسم مدنیہ سندن بریسی دخی اسم
کوزلی یورطیسیدر . بودہ مذہبجہ برشی
ایسہ دہ خاق یتندہ من جہۃ مراسم مدنیہ دن دخی
معدوددر . معلومدر کہ اوروپاچہ خرسٹیانیلرک
بروانتیز اسمی اولور بردہ فاملیا اسمی ، بووافتیز
اسمی اغای کلیسا اعزہ سندن بریسنک اسمنہ موافق

دوشر . او عزیزك مذهبجه یورطی كونی انك
 نامداشـنك دخی مدنیـتجه یوم مخصوصی عد
 اوله رق اك خصوصی دوستلرینه برده ضیافت
 ویرر . یورطی عن اصل مذهبجه یورطیلردن
 ایکن بو ضیافتدن طولایی برده اهمیت مدنیـه
 المشدر . هله استانبول و یونانستانده روملر
 و باغارستان ولایت ممتازه سیله صربستان و قره
 طاغده و روسیه ده اورتو دوقسلر بو یورطی به
 بك بیـوك رعایت ایدرلر . مثلاً ای دیـمتری كونی
 اولان روز قاسـمده دیـمتری تسمیه اولان آدمـرك
 كافه سی دوستلری طرفیندن تبریک اولنوب
 بونلر دخی دوستلرینه ضیافتلرله و هبج اولمز
 ایسه برر قدح شراب ایله اکرام ایدرلر . ایـمدی
 كرك ضیافت اولسون و كرك اولسون اوكون
 اودوسته هیـبج اولمز ایسه بر قارت دوویرت
 كوندرك غایت مقبول حرکـتلردن عداولنوب

اگر ضیافت دخی ویریله جك ایسه مطلقاً بش
کون اول دعوت ایدیله جکندن او حالده ضیافت
کونندن اول و صکره برویزته و یا خود ایکیسندن
بریسنده بر قارت دوووزیت اعطاسی تحت
مجبوریته کیرر .

بر آدمك طوغدینی کون دخی کندینه مخصوص
بر یوم رسمیدر . او آدمك اهمیت شخصی
نه درجه ده ایسه یورطینك اهمیت ده او نسبت ددره
حکمداران ذیشان حضر اتنك یوم ولادت لرنده
عموم تبعه سی رسماً مراسم شهر آیین اجرا ایدر لر .
بر حکمدار ك یوم ولادت نده او حکمدار ایله
مناسبات دولیه سی یوانده اولان سائر حکومتلر
دخی اك باشلی لیماننده کی قره غول سفینه سندن
طوپ آغاق و سفیرلری واسطه سیله اجرای تبریک
ایلمك مراسم نه رعایت ایلر لر . حکمداران
ذیشان صوکره ینه حشمت و فخامت عنواتی

حاوی بولنان کبار اصیلزادگان دخی کندیلرینه
عائد اولان ولادت کونلرینه بویله بر رسمیت
ویرمش اولدقلرندن انلرله الفت و مناسبت پیدا
ایده بیلنلر دخی تبریکلرینه شتابان وضیافتلرندن
مستفید اولورلر. بعده یوم ولادتی رسمیلندرمک
درجانی برازدها تنزل ایده بیلور ایسه ده اویله پک
احاد ناسه قدر اینه من . مکرکه پک بیوک بر معلوم
شاعر ویا ادیب اوله ده کندیسنی سونلر انک یوم
ولادتنه بر رسمیت اهمیتی ویره لر .

نکاح و جنازه و وافتیز و سائر هر نه مناسبتله
اولور ایسه اولسون بر کلیسایه کیدلدیکی کون
دخی ایام رسمیه دن معدود اولوب رعایت اولنه .
حق بر طاقم آداب واردرکه آنلرک بعضیلرینه
مخالفت ایتمامک مسلمان اولان احبابنک دخی
ذمت نزاکتلرینه مترتب دوستانه وظائفدندر .
لکن باشند فس چیقارمق و آب مقدس ایچمک

کبی عقاید و آداب دینیہ مزہ مغیر اولان شیلری
 زہار یا پاملیدر . زیرا بونلری یا بق بزم ایچون
 شرعاً ممنوع اولان بر تشبہ عد اولہ جغند
 فضله اگر اعتقاد من اولمدینی و دینمزہ مغیر
 بولندینی حالہ پایدیغمزی کوررلر اکلارلر ایسه
 استہزایہ حمل ایدرک بحق متأثر اولورلر . کلیسا
 قپوسندن کیریلور ایکن دوسـتلر بری برینہ
 وحتی یکدیگرینی طانیانلر دخی یکدیگرینہ اک
 بیوک رعایت واکرام اولماق اوزرہ ماء مقدسی
 تکلیف و تقدیم ایدرلر . بوصوی توزیعہ
 مخصوص اولان یردن و پاپاسک الزدن آلوب
 تقدیم ایلمک ہم پک بیوک نزاکت ہمده پک
 بیوک ثواب عد اولندیغندن الک معتبر آدملریله بو
 خدمتہ جان آتارلر . نصارا دینده اولان
 عثمانلیلر کندی دینلری مقتضاسنجہ بوماء مقدسی
 قبول و نوش ایدہ بیلورلر . فقط مسلمان دینده

اولان بوساخته کارانی یاماملی و دین نصاری
 بووجهله استهزا ایتمالیدر . ماء مقدس تقدیم
 اولندینی زمان تعظیم کارانه برده و هوانس یاپه رق
 تقدیم ایدن ذاته تشکر ایلدکن صکره «بومذهب
 اربابندن بولمديغم جهتله» ديهرك رد
 ایتلیدر . حتی بوندن فضله سوز دخی سویلمکه
 لزوم یوقدر . یالکیز اومذهبدن اولمديغنی بیان
 ایتک عدم قبولی تفهیمه کافیدر . كذلك کلیسا
 ایچنده بش آحق اسلامدن ماعدا جمله ایچون
 لازم اولدینی حانده مسلمانلرایچون لازم دکلدور .
 مسلمانک تعظیمی فسفی باشنه قویمقدمه اولدینی
 و آحق باشلیغک رعایتسز لکه حمل اولنه جنی الیوم
 اورویاچه دخی اوکرده نامش اولدیندن مسلمانلرک
 باشلرندن فس چیقارما مارینه اعتراض شویله
 طورسون بونی تقدیر دخی ایدر لر .
 اما کلیساده اقتضا ایدوبده پاپاس افندیلرله

سوز سویلنه جک اولورسه کندیلرینه « افندم »
 دیه خطاب ایدیورلرایسه انلره تبماً اویله دیلی.
 بعض کره دخی « موسیولو کوره » و « موسیولابه »
 ویاخود « مونسیور » کی عنوانلر ایله خطاب
 اولنه ییلور . پاپاسلره ال ویرمک عادت دکلدر .
 یالکنز کندیلرینه رد سلام ایدیله جکی زمان عادت
 روه رانس قدر حرمتلی بر صورتده رد سلام
 ایلمک لازم کلور . اکر پاپاس بر آدمه ال ویرر
 ایسه پاپاسک او النی ویاخود یوزو کفی اوپر لر .
 اما بر کیسه نیک بشقه بر مذهب ارباندن اولدینی
 اکلادینی زمان پاپاس ال ویرمز که اوپمکه دخی
 احتیاج کورلسون . او بر باش اشـارتیله سلام
 ویروب کندیسنه روه رانسـلر ایله رد سلام
 ایدیلور .

یبانجی اولمقله برابر کلیسا دروننده یبانجی
 کی طور مق وه، یکی کوردیکی شیلره شاشمق

و آنله الی ایله پرمغله طوقونق وبالخاصه
 بو او یغونسزلقلری کولومسه یه رک اسنه زالر
 استحقار لر ایله ایقاع ایلمک بالطبع اک بیوک
 معیاندن اولوب داخل معابده ایسه غایت جدی
 طورله غایت ادیبانه طور مق البته کبارلقدرد .
 اوروپا لیلرک کندیلری ایچون بیله یاننده بولنانلر
 ایله حیزلیجه لقردی ایتک و آچیق صاچیق
 توانلر ایله کلیسایه کیتمک معیاندندر . کلیسا
 دروننده تصادف ایدیلن احبابه آشکاره
 سلام و یرمک بیله جائز اولیوب یلکز شو یله
 برکوز و خفیجه باش اشارتیه سلام و یریلور .
 برده بعض کلیسه الرده فقرا و مساکین و یا خود
 امور خیریه ایچون کیسه طباق و یا کوچک صندوق
 کز دیره رک پاره طوپالار لرکه بونلری کز دیر نلر
 دخی اک معتبر قادین لر دن و قزلردن بریسی
 اولوب یاننده برده ارکک بولنور . بوقادین

ویاقر انسانک آشنالرنندن بیلله اولسه سلام
 فلان کی التفاتلر لازم کلیوب پاره ویرلمیه جک
 ایسه « غایت اوله » بقامنده بر اشارت دخی
 ویرلمیه رک شو یله جه حرکت سنز طور یلور، فقط پاره
 ویرلمک بالطبع مرجحدر . او حالده دخی
 ویرلمه جک پاره بی یوکسکدن آنق رعالمه کوستره رک
 ویرمک غایت عیب اولوب همان کی مسه یه کوسترمیه .
 جک صورتده یواشجه، براقلیدر . کلیساده بر رسم
 و آیین اجرا اولمقده و یا خود و عظم ویرلمکده
 ایکن یاریده براقوب چکلمک عادنا حقارتدر .

بر آدمک چو جخی دنیا یه کلدیکی زمان او چنجی
 کونه قدر دوستلرینه بر بیاننامه کوندررکه اوبیاننامه
 دخی « فلان موسیو سزه اخبار ایله تشرف
 و تفاخر ایدرکه زوجہ سی باله افیه بر قز (و یا
 بر اوغلان) طوغور مشدر . چو جق و والدہ سی
 عافیتدودر لر » دیه یازمق عادتدر .

اكر بالعافيه كلمه سى بولمز ايسه امر توليدك
مشكلات ايله وقوعه كلديكى اكلاشه يلمور . اكر
« چوجق ووالده عافيتده درلر » جمله سى يوق ايسه
بولردن بريسنك پك تهاكه لى بر حالحه بولنديغى
استدلال اولنور . بويله بر بياننامه كلنججه او آندن
بدا ايله سهكز كونه قدر لوغوسه نك خانه سه نه
كيدوب بر قارت دو ويزيت براقلدقدن فضله
اوشاق واسطه سيله لوغوسه نك صحتى دخى استفسار
اولنور . اوزاق بر پرده بولنوب ده دوستلق دخى
ايلروده اولور ايسه لوغوسه نك قوجه سه نه
بر مکتوب يازيلوب بياننامه نك ارسالندن طولايى
تشكر وچوجنك ولادى تبريك ايديله رك زوجه
سنگ صحت وعافيتى دخى بووجهله تحرير استفسار
اولنور . اصل لوغوسه لق مدتى بر هفته امتداد
ايدرك اندن صكره بر آيه قدر بالذات بر ويزيته
ويرمك لازم كلور كه قادين اوزون اسكمله سى

اوزرنده روب دو شامبر ایله ملبس اوله رق
یاصلانمش کوریلور . چو چنگ اوزون عمرلی
و بختیار اولسی ایچون دعالر تبر بکله مزج ایدیلور
و فقط بو ویزیتہ اصلا اوزون سورمز . لوغوسه یی
راحتسز ایتماک ایچون همان برقاج دقایقه نظر فنده
چکلمک لازم کلور . مکرکه لوغوسه بو زیارتدن
خوشلانده ، الاقاک ده ازیاده اوزامه نی رجائیده .
زیاده جه او طور یله حق اولور سه قادینک قورقه جنی
تأفف ایده چکی شیلردن اصلاً بحث اولماهلی .
چو چنگ کوزلا کندن قوتندن فلانندن بجه مثله
نه قدر چوق مدح ایدیلور سه او قدر اعلا در .

چو چنگ و افیز رسمی صرف مراسم دینه دن
ایسه ده بر چوق دوستلر و حتی اجنبیلر دخی
دعوت اولدقلری جه مثله بوده مراسم مدنیه دن
عد اولمشدر . حتی بمضاً « قوه پر » یعنی چو چنگ
اسم بابایی اولوق شرفنی ده او اجنبی به لایق

کوررارکه بوده چو جنه ك بابای ایله اواجنیزك
 آره سندن کی دوستلغك بك صمیمی اولمسندن نشأت
 ایدر. اشبو وافتیز رسمی او قدر مغلقه قدرکه تفصیلی
 عادتا بر کتاب مخصوص تشکیل ایده بیلور. زیرا
 چو جق ایچون بر اسم بابای و برد اسم والد سی انتخاب
 اولنه جق و بو شرفلر اقربا و تعلقه اتدن بعضی رینه
 بحق ویا بالجوریه ویر یله جك و آنر بولمادیغی
 صورتده دیکر لر ی میانده نصل انتخاب اولند.
 قلوبنه دائر اوزون اوزادی یه مباحثه کیره شیله.
 جکدر. كذلك کلیسایه نصل کلنه جکی ونه یولده
 تشریفات والای ایله کلیسایه کیریله جکی هپ
 مختلف فیه مسائل دورا دور دندر. بورا ده یالکیز
 اجنبی مسافر لره تعاقی اولان موادی شو وجهله
 خلاصه ایدرزکه :

بر وافتیز رسمه دعوت و قوع بولدیغی زمان
 سائر دعوتلر حقه ده و قوع بولدیغی کی بود دعوت

ایچون دخی یا قارت دوو یزبت ویا خود بالذات زیارت
ایله تشکرات لازمه بی ایفا یتمیدر . وافیز
آینندن صکره ضیافت دخی وار ایسه انک
ایچون د: بعد الضیافه هضم و یزبتی ویربله .
جکدر . کایساده وافتیزک اجرایی اثناسنده
بالطبع اوضاع و اطوار تعظیم کارانه ایله تماشا
ایدر ب رسم مذکورک ایفاسندن صکره هرکس
چو جغک ابوینی تبریکه باشلا دقلری زمان اجنبی
مسافر دخی کیدوب لازمه تبریکی ایفا یتمیدر .
بورسم مناسبیله چو جغک اسم انا ی اسم بابایی
وسائر تعلقه تک کفهی چو جغه ووالده سنه هدیه لر
ویرلر ایسه د رولر بر معتبر فامیلان اولدقلری
حاله یبانه چی مسافر لرک هدیه ویرملری اقتضا
اتر . فقط بعضاً فیر ار لالیرک وافتیز رسملرینه
معتبرار جانب دعوت اولور که بو حالدیه مجرد
کندی هدیه سنه نائلیت مقصدیله دعوت اولغش

دیمکدر . بناء علیہ اوفقیقیر والدیہ وچو جغه ہدیہ
ویرمایدرا اما نقداً ہدیہ ویرمک اشیدان برشی
ایله ہدیہ ویرمکہ البتہ ترجیح اولنور . ہدیہ
نقدیہ بی دخی خفیاً ویرمک لبته دها زیاده کباراق
عد اولنور .

چو جقلمک ایلمک کنناہ چیقارملری رسم دینیسی
دخی نصاراجہ بیوک مراسمدن اولوب واقعا
عقاید دینیہ بی کیتدکجه حکمدن دوشورمکده
اولان پارسده بوکاشمدیلرده ہمیت ویرنلر قالماق
درجہ سندہ آزمالمش ایسده فرانسنک ولایتلری
ایله اوروپانک سائر طرفلرنده کی قاتولیکلر نزدندہ
حالانک زیاده اہمیتلہ مرعیتی اجرا اولنان عادتدر .
اساساً عادات دینیہ دن اولمقلہ برابر ضمنتدہ کی
تبریکلر ضیافتلر فلانلر ایچون مراسم مدنیہ
حکمنی دخی آلمشدر . اجنبی مسافرلر بعضاً
بوکادہ دعوت اولنورلر . ہلہ چو جقی وابوینی

فقیر اولوبده هدایای نقدیه به احتیاجی واریسه
 آرزوق مناسبتی اولان اغیای اجایی دخی
 بالذات رسم مذکورده بولمغه، دعوت ایدرلر
 ویاخودرسم مذکورک ایفاسندن صکره چوچنی
 و بزبتهیه کتوررلر . بوچوچنه برهدیه ویرمک
 پک لازمدر . اکر فقیر ایسلر هدیه نک نقدی
 اولسی البته ترجیح ایدیلور . پک فقیر دکل ایسه
 برتسبیح ویاخود کوزل جلدلنمش کوزل برکنانه
 چیقارمق کتابی بر ساعت ویا برپاره چانطه سی کی
 شیر اهدا اولور .

بردوسته یا کندیزی یاخود فامیلیای
 اعضاسندن بریسی خسته اولور ایسه عیادت لازم
 کلور . انجق بزده کی کی عیادتی تاخسته نک یتاغی
 باشنه قدر کیدرک اجرا ایتزلر . یالکز خانه سنه
 کیدوب برقارت دوووزبت براقورلر . اکر کباردن
 اولوبده عیادته کلنلر اچون دفتر مخصوص

آچلمش ایسه اسمنی اورایه قیدایتمک لازم کله -
 جکندن آرتق قارت دوو یزیتیه لزوم قالمز . خسته
 ایواکه یوز طوتمش ایسه اوشاق واسطه سیله حالی
 استفسار دخی اولنه بیلور . فقط بالکلیه اعاده
 عافیت ایدرک کندیسنه قارت بر اقمش ویا اسمنی
 دفتره یازمش ویا خود استفسار خاطر ایتمش اولانلره
 بورجلی اولدیفنی زیارتی کندیبی ایفا ایتزدن اول
 یزیتیه کینمک مناسب دوشمزر . مکر دوستاق
 پک ایلروده اوله رق خسته لقدن قور تلمش اولان
 دوستی کورمک ایچون اعاده زیارت ایتسنه قدر
 صبر اولنه میه ویا خودکه ریاء اوینه کوسه ترلمک
 استیله ! اوزمان ویزیتیه دخی وبر یلهرک
 صبر سزاقدن طولایی لسان منابه عذر لر دخی
 دیله نورکه اصل مقصد خلوصدن عبارت اولدیفنی
 خسته بیلدیکی حالدده دخی ینه بیلما مشجاسنه
 حرکت ایدر . بوفقره دن اکلا شیلورکه انسان

کندیسی خسته اولور سه نزا که کندیسی نه لازمه
عیادتی ایفا ایتمش اولانلره کندیسی دخی برر تشکر
و یزیته سی بور جالانش اولور .

مراسم مدنیه نک ال بیوکی دو کون اولدیغنه
هیچ شبهه یوقدر . بوا یسه او قدر مغایق بر مسئله در که
آداب معاشرته دائر کتاب یازمش اولانلرک همان
هر نقطه ده اختلاف اندن ناشی درجه اغلاقی بر قاتدها
آرتمشدر . قزک افراد عائله سی حقنده داماد
اوله جق ذانک و آنک افراد عائله سی حقنده قزک
وبوایکی عائله نک هر بری حقلمنده دیکرینک رعایت
ایتمی لازم کان خصوصاتی ته مداد و تعریف
ایدوب بتورمک قابل دکلدر . بوباده کی مراسم
ذاتاً بویله تمز توکنمز درجه لرده چوق اولدینی کی
هر فاملیانک حائنه شاننه کوره تبدل دخی ایلدیکندن
اوروپا لیلرک کندیلری دخی اجرا اوله جق
هر ازدواجده نه یوله مراسم تشریفاتیه رعایت

اولنه جغنی قرارلشدیرمق ایچون اربابندن مرکب
بر قومیسون مخصوص عقدایدرلر و بوقومیسونک
ویره جکی قرارلر اوزرینه پروغراملر ترتیب
ایلرلر .

دو کونده بولنه جق برا جی مسافرا یچون اصل
اعتنا اولنه جق رسم نکاح رسمیدر . صورت
مخصوصه ده دعوت وقوع بولمقجه رسم نکاحه
کیدیله من . فقط دعوت وقوع بولمقدن صکره
کیتماک دخی اوله من . بودعوت ایکی صورتله
وقوع بولور . بر یسی مطبوع بیاتلر ایله فلانجه
کلیماده نکاحک وقوعه کله جکی اخباردن عبارت
اولوب یالکز بوصورتله وقوع بولان دعوته اجابت
اقتضا ایتیه رک نکاحک اجرا سندن صکره برویزیته
ایله تبریکی ایفا ایلمک دخی ممکن اوله بیلور ایسه ده
دعوتک ایکنجی صورتی تذکره مخصوصه و یا خود
دامادک بالذات و یادیستلرندن بر یسی واسطه سیله

شفافاً وقوع بولان دعوتدر. بوكا اجابت ایتماك
ممکن اوله مز .

رسم نکاح اوروپاده ایکی صورتله اجرا اولنور .
برسی نکاح بلدی اولوب طرفینك نه کی شرائط
ایله عقد ازدواج ایلمکده بولدقارینی مبین عادتا
برقونطوراتو امضاسی دیمکدرکه شاهدلر ورسم
مذکورده بولمق ایچون دعوت ایدیله جك ذوات
سائر برلکده بلدییه کیدیلوب مقارله نامه مذکور
اوراده عقد وامضا ایدیلور . حکومتجه مناحات
حقنده کی حکم قانون ایشته بومقاوله دن عبارتدر .
مقاوله لك امضاسندن صکره قز ایله دلی قانلی
رسماً یکدیگرینك زوج وزوجه سی صاییلورلر .
اما متدینلر نظرنده نکاحك بوزدن عبارت اولمی
کافی دکلدر . دائرة بلدییه دن چیقلدقدن صکره
برده کلیدسایه کیدیلهرك اوراده دیناومذهباً ایجاب
ایدن نکاح ونقدیس دخی اجرا اولنور .

نکاحه دعوت ايديان اجنبى مسافرا کر مقاوله يي
 امضايه دخى دعوت اول نور ايسه صره سى کلدیکی
 زمان کنديسنه اشارت اولنه جنی کبی امضایى نره یه
 وضع ایده جکی دخی ارئه اولنه جغندن بوخصو-
 صده هیچ بر کو چلک یوق دیمکدر . محتاج دقت
 برشی وار ايسه اودخی نکاحی قیيله جق قزک نه زمانه
 قدر « ماده وازل » عد اولنه رق وهانکی دقیقه دن
 اعتبار آ کنديسنه « مادام » ديه خطاب اوله جنی
 فرق ایتک قضیه سیدر . ا کر نکاح یا لکز دائره
 بلدی ده امضا اولنه جق مقاوله دن عبارت قاله جق ده
 کلیسایه کیدلیه جک ايسه قز مقاوله یه وضع امضا
 ایتدیکی آنده « مادام » اولور . اوزمانه قدر کنديسنه
 هپ « ماده وازل » ديه خطاب اولنوب امضایى متعاقباً
 اولاقوجه سى « مرسی مادام » دیوب بعده حضار
 دخى « مادام » خطایيله تبریکه مسارعت ایدر لر .
 اکر طرفین متدین طاقدن اولوب ده کلیسایه دخى

کیدہ جگ اولورار ایسہ مقاولہ نک امضاسندن
 صکرہ دخی کلینہ « مادموازل » دیہ خطاب
 اولنہ جقدرہ نا کلیسا مراسمنک اجراسنی متعاقب
 « مادام » خطابنہ مظهر اولہ جقدرہ زیرا متدین
 طاقی دائرہ بلدیہ ده امضا ایدیلن مقاولہ یی
 بر معاملہ عادیہ قانونیہ عد ایدہ رک اصل نکاح
 اولمق اوزرہ دخی کلیسا معاملہ سنی قبول ایدرلرہ
 نکاحی عقد اولان کلینہ بردہ ہدیہ تقدیمی
 عادتدرہ طرفینک اقربا وتعلقاتی ایچون اشبو
 ہدیہ تقدیمی مسئلہ سی مجبوریہ تحتندہ اولوب
 دوستلر ایچون ایسہ بوجبوریہ یوقدرہ اما
 ہدیہ تقدیمی آرزو اولور ایسہ تقدیم اولنہ جق
 ہدیہ نک مطلقا کلینک درجہ اعتبارینہ متناسب
 اولسی لازم کذب واقعا ہدیہ خصوصندہ اصل
 نظر اعتبارہ آنہ جق شی ہدیہ یی ویرہ نک
 کیسہ سند کی قدرت اولمق لازم کلور ایسہ ده

دکرسز برهدیه ویرمک ممنونیتی مستلزم اولمق
شویله طورسون بالعکس استحقاقی مستلزم
اوله جفندن بوکا دوچار اولمقدن ایسه هیچ
هدیه ویرمامک جهتی ترجیح اولنمایدیر .

بعدالنکاح زوج وزوجه یی تبریک خصوصنده
کوزل سوزلر بولوب سویله مک واقعا موافق
نزاکت ایسه ده بعض کیمسه لر حتی اولمقدن
اولمکلتی اولدقلری حالدیه بیلکه کوزل سوز
سویله جکزدیه باشلادقلری لقردی یی برنتیجه
حسنه ایصال ایدمه رک کوانج اولوب
قالدقلرندز بویله برحاله دوشکمدن ایسه یالکز بر
« مادام !... » و « موسیو !... » کلمانیله غایت تعظیملی
برره وهرانس یامق البته مرجحدو . بوصورت
تبریکی متعاقب کلین ویاخود داماد دخی تشکره
باشلایه جقلرندن کویاسز برکوزل مقاله تبریکه
سرد ایده جک ایمشکز اما آنلر مقابله تشکرلرینی

ایفا ایدی ویرمشلرده سوزکزی بتورمک ایچون
زمان بر اقامش لر عد اولور .

دو کونک ایکنجی قسمی نکاح دن صکره
ویریله جک ضیافت ویا خود بالودر . واقعا شمدیلرده
پک چوق ازدواج لرده بو قسم ثانیدن صرف
نظارا وانه رق نکاحی متعاقباً یکی زوج و زوجہ سیاحته
چیقیرلر ایسه ده دو کون ضیافتی دو کون بانوسی
ویرمک عادتینی نه کلیاً منفسخ دکلدر . آنجق
بوضیافت و بوبالو دیگر ایشلارندن هیچ ده فرقلی
دکلدر . بناءً علیه آنلره دائر تفصیلاً نه کیرشمک
اولکی ویردیکمز تفصیلاً نک تکرارندن عبارت
صایلور .

بردوست خانه سنده جنازه وقوعه کلورسه بالطبع
او حوادث مؤلمه یی کنساری سیاه زهلی ، یاس
اشارتلی مطبوع بر بیاننامه ایله اخبار ایدرلر .
بویله بر بیاننامه آلدیفنی متعاقب متوفایک خانه سنه

برويزيته كاغدى كوندرمىلىدۇ . اكر دوستلىق
 زياده ايسه همان مناسب بر تعزيتامه دخى يازوب
 پوسته ايله ارسال ايتلىدۇ . جنازه آلاينك كوفى
 وساعتى تعين واعلان اولنه چىقىدن اوسىاعتده
 محل مەينده حاضر بولغىلى . اوراده اثبات وجود
 ايجون سياه كيمك وياسياه قوروده لا باغلامق كى
 ياس علامتى لازم دكلدۇ . حتى سـ وواره قياقتى
 بيله لازم اولمىوب عادتا رەدەنغوت قياقتىدە بولغىلى
 اقتضا ايدۇ . جنازه نى قبرىستانه كوتوروب دفن
 ايلدكدن صكره بعض ارباب طـ لاقى وبلاغت
 متوفانك فضائلى حاوى نطقلىرايراد ايدىرلرايسه ده
 براجنى مسافرك بويله كلفلى وظائفدن مستثا
 طوتيله جنى دركاردۇ . رسم دفنك ايفاسىندن
 صكره همان متوفانك فامىلىاسى خالقى نىزدينه
 كيدوب برويزيته ويرملىرى بعض يرلرده مجبوريت
 تحتندە اولوب پارسىده بوويزيته همان جنازه نك

دفن اولندیغی کون ویرلمز ایسه ده ایرتسی کوندن
 صکره به قدرده تأخیر اولنمز . مکر انسان
 اوزاجق بریرده ساکن اوله رق تأخر دخی آندن
 طولانی وقوعه کله . بویله تعزیه زیارتلرنده فامیلیا
 خلقنه یارامق ایچون متوفانک محاسن و محامدینی
 زیاده جه صایوب دوکمک موافق نزاکت عد
 اولنمز .

اویولده کی سوزلر تأثرلرینی آرتدیره جقلرنندن
 دائماً تسکین تأثره مداری اوله جق حکیمانه سوزلر
 سویلملیدر . مع هذا بهضاً متوفانک ارتحالندن
 طولانی بیوک برثروته قونان وارثلری هم یاس
 طوته رق بویله تعزیه زیارتلرینی قبول ایدرلر همده
 قوندقلری ثروتدن طولانی درونلرنده کی ممنونیت
 کوزلرنندن بللی اولور . بویله اولان حالرده بیله
 کندیلرینه هپ تسکین تأثری ! ... موجب
 اوله جق حکیمانه سوزلر ! ... سویلیوب تسلی

ویرمه غیرت ایتک اثر نزاکت عداوانور .
 حکایه ایدر لرکه بتون عمرینی بداخلاق و بدزبان
 زوجه سیله جهنم عذابی کبی بر عذاب الیم ایچنده
 کچورر بر آدم واری ایش که نهایت بر آرق پیدا
 ایلمش اولدینی تازه جه طول بر متره سی ایله ایکی
 ساعت جک باش باشه وقت کچوره جک اولور سه بونی
 حیانتک ذوق یکانه می صایار ایش . آره لرنده
 حسب حال لر دخی اکیسک اولمیه رق آد مجکوز :
 « شومند حوس قاری شو جهاندن طامی ظراغی
 طوبی ایوب کیتسه ده بومسود زمانلرمزی
 کوکلمزک ایستدیکی قدر ادامه ایده بیلمسهک » دیر
 و مصاحبه سی دخی بو تمنی پی کندی لسانه مناسب
 سوز لر له تقویه و تأیید ایلر ایش . نهایت بکله دک لری
 یوم بختیاری کلش . صوک نفسنه قدر دیلنی طو تمامش
 اولان خویسر قادی نجف « مزار » دنیان سکو تخانه
 ابدی به چکلمش . دفنک فرداسی کونی بچاره نک

رقیبہ سی وقوجہ سنک سوکیلی مصاحبہ سی اولان
 اوتازہ جہ طول مادام تمزہ زیارتہ کلش دہ
 اودخی زوجہ سنک وفاتندن پک متاثر ! ...
 اولان دوستہ تسکین تاثری ! ... موجب
 اولہ جق سوزلر سویلیوب زولای آدجکزر دخی
 تشکرات محزونانہ ! ... ایلہ اوتسلیلری استماع
 ایتمش .

معاشرت مختلفہ

بوابدہ « معاشرت مختلفہ » تعبیر ایلدیکمز شیئہ
 اوروپا محررلری کتابلرنده savoir vivre
 cosmopolite تعبیر ایدیورلر کہ ہر ملک
 اصول و آداب معاشرتندن مترکب و ممزوج
 بر معاشرت دیمکدرہ معلوم اولدینی اوزردقرہ دن
 شمندوفرلر و دکزدن و اپورلر الیوم سیر و سیاحتی
 اودرجہ نردہ تسہیل ایتمشلردر کہ ارککسز ایکی

قادیانک اوروپادن آمریقایه و آمریقادن اوروپایه
 سفر و سیاحتلرنده بزم برزمانکی یالوه صفالری
 قدرده کلفت و صعوبت قالمامشدر . هر مملکتده
 وجوده کان مکمل هوتلار ارباب سیاحت ایچون
 دنیانک هر طرفنی کنندی مملکتی حکمنه
 قویملشدر . بر مملکتده یرلی اولوبده اقشاملری
 مغازه سندن چیققدن صکره خانه سنه کلن آدم
 یکنی یتاغنی و سائر کافه اسباب معیشت و راحتنی
 نصل مکملاً ته به ایدلمش بولیورسه اوروپاده
 شمندو فردن چیقان یولچیلر واردقلری هوتلارده
 اشبو اسباب استراحتی ده از یاده مکمل اوله رق
 بولمقددرلر . بناءً علی ذلک اوروپا اهالی سندن بر
 عشردن زیاده سی علی الدوام سیاحتده بواندقلری
 ادعا ایدیلور ایسه مبالغه یه حمل اولنومز . ایمدی
 سیاحتلرک بوقدر کثرت و عمومیت پیدا ایتسی
 اقوام اوروپائیهدن بعضیلرینک آداب معاشرتلرندن

بر چوغنی دیگر بعضیلرینه ادخال ایتک کی
 بر تأثیر عجیب کوسترمشدر .
 اوت بو تأثیر عظیم حقیقهٔ عجیبدر . زیرا
 احوال و آداب معاشرت دنیلن شی ذاتاً سبب
 و حکمتی آراشدیرلمقسزین وضع ایدیلی ویرمش
 اولان برقانون حکمنده اولوب قانون مذکور
 احکامندن بر مملکتده مرعی و ممدوح اولانلری
 دیگر مملکتده مکروه و متروک اولق کی ایشک
 ایچنده اساساً بر غرابت واردر . بو غرابت
 ضمیمهٔ برده اوروپا ملتلرندن بعضیلرینک
 دیگر بعضیلری عاداتنه اشتراک ایتلمری غرابت
 واقعینی برقات دهآرتدیرمقدمدر . لکن بوراده
 شو معاشرت مختلفه دن بحث ایتیمه جک اولور
 ایسه ک قارئلرمن بعضاً بزم یازدیغمزک خلافت
 شیلر کوره رک عادات اصلیه آنلردرده بز
 یا کلش یازمشزدر اعتقادینه دوشه جکلرندن

بو باده بعض نقاطك ايضا حنه لزوم كورلشدر.
 فرانسه ده و اوروپانك سائر برچوق يرلرنده
 بر شهر ويا قصبه ويا خود كويه كيدن آدم اوراده
 كيملر ايله كوروشمك آرزوسنده ايسه اول
 كنديسي آنلرك خانه سینه كیده رك اثبات وجود
 ایدرده بعده آنلر طرفدن دخی اعاده زیارت
 ایدلمسینه منتظر اولور. بونی اقتضا ایدن یرده
 بویله جه یازمش ایدك. اما انكیزلرك عادتق بوكا
 طبان طبانه مخالفدر. انكیزلركندی اقامتگاهلری
 جوارینه بر مسافر كله جك اولور ايسه ايلك زیارتی
 كنديلری اجرا ایدرك بعده او مسافرك اعاده
 زیارت ایتمسینه منتظر اولورلر. بونی بیلملی ده
 انكیزلرله اكا كورد معاملله ایتلی .

بر قادینه قول ویرن فرانسهز بر قپودن کیره جکی
 زمان قادیندن ایلرویه بر آدیم آتوب اولا کند.
 یسی کیرو. انكیزلر نزدنده اکر قادین معتبران

نسواندن اولورسه مطلقاً قیودن کچمک خصو -
صنده حتی تقدم قادینه ترک ایدیلور. دیماک
اولورکه برانکلیر قادینه قول ویره جک اولور
ایسه کزده برقیودن کیر بله جکی زمان قادین
ایلروله مک طور اورایسه بر اکیکزکه ایلروله سین.
اکر فرانسز اصولنجه سنز آنی بر خطوه کچمکه
غیرت ایده جک اولور ایسه کز او ده سزی چکور.
مامکه غیرت ایده جکندن مسابقه نك انجامی طبانه
قوت قوشمغه قدر واره جقدر.

انکلترده اک کبار دو کونلرده بیله سه واره
قیافتی کیمک تحت مجبوریتده اولیوب کوکی
قاوشدیرمه لی ره دنفوت و بوزرنکلی پانتولون
کیرلر. فرانسه و اوروپانک سائر طرفلرنده کی
دو کونلرده بوقیافته بر آدم کورر ایسه کز حکم
ایدیکزکه انکلیردر. اما سنز او قیافته کیرمیکز.
چونکه انکلیر اولمدیفکز پک قولای تحقق

ایده جکندن شو عاده عدم رعایت کزدن طولای
کندیکزی معذور کو ستره مر سکز .

بر خانه ده زیارت اولنه جق ذوانک هر بریسه
برقات دو ویزیت براقق عادت اولدینی حاده
انکلیزلر قارت کوندوره جکلری خانه ده درده قدر
قاج ادم وارایسه اولمقدار کوشه لرینی قیرارلر .

انکلیز عاده تنجه دو کونه دعوت ویا اعلان ایچون بیلت
کوندورمک یوقدر . یالکز نشان رسمی اجرا اولدینی
زمان قیزایله ارکک کندی ویزیت کاغدلرینی براییک
قورده لایله یکنیکرینه باغلامش اولدقلری حاده
کوندورلرکه بوقارتلر آاندینی زمان تبریکلردخی
اجرا اولنور . آندن صوکره کندیلری نه زمان
ایسترلرایسه نکاح لرینی قیدیرلر .

نکاحی متعاقباً زوج و زوجنه نکاح سیاحتیه
چیقملری عادتق انکلیز دن منتشر اولمشدر .
فقط آنلر بالکلییه آج قرننه یوله چیقیمیوب

« قوللاسیون » دینیلن اصولده شویله قاپوب
آلمهجه برازشی یدکدن صکره سیاحتیه چیقارلر .
آلمانیاده دخی نشان رسمی اعلان ایچون یالکیز
غزته لره بر اعلان قویمقله اکتفا ایدرلر . غزته -
لرده بواعلانی کورن دوستلر همان تبریکه مسارعت
کوسترلر . شمیدیلرده بوعادتی فرانسلر دخی
قبوله باشلامشلدور .

فرانسه ده قزلر شدیداً محافظه التنده اولوب
نشانلیسی ایله دخی یالکیز بر اقلمدقلری حالده
انکلترده آمریقاده حتی آلمانیاده بیله قزلر حقنده
بو شدت محافظه یوقدر . اورالرده ایلك نشانلانمق
مراسمی دلی قانلی ایله کنج قیز عادتاً کندیلکلرندن
اجرا ایدرلر . بونک ایچون دلی قانلینک قزدوقزک
دلی قانلییه برریوزوک ویرملری کافیدور . اما بر کره
نشانلاندیلر می آنک قوتی عادتاً نکاح درجه سنده در .
اورالرده قزلر هودلی قانلیلره بو حسن اعتماد انلرک

نائل اولدقلری حسن تربیه حسـبـیلـه ممکنـدر .
 فرانسه ده بر قزایله بردلی قانلی نشانلاندقلری
 زمان بر آی ظرفنده دو کونلری اجرا اولمق
 تحت مجبوریتده کبی برشیدر . زیرا نشاندن
 مقدم بیله قزلر اوزرنده اجرای نظارت خلیجه
 مشکل و کلفتلی اموردن اولوب بر کره نشان
 طاقاقدن صکره دلی قانلی عادتا هر کون قزایله
 کوریشه جکندن نظارتک کلفت و صعوبتی برقات
 دها آرنار . آلمانیا ده اسوج نوروجده انکاترده
 و باخصوص آمریقاده ایسه اوچ آیدن اقل اولماق
 اوزره قزایله دلی قانلی نشانلی بولنورلر . بومدت
 برمدت امتحاندر . بعضاً بردلی قانلی نشانلاندقن
 صکره غربته چیقهرق برخیلی آیلری سیاحتده
 کچورر . آنلرک اعتقادنجه نشانلیق مدتی نه قدر
 اوزانور ایسه محبتک قوتی ده او قدر آرنار .
 اسـوـچ و نوروجده قز نشانلاندیقی زمان

قوجہ سـنک خانہ سنہ نقل مکان ایدرک برسنہ
مدت قائن والدہ سی کلیننی ایستدیک کی تعلیم
وتربیہ ایدر۔ او مدت ظرفندہ ایسہ دلیقانی
سیاحتہ چیقمش غربتہ کیتمش بولنور۔

اوروپانک ہر طرفندہ ایلمک سلام ویرمک
ارککک وظیفہ سی وسلامی آلمق قادینک حق
اولدینی حالہ انکلترہ دہ امر برعکسدر۔ صالونلردہ
قادین وارکک بر آندہ سلاملاشورلر۔ سوقاقدہ
ایسہ اولاقادین سلام ویرمینجہ ارکک سلام
ویرمز۔ سلاملر بختندہ بونی ایضاح ایلمش
ایدک۔

انکلترہ دہ دیونی چیقارمقسزین ال ویرمک
موافق نزاکت دکلدر۔ اکرانسـانک الی شایان
تقریم اولہ جق درجہ لردہ تمیزبولغز ایسہ دیونی
چیقارمقسزین ال ویرہ بیلور۔ اما بونک ایچون
زیادہ سیلہ عذر دیلہ مک لازم کلور۔

فرانسه ايله بلچيقادن ماعدا المانيا ده روسيه ده ،
ایتاليا ده واصل اوروپا نك هر طرف ده كرك
قیز كرك ار كك چوجقار قاج نفوسدن عبارت
اولور لر ايسه اولسونلر بابالرينك عنوان اصلتيله
ياد اولور لر . فرانسه و بلچيقا ايله برده يال ككز
ار كك چوجقار اچون انك لتره بونك خلا فنه
در لر . پرنس دوق قونت مار كی بارون
(دوفلان) اسمی يال ككز رئيس عائله يه مخصوص
اولوب آنك ارتخالندن صكره ايسه طوغریدن
طوغری به وارث اولان اولادينه انتقال ايدوب
ديكر اولاد ايسه بوعنوانلری آله میه رق يال ككز
موسیو مادم یا خود مادم وازل (دوفلان) دیه
ياد اولور لر . مملك سائر ده ايسه پرنس ملك
دوقلق قونتلق بارونلق فلانلق كافه اولاد انتقال
ايلديكي اچون روسیه و المانيا و ایتالیا و سائر ده
بواصلت عنوانلری حائز اولان ذوات چونالدجه

چو غالمش لر در . اما بومسـئله ده اجنبی مسافر لر
ایچون هیج برکوجلمک یوقدر . برآدمه هرکس
نه یولده خطاب ای دیورایسه او یولده خطاب ایتمک
ایشک اک قولای جهتیدر .

روسیه ده بر سفره دن قالقدینی زمان هرکسک
صاحب وصاحبۀ خانہ یی سلاملا یه رق تشکر
ایتمی وصاحب ویاخود صاحبۀ خانہ نک دخی
متشکر آبالمقابله سلاملا می عادتدر . چوجقلر دخی
کمال تعظیم ایله پدر ووالده لرینک ومسافر لر
میاننده اک اختیار ویاک معتبرینک الارندن اوپر لر
اوروباده بو عادتک جاری اولمדיنی یرلرده بعضاً
روس لر بئدالطعام بویله حرکت ایدنجه عجمیلره
شاشقنلق کلورکه عادت مذکورہ بیلنور ایسه
بوشاشقنلغه دخی محل قالمیوب همان بالمقابله
رد سلام ای دیلور .

آمریقا وانکلتره وحقی آلمانیا ده بیلہ قزلرک

فرانسز و بلجیقا و ایتالیا دان دها زیاده سربستی
 حالند بولند قلربی خبر و یرمش ایدک . بوملمتلدن
 مخلوط بر بالوده و یاخود برمسامسده قزلرینه
 اوسربستی ب و یرمک ایسته مین خلقت عادتنه
 حرمة قزلر ایچون مخصوصاً براوطه تعین
 اولنه رق بولنر اوراده طوپالانورلر و اورایه دلی
 قانلیلرک دخولی تجویز ایدلمز . یالکز رقص
 ایدیله جکی زمان یاشلی بر ذات کیدوب قزلری
 رقص صالوننه دعوت ایلر . دیمک اولیورکه
 اوروپاده بولنان کنسج اجنبیلر بر صالونده قزلر
 قادینلر میاننده ارکک کورمز لر ایسه بردنبره
 کیرمیوب احوالی تحقیق ایتلیدرلر . تاکه خلاف
 عادت بر معامله باردهده بولنمش اولسونلر .

بولندن مقدم بالمناصبه ال اوپمکدن بحث ایتمش
 ایدک . پک بیوک اصیلزاد کاندن اولان و یاخود
 حکمداران فاملیالرینه منسوب بولنان قادینلر

نہ قدر کنج اولورلر سہ اولسونلر بر کیمسہ یه
 ال ویره جک اولورلر سہ اولی اوپمک اوروپانک
 هر طرفنده جاری بر عادت ایسه ده اسپانیاده
 ایتالیاده باخصوص روسیه ده لهستانده آوستریاده
 همان عمومأ قادینلرک لاری اوپولمک عادتدر .
 دیرلرکه کنج لر طرفندن یاشیلیرک الی اوپولمک
 بر تعظیمدر . برارکک طرفندن هر هانکی قادینک
 اولورسہ اولسون الی اوپولمک قهرمانا و احترام
 مکارانه بر حرکتدر . مع هذا بر طور جدیدتله
 فرانسه ده دخی قادینک الی اوپولسہ ملاحظه
 صاحبی ادملرک استغرابلری تحریک ایدلمش
 اولمز ایسه ده ادنا برخنده معیدار ویا خود طور
 شیوه کارانه ایله بو جدیدت اخلاص ایدیلر جک
 اولورسہ ال اوپمک صورتیلر دکل فنط بوطورله
 بیوک بر تربیه سزلک اثری کوسترلمش اولور .
 اوروپانک هر طرفنده خاق ایچنده قادینلر

فوق العاده حرمت و رعایت ایدیلور ایسه ده
 بورعایتك اك زياده سی شماله اك یقین اولان
 یرلرده کوریلور . جنوبه تقرب ایدلجکه رعایت
 مذکوره از انقه باشلار . شویله که : اسوج نوروج
 آلمایا باچچقا هولاندا انکلتره ایله فرانسه نك
 شمال طرفلرنده یمکدن صکره ارککلرك توتون
 وسائر بهانه سیله قادینلاردن آیری یرلرده
 اوطورملری عیب صاییلوب ینه قادینلارجه برمانع
 صحیح بولمندیغی صورتده قادینلره ملازمتدن
 ارککلرك اصلا منقطع اولماملری لازم کلدیکی حالده
 فرانسه نك جنوب طرفلرنده وایتالیاده ارککلرك
 بوجبورتی اوقدر قطعی اولوب قادینلری بشقه
 سالونه براقه رق کندیلری بشقه سالونده اجتماع
 وانفت ایده بیلورلر . پورتوغال اسپانیا سچلیا
 قورسیقه ساردنیا وباخصوص یونانستانده ایسه
 قادینلره ایدبله جك حرمت و رعایت دهاپك زیاده

آزالوب نازلری او قدرده چکلمز. حتی حقیقی
 التماسلری بیلر رد اولمقده یأس کورلمز. کذلک
 هر مملکتده قادینلره اک بیوک رعایت اصالت
 کبارانه نیک اک بیوک طبقاتنه مخصوص اولوب
 مراتب مدنییه تنزل ایلدجه بورعایت دخی تنزل
 ایدر. مثلاً انگلتره و المانیا و فرانسه نیک کبار
 اصیلزاد کافی میاننده بر قوجه نیک کنیدی
 زوجه سنه « بو حرکتکیز شایان استغرابدر »
 دیه بیلیمسی اک بیوک حقارتلردن عد اولنوب
 یینه او مملکتلرده اورته حاللی فامیلیالرده بر قوجه
 قاریسنه « بو حرکت ابلهانه کز عادتاً جانمی صیقدی »
 دیر ایسه شو سوزک حکمی بلکه ده اولکی سوز
 قدر محقرانه عد اولمز. بوکامقابل عمله طاقندن
 بر قوجه کنیدی زوجه سنه « ای آرتق حیوانلغک
 بودرجه سی ده چکیلر مز » یا خود « ایتدی کک
 اشکک آرتق ال ویرر » کی بر سوز سویلیه -

بیلور . مراتب مدنیّه دهها زیاده تنزل ایلدکجه
بویولده کی تکدیرلرک غلطی دهها زیاده آرتهرق
قادینة ال قالدیرمنه قدرده واریلور .

اما هریرده هررعايت قادینه مخصوصدرده
ارککه قادینلر طرفندن هیچ برحرمت ورعايت
یوقدر ظن اولنمسون . ارککه حرمت خصوصنده
آلمانیا ممالک سائرهمه فائقدر . برصالونه ارکک
کیردیکی زمان قادینلر قیام ایدرلر . فرانسه ده
برقادینک اوکندن کچمک و باخصوص برقادینه
ارقه چویرمک پک بیولر برحرمتسزک عداولندیغی
حالده آلمانیا ده بوحرکتک هیچ براهیتی یوقدر .
ممالک سائرهمه دخی قادینلر ارککلر طرفندن
کورده کلری حرمتک عادتاً عینی ارککلره کوسترمکه
بورجلیدرلر . شو قدرکه ایلک حرمتی ایلک
تعظیمی ارککلر دن بکله یوب آنلر طرفندن
کوره جکلری آثار تعظیمه متناسباً کندیلری دخی .

مقابلہ ایدرلر . یوقسہ برقادین دنیانک نرہ سندہ
اولور ایسہ اولسون کندیسنی لزومندن زیاده
ذایل کوسترن ارکیکی بکنہ مز .

صیفیہ یہ مسافر کیتمک

اوروپایہ کوندردیکمز اجنبی مسافر اورادہ
ہوتلارده عمومیت اوزرہ معاشرتک آدابی
اوکرنڈکن فضلہ ویزیتہ لرہ طعام ضیافتلرینہ
چای دعوتلرینہ سوارہ لرہ بالورہ مراسم مدنیہ یہ
بیلاہ کیتمکک باشلامش یعنی معارفہ و مناسبتی
چوغالتمشدر . بو حالدہ دوستلری میانندہ صیفیہ
صاحبی آدملر دخی بولنہ جفندن و بونلرک
کندیسنی صیفیہ یہ دعوت ایتملری محتمل
کوریلہ جکندن بر صیفیہ یہ مسافر کیتمک خصوص
صندہ رعایتی لازم کلن بعض اصول و ادابی دخی
بیان ایلمک صرہ یی کلشدر .

« صیفیه به مسافر کیتک » دینلیدیکی زمان
 بوسوزک حدود حکمی تحدید ایدلر ایسه حکم
 مذکور او قدر توسع ایدرکه عادتاً پرنس دوق
 قونت کی کبار اصیلزاد کانک شانولری عالمترینی
 دخی کندی حدودی داخلنه آله بیلور. حالبوکه
 شوارده اوروپانک بودرجه کبار عالمترینه قدر
 اوزانلق بزم پلانمزده داخل دکدر. اوروپابه
 کیدنلر میاننده بو قدر تعلی بیکده برکشی به
 نصیب اوله میوب واقعا بومعاشرت عالییه دخی
 قلمه آنسه طرف قاریندن طاتلی طاتلی
 اوقونه جنی درکار ایسه ده ایشک اودرجه سنی
 بشقه دفعه لره ودها مهم کتابلره تأخیر وترک
 ایلمک شمدیکی حالده لازمدر. خانه تنظیمی
 و ضیافتلر وبالولر امرنده یاپدیغمز کی بومبجئده
 دخی ایشی اوله بر صورت متوسطه ده تصویر
 و تحریر ایده جکز که اوصورت متوسطه یی برقاج

درجہ آشاغیکی حالارہ تطبیق ممکن اولہ جفی کبی
برقاج درجہ یوقاریکی حالارہ تطبیق دخی ممکن
اولہ بیلسون .

ایمدی برصیفیہ مسافر کیتمک ایچون الکاول
دقت اولنہ جق واهمیت ویریلہ جک شی صاحب
صیفیہ طرفندن وقوع بولان دعوتک درجہ
جدیتندن امین اولمقدر . صیفیہ ده او طوران
بردوستہ شہرده تصادف ایدیلوب ده سالاملاشلدیغی
و حال و خاطر صوروشلدیغی زمان مطلقاً
صیفیہ کی اقامتندن ده بحث کچہ جکندن او ذات
حسب الزاکہ سزک دخی بیورمکزی درمیان
ایده بیلور . اما بونی بردعوت صایمق قولای
اولہ مز . واقعا دعوتدر اما تام آغزلہ می یاریم
آغزلہ می وقوعہ کلدیکی محتاج تدقیقہ در .
بعضاً صاحب صیفیہ یارم آغزلہ اولمق
شویله طورسون چاریک آغزلہ بردعوت

ایدوب ده مسافر آنی تام ظن ایدرک کیدی
 ویرر ایسه هم کندیسنی هم صاحب خانہ
 دوچار مشکلات ایلش اولور . زیرا حسن
 قبول اولمق امیدله بر یرہ کیدوب ده بالعکس
 سوء قبوله دوچار اولمق قدر کوجه کیده جک
 برشی تصور اولنه من . بر صاحب خانہ ایچون
 دخی اعزاز واکرامه مقتدر اولمدیغی حالده
 مسافر قبوله مجبوریت قدر بلا تصور اولنه من .
 بناءً علیه اولور اولمز دعوتلری نازکانه تشکر لرله
 کچشدیرمک زیاده سیله موافق حزم و احتیاط
 اولوب صاحب صیغیه نك دعوتی تکرار و تکلیفنده
 اصرار ایتمی اوزرینه قبوله دخی مجبوریت
 الویرر ایسه اوزمان دخی کندی حالکیز ایله
 دوستکیزک حالی آرمسندہ بشقه جه بر مقایسه
 یامغه مجبور سکیز . مثلاً آره کزده کی دوستلق
 حقیقه جدی بر محبت ایسه ده سز راحتکزی

حضور گزی و حرکات و سکنات گزده مختاریت گزی
 سور بر آدم اولدیغ گز حالدہ دوست گز سزہ
 ایستدیگ گز و جهله راحت ایستدیره بیله جک بر
 حالده بولمیه بیاور. اوزمان اگر صیفیه سی یقینده
 بر هوتل وار ایسه اوراده بیتوتت ایتمک اوزره
 کیدر و دوست گزہ : « مجرد قیر عالمنده دخی
 صاحب گز رفاقت گز لذائذیله متلذذ اولمق ایچون
 کلدم . یتاق زماننه قدر برلکده معاشرت ایدرک
 شهردہ اولدیغی کی اویقو زماننده کندی
 اقامتگاهمه چکلمکی و بو صورتله سزی ده
 راحتسز ایتمامکی تنسیب ایلدم . بکا بوجرائی
 ویرن شی نزد گزده بو قصور مدن طولایی مظاهر
 عفو اوله جنم امید قطعیسیدر » دیه برده اعتذار
 ایدر سکز که بو اعتذار لر اغایی کمال ممنونیتله قبول
 اولور لر. بویله هوتنده اقامتگاه اتخا ذندن سو کره
 دخی مطلقا کندی صیفیه لر نده بیتوتت ایچون

صاحب و صاحبۀ خانہ طرفلرندن مصرانہ بر
تکلیف وقوعہ کلور ایسہ اوزمان هوتلدہ کی
اشیائی صیفیہ به نقل ایتک قولای اولور. اما صیفیہ
واسع واصحابی زنکیکن مسافر پرور اولہرق آرہ.
کزدہ کی حقوق ومحبت دخی سزک طرفکزدن
ارائہ کافہ لزووم کوسہ ترمیہ جک درجہ لردہ
بولورسہ بو تدبیرلرہ ہیچ بر احتیاج قالمیوب
فقط ہر حالہ ایدیان دعوتک جدیدتی تحقق
ایلدکن صوکرہ طوغریدن طوغری بہ و سلمہ.
السلام اشیا کزلہ برابر صیفیہ به نازل اولہ بیلور.
سکزکہ بو صورت معاملہ دہ آداب معاشرتہ وغیر
ہیچ برشی کوریلہ میہ جکندن فضلہ عکس حالندہ
ایدیلہ جک استغرابدن دخی قورتلش اولورسکز.
بوخصوصدہ ہر یرہ کورہ ایدیہ جک معاملہ
قارنک کندی ملاحظہ سنہ تودیع اولنق ضروریدر.
صیفیہ دہ ساکن اولوب دہ بویہ کیجہ یاتیسنہ

قدر مسافر لر دخی دعوت ایدن ذاتک خانه سنده کی
 ترتیبات شهر ترتیبانندن دها بشقه درلو اولور .
 زیرا کیجه یاتیسنه دکل آ یالکز کوندوز بر از
 زمان کچورمک ایچون کلن مسافر لرینه بیله
 هر هانکی ساعتده کلش اولور سه اولسون قورابه
 پاند سپانیا چوره ک شکرله میوه شربت و طوندومه
 کی شیلرله اکرام ایتسی مجبوریدر . شهرده
 کوندوز ضیافتلرنده ایسه بویولده کی اکراملره
 اصلا مجبور دکل ایدی . بوندن ماعدا کیجه
 یاتیسنه مسافر قبولی ایچون یتاق او طه سی وانلرک
 لوازمی مهیا بولمق اقتضا ایدوب حتی صیفیه ده
 او طور لدیغنه کوره تازه سوت ایچون اینکاری
 قویونلری و کزوب یوریمک ایچون آتلی
 عربهلری و کول و شهر و دکز کی بر جواریت
 و ارایسه صندال و قایق کی شیلرک موجودیتی
 اقتضا ایدر . او ذاتک مالکانه سی واسع اولوبده

درونده آولانق ممکن ایسه تفنک و کوپک کبی
 آو طاقملری بولمغه ده لزوم و احتیاج توسع ایلر .
 بویله صیفیه لره مسافر قبول ایتک عن اصل
 انکلیزلرک عادت لرندن ایکن شم دیلرده اوروپا نک
 هر طرفه بو عادت انتشار ایلر مشدر . ش و انتشار
 مناسبتیه بر طاقم اداب زائده دخی ضم اولنمش
 ایسه ده معاشرت صحرائیه ده اساساً مطلوب اولان
 شی ساده لک و تکلیف سز لک اولدیغندن بو اساسه
 مغایر اولان قاتمه لرک هیچ بریسی کبارلق عد
 اولنه میهرق ص و کر مدن کورمه لرده کوریلوب
 استغراب ایدیلن حالاتدن عد اوانور .
 صیفیه به مسافر کیتک امرنده خانه صاحبیه
 مسافرک هر برینه ترتب ایدن وظائف بشقه
 بشقه شیلر در . وظائف مذ کوره طرفینک
 معلوملری اولورده ایکی طرفدن دخی رعایت
 ایدیلور سه بو معاشرتدن مطلوب اولان صفا
 و استفاده دخی حصوله کله ییلور .

والا شو مسافرت كرك خانه صاحبي و كرك
مسافر اچون عادتاً بر اشكنجه حكمنی آلور.
مثلاً واردینی صیفیده باغچه دن هیج بر چیچك
هیج بر میوه قویار مامق ماندره دن بر طامله سوت
ایسته مامك آته عربیه بنك و بالق صیدینه
ویا خود قره صید و شكارینه کیتك هوسنی
کوستر مامك و الحاصل کندینه نه یولده اكرام
ایدیلورسه اكا قناعتله برابر ایدیلن عزت
و اكرامدن بك ممنون بك متشكر کورونمك هپ
مسافره عائد وظائفدن ایسه ده مسافر بو وظائف
ایله مقید در دیه بچاره بی حبس و تضییقه ده
جواز کوسه تر یله مزیا. بوکا مقابل باغچه ده کی
چیچكلرك تمامیله آچیلوب کوکاری اوزرنده
دها زیاده ترك اوانورسه صوله جق و قورویه جق
اولانلرندن بوکتلریا پوب و تمامیله اولمش میوه لردن
طوپلایوب مسافره تقدیم ایتك و صبا حلیری

واقشاملری تازه صاغیلان سوتدن صیجاغی
 صیجاغنه کوپوکلی کوپوکلی ایچمک ایچون
 مسافری ماندره به دعوت ایلمک و کیدیله جک
 یرلرک زمانلرینه کوره آت و عربه قوشدرمنی
 و صوده قرده موسمنه کوره صیدلر ترتیب ایتمک
 و احاصل او صیفیه ده اکلنجه ایچون نه یایمق لازم
 کلور ایسه یایمق دخی صاحب خاننک وظیفه سیدر.
 ایشته هر ایکی طرف بو خصوصده کنندی
 وظیفه لرینه رعایت ایدرلر ایسه امکالنک مساعدده سی
 درجه سنده اکلنجه لرله ایکی طرفت هیج بریسی
 صیقله قسزین اکلنه بیلورلر.

صیفیه ده اقامت ایدلدیکی مدت کونشلی
 روزکارلی یا غمورلی هوالرده آت عربیه بینمک
 پیاده یوریمک صندال ایله کزیمک و اقتضا ایدر ایسه
 کوره کچمک کی خصوصانده مسافرک صاحب
 خانه به پروا و لمسی شرطدر. کونش کچر روزکار

طوقونریا غموردن ایصالنوب اوشونور آتدن عربهدن
 قورقولور صید و شکارده تهلکه بولنور آیاقدہ کی
 ناصورلر یوریمکه مانع اولور دعواسنده بولنان
 چیت قردلم ذوات نازکه ایچون صیفیه لره مسافر۔
 لکه کیتامک جهتی بالوجوه مرجحدرو واقعا
 مسافرینی بوشلوشدائده قارشو امتحانه قاتقشمق
 دخی صاحب خانه ایچون یاقیشق آله من ايسهده
 اوله مسکینلرک مسکینلرینه حرمة صاحب خانه
 اذواق معتاده سنی ده فدا ایدہ من ۔

هله بشقه مسافرلر دخی بولنه رق بوکی
 ذوقلره صفالره خواهشکر ایکن اومسکینک
 خائفانه و محترزانه نازلری هرکسک ذوقنه بالکلیه
 مانع اوله جغندن فبالغ درجه سی برقاتدها آرتارہ
 برچمن اوزرنده اوطوروبیمک بیک برقایناقدن
 برقباق پارچه سیله ویاخود آوج ایله ایچمک
 بر آغاچدن میوه قویارمق ایچون اوزرینه چیه

بیلیمک کی خصوصاته مسافرك جرأتلی بولنسی
 برنجی درجه ده لاید و لاجرم اولوب یوقسه یرد
 و طور رایسه اوستم کیرلنور و روزکارک قالدیر-
 دینی توزلر سوسمی برباد اید بیورلر دیه شکایت
 ایده جکلری نازلر قیر عالم لرنده هیج یاقیشق
 آله مزلر . بالعکس مسافر بر چپلاق آنک
 طاقلرینی اوروب حاضر لاق و یاخود عربیه
 فوشمق و برصندالده دومن و کورده و یلکن
 فولانمق درجه سنده دخی ال یاقیشدیرر آدم لر دن
 ولورایسه صیفیه به بر مسافر دکل براعلا آرقداش
 کیشجه سنه مقبوله کچر . بر کره صیفیه نشین
 ولانلر نزدنده بویولده کی مزیاتی شیوع بوله حق
 ولورسه آراتق بیک طرفدن دعوت اولنمه
 باشلار .

اوروپا لیلر نزدنده صباح قیافتی کوندوز قیافتی
 قشام قیافتی بشقه اولوب منتظیم بر افندی صباحلین

اوطہ سی ایچندہ ایاغہ برترک و آرقہ سنہ خفیف
 برجاکت و باشنہ تاقیہ کیمش اولدینی حالہ
 اوطورہ بیلور ایسہدہ سوقاغہ چیقماق ایچون
 مطلقا سـ سوقاق قوستومنی ویاخود رده نغوت
 قیافتنی کیر و رده نغوت قیافتیله سوقاغہ چیقماش
 ایسہ اقشام قادینلر یانہ سوارہ قیافتی
 وکـ وندوز قوستومی ایله چیقماش ایسہ
 اقشام رده نغوت قیافتی مابس اولدینی حالہ
 اثبات وجود ایلر . اما صیفیہدہ توات مسئلہ سنہ
 بوقدر اہمیت ویرلمز . صیفیہدہ ممکن مرتبہ
 سادہ لک مطلوبدر . اما پیسلکی مردارانہ دہ
 سادہ لکدن عد ایتکہ امکان بولنہ من . کوندوز
 ہیچ بریرہ چیقماش ایسہ کوندوز کی قیافتلہ
 فقط سیلنوب سپورلدکن وال یوز ییقاندقن
 صوکرہ اقشام سفریہ کلنہ بیلور . اکر کوندوز
 آت آرابہ صندال ایله کز مکہ بالغہ آوہ فلانہ

کیتلمش ایسه صلیما آندره، مخصوص ایسه
کیله رک سفیرییه کیتیلور، بوسسورته نظامت
وصهاره دقت اولدینی حالد اوله بیاض بیون
باغی و بیاض لیوان درجه سنه کی توالنلر
آرامتز، اما حرب صیفیه کبارس اولوب ده کن
مسافر لرک کافه سی ده توالنلر صرافه رعایتده
ایسه لر انره انباغ دخی تحت مجبورینه کیرر،
اوحالده انسانک ایسه توالنلر چاناسی برابر
کیتمش اولوق ایجاب ایدر،

صیفیه لر جوارنده کویلر چفتیکلر بیوک
ماندرمار ذکرمانلر فلانلر بولسورارکه بونلرک
قادین ارکک اهالیسی یانجی مسافراری هیچ
ظانیدقاری حالده ده هر راست کاندجه سلاملر لر
بونلره کمال بشاست، وانتفات ایله رده سازم ایدلر
ایسه اومسافراری پک تربیه سز وعادنا ادب سز
مقوله سی آدم لر دن صایوب صیفیه سنده مسافر

اولدقیزی ذوالی بیله بیله مسافر فرار فیسو
ایلدکلرندن طولانی مؤاخذیه قسر وارولر
بناءً علیه تصادف ایدیان کویلیارک مسنلر
ردسلامدن ماعدا « نسل همشهری ! بوسته
فیض وبرکتدن ممنونیا ! » یاخود عربیه
قوشمش اولدینی بارکیری وسیله لغات ایده
« بارکیرکزی پک بکندم ، کوزل باقبورسه
طبیعت صاحبی حیوان مراقیسی بر آدم اول
یغزیه دلالت ایدر . » کی سوزلر دخی سویه
ملیدرکه قوجه کویلی « ایشته ناموسلی وتریه
بر آدم ! » دیه ممنون اولسون . کویک پاپا
واوجوارک بلدیهمدیری ضابطه مأموری ط
مقاولات محرومی کی آدملر بو محمل
ارکاتندرلر سزک مرتبه کز نه قدر بیوک او
ایسه اولسون یولده آنلره تصادف ایلدیکی کز
ایلمک سلامی سز ویرملیسکز . ذاتابونلر مس

لدیفکر شانوبه صیفیه به دخی سربست سربست
 رلر چیقارلر. حتی هفته ده برویا ایکی کون منتظماً
 مامه دخی مدعودرلر. اوایام معینه ده کلسونلر
 سونلر طباقلری سفره به قونیلور. صاحب
 صیفیه بونلره تصادف ایلدیجه انی تقدیم ایدر
 جه سی بونلرک زوجه لرینه تصادف ایلدیجه
 ساحفه به قدر واروب چوجقلرینی اویمکه بیله
 ندیلرینی مجبور کوردلر. بوصافی دل آ دملره
 و صورتله حرمت ایدیلور ایسه انسان آنلر
 رفتن دخی محترم اولوب وئلا آرقه دن آرقه به
 ویلنن « بونصل مکبر حریف! نه قدره غرور!
 بیج بویله حیوان کورمدک. عجبانه درکه! کندینی
 م صانیور صانکه! » طرزنده کی سوزلری
 سان کندی قولاً فلریله دخی ایشیدر.

صیفیه ده مسافر اولان ذات صباحلری قاتقوب
 ک توائنی اجرا ایتمکی متعاقب سالونه صاحب
 نه نی سالامه اینده مز. بونک ایچون صورت

مخصوصاً دعوت و قوعی لازم کلور . دعوت
ایدلز ایسه قوشاق طعافنه قدر یا کندی اوله .
سند و یا خود باغچه ده کندی کندینه ایستدیک
کی زمان چکسور ، برده سالونده صاحب
وصاحب خانه ایله برلکه بولور ایکن اطراف
وجولردن بشقه مسافر لر کله جک اولور ایسه
هیچ کیسه به سزدر مکسزین یواشجه سالوندن
چکلمکه جبوردر . چکلمک ایستدیک سزدر
اوتوروسی تکلف ایده نینه برایش بهسانه
ایدوب اوتورماملی ویک مسافر لرله خانه
صاحب لرین یا کز بر اقلیدر . اما زیاده سیله
اصرار ایده جک اولور لر ایسه بالطمع اوتوروب
هم آنلری اکندر لی هم کندی اکنملیدر .

صیفیه لرده قیرلرده صحرالرده برقادین و یا خود
ارککک هوسکاری اولان ذات ایله باغچه نک
هجری محملرنده اورمان ایچلرنده حاد لی اغیاردن

خالی محالرده یکدیگرینه تصادف ایدرک و یا خود
و تصادف لر بالا التزام وقوعه کتور یه لک کور شدکاری
رومانلرده تیار و لرده پک چوق تصویر اولور لر
ایسه ده صیفیه عالمرنده بوئللو تصادفلر غایت
عیب مسایلور لر . واقعا ایکی کوکل بر اولنجه
هیچ بر سر احمک حکمی قالماز ایسه ده برکنج
قادرین و قز ایله اوله دوین اولرمانلره مجری محالره
طوغری اولر قلوب کیمک تربیه عمومیه
موافق دوشمز . قادرین و یا نر طرفدن استمداد
کوستراجه نک اولسه بینه هیچ بنای ایتمکسزین
کندینی محافظه ایتلیدر . زیرا بوکی خصوصانده
بنات حوا ملاحظه جه قاصر اولوب ادنا بر
ملاحظه سزاق بعضاً انسانی او قدر بیوک بلیه لره
دوچار ایلر که حاله اچیلانلرک عددی کوانلرک
عددیله رقابته چیقار .

بر صیفیه ده کیجه یاتیسنه مسافر اولدقدن صوکره

حین عودتده خدمتکار لره مطلقاً بخشش و یرمک
اقتضا ایدر . یالکز برکیجه قالمق ایچون برنک
خدمتکاره ایکی فرانقدن آشاغی و یربنه من .
اوراده کچوریلان کیجه لک و موجود اولان
خدمتکار لک عددینه کوره یکر میدن اللی فرانقه
قدر بخشش و یرمک لازم کور . و یرمادی
صورته مسافرک خدمتکار لر طرفدن کوره جکی
صورت بر طرفه قالسون صاحب خانه دخی کندی
خدمتکار لرندن محجوب قالور . مسافرک بخشش
و یرمادیکی اوکرنور ایسه تضمیناً کندوسی
و یرمکه قدر محجوریت کور .

صیفیه مسافر کیدلدکن صوکره اورادن
طوغر یجودیکر صیفیه مسافر لکه کیدلدکن بارلق
صایلمز . بوکاعادتا صیفیه دن صیفیه طولا شوب
کندایسنی عالمه بسیلتمک معناسی و یریلور . برکره
شهره کللی ده ولو برکیجه قالدقن صوکره دیکر
صیفیه کیتملیدر .

صیفیه نرده بولان دوستلارك عزيمتلر نك صوكره
يكي حيقان كتابلردن آنلره هديه كوردومك
يك زياته نازكلك عد اولنور . حتى صيفيه ده
بولنه صيه جق اولان شكرله قوراييه و سائره كي
شيلردن خاطر صوره قى مقبوله كچر . آنلردن خي
بالمقابله اورانك محصولى اولان ميوه دن شرابدن
تره ياغ نسدن فلان دن هديه لر كوندورلر . بولر
واقعا يك كوچك هديه لر در اما دوستلر ييتمده
اونو تلمديغنه دلالت ايلر كلرى ايچون دئما خوشه
كيدرلر .

صید و شکار

مادام كه صيفيه ده كيجه يانيسنه مسافرلكه
كيدلكه قدر باشالاندى مادام كه بو صيفيه
مسافرتلرنده صيد و شكاره كيدلك مناسبتلرى
دخى واقعدر كرك صو و كرك قره اولرى .

حقنده شوراده بر باب کشاد اندر ایستاد
 محل مناسبی بمانی اولورز ، اما با بزرگ سر نه
 ستم و سید و شکار « سوزلریش کوردور
 بوسوزلا حکمتنده کی لونه متاسب قسیمیلا
 گیرینه جگیز ظن اولمسون - نر برآورده هر تیره
 یالکیز مبادیسندن و ک ساده صورت و درجه
 لرین بخت ایدر یوز . سید و شکار ایسه
 ذلتم بر علم مختصر و یا بر صنعه مختصر
 درجه سنمه واسع شیلردن اولمقدن افضله برد
 « سپور » عالمه عابد اولدیفندن یعنی آنایینه
 و کز لرده کز مکت و کرک آت و کرک صرا کر
 بحریه ایله یاریش لره چیقماق و صید و شکار
 بولماق کی کبارانه ادمانلر صره سنه چکی یکندر
 بونلرک هر برینه مخصوص متعدد و مستقل کتابله
 تالیف ایدیش بولمسه نظر آ بزم بوراده چنه
 صحیفه دن عبارت اوله رق و بره جگیز معلومان

ولسه اولسه بر فکر جلی حکمنده اوله بیلور .
 بز بوراهه صید و شکاری اماناً ایکی سوره
 تقسیم ایدم چکنز که بریسی سوده و دیگری قره نه
 آوجیلندور . بوزارک دخی هریری با جماع ایکیشر
 سده مقسم اولورلر . مسو آوجیلانی طاساتی
 مسو و دکنز با قنچ افسه و قره آوجیلانی دخی
 سواری و پیاده آوجیلانله تقسم ایدیلورلر .
 بوزارک هریرینک محاج اولدی بی ادبانه و ادوات
 مذکورونک صورت اعمال و استعمالدن بحثه
 کیرتمک نالما بر صحن مخصوصه و نادانان
 مخصوصن بحثه کیرتمک دیت اولور که ایشک
 وجهتی زمر یا لغزون مالیه خارجدور . بوزاری
 و « و سوله » ماحشرت « عدا ایدک عادت و آداب
 عمومیه ملک بوزاره تعلق ایدن بعضی جهتلردن
 بحث ایده چکنر . تا که اولورلره بوزاران اجنبی
 مسافرلر لوکی عمارت قره افسه دخی با مکیه

یہ نجی و خفیہ انظار استغرائی جلب ایتھس و نثر
 مع هذا اصل مقصود من مباشرتدن اول شو
 مستور من ایدم کہ اوده (قادرین قسمی صید
 و نکار است که ایدرمی ؟ مسئلہ سیدر مادام اور
 حق جوابه يك متعصبانه برپا دہ صحت ایدیور .
 قادرینہ ایکن فرانسیزاق نقطۂ نظرندن تاقی
 ایدرک من قدرینی صالوٹ قرالچہ سی و حق
 برستہ کاران زہرہ مک محبوبہ سی دیہ حکم ایلیدرک
 صید و شکاری تخریب حیاندن عبارت بولغہ قادینلر
 ایچون بوفالی اکلا جانی اسلا تجوز ایتیمور .
 یالکر قادرینہ جندیلکی منع ایتیمکہ مقتدر اولہ مد -
 یغندن آت اوزرنده اجرا اولہ جق صیدری
 قوش و شتریزہ قادرینک اشتراکی نجوز ایلیمور .
 بالقجاق ایچون هیچ برشی دیور ایستدہ درہ
 و کول کہ اولرنده قامش اولخلر ایلدلاق اولامق
 قادرینلر ایچون علی العموم مباح اولہ یغندن بودوقدن

بنات نوعی محروم براقه میه جفی در کرد در .
اما شومسئله ده مادام لوئیز دالک حکمی جاری
دکدر بونی کند یسی دخی بیلور بهض قادیلرک
اوافق تفک صیدلره اشتراک لری یازدینی صروده
پارسک الک بیوک اصیلزادکانندن اولان برقونتسک
قوجه سندن صید و شکار مدتلی ظرفنده دخی
آرلماش اولق بهانه سیله قیصه فستنی آلتیه برچفت
ظریف چزمه کیه رک واینه مینی مینی برده تفک
الهرق کیکلک آوینه چیق دینی کند یسی ده حکایه
ایدیور ایسه ده بومراق خصوصنده بیان ایلدیکی
قونتس یالکز دکدر . کککک وبلدیجین کی
قوش اولرندن ماعدا طوشان و سائر صید و شکار
لرینه قدر قادیلر اشتراک ایللمکده دولر . حتی
بونلرک مقصداری اوقدر چوغالاش و بو عادت
اوروپاچه اودرجه لرده تمام ایللمشدر که سرینسی
بزم بورلره قدر سرایت ایلمش و بر قاج سنانبری

ایستفانوس طرفلورنده بیلدورجین صیدی موسیو
 کاندسکه بر اوروپالی مادام ظهیر ایدرک اورد
 اق قابرا برلوسسته آوجی تفکیکه یوزلرجه
 بیلدورجیناری اوچارلکن برلر سره کده اراک ککر
 ییغیغه بخشا اوله جق اوقدورت و مهارت ارا
 ایامکده بولمشدور .

اشعل قدرتاری یتدیکی سرشیده قادیلر
 مدخی صید و شکاره اشتراکری عالمی اوروپا
 کتسدک براتوب نسیم ایامکده بولسد
 بویولدهکی مصاشرتار حقیقده خبر و برله
 آدابی او قعده نظاردن تحریر اتمک بزم
 مجبوریت واردر . اداب مذکورده نکاسی
 ایسه آوجی اوقداشلمیایانده قهرین اولار
 رفیق سار جهلده تقدیم ایدرک حقیقده
 کوره نسیم و تکریم الله طورانلار و
 مهتک نرشو آلی حباب و محافظه ایدر

یا عوسنی و فزکانی جیخانہ فی طاشیق و اور دینی
 آوی کیدوب الملق کی خبر ہمارینہ مسارعت
 المکدر ، ذاتاً قدین یا ندہ بولند بچہ ارکا کارک
 خند و شکار منزله سنہ تزلاری اور و پانک ہر کوہ
 آداب معاشرتی انچون اس لاساس دکلیمہ :

صید و شکارک بالادہ تعداد اولسان اوائی
 یا ملق انچون ارچ ضرورت تصور اولانہ یلور کہ
 برنجیسی صید ساحبی کداسی اولوب بواکا جابہ
 مسافر دعوت اتمک و بیک جیسی بر صاحب
 صید طرفہ سن بواکا جابہ دعوت اولمق
 و اونجیسی دخی و فاج کشی بالاشترک بر صید گاہ
 استیجار ایلمک اکملک صورت لریڈر ، اشہو
 صور تہدن برنجیسی اجنبی مسافرہ نصیب
 و ہمسراولامز ، اور و ایساردن بیلہ اولور اونز
 صلیہ و املاک محالینہ نصیب اولامیوب بلکہ
 صید گاہ اولند مسافد اراضی و لاساس

اوله بیلنلره مخصوصدر . بناء علیه ادا بدن انلر
 حصه سینه اصابت ایدم جک اولانلرینی ذکر
 وتفصیله لزوم دخی یوقدر . مع هذا فقره آتیه
 بر اجنینک بوبابده بیللمسی لازم کلن درجه
 یینه حاویدر . بر صیفیه دعوت وقوع بولدیغی
 زمان اولمسیه صاحبک صیدکاهی اولوب اولمدیغی
 و صیدونشکاره مراقی بولنوب بولمادیغی البته معلو
 اولور . ارحالده حین دعوتده صیدونشکاردن هیچ
 بیله بحث اولمسه صیفیه مذکورده آوجی طاقلری
 بر لکده کیتماک ایجاب ایدر . زیرا بر آوجی دوستک
 ایتدیگی دعوت صیادانه بر دعوت اولوب واق
 کباردن اولان مکمل آوجیلرده مسافر ایچور
 دخی آوطاقی بولور سده خایه صاحبک طاقلری
 طمعاً طاقسز کیتماک آوجیاق شاننه مفایر دوشر
 ممکن اولدیغی قدر اعلاسندن بر تفنک ایله فشکاک
 صو مطرهمی بر روولور بر یان ییچاغی بر آ

فایسی ایشت بر آو حینک اساجه مکله می دیت
 لوب صید و شکاره مخصوص بوقات البسه
 بر چانطه و بر چفت جزمه و یا خود تزلق دخی
 اساجه حامل اوله جق ذاتک قیافتی اکل
 ر . اگر اورماناق برده سینه ایدیه جک
 لورسه برده اوجی بورینه لزوم کوریلور .
 ید ماهی مسئله یی دخی بونک عیندر . یعنی
 ایدیه جک برده بالق طاقی بونک جفی محقق اولدینی
 ایدیه دخی انسان کندی بالق طاقی حوی
 لان قوطیسی برابر کوریلور .

بوصورتله ججهزاً صیفیه کیدلدکن صوکره
 ایدیه جک صید و شکارک ترتیبی خصوصنده تمامیه
 صاحب صید لر ای و امر بنه اتباع الیمک آدابندره .
 رضیفت خصوصنده خانه صاحبی نصل امر
 مستقل ایسه صید و شکارده دخی صاحب اولان
 ریه جه امر مستقادره واقعا بعضاً کن مسافر

صاحب موسی اہل سید کاہنہ کی بولاری ازوری
 صیدلری آمدن اشلا بیلدرک و آمدن دھا اوستہ
 آوجی اولہرقی رآیدن استفادہ بہ صاحب خانہ
 نزلہ ایدر واولدخی سیدیکفی اسیرکامیرک وایی
 ویرر ایسہ سولہ جکی سوز ہر خالدہ رآیدن
 عبارت قلوب بولہ ہبج بر وقتہ امر فنی
 صورتی اخذ ایدہ مز .

صیدہ کندیکی زمان ظہور ایدہ جک اولہ
 قنک آتی حقیقہ دخی صاحب سید مسافرارینہ
 تقدم ایدر ہکرک سوزن آوی کی پوستہ قورہق
 صورتیلہ اجرا ایدرلی سید اولہ اولہ ہر کس
 کندی قنای اولنہ سیقان سیدہ آتفہ محق
 دکل حتی اولہ دار مجبور دریلہ اما بریرہ
 بولیاورک ظہور ایدر آوہ ہم صاحب سید
 آنہ بیلور ہم سوز اولہ خالدہ حق تقدیمی اکا
 ترکہ مجبور سکز اگر سوزہ حیرتہ بوختنی ترک

و خدا ابرایسه ، لشکر آمارشکر ، بوندتار سو
 و قره آولرینک هر رنده اماناً برده چه مرعی
 اولوب هر حاله ایلمک حمله لر و ششون شره لر
 صاحب عیده ترک اولغق مجبوری اوله رق آتک
 طرفین و نوع بوله حق لشکرین شقه شپه
 هر عد اساسه تک خارجه جیتوق لعتالی و قمر
 قره آولرند اور بلان عیدک لشنی اودانه
 و رشتک عتدر ، اودنی بوندی ان زیاده نجل
 امت ایستدکی ذات قدیم و عتایلر ، اگر
 آریلر عیالده برقادن وار ایسه شه بوق که
 قتلدهن ترجیحاً انکا قدیم اولور ، بوق ایسه
 موجود آوجیلرین برجه قدیم ایتمک مجبوری
 اولوب بشفه رنده کی تادین ارکنا حیلدن مانکیسی
 آریلر ایدلور ایسه انتخاب و ترجیح اولک ییلور ،
 اور بلان آو کیتمک ایسه آیلاری و ونوزلری
 باشه ترجیح اولور ، ذاتاً و عتدک مالی

آرامت و شرفی آراندیغندن باش و آییق اکل
اوله بجه حقاری حالده دخی مجرم بخش ایدہ جکاری
شرفی بملر لای زیادہ سیلہ مقبولہ بکر .

کرتہ سیدم ترک فرہ آرلرندہ حاصل اولہ حق
شکار و بیک اول صاحب صیدک سفرہ سی
ایچہر بیک بیک اوزرہ لزومی قدری نفریق
اولہ بیک بیک یئہ آرجی آرقداشلر برلکدہ اکل
ایدلر . بیک بیک بوشی قالورسہ آوجیلر بیکندہ
تقسیم اولہ بیکلرندہ . اکر مقصداری غیر قابل
تقسیم بیک بیک عبارت اولورسہ کندی سفرہ سی
ایچہر بیک بیک نفریق ایتیمک و جملہ سی تقسیمہ
قوتیق امر بیک صاحب صیدک رأی نافذدر .
بیک بیک تقسیمہ قونیلہ حق صیدلرک هرپان «بورش»
تعبیر اولور کہ بونلر دخی کال اہتمام ایلہ
طار و اوزون بر سیت درونہ قونیلہ رق
آرقداشلرہ تسلیم ایدیلاور . انلر دخی بونلری

کرك كندی خاه لرینه و كرك دوستلرندن انتخاب
ایده جملکری ذوانه ارسال و اهدا ایدرلر .

پوسته وضعیله اجرا اولنه جق سورگون
اولرنده هر آوجی هانکی نقطه یه قونلمش ایسه
اورادن اصلا آیرلاملی ونه طرفه طوغری تفك
آته ییله جکی کندیسینه اخطار ایدلمش ایسه
اوطرفدن بشقه جهته تفك آتماملی و کزدیکی
یوریدیکی و خندق و یاخود چیت کی شیر
آتلادینی و الحاصل یالکیز صید ظهورینه انتظار
ایدیله جک حال و محملدن ماعددا انمه تفك
بولندیردینی زمان تفنکی طولی اولیوب بوش
بولمق لازم کلوب بوقاعده خلافیه شید تفنکی
طولی بولنورسه مطلقا و همه حال فوریلی
اولمالمیدر. ضمنتده ادنا برتهلمکه ماحوظ اولان
احوالک کافه سی آوجیلقدده قطاماً ممنوع اولوب
بوموعیته رعایت ایتماک یالکیز عیب صید

قالز . بلکہ کنڈیسنی بقعہ دفعہ سید و شکارہ
دعوت ایتھامکہ فسر سبیت کو ستر .

انہی سید و شکارہ آرقداشلردن باروت
تاسول صاحبہ و یا خود حاضر طوکرلش خرطوج
کی شیلر ایستھک حمیب ہم آوسیانه فوالدور .
ایستھلیکو حلقہ آرقداشلر روایر ایستھ حق
عادلورق اولوچار قیب اولو مز .

مع هذا آرقداشلر یکرمن بریستھ شیلر اولو
ریک اکیک اولو جنی و ایستھ ممکن حیاتیست
یکنی اکلا یوسف شمس اولان شیشی آیزلیجه
اعطا ایستھ کر یک زیا و مقبولہ بکمرک یک
نیوک نزا کتہ حمل اولور .

مالی اولورده کورک چکک درمن قوللاق
بلکن خدمتہ بولمق کی الیز کلن حستھک
افستھه صاحب سید طرفلشن وقوع اولان
الحاسلری عدا بر آس و قولمادامک اولور

فغانیه سی کی اتی ایدرک ایفانری حصه بستمه
ازدل و جان هسارعت کو سترملیدر .

یوقسه ایفانری بنم ایچون چاتسورده
هر راحی بن ایدهم دعوا سنده بولمق یك زیاده
شایان تییب اولوب هر حق صاحب لیدك
اولدینی حظه اولیله بویه ردعوا سده و اجاز .
آلمه طبعی کورمان دیانی یته امور سندهك
انتضامی ایچون انوم کورمان و قبول اداق بر
ریاست اولوب یوقسه جهلستك مرسته بی سلاوی
عد اولان بوشلک جهیلترده کیمسه کیمسهك کیفه
خودنکار اوله من . ایش یالاکز بوندن شمه رت کلدور .
کیمسه کیمسهك نازی نه چک من . صوده روزگار دن
طافه دن شداده و آیه دن و قره صد ساع سیدیه دن
بود غلقدن فلاذن فورق و بوخونق و بوز مور .
ننده ویداده خن فویملی آرقدانلری یز ار اشدحت
احوالدر اولوب بر قاج دفعه سنده حسب لیر که

حوالہ سمع ترجم ایڈیورلر ایٹش کی کوروانسہلر
بیله انجہامندہ تسلی ویرمکدن دخی بیقوب
اوصانورلردہ آچیقدن آچہنہ سویلیہ مسہلر بیله
درونلرندن اولسون « اوقدر راحت و سلامتی
آرایان آدم صید و شکارہ کلیوب خانہ سندنہ
اوطورر ایدی » دیرلر و شبہ یوق کہ بوسوزلرنده
حق دخی قازانورلر .

بعضاً اوج بش آوجی بر صید کھی استیجار
ایدرک مصارفی مشترکاً تسویہ اولنق اوزرہ
آوہ کیدرلر . اوروپادہ املاکک اجرت صیدیہ سی
دخی بر ایراد حکمنده در . چاللق واورمانلق
اصحابی اورالرک حقوق صیدیہ سنی کرایہ ویرمکدن
بر خیلی استفادہ ایدرلر . بوصورتندہ ترتیب
اولنہ حق صید و شکارلر ایچون ایکی رئیس انتخاب
اولور . بریسی کیسہ دارکہ وقوع بولہ حق مصارفہ
محبوبہ رکک علی الحساب صورتندہ ویرہ جکی

آنچه بشود کیسه دارد جمع او اندر حق آنک معرفتیه
 صرف بود و شکارک نهایت همه حسابی حصه داران
 تقدیم نمود . بو حساب موجب وجه ایلت و بیان
 یاره آرتمش ایسه فضله سی حصه دارلره اعاده
 اولوب اگر کفایت ایتماش ایسه نقصانی یسه
 آنلر طرفدن مساواتاً تسویه ایدیلور . وئیسک
 ایکنجیسی آوجی باشی اولور که بو آدم کیدیلر جک
 اولان صیدکشی جمله دن زیاده طایان و اصول
 صید و شکاری هر کس دن این بیان آدهدر .

ترتیبات صیده خصوصاً صنده بو آدمک امر
 و نهینه آجعه جمله ایچون بودج حکمی آلوب بر
 صاحب صیده نه درجه لرده اطاعت ایدیلور سه
 بوکا دخی اولوب سه اطاعت ایدیلر جکدر . یا الکنز
 حیقان اولره تفننک آتمق حق تقدیمی بور یئسده بولنه
 میوب بو خصوصاً آرقداشلرک کافه سی مساویدر .
 بویه بالاشترک اجرا ایدیان صید و شکارلرک

مخصوصاً اول اوچین سفره نیک حصه سی
 آریق دسی اقضا ایتزه هر کس کندی حصه سی
 آله یلور - آوجیلردن بعضیلری حصه لری
 آروپ دوستانینه اهدا ایتدکاری حایده دیگر
 بعضیلری خبیخ واکل ایتک ایستورلر ایسه
 حصه لری آلانلر یونلرک اطعمه مینه دخی اشترکین
 یالصح شمع تولورلر - اما شو قواعد اساسیه
 خارحصه لردنلر اتفاق آرا ایله هر نوبه قرار
 و رولر ایله قاعده مرجیه آیدن عبارت قاله جفی
 درکاردر

کرت بر صیفیه دعوت ایداش و کرک بالاشزاله
 کیداش اولسون حیلیم نکاردن مهلوت دعوا ایله
 مباحثه و مشاوعیه کیرشمک و چوندن اولسکی
 حیللریده سوبله سوبق اولایغیدن بوبله هنرلر
 کوسخه کنندن بخشه مسخره قالششق غایت
 عیب ساییلور - ذل آوجی یالان دیسانک

هر طرفه و شهر و اولاد سز سز سز سز سز
 ایستاد اولاد سز سز سز سز سز سز
 اولاد سز سز سز سز سز سز سز
 کوله سز سز سز سز سز سز سز
 بویله سز سز سز سز سز سز سز
 اما بشقه لری کندیلری مدح ایستاد سز
 بوز سز سز سز سز سز سز سز
 آنری بویله سز سز سز سز سز
 ذکی اولاد سز سز سز سز سز
 کیندر ایکن غایت متواضعه بویله سز
 سز سز سز سز سز سز سز
 غرور کوستر سز سز سز سز سز
 اقشامکی عودت دوشوندیکی بچون بویله
 لزوم وارد در صبا حلین غرور متکبرانه ایله کیندر بویله
 اقشام الی بوش دوشد یوقی : حج لک الی بویله
 بونده کوریه جکی بچون بویله لزوم وارد در

خانہ حقیرانہ مزدہ آرجیلغہ دائر برچفت لوحہ
وارد ر . برایی صاحبان صید و شکار عزمی
و دیگر آفشام غودتی تصویر ایدر .
آوه کیدنلر بر اختیار آدم ایله بردلی قانلیدر .
فرض ایدلم که بابا اوغلدرلر . او موزلرنده نفلک
بیونلرنده چانطه بللرنده پلاسقه آیاقلرنده توزاق
یانلرنده کوپک هر ایکسی ده آوجی قیافتنده اما
کنج آوجی غایت مغرور اختیار آوجی ایسه غایت
متواضع ! حین عزیمنده کنج و کوزل برقادینه
وداع ایدیورلر . فرض ایدلم که بوقادین دخی
اختیارک قزی و کنجک همشیره سیدر . کنج
آوجی بوقزه برالی ایله اختیاری اشارت ایدرک
حال و طور یله « صید و شکارده موفقتی بوندنی
مأمول ایدیورسک ؟ » دیور . افشام غودتی
تصویر ایدن ایکنجی لوحده ایسه صید و شکاردن
کلنش اوله رق کنج آدمک کمال حدت و منکوبیتله

بر اسكمله اوزرنده اوطوردینی و دیرسكنی
او كنده کی ماصیه و باشنی اودیرسكه مربوط اولان
اله طیاتوب درین درین دوشوندیکی و کوپكك
آیاغی قریق و باغلی اولدینی حالدہ یانی باشنه
یاندینی واختیارك ایسه الوان لطیفه ایله ملون
بر اركك سوكلونك باجاقلرندن طوتوب قالدیره رق
قزمه کوستردیکی و کوپكك سوكلوندن طاملایان
قانلره اطله؛ لسان اشتها ایلدیکی و کنج قزلدخی
دلی قانلینك اوموزینی او قشایوب حال و طوریه
« دوستم هانیا آو؟ » دیدیکی کوریلور . بو
کوریلنجه، اكلاشیلوركه بودلی قانلی او کون آندینی
تفك ایله صیده بدل کوپككك آیاغنی قرمش .
مهارترینه مغرور اولان آوجیلر صباحلری
آوه کیدر ایکن شو لوحه لری عبرت کرزیه نماشا
ایدرك او یله کیتمش اولسه لر پك كارلی چیقمش
اولورلر .

صبر و شکاره کیدوب موفق دخی اوله رق
دوستار ملک برینه صید ایله ملو بریت اهدا
اولدیی زمان او افشام اودوست خایه سنه یکه
کیدوب کیمساک مسئله سی جای دقتدر . ا کر
آوجی موفیات صبادانه سس اوزون اوزادی به
بختدر ایدرک مو عالمک عجمیسی اولان ارککلر
قادیر رطبه قوانق قبار مق و بونلره کنیدیسی
مدح اندریت ایستور ایسه اورایه طنامه
کیدر زریا بوله بر حالده دعوت وقوع و ملق سزین
دخی عکه کیدله بیلور . ذاتاً بوعادی خانه صاحب
دخی بیه چکندن آوجینشد طب اغنی ده سفریه
قویدر مشدر . اما آوجی افندی بوله قولتقلردن
خوشالاور ذوتدن دکل ایسه کیتمز . مکرکه
صاحب خانه طرفندن اصرار ایله دعوت ایدیه .
کرک مسه فرایکه و کرک مشترکاً کیدلش اولسون
هانکی یرده آوجیلق ایدلش ایسه اورمان

قور بچینه بولجه بخشش ویرمک عاندر . حق
 بونده آوچینه برده منفعت مخصوصه سی واردره
 او ایسه ایکنجه دفعه کیلدیکی زمان انک زیاده
 صید اوغراغی اولان نقطه یی و یا خود صید
 کجیدی بولان ایزلری قور بچینه کندینه اخطار
 ایله حکم قضیه سیدر . سلوم آراورمان اورانک
 قور بچینه نک طاییدینی قدر هیچ برکیمسه
 طایه من .

حق بوسید و شکار بائمه خانه مقامنده اولق
 اوزره آوچی قارئر منزه شونصیحق منخی ویره -
 لم که آوه کیلدیکی زمان آرقداش لک تفنک
 آنمقدمکی درجه مه ار تلری کوزله تحقیق
 اولمایدیر . تفنک باطلا مزدن اول کوزینی یومغه
 مجبور اولق درجه منده عجمی اولانلرک رفاقت
 قریبه لرندن قطعاً احتراز ایتایدیر . زیرا بویله

عجمی آرقداشلرک دانه قضا سنه هدف اولمش
آوجیلر آز دکلدر .



مشترک اکلنجهلر

برمدکت اجنبیه کیدرک کتابمزده بورایه قدر
بیان ایلمدیکمز خصوصاتدن مستبان اوله جق
درجه لرده مهارفلر مناسبتلر پیدا ایلمش اولان
ذات ایچون برچوق ده مشترک اکلنجهلر وقوعه
کله جکدر . مثلاً برقاج کشی طوپلاوب بریره
کینمت وجهیتله اکلنمک کبی که آنک مصارفی
دخی مشترکاً نسوبه اراله جق ایسه ده بواشتراک
آوجیلر اشتراکنه تمامیه مشابه دکلدر . ایشک
ایچنده ارککلکه نزا کته تعلق ایده جک برچوق
آداب بوانوب آنلر حقنده اجمالاً اولسون
برفکر پیدا ایلمیه جک اولورسه پک چوق

خصوصاً ناز کہ وہ محجوب قالمقہ سے خوف
ایدیلہ بیلور .

اما بختی ہواشترک ہر صرف چھتہ وارد ہر مردن
اول بر مقدمہ اوراق ارزوہ شہونی دہ خسر
ویر ملی بزکہ ظواہر احوالہ نظراً آورہ پادہ
عزت و اکرام دینان شی یوق ظن اولور .

دنیلہ بیلور کہ قرنداش قرنداشہ بر فنجان قہوہ
بیہلہ اکرام ایتمز . واقعاً بزم یرسز زمانسز
لزومسز حکمتسز بر چوق اکرامسز یتمز کی
اکرامسز آورہ پادہ یوقدر . ہلہ انکتر مدہ ہیچ
یوقدر . ایکی قرنداش بر قہوہ یہ کیتسار ہر کس
ایچدیکی شیئت پارہ سنی کندیسہی ویرر . ہوعادت
« انکلین مودہ سی » دیہ کیتدجہ آورہ پانک ہر
طرفہ سرایت ایلمکدہ در کہ بر باقمہ وحتی بالوجوہ
باقملرہ کورہ ہو کامقابل بزده موجود اولان
عادتہ مرجحدہر . مثلاً بزده برغازینویہ کیرلمش .

بر طرف مقدمه و معارفه کردن اولان بر معتبر چه ذات
 او طور بیور و یا نه کنیه جفت اولسه کنه کنه
 حرمتی سزاک اولمیش اولور ده تور قیسه بیور
 کیده جگ اولسه کنه ایچمه جگ کنه شیت پاره سی
 مزه و برده نامک مجبور یی آلت کیر - اوله
 بیور که سزاک کی بش اقی کشی ده و نسون
 یا و معتبر چه ذات بوقدر خالقک و صافه یی یو کسور
 و یا خود آنلر مبالندم عزت نفس صاحبی اولانلر
 کویا او معتبر چه ذاتدن ایچمه جگ برشی دینمه که
 کیمش کی بر حاتم س ایله آله بیور - ایشته
 بوقدر مفاق اولان بر مسئله یی انکار موده سی
 هیچ بر طرفک عزت نفسنه طوقومیه حق
 صورتده حل ایدر . یعنی هر کس کند ییدیکی ایچمه یکی
 شیئک پاره سی و بر مرک بو حانده بر ذنک دیکری
 یانسه صوقولسی و بر الکه او طور می ایسه
 مجرد کند یسنه اولان حرمتدن محبتدن

و كئديسييله مصاحبه دن الدينى لذتن نسات
 ايلمش اولور . اما بو عادتك بزم بورالره ادخالى
 قولاي قولاي اميد اولنه من . ذتا آوروپاده
 دخى هريره تاميله نفوذ ايتما مشدر . همان هريره
 اكرام خصوصنده بزده كي عاتده بك مشابه اولان
 عادت قديمه ولو كه بعض امديلات ايله اولسون
 آز چوقينه جاريدر . بوبابده كي آداب دخى
 بروجه آنى اجمال اولور .

قاعده اساسيه دركه خارجده ايكي ويا ده از ياده
 آدم استراحت ويا تنزه ايجون بريرده برلشوب
 چرز مقوله سي بعض شيلر ييه جك ويا دافع
 حرارت شيلر اچمه جك اولور لر ايسه هر كسك
 كئندي مصرفنى كئندي ويرمسي حقنده كي انكليز
 موده سي اخطار و قبون ايله او طور لييه جق
 اولور سه مصارف واقعه بي اصل تكليف ايدن
 ذات تسويه ايلر . اما بو ذات رتبه جه ديكر لرندن

ولوکه کوچک ولوکه ترو تبه دخی ناقص بولانسون
 تسویه مصارفینه کند یسینه دوشره بویه کند یسندن
 کوچکینه مصرفی تأدیه ایتدیرمک دیگرلری
 نزدنده استصواب اولغیه جق اولورایسه تکلیف
 واقعی رده مختاردرلر حتی بر آرمق رد
 ایتلری لازم بیه کلور او حالد صاحب
 تکلیف تکرار کیفیتله بر ازده رجا ایدرکه بورجا
 اوزوینه دیگرلرینک قبولی لطفاً بر قبول صایله رق
 تأدیه مصارف دخی آلك ایچون آرتق بر بورج
 حکمنه کیرمش اولور ذاتاً صاحب تکلیف
 رتبه و ترو تبه دیگرلرینک مادوننده بولندی
 حالد املك تکلیفی درمیان ایتسی بو وجهله
 آنلره اکرام قصدیه اولیه جق اولسه کیدیلرندن
 بویه بر اکرام دیلنمک قصدیه وقوع بولمش
 اولسی لازم کلورکه عزت نفس اربابندن هیچ
 بر کیمسینک بونی نفسنه یدبره میه جکی اشکاردره

اما بو تكلبني ابدن ذات رتبه و ثروت جهتيه
ديكر لر بنه فائق ايسه تكليف ايله برابر تاديئه
مصارفي ده تعهد ايتش اوله جني محتاج اخطار
اولمديغدن ديكر ارقداشلري بو اكرامي مع -
الممنونيه قبول ايدر لر و او دخی کمال نزاكت
سميحانه ايله مصارفي تادييه ايدر .

شو بيان اينديكمز احوال و آداب يالکمز
ارککلر میاننده جاری اولوب قادین رفقایه کلنجه
ایش بالکلیه تبدل ایدر . حتی مسئله نك نزاكتی دخی
آرتاز . الاول آراق دوش - و نمك لازم کلور که
قادین ايله بویله مکارمه و محامله یه مناسبت دوشوره -
بیله جك رفاعت نصل و قوعه کلشدر . قادین آراتق
بو عنوانه لایق و مستحق کور یله میه جك درجه لرده
یاشلی ايسه ایش بالنسبه قولایلاشمش اولور .
فقط عن - و انك مدلولنه تمامیه لایق اوله جق
کنجلاکی و کوزلاکی حاوی ايسه آنک بویله بر رفانده

بولنه بيلمسی ایچون برچوق شرط واردر. مثلا
 برقادین قوجه سی باباسی قرنداشی ولیسی فلانی کی
 عداوانه جق بر آدم ویاخود یاشلی وقارلی بردوست
 برقوالیه برابرلرنده اولمق سزین بر اجنبی مسافرایله
 رفاقتده بولنه من. بویله اولدینی صورتده او قادینک
 کافه مصارف اکر امیه سی قوالیه سنه عائد اولوب
 خارجدن برکیمسه نک او قادینه اکر ام دعواسنده
 بولمسی قوالیه سی ایچون صراحة حقارت مقامه
 قائم اولور. کویا او قادینه اکر امک لزومنی قوالیه سی
 بيلمیور ویاخود اکر امه قدرتی تیمور ایمش ده
 شومشکلی بر شخص نالک نزاکت و سماحتی حل
 ایدیور ایمش اولور که بونک دخی او قوالیه حقنده
 حقیقه برحقارت اوله جغی هیج سوز کوتور من.
 اما بویله کنج کوزل برقادینک قوالیه سی اولمق
 مسئله ی یوقی؟ ایشته اصل نزاکت مکر مانه نک
 مشکلا نی بونده در. بوقادین او قوالیه نک نه سی

اولديغنى ويا اوله جغنى عريض و عميق نحرى
وتدقيق ايتمه كلز . باخصوص كه قواليه دغى
كنج اولورسه ! . . . بوبابده خاطره كله بيله جك
شيلرك اك اهوئى ذكر اولسان قادينك غايت
صادق و صميمى بر دوست قارىسى اولوبده
كیده چكى يره دلالت ايچون قوجه سنك وقتى
مساعد اولمهرق كندى رفاقت و دلالتنه امنيت
و توديع قلنمش اولمى قضيه سى اوله بيلور .
والا او قادين او قواليه نك يا متره سيدر و يا خود
آنى كنديسنه متره س ايتمك ايچون يالطا قلا نمقده
بولنيور ديه حكم ويرمكدن بشقه هيچ بر چاره
قالمز . شو احتمالاتدن هر هانكىسى طوغرى
اوله جق اولورسه اولسون ارلك قسمى قواليه .
لكيله مفتخر و مشرف اولديغى قادينك كافه
لوازم اكراميه سى مصارفنه قاتلامق مجبوريته دره .
قادين هر نه ايسترو هر نه يه آرزو كوسترره تدارك

و تسویہ سی شویله طور سون اکا خوش کورینہ جک
 شیلری قوالیہ افدینک کندیس دخی دوشونوب
 تکلیف اتمی و تکلیفی قبول ایتدیرمک ایچون
 حتی یالوارسی بیله لازم کلور. بوسیدیه مبنیدرکه
 آداب معاشرت اوزرینہ کتہ اب یازانلرک همان
 کافہ سی شویولده کی آداب لازمہ بی اصل قادیئلرہ
 تلقین و تعلیمہ ہمت ایدرلر. دیرلرکہ : بویله
 بر قوالیہ رفا تہدہ بولنان قادیئلک اوارقداشہ کیسہ -
 سندہ کی تحملدن خارج تکلیفاتہ قائم شمس غایت
 عیدر. او قدر عیدرکہ قادیئلک بونی نہ جسارتلہ
 کوزینہ کسدیرہ بیلدیکی ہر کسی دوشوندیرر. فقط
 نتیجہ ملاحظہ دہ کیسہ دہ شہہ قالمزکہ قادیئل اولسہ
 اولسہ آنجق لطف نسوانیبی او یچہ ارہ ارکہ
 ممکن مرتبہ بہ الی صاتمق ایچون بوتکلیف اتدہ
 بولنیور. بویله بر حکم آلتہ کیرمک ایسہ باشی آچیق
 آشفته لرک بیله نفسلرینہ یدیرہ ماملری لازم کلن

رذائلدندر. اما هر حالده بر قادينه قواليه اولان
ارککک هر مصارفه کندی کیسه سنی آچینی مجبوریت
قطاعیه حکمنده بولمغله ایشته کرک ارکک کرک و دین
بو حق و وظیفه لرینی بیله رک رفاقی اکا کوره
عقد واجرا ایتملیدر.

شمی کلام مشترک المصرف اکلجه لره :
بو بولده کی اکلجه لره « پیق نیق » تعبیر
ایدرلرکه بزجه « عارفاه » یا خود « حریفاه »
دینان صورتدر . بر مسیره به طعام ایلمکه
ویا خود او فاجق بر سیاحت و الحاصل تنزه مقصیدله
کیدله جک یرلره بزقاج کشی بالاشتراک کیتمکدن
عمارت که مصارفی بالاشتراک تسویه اولنورسه
« پیق نیق » دینلوب اکر انکلیز قاعده سنجه
هر کس کندی مصرفی ویره رک یالکیز رفاقمده
اشتراک ایدیله جک ایسه بو حکمدن چیقار .
بر پیق نیقده بولنه جق قادینلرک قوجه و پدر

کی وایسی واریسه حصه مصارفی آنو طرفدن
 تسویه اولور . بویله بر قوالیه سی بولمادی
 زمان کندیسندن مصرف حصه سی ایستیلایمیه جکی
 کی جمعیتدن هیچ بر ارکک دخی آنک حصه سی
 تسویه قیام ایدمز . زیرا اولجا دخی دیلدیکی
 وجهله رفاقتده بولان قادین مصرف اتمیه جک
 آنک هر درلو مصارف اکر امیه سی ارککه
 عائد اوله جقدر . مجتمعا کیدلدیکی زمان قوالیلک
 شرفی ارککلر یئنده مشترک قاله جنی کی مصارفی
 دخی مشترک اولمق طبعیدر . او قادینک حصه سی
 یالکز بر ارککک تسویه قانقیشمیه کندینی
 قادینه قوالیه اوله رق تقدیم اتمک وقادین
 اوزرنده کی قوالیلک حق ونفوذینه آرزو کوستر-
 مک دیمک اولور که هله قادین برده کنج اولورسه
 بو آرزو کندی حقنده حسن معایه دلالت اتمز .
 اما بر قادین اختیار اولورسه ویا خود تازه جه بر

طول اولمقله رابر چو جتی و یابرادر و همشیره کی
 بر قاج ده رفقا سی بولنور ایسه حصه مصارفه
 داخلدره بونی قادیسلر بیله جکلرندن یاشلی اولانلر
 « بن آرتق مصرف جهتدن قادیلر صایلملما ملیم »
 دیه کندیلرکلرندن و بر جکلری کی اوتازمه جه
 طوللر دخی یاننده بولان چو جکلری اخطار
 ایله رک « بن بوسفرده قادیلر دکل شو مینی مینی
 جماعتک وایه سی عد اولنورم » دیه رک مصرفدن
 حصه سی کندی کندیسنه ویرد .

بمضاً دخی بویله بر جماعت ایچنده ارککلردن
 بریسی هنوز قازانچ صاحبی اولمیان بردلی قانلی
 و یا خود حصه مصارفه بودجه سی تحمل ایده میه جک
 اولان فتیر بر آدم اولورده قادیسلردن بریسی دخی
 کنجلیکی ایله برابر ارباب ثروت و غادز بولنور . بو
 حالده او قادیلر کندی مصرفی ارککلره مشترکاً
 چکدیرمک شو یله طورسون او غیر مقتدر اوقدا .

شك حصه سنی بیله کنندیسی تسویه ایتمک ایچون
اوله بر صورت لطیفه ده طورانه ییلورکه هم بین-
الرجا قادیسه لازم کلن حرقتی محافظه ایتدیرمش
وهم ده ارفقیره حقارت ایتدیرمش اولور .

بوصورت لطیفه ایه : « موسیو فلان بوکون
بکا کیسه دارلق ایتدیرکی نزاکت و لطیفه کزدن
رجا ایدرم » دیه پاره کیسه سنی او آدمه تسایم
ایتمسندن عبارتدور . بوبله بر تکلیفه مخاطب اولان
آدم البته آداب معاشرته واقف اوله جغدن
جماعتت او کونکی مصارفدن برسی قادینک
و دبکری کنسینک حصه سی اولوق اوزره ایکی
حصه تسویه ایلمر . بوصورنله کیسه سنی فقیر بر
ارککه تسایم ایتمک زنکین قادینلر ایچون یالکز
شوپق یقلمر مناسبتله وقوع بولماله دخی قالمز .
مناسبات سارده دخی وقوعه کله ییلور . عفت
وناموس صاحبی بر قادین ایچون نک باشنه هیچ

بربرہ کیتھک مستحسن کوریلمیہ جکی جھنہ
 کرک ایش وکرک اکلاجه ضمنتہ ایستہر شہر
 ایچندہ ایستہر شہردن خارج اوزاجق برلردہ
 کزہجک وحتی سیاحت ایدوجک اولسون عفت
 و تربیہ سنہ امنیت ایلدیکی برذاتہ مراجعت ایدرہ
 کندیسنه قوالیہ لک شرفی اوزاتہ بخش ایلہ برابر
 کیسہ سی دخی اوزاتہ تسام ایلرہ زیر خارجدہ
 ہیچ بر مناسبتہ قادینک پارہ ایشارینہ قارشمسی
 مستحسن دکلدرہ اوزت کریا کیسہ کندی
 کیسہ سی ایتمش کی قادیہ ہر عزنی ہر اکرامی
 ایدرک ایشک ختامندہ کیسہ سی اعادہ ایدرہ کیسہ
 ایلہ برابر حساب دخی ویروب ویرمانہ سی قادینک
 کبارانی حسن تربیہ سی واو آدمہ امنیت واعمادی
 درجہ سیلہ متناسبدرہ اصل تربیہ وکیساراق
 اقتضاسنجه حساب دخی صورمانہ سی اولادرہ
 زیرا بر قادینک اویلہ پارہ مسائلی ایلہ اتتغالی

خوش کورلمز . اما رفیقی خرده اندیش بر آدم
اولوبده نرملره نه مقدار پاره صرف ایتمش ایسه
پوصله سی تنظیم ایدوب قالدینه تقدیم ایلرکه شبهه
یوق که دها کوزل حرکت ایلمش اولور .

پیق نیقلرده مصارف واقعہ نک یا لکزار کیکلر
طرفدن تسویه اولنه جفی کورلدی . اما بوتقسیمده
اذعانی ، ملاحظالی طور اتمق لازمدر . یاننده
برقادین ایله برابر کیتمش اولان ذات اوقادینک
حصه سی ویردکن ماعدا میدان اشتراکه قونیه جق
اولان دیگر قادینلر مصارفه دخی مشترک
اوله جق قدر . حالبوکه یاننده کی قادیندن ماعدا
چو جق دخی بوله بیلور . چو جق قارک اون
یا شندن آناغی اولانلری صایلمیه جق واوز بش
یا شنه قدر اولانلرینک ایکسی برعد اوله جق قدر .
ایشته بو حسانی یا تمق ایجه کوچ برایشدر . بر
کیمسهدن فضله پاره آلمق آنی آلداتمق دیمک

اولوب بو آلدامق فضيحه سنى هييج كيمسه قبول
 ايتمز . بر كيمسه دن اكسيك پاره ايسته مك ايسه
 كنديسنه مرحمت ديمك اولوب اوده بونى قبول
 ايتمز . بناء عليه بوايشده الكسالم صورت بويله پيق
 نيقلر امور حسابيه سنده تجربه صاحبي اولان
 بر ذاتى رئيس يا خود كيمسه دار انتخاب ايتمكدركه
 آنك ياپدينى حسابى بلانديق هر كس قبول
 ايدرك موجبنيجه كندى حصه سنه اصابت ايلين
 مقدار مصارفى تسويه ايلمليدر .

بويله مشترك المنفعه الكنجهلرده مصارفدن
 قورتلمق و يا خود اهون كچشدير مك اچون
 حيله و خدعه طريقلرينه صايىق نه قدر عيب
 اوله جغنى اخطاره بيله احتياج يوقدر . حتى
 تدقيق حساب و تعيين حقيقت مقصديله بيله
 هييج بر مباحثيه كيرشمكه جواز كوستريله من .
 زيرا بويله بر حال ايكي صورتدن بشقه نتيجه

کوسترومن . آلت بریسی کندینی کپازه ایتک
ودیکری آرقداشیلردن برینی تحقیر ایلمک
اولورکه تربیه‌لی برزت ایچون بویکی صورنک
ایکیسی ده فاجعدر .

بویاک مبادیسنده کورلمش اولدینی و چله
بزدوست دیکرینه را کرام تکلیفده بوننه بیلور .
حتی بر کوچک آدم بیله کندندن بیوکه بو
تکلیفی ایده بیلور . هرکس دخی کندیسنه ایدیان
ا کراملری قبولده هیج بر بآس کورمیه بیلور .
اما بونلرک هربری یالکز بر شرط‌نمایی و عمومی
تحتنده اولورکه اوده قبول ایدیان بر ا کرامه
مقابل دیکر بر ا کرامه انسانی بورجلاشمش
اولمسنندن عبارتدر . مثلاً احبابکزدن بریسی
«تیا روده بر لوجه استیجار ایلدم . بی یالکز
براقاق بورقانکرله شرف ایلمک شرفنی دخی سز-
دن زجا ایلم» دیدی . بالازد قبول ایدر سکز . اما بو

قبولدن طرولاي گنديکزي اوزته طفيلي ايتمکي
 دخي عزت نفسکزه يدیره مزسکزيا . او حالده
 عربہ اجرتي وتيازونک فووايه سنده يذيله جاک
 ايجيله جاک شيلر بهاسي کي مصارفي دخي سز
 ويررسکز . اما بر دفعه مصارفک کافه سي
 آرقداشکز چکمش . اينکيجي دفعه سنده دخي
 بويله بر اکرامي مکمالاً سز اجرا ايدرسکز .
 دوستلقده اکلنجده شرط اعظم مساواتدور .
 بو مساواتي اورته دن قالدیرنجده ايکي طرفک
 بریسي ميراث يدي وديکري طالقاووق حکماني
 آورکه بو حکملرک انکيسي دخي عائد اولدقلري
 طرفلر ايجون موجب شرف اوله من .

صولر دکز حماملري وسائر تفرجلر

حال ووتاري يولنده اولان اوروپايلر ايجون
 بيوک شهرلرده اقامت عادنا قيش کونلرينده

مخصوص و منحصر در دیناسہ مباحہ ایدمش
 اولہ منہ . قیشک شہر لری سیل باشی بورطیلری
 تیاترولری بالولری قارناوللری پاسقالیہلری
 فلانلری درلو اکلنجلر تشکیل ایدہ جکلری کبی
 خارجہ قیرلردہ صحرالردہ یالکر قیتس آوجیلغندن
 بشقہ ہیچ براکاجہ قالمیہ جغندن ہر کسک صوک
 بہاردن صکرہ درت بش آی قیش اکلنجلرینی
 کورمک ایچون شہر لری کلری طیمیات امور دندورہ
 حابوکہ اشبو قیش اکلنجلری نہ قدر پارلاق
 اولسہ لر آیلر جہ مدت درت دیوار آرہ سہندہ
 قالانلرک ایلمک بہار اواسط و اواخرینی لہ کچورر
 کچور من صحرالردہ فرلاقدہ کی معذوریتلری دہ
 تسلیم اولور . واقعہا بویلہ قیشلری شہر لردہ
 یازلری صحرالردہ کچورہ بیلمک سعادتی (اگر
 سعادت ہوندن عبارت ایسہ) ہر کسہ نصیب
 اولہ میوب ہونک ایچون صاحب ثروت و سامان

اولمق لزمی دخی آشکارا سده ده اصل لازم ولان
شی ایش سز لکک کوج سز لکک دخی روت
وسا مانه انضامیدر . مع هذا بوله قیرلر حورالر
اکلنجه لری بونلرک یه . نحصارنده در حکمی دخی
باشلدر . آز چوق قدرتی اولانلرک ایلک بهار
اولاخری ایلک صولد بهار اولی آره سینه بروحق
برقاج کره استحصال فرستله شهرلردن خارجه
فرلاملری آوروپاچه عادت عمومی حکمی آتش
ود کزدن قره دن قوه بخاریه ک صر اسلاتی تسهل
ایتمی بو عادت دخی کینه کجه تمام ایلمکده بولمشدر .
بوندن اول میدان بخت چک . یکدن صیفیه لره مسافر
کیمک و صید و شکارده بولمق و مشترک اکلنجه لری
بایمق دخی هپ مواسم معتدله و حاره ده شهرلردن
خارج تربیب اوله حق معاشر تلرجه سندن اولوب
بو باده بخت ایدم جکمز صولر و دکز جاملری
ونفر جات ساره دخی بونلرک بقیه لری حکمنده دره

« صولر » دیندیکی زمان بونوردن قاپایجلر
 یعنی معدن صولری اکلاشیلیور . اورو پاك
 طاعنرنده تپهلرنده اووهلرنده وادیلرنده هان
 هیچ بر معدن صولری براقلمامشدرکه مکمل
 برسير حانه قوناش اولمسون . بونلرك
 هر برنده مسابرين اچون هوتلار، كرك خستكان
 وكرك زندكان وباخصوص زندكان اچون طیدیلر
 والحاصل اوراده وقت كچوره جت اولانلری
 كمال استراحتیه اكلند برملك اچون لازم كان
 شیار تدارك واستحضار اولنمشلردر .

طیدیلری خستهلردن زیاده زنده لره تخصیص
 ایدیشملرك حكمتی اكلاشلمیه حق شیلردن
 دكلدر ، اورو پاه حفظ اسحتیه مراقی ارقدر
 آرنمشدرکه « حفظ صحت » درایكن ایش نرید
 وتوفیر صحت غیرته قدر واهرق بونك ضمنندن
 دخی صحت بشریه بی تهاکیه دوچار ایلمه جت

انواع مضرايه بول آچلمشمر . وجودی زنده
 صحت و عافیتی برنده اولار بر آسك ده زیاده
 تزید عافیت ایچون طویلره ایتدیکی صراحتلردن
 دائم نتایج حیمه ظهور ایلده گمیکده ایسه ده
 بونی کورده ک عقللری باشه آتق نیشلر ایچون
 اکثریا ایش ایشد کچکدن صکره ظهور ایلین
 تجلیات حلقه بدر . نه ایسه صولرد یاشنه بویله
 هوتل و اطباءه ضمیمه زندوستیق قریبازاق
 وسائر کبی اکلاجه لر مراقده و لامرک دخی
 حظوظانی تسویه ایلده حث هر اسبب موجود
 اولدیفندن مواسم مقدرله ده خلق قوج قوج
 بولرد یاییلوب نقرج اندر لر .

بزم اوزو یاده مسافرتی تصور و تصور بر ایلده
 یکمز احسینک دخی مصلو له عزمتی درکار
 اولوب بو عزیمته نظر دانه له جق صورتلردن
 برخیلیسی ذاتا بویله قدر ویرمش ایلده غمز
 معلومات ایلده حل ایساشلردر . صور مد کوره

مثلاً شمند و فرلہ سیاحت و صولرہ وارلدینی
 زمان برہوتلدہ اقامت و کرک اوہوتلک تابل دوتنہ
 و کرک سائر لو قانطارلہ ملازمت و اورادہ بعض
 کیمسہ لرلہ یکیدن عقد معارفہ و پیدای مناسبت
 و بر عزیمتدہ یالکز بوللمیہ حق اولور ایسہ
 قادیں ارکاک بعض رفقا ایلہ رفاقت و اقتضاسنہ
 کورہ مصرف خصوصندہ مشارکت کی شیلر
 شمدی بہ قدر ویرمش اولدیغمز تفصیلات ایلہ
 قارئمرزک ذاتاً او کرشمش اولدقلمری مـواددن
 معلوم اولدینی کی قرار حقـدہ کی بعض آداب
 دخی ایلرودہ مبحث مخصوصندہ ذکر اولنہ جفندن
 صولراچون بورادہ کندیلربنہ عرض ایدہ جگمز
 شی برہلاحظہ عمومیہ دن عبارت قالور و اودخی
 شو و جہلہ سرد و تفصیل قلنورکہ :

خواردہ لکی قماری کندینہ ذوق ابدنمش
 اولانلرک صولرہ عزیمتلینہ مقابل فحشی و قمار

بازانی کندیلرینه کسب ایدنلر دخی صولره
 عزیمت ایلدکلرندن اوراده اساساً ایکی صنف
 اشخاص تقابل ایلدش اولیورلرکه برنجیسی
 کندیلرینی الدانه جق خدعه کار وایکنجیدی
 دخی کندیلرینه آلدانه جق سفاهت پرستان
 آرارلر طوررلر . ایکی طرفک استعدادی شو
 مرکزده اولدقدن صوکره اورته برده اوینانه جق
 قوم دیالرک وحتی بعضاً بالطبع وقوعه کله جک
 دراملرک درجانی ارباب فکر و حکمتک نظر
 اعتنالیرینی جلبه بحق شایان کوریلور .
 الارنده آووجلرند . بولن ان اچقنی صولرده
 حیلله باز خدعه کار قماربازلره قایدیروبده افلاس
 قطعی حالنه وارانلر وحتی جانلرینه بیله قیانلر
 نوادردن دکلدر . هله حظوظات شهوانیه سنه
 صحیفی فدا مرتبه سنده منه مک بولن ان بچارکاک
 کونا کون امراض زهرویهیه دوچار اولدق

برونی دوداقلری دوشمک و یا خود بقیه مدت
 حیاتیہلری زهرله مت کی بلالره گرفتار اولملری
 دها زیاده در . بورلرده خلق بر برنی یکیدن
 طایفه محاج اوله حق درجه لرده یکدیگرینک
 بجهلی لیکن طایق مرندہ طرفینجه او قدر
 استعداد واردر وایش او قدر قولایدرد که شهر لرده
 هفتلرحه آیلر جمعدت ظرفده او درجه نامہ بی
 میسر اوله میان مناسبتلر بوراده برقچ ساعت
 ظرفده حاصل اوله بیلورلر . ذاتاً او صورتلہ
 بلائی آرایہ ورق اورالره کیتمش اولانلره دیہ حکمز
 اوله میاخی کی بزم سوزلر مزدن آنلرک مستفید
 دکل بالکس متأثر اوله جقلری بدہی و آشکار
 ایہده بز وروپایہ کوندردیکمز مسافری کندی
 حالندہ و عقلی باشندہ بر آدم فرض ایلدیکمز دن
 بوبولده کی ملاحظہ مزدن آنلرک مستفید اوله جقلرینی
 امید ایلیہ بیلوربز .

ایمدی سولرده مرکسک وجهنی کندیسینه

طوغری متبسم کورن و هر کی کندی سینه
 معارفه پیداسنه مستم بولان اجنبی مسافر
 بونلری چین چین ایله اتقی و مستحق اولماقیه
 برابر کمال اشتباه و احتراز و احتیاط ایله اتقی
 قطعاً مجبوز در.

ذات بو کی تصادف لرده قارشو منسه کی آدم
 جباتی هر به ایسه چار چابوق مبدیه فویه خندان
 تکلیف یلدیکی شی نه ایسه ناز کاه و قیصه بر حواص
 ایله مقابله متعاف کندی کندی نه نواک و نواک
 ایلر . مثلاً صحبت اسوانی در میان و تکلیف
 ایلور ایسه « شکر ایدرم قدم . فقط جورابه
 صحنه یچون کدی یکمدن صحنی اوصولله تجریمه
 مأذون دگم « دیمک کفیدر . قار تکلیف ابدنلره
 مقابل دخی « ثروتم انجق مبهشته کافی اولد .
 یقندن او بون لذتندن نفسی محروم . قه
 مجبورم « دیمک کفایت ادر . فحشه قار

انہما کاک فضل النسا یہ یا قشعہ جفندن بحثلہ
 بولر حکمت سولہ مکہ هیچ برفاڈہ اولیوب
 یہہ مدہم چکہ چالمنش اولور ایدیسیہ دہ اندر
 کی سوزلر قولاق دخی ویرمیہ جکری چہتلہ
 فضل حکمت فروشی بوسولہ مک زحمت دہ دوچار
 ایتکمسنن سیقیلوب کیدرلر .

ز اولورالردہ بولنہ حق فاضل عمشہر یلرمزہ
 شو بولہ نصیحت ویردی کمز کی مادام لوئیز
 دلق و سائر اصول معاشرت کیابلری یازانلر
 دخی کنج قادین قوجہ سی وکنج قز باباسی
 ویا خود بولہ کنج لک عموجہ طائی و برادر
 و سائرہ سی اولان ارککارہ شوصولردہ کی مہالک
 مادہ و معنویہ دن تدافع و تحافظ اچون احتیاطی
 طورائی توصیہ ایدرک اولہ برطور نازکانہ ایلہ
 کندیلرینہ صوقولمغہ چایشان قادین ارکک

کیم اولور سه اولسه ون ذوات مشتهیهی زیر
 حمایه لرنده کی تازه لرله کورشدیر مامکه غیر تنری
 تمنی ایدر لر . بو رالرده کی وقوعات مضحکه و یا
 الیمه دن اولمق اوزره بر چوق فقره لر یازار لر
 مثلا بونجه ییلمق قوجه سی اولان رفیق صدیقی
 ایله صولره کیدن خفیف عقلی بر عفیف قادنجیزی
 کویا الی آخر العمر بر لکده یاشاقی انچون باشند
 چیقاروب قوجه سندن آیردقدن و ییچره قوجه نی
 قان اغلار بر حالدیه بر اقوب قاریسی قاچیره ق
 بر قاق کون اکندکدن صوکره ترک ایدن بر
 چاقینک حرکتی حکابه ایدر لر که اورایه ذاتاً
 بوبله ملوث اکلاجه لر تحریری آرزو سیله کیتمش
 و ثروت کلیه سنک یاردیمیه آرزو سی حاصل دخی
 ایتمش ایسه ده بوبله بر مردار اکلاجه اغورنده
 ناموسلی بر عائله یی محروم و پریشان ایلمشدر .
 بوبله باشند چیقارمق فلاکتی با کر قزلر حنفنده

دخی نوادردن اولمیسوب اوروپا ک هر درلو
 فضیلت رذیله سندن بیقان اوصانان ارباب ثروت
 وغاسنک نهایت بو یولده آرادقیری اذواق
 ملونیه خدمت ایدم جک قادین ارکاک بر چوق
 واسطه لر دخی موجود اولمسیله ذکر اولنان
 محرر لر ایشته بو ملاءیندن تحفظ خصوصنی ارباب
 ناموسه اوزون اوزادی یه توصیه و اخطار ایدر لر .
 ایشته بو توصیه لر دخی آکلاشلدیغی وجهله
 صولرده ادب و فضیلت دثره سنده اککنمک اچون
 چونغبله چوجغیله برابرشد رحل ایامش ناموسکا-
 ران دخی بولنه بیلور . فکر شیطنت ارباب سندن
 سزک احتراز ایده جک کز کی آنلر دخی محترز
 بولنه جقلرندن طرفینک بولله هم حال اولمی
 طرفنی یک دیگرینه تقریب ایدر . حتی اوپله
 ناموسلی عفتلی فاملیالره سزک تقریبکز لازم دخی
 دکلدیر . آنلر سزه تقرب ایدر لر . زیرا اورا-

لرده فحشیهاته اعیانه و ذئیّه قیایه اشتراک
ایتمدیککز کی بونلره دلالتی کندیلرینه صنعت
ایلمش اولانلره صبقی فقی کورو شم دیککز کی
و کندی حال کزده یشایوب اکندیککز کی کورنجه
چونکه احباب ایله معاشرته احتیاج بو سادملک
وتهالق عالمندهدها زیاده آرتی جغندن آنلر سزکله
عقد مناسبت مقدماتی سرده تحریء و سائط
مجبوریتنی حس ایدرلر .

ایشته بوبله عقیفانه وادیبانه بر صورتده وقوع
بوله حق صولر عالمی اکلاجهلری حقیقه اورالردن
بشقه هیچ بریرده بولور شیلردن دکدر . کاه
ماشیه کاه و سائط انتقالیه ایله کوزل کوزل
کزیلتیلر یاپیلور . کاه تدارکی ممکن اولان سازلر
و کاه صدالرایله خصوصی و لطیف محبت موسیقیلر
ترتیب اولور . یوکسک طاغله چیقیلور . درین
مغاره لره اینیلور . کرک معمور کرک خراب

حصار و قلعہ و شاتو و معبد و سائرہ کی آثار
عتیقہ زیارت ایدیلور . والحاصل اکلنجہ لڑک
ہر درلوسی عقیف و ادیب و لطیف و نشہ مند
ارقداشلرلہ عن جماعۃ اجرا ایدلمش اولورکہ
ارباب ادب و عفتدن اولیانلر میلیونلر صرف
ایتسہ لڑ بویہ حقیقی و صمیمی اکلنجہ لڑہ نائل
اولہ منزلر .

واقعا صولر دہ وقوعہ کلن مناسبتلر ہر حالہ
موقت و حتی سریع الزوال معارفہ لڑ حکمنندہ
قالور ایسہ دہ بعضاً مناسبات مذکورہ نیک پک
جدی نتایجہ یول آجدیغی دخی واقعدر . حکایہ
اولنورکہ قادین ارکک غلبہ لکجہ بر فامایا بویہ
برصو موقعندہ اوتوز ایلہ قرق یاشی میانندہ
عفت و ادبی ہر حالندہ ایمان اولان بر ذانہ
تصادف ایدرلر . اولافایلیانک ریئسی بوذات ایلہ
کوروشوب اولیہ ایساتدز فحشاندن ذوق آلور

آدملردن اولمديغنی آکلامغه ايله برتدرج سربع ايله
الفت پيدا ايدرلر. طرفین یکدیگری عقیقانه
وساکنانه اکلنجه لرینه تشریک ایدوب کیتدجه
آرتان امنیتلری مناسبه ایله خصوصیتی دهـا
ایلرویه کورتورمکن دخی کیرو قالمزلر .
آنجق افراد عائله دن تازه طول کنج وکوزل
اولان برقادین براقشام عائله نک ریسی اولان
پیر حکمت ضمیره شویکی دوست ايله قطع
مناسبت لزومنی ایراد ایدنجه بالطبع دوچار حیرت
اولان اختیارک استیضاح واستفسارینه جواباً
دخی : « بزکنـدیسنی برای آدم ظن ایدهرک
امنیت ایتمش ایدک . حالبوکه دون اوبکا عاشقانه
ایجه یالطـاقلقلر ایتمش ایدی . بنم حلیمانه
ویردکم جـوابلردن ییلمیه رق بوکون
طاشقینانی دهـا زیاده آرتدیروب حتی بکا برچوق
بانق قائمه لری بيله تقدیمه قالمشدی » ایضاحاتی

ویرر . جو حال بدن رئیس عائنه بالطبع متأثر
 اوله رق « وای بوده می او یله ایتمش ؟ » دیه
 ابرتسی صباح حریفک ویردیکی سلامی قبول ایتمز .
 او ایسه بلافتور رئیس عائنه نک یانه صوقیله رق
 سوزلرینی اختیارک قولاعنه سویلرجه سنه بر حال
 ایله « بندهن یوز چوبرمکزک سبی مادام فلانک
 سنزه ایتدیکی شکایتیدر ؟ الله عشقنه طوغری
 سوبلیکنز » دبوبده پیر روشن ضمیر دخی بلا
 احتراز ولاتردد تصدیق جوابی ویرنجه آدجکیز
 دیرکه : « الحمد لله امیدم آرتدی که بختیار اوله جنم .
 افندی پدر ! بن فلانجه آدم . میلیونلرجه
 ثروته مالکم . زوجهم برقضا صورتنده وفات
 ایلدیکندن اوچ سنه در بکارم . فقط زمانک
 قادینلر نندزه بزارم . بو ثروته کیمی ایسته سه م
 آله بیلورم . کندیمده هنوز اختیار و برقادین
 طرفندن بکلمیه جک درجه لرده چیرکین دکلم .

فقط بیجه اله جغم قدیک ثروت و سامانی قطعاً
 مطلوب اولمداینی کی حسن و آن دخی مقصود
 اولیوب یا کز ناموس و عفتی مانزمدر .
 آنی ایسه محیه کز مادام فلانده آرزومدن
 زیاده بولدم . طرفین باو کاله دست زدواجنی
 طلب ایدر ایسه کز ایکیمز حقنده دخی باباق
 وظیفه سی ایفا ایتمش اولورسکمز . قبول و عدم
 قبول کنندی ید اختیارده ایسه ده کنندی سی
 قبول جهته تشویق کز حقنده بشقه جه بر عنایت
 یرینه کچر « بوسوز اوزرینه پیر حکمت
 سمیر کندی سندن طلب اولنان وظیفه ابوتی
 او یله بر صورت حسنه ده اجرا ایلمش که ایکی تازه
 طولار یکدیگری نی تزوجله بکام اولمشلر .
 کذاک حکایه ایدر لر که اوتوز یاشنی پک آرتجاوز
 درجه سنده برکنجملک و اورته حالدن بر آز
 زیاده جه برده کوزلاک کی ایکی خصلمته ضمیمه

بر قاج ملیونانی برده ترویه نائل اولان بر قادن
 صولردن برینه کیدوب اوراده موجود اولان
 سفینه اکلنجیلرک هیچ برینه اشتراک ایتمز. کندی
 حالده بر آدم ایله معارفه پیدا اید. که صاحب برینه قیر
 سر به لر آسک ک طبیعی نافیسی اولار اوکو و سیه
 کوش یالدر ایله کرکی کی تزن ایلمش ایسه ده
 آد مجکز هنوز پری صورتلر ایله انس والفتدن
 قصر یدایده جت درجه لرده بیقماش اوصانماش
 اما کوکلنی بش اون غروشه مقابل اکلندیر مک
 آنغار یه سنی کندیلر یه صنعت ایلین نسوان پریشان
 حالدن متلذذ د کل . عنقای کوکلی پک بالا
 پرواز! بو قادینی شایان اشتغال بر پارچه دیه
 تاقی ایدرک نصلسه مافی البانی اظهار ایتمش .
 قادین « ارزو کزه موافقتمه مقابل بنم ایچون
 مناسب عیدایده جککز هر یه نه اوله ییلور ؟
 بونی بستیوزده حبیبی اوله رق استیفا داعیه سنده

بولانه من - کز یا « دینجه آدجکز شاشیروب
برخیلی تلغمدن صکره قادین حقیقه هدیہ ایستور
ظنیلہ « هر نه مناسب کورر ایسه کز » مقابله سی
ایراد ایدہ بیلمش .

نهایت قادین کندینک نه سینه حیران اولدیغنی
صوره رق شو آرز بر مناسب بت ظرفنده تناسب
اندام و حسن جمالندن بشقه بکنه جاک عاشق
اوله جق یرینی بوله مدیغنی جوانی آندقدن صکره
« بنده حقیقه تناسب و جمال بولیور ایسه کز
اوبر عنایت الهمه درکه بالطبع تشکرایدرم . فقط
بن آلدن بشقه شودرجه تحصیل کورمش شو
هملری قازانمش برقادینم . بو حالدہ بر قاج کرناک
اکلنجه کزه خدمتدن دها سورکلی دها جدی
بر معامله کزه لایق کوریلہ مز میسم « دینجه عاشق
افندینک حیرنی برقات دها آرتہ رق « کر
برمانعکز یوق ایسه سزکله عاشق وعائمه کی

سورکلی بر مناسبتہ دخی حاضر م» دیہ بیللمش۔
 بر کرہ بود رجہ یہ کتوریان ایثی اکمالہ قدر جرأت
 پیدا ایلین قادین « ای او سورکلی مناسبتی بر صورت
 غیر مشروعه ده عقد ایدہ جکمزه صورت مشرو۔
 عہ ده عقد ایلسہ لک ده سز بنم نظر مدہ بر عادی
 زن دوست و بن سزک نظر کزده بر عادی آشفته
 اولمساق دها ای اولزمی ؟ « دیدیکندن آرجکز
 بتون بتون طور جدیتی طاقنوب نہ۔ ایت ایکی
 طرف اصلارینی نسلا۔ نی ده بر برینہ خبر ویرنجہ
 نتیجہ قرار ازدواجہ منجر اولمش۔ قادین او ثروت
 کلیہ۔ نی دخی بعدالازدواج قوجہ سنہ بیلدیرہ رک
 نمونیتی برقات دها آرندیرمش۔

ایشتہ صولردہ بعضاً بویولده کی تصادفلر دخی
 کتابلرہ یازلمشلرایسہ ده بونلر ویا نہ یہ کیدن شمندو۔
 فر واغوننده آوستربا ایمپراطورینک قائن پدرینہ
 تصادف ایدن تاجرک بخت و طالعی کی طالع اصحابنہ

تصادف ایدن شیر اولوب تصافك ا کثرواغای
ایسه مصادف الیهك باشی بیك درلو بلالره
صوقه جق شیر اولورلر. بونلری بیلهرك اكا
کوره طورانق لزومی آشکارد.

دکز حماملرینه کلنجه بونلرک حال و شانی دخی
معدن صولری احوالک عادنا عینیدر. معدن
صولری صیجاق صولر اولدیغنه کوره دکز حماملری
صوغوق صولردیمک اولسیله برده معدن صولری
قیالی حماملر بولندقلری حالده دکز حماملرینک
آچیق و غایتی نیم قیالی حماملر اولسندن بشقه
فرقلری یوق کیدر. مسافرلری باریندیرمق ایچون
هوتلر و صاغلام آدملری تداری ایچون هکیملر
وبونلری صویق ایچون آفتلر آشفتلر قارلر
فلانلر هپ یکدیگرینک عینی اولدقلری کی ارباب
ناموس وعفتک دخی ادب و حیثیت دائره سنده
اکلنجهلری ایچون مراجعه تگاه اولمق و کرک

را کبا و کرک ماشیاً درلو کزینتیلر یا تمق خصوصنده
 دخی ایکی جهتک احوالنده مشاهدت تامه واردره
 دکز حمله لرنده فضله اوله رق برده دکز کزینتیلری
 یاپیلورکه بونلر ایکی قسمه منقسمدور . برنجیسی
 واپوری قوطردی صندالی فلانی بولانان دکز
 مراقیدی معتبرذرات طرفندن دعوت ایدملک
 صورتی اولوب بونلکه برقاملیا نزدینه ویاخود
 برصیفینه دعوت اولنق آره سنده هان فرق
 اولمدیغندن شهرلرده کی دعوت مسئله یی مسافر-
 لری نه کی بروظیفه آلتنه ادخل ایدرونه یولده
 فراسمه لزوم کوستر رایسه اشبو دکز اکلنجه لرینه
 دعوت اولنق مسئله سنده دخی اولزوم عیناً
 واقعدره ایکنجی صورت کرک یا لکز باشنه وکرک
 بعض رفقا ایله مسارف ایدیلهرک یاپیلان دکز
 اکلنجه لری اولوب بونلر اچون استیجاره حاضر
 درلو درلو مراکب بحریه بولندیغندن اگر پیق

نیق صورتنده براکلاجه ترتیب اولمش ایله اکا
مخصوص اولان فقره ده کوستربان آداب و اصول
دائرة سنده حرکت اولنور.

بز بوراده یالکیز صولر ایله دکز جاملری
تصریح ایلدک . حابوکه مویم صیفک حلوا ایله
شهرلردن طیشاری به جان آتان اهالی بی جذب
وجلب ایله جک دهارچوق اکلنجه لرو تفرجلر
واردرکه بونلرک کافه سنی امداد و تفصیله قالدشمق
بواثرک پالانی خارچنده اختیار کلفت دیمک اولور.
ذکر اولمان تفرجلر آت یارشلری پنایرلر مشهور
باغچا لرده کوندوز قوئسر تولری نشان مسابقه لری
و باخصوص شمدیلرده پیک بیوک برمودا حکمنی
آلمش اولان و دولوسیدر یارشلری کبی شیلردرکه
بورایه قدر ویرمش اولدیغمنز اصول و آداب
مباشرتی کوردمش و بلاشمش اولانلر ایچون اشبو
تفرجلارده دخی مغایر آداب خطیئات اجنبیانه ایله

خلق کند یسنه کولدور مامک ایچون حسن معاشرت
قابلدور. آنجق مادام لوئیزدالق بویله عمومی اکلنجه.
لره متعلق برسرگذشت حکایه ایللیورکه حد ذاتنده
فقره نك لطافت فوق العاده سندن ماعداد صولر
ودکز حاملری اکلنجه لری بیله داخل اولدیغی
حاله بالعموم تفرجلر خصوصنده هرکسک نظر
حکمتی آچه جق بر فقره پر عبرت اولدیغندن
بروجه آتی ایراد اولنور:

عمومی یرلرده برقادی نك قوالیه سی اولان آدمه
او قادی ن طرفندن مأذرنیت ویرلمک سزین دیکر
برقادی ن ایله مشغول اولمق قطعاً ممنوع اولدیغی کی
یاننده برقوالیه سی بولنان قادی نه عزت و اکرام کی
شیلردخی ده زبده شدتله ممنوعدر. بویله یاننده
قوالیه سی بولان قادی نه حرمت اینیم دیر ایکن
او قوالیه ی قیزدیروب کندیسنی بر بلایه صوقفه
قدر تهلکهلر محتملدر. بعض قوجالار واردرکه

یبا نچی آدم لک کندی قاریلرینه ابراز آنا رزاکت
ایتملرند بر حس حسودانه ایله خو ویلا نورلر.
بویولده بر چوق وقع لره بالذات تصادف ایلدم .
لکن بردانه سی مشق و درس اتخا زینه صالح اولمغله
آنی بروجه آنی ایراد ایلیوروم .

معدن صولرندن بریسنده ایدی که غازیئوسنک
اوکنده کوزل بر تراچه بولنه رق اقشام اوزری
آنک اوزرنده اجتماع ایلین اهالی قارشو طرفه
ترن ساز اولان عسکری موزیقه سی دیکله به رک
پک کوزل اکلنورلر ایدی . بز دیمکسزین اکلا -
شیله بیلورکه بو تراچه اوزرنده اسکمله لر پک
قیمتلی اولوب هله اوک صره اسکمله لری کلوب
کچنلری تماشا یه دخی مساعد اولمسیله دیکر لرندن
دها زیاده قیمت لیدرلر . بو حال اورانک مداوملرنجه
معلوم اولدیغندن اقشام لری تراچه ده اسکمله
بوله بیلیمک ایچون هر کس ایرکن طرور انور

و بمضاً شهر آيندر ايضا اولند قجه بونه ايركن
طورانلر بيله اسكمله سز قالور ايدى . براقسام
بو تراچه ده بر كنچ روس كورلدى كه «قادت مكـتـبـي»
دنيان مكتب عـ كـريدن يكي چيقمش وعالم
معاشرته يكي كيرمش بر كبار زاده اولديفندين
قادينلره يارانلق خصوصنده غايت هوسكار
وغيرتلى بر چوجق ايدى . صولر حالى معلوم آ
ناموسكاران حضار كومه كوما جمعيتلر تشكيل
ايده رك شهر لرده بولنه ميه جق درجه لرده
سربتى وسـ ادلك ايله اكلورلركه تهقه لرى
اطر فى استيلا ايدر.

هله برفامليا ويا جمعيتده كوزل و ظريف بر
قادين بولنورسه ار ككاردن بر چوغني كندی
بولديني فامليا ويا جمعيتده جذب ايدرك اويله
جمعيتلرك شطاري رقات دهها پارلاق اولور .
ايسته بزم كنچ روسلر بولديني جمعيت دخي

بویله بر جمعیت ایدی . هله اواقشام تراچه
 اوکنده کی کولک اطرافنی رنگارنگ فنارلر
 و قندیلار ایله زین ایدیلرک برچوق حاق دخی
 مرور و عبور لرله بر تلام عجیب پیدا ایلد -
 کلرندن تراچه اوزری بونلری تماشا یه کلن خاق
 طرفدن اویله بر صورتده استیلا ایدلمش ایدی که
 حضارک نشاندن زیاده سی اسکله بوله ر قلدن
 آیاقده قالمش لر ایدی . بزم روس اصلزاده سی
 رفقا سندن برکنج قیزایله غایت طاتلی بر محاوره یه
 قوبولمش اولدینی اشناده اورته یاشلی بر آدم غایت
 کنج و کوزل بر قادینی قوله علقمش اولدینی
 حالد یانلرینه کلرک اسکله بولماق حسبیه
 بالباع آیاقده قالمش لر ایدی . کنج روس بو
 آدمک قوانده کی قادینه یارانمق ایچوم یوقسه
 بر ایکنه قونوشمه مقدمه اولدینی قیزه کندینی
 قادینلر حنفنده نازک و مکرم بر آدم دیه اکلامق

قصیدہ می ہر نہ مقصد لہ اولور ایسہ اولسون
 ہاں یرندن فیر لایوب التندہ کی اسکملہ بی ذکر
 اولمان اورتہ یاشلی موسیونک قولندہ کی قادی نہ
 بالتقدیم : « آیاقده طور مقدن یورلمش اولمالیسکز
 مادام ! اوتورہ قی ایستر ایسہ کز بیورکز . بن
 کندیمہ بر بشقہ اسکملہ دجا بولہ بیلورم » دیدی .
 زوئللی دلی قانلی اوروپانک منہای شرقندہ
 اوکرندیکی عادات غربیہ بی یاکلش اوکرشمش
 اولدیننی بیلمیور ایدی . کندی منسوب
 اولدینی قوم قادینلر حقند . کرکی کی قیدسز
 اولہرق اوروپای غربی ارککلرینک ایسہ
 قادینلرہ بالعکس پک زیادہ مکرم اولدقارینی
 اوکرشمش اما اوا کرام واحترامک اصول
 و آدابخی لایقلہ اوکر نہ مامش . بناءً علیہ شو
 حرکتلہ اول باول کندی ملازمت کردہ بی
 اولان قادینی فنا حالیدہ دلگیر ایدہ رک صورتی

کشیتمسینه سببیت کوسـترمش اولدینی کی
 مهود اورته یاشلی افندی بی ده قیزدیرمش و بو
 حاله دقت ایدنلری دوچار استغراب ایلمش
 یدی . بونتایج وخیمه نصل حصوله کلسون که
 کندیسنه بوا کرامی ایتدیکی قادین قیب قیرمزی
 کسیره رک نه یاپه جننی بیله مدیکی صروده یاننده کی
 قارت حریف غایت اکشی بر صورت ایله بیچاره
 کنج روسه : « افندی ! زوجهم حقنده ابراز
 نزاکت ایلمک حقنی سزه کم ویردی ؟ زوجهم
 اوتورمق آرزوسینده بوانسه ایدی کندیسنه
 براسـکمله بولـق وظیفه سنی ایفادن قاچنمق
 مرتبه سـنده تربیه سـزلـکـمی ایده جـکـمی حکم
 ایلدیکز ؟ بکا تربیه درسیمی ویرمک ایسته یورسکنز
 یوقسه بنده بر تربیه سـزلـک توهم ایدـرک آنی
 یوزیمه اورمق ایچونمی بو حرکتده بولایورسکنز ؟ »
 دیمش ایدی . عجمی چـو جـق شـاشـه لایـه رـق :

«افندم یا کلتش مافی ویردیگر، مانامه بر حسن خدمتدن بشقه هیچ بر املم اولم دیغنی تأمین ایدرم»
 دیمه سیله حریف: «او! بوکا هیچ شمه ایتک ایسته م. ایشک بوجهتدن دخی اشتباهم اولسه ایدی»
 دینچه روس: «شی افندم! اصل مقصدم سزه حسن خدمت ایدی»
 دیه که کله که باشا یوب او افندی ایسه: «عذر دیله مک ها؟ آرق ایش اعتذار دوحه فی چیدی. افندی! بیورکز ویزیته کغیمبی قبول یدیکز. دوستلری تزی یاربین اوکله به قدر هوتلده بکلم»
 دیه قارت دوو ویزیتنی ویردکن صکره قادینه دونوب: «مارت! بویله کنج لره کوز پار لانتامش اولسه ایدیکز سزی هر کس طرفدن ایدیان حرقتی حسن قبوله مستعد قادنلر دظن ایدوب ده کندیک معصوم اولدینک حطده باشم بویله بالاره کیرمز ایدی! هایدی اقامتگاهمه»
 دیه

بچاره قادی نجف زک تواندن طو تدینی کی چیقوب
 کینم شد ر . کنج روس ایسه مرمر ستاتو کی
 یرنده میخ-الادی قادی . الاری ایله طونمش
 اولدینی اسکملیه کنج قادی اوتورته مامسی
 اوزوینسه دیکر بر دلی قانی اوتوری ویرمش
 اولسنده شاشه رق مالنه تصاحب داعیه سینه
 قلفشدی ایسه ده او دلی قانی سرت چهره ایله :
 « افندی ! بوراده بوش بولان اسکملیه اوتور-
 بق هر کسک حقیدر » دینی ویرمش و ویره چی
 جوابه منتظر بیله اولیه رق دوغمای تماشایه
 قویوش ایدی . بلایه باقلی که اولجه ملازمت
 ایتمکده بولدینی قیز دخی بشقه بر ارکک ایله
 قونوشمغه باش-الامش . صانکه کنج روسی
 هیچ کور مامش کی یوزینه بیله بقیور . ایرتسی
 کون ناس بیننده برده حوادث منتشر اولدی .
 ذیلدی که برکج روس ایله برفرانسز آره سنده

وقوعه کک اوزره بولنان دوللو بعض دوستلرک
توسطيله منع ايدلمشدر .

ايشته بوکي احوال صولرده دکر هاملرنده
وسائر تفرجلرده کثيرالوقوع اولديغندن انسان
يا اوته دنبری معارفه ی اولان ويا خود بر معتاد
تقديم وتوصيه ايله معارفه حاصل ايدلمش بولنان
قادرلره اکرام واحترام وظیفه سیله موظف
اولوب قاله رق اودائرنک خارجنه چيقمز
وقادين اولسون ارکک اولسون بيلمديکی
کیمسه لره حرف واحد سوز سويلمز ايسه باشی
هر درلو بلادن سالم ومصون اوله رق اکلور
کیدر .

فطوغرافیا رسملری

فطوغرافیا یعنی کرنش واسطه سیله رسم
آماق صنعتی مخترعات جدیددن اولدینی حالد
اوقدر ایلروله مش اوقدر عمومیلشمشدر که

اوروپاده دكل آ بزم بو طر فلرده بيله بيوجك
 شهرلرده اقامت ايدن كوچك بيوك فقير زنكي
 انسانلردن فطوغرافيا اصوليله رسمنى الديرميان
 هان هييج بريكمسه قالماقده در . حتى هركون
 بردرلو اختراعات تسهيله ايله بوصنعت اوقدر
 قولايلاشديرلمشدركه چنمك ايجون چاشمه
 محتاج اولميان و بناء عليه وقت چكورمكه خدمت
 ايده جك معصومانه اكلانجه لر آرايان ارباب
 اقتدارك عادتاكافهسى فطوغرافياچى كسيله رك
 تدارك ايلدكلى سهل انقل كوچوچك آلات
 وادوات ايله هر كيدوب كزدكلى يرلرك وهر
 كوردكلى ذوانك رسملرني آلمنى كنديلرينه
 اويونچاق واكلانجه ايدنمشلردر . فطوغرافيان
 مقدم اوروپاده رسمنى الديره بيلمك آنجق
 بيوك ادملره نصيب اوله بيلن نعمتلردن ايدى .
 جسامت طبيعه ده ياغلى بويالى رسملردن انكزده

اوقات منیا تور رسملرینه قدر هر نویده رسملر
یادیر یلور ایدیه ده برادیمك سودکارندن بریسنه
رسمی یادکار اوله رق ویرمی عادی بعض پك
مستثا ذوات نادر ددن ماعدا هیچ برکیسه
نزدنده موجود وصرعی دکل ایدی اوزمانلار
عظما و مشاهیردن برینك یاغلی بویالی رسمی
دیمك شمدیلرده مرمردن پرنجیدن مصنوع
هیکلی قدر مکلف و مهم اولوب شمدیلرده
ایسه قرومولیتوغرافیا صنعتی بونوع رسملری
دخی اوقدر چوغالمنشدرکه ایل ابله باپلمش یاغلی
ویا خود صولی بویا رسملردن عادتاً هیچ فرقی
اوله میه جق قدر مکمل رسملر همان بادهوایه
مساوی فیئات ابله صاتلمقده بولمنشدر . ایدی
رسملرک بودرجسه لرده کثرت و مبذوایتی بونلر
ایچون آداب معاشرت میانده دخی بر موقع
پیدا ایلمنشدر . یادکار اولمق اوزره برکیسه

رسمكزى و يروسكز و ياخود بر كيمسه دن يادكار
 اولق اوزده رسمنى ايستر و آنورسكز بونار
 باخصوص اوطا لرده شمينهك اوزرىنى آينه لر
 اطرافنى تزيين ايدر لر و ياخود كوزل كوزل
 آلبوملر دروننه وضع ايله محفاظه اولور لر .
 تأمل ايد بلك اولور سه حقيقه " تسليم اولور كه
 بو عادت بك كوزل بر عادتدر . زيرا معارفه
 و مناسبتك اوزرندن سنه لر مرور ايدهر ك اولومك
 دست تخرىبي ده بر طاقم سوكللى ذوالك رؤيت
 جمالى محله تعليق ايدنجه قارىشديريلان آلبوملرده
 بونار ك رسملر ينى كورمك انسانى نه قدر متخسرس
 ايلر . بىضا دخى بر آدمك كنجلك رسمنه
 مالك اولور سكزده برده اختيارلنى زماننده كى
 رسمنى اله كچور سكز . ايكي حال اوده سنده كى فرقى
 تأمل نه حكمانه تأمل اولور ؟

ايشته فوطوغرافيا رسملرينك بويولده كى افكار

و تذکار خدمتی ایفا ایلدکلی ایچون معاشرت
نوع بشر خصوصندن اهمیت-لری آرتدجقه
آرتمقده در . برتالك دیمش اولدیغی وجه-له
یقینده بونلر عادی قاوتدو ویزیتلرک یرینی ده
طوته جقلردر . حتی من جهة طوتمشلردر بیله .
زیرا « ویزیت » دنیان قطعه ده کی فطوغرافیا
رسملری تمام ایشته قارتدو ویزیتلر قطعه سینده
باپالمقده درلر . حتی بعض کیمسه لر پوسته پولی
قدر اوفاج-ق فطوغرافیا رسملری ویزیت
کاغدلرینک اوزرینه یاشیدیرمقده بولدقلری
دخی کورلمکده در . اما شمیدیکی حالد فطوغرافیا
فیا رسملرینه قارتدو ویرینلر حکمنی ویرمک
بیوک استیجال صاییلور . زیرا بو حکمی ویرنلر
الحاله ه-ذه افکار جدیه اربابی نزدنده دوچار
استخفاف واستهزا اولمقده درلر . بوگونکی کونده
فطوغرافیا رسملرینک قیمت واهیتی قارتدو

ویزیت-لردن بالانز اولوب آداب معاشرنجه
 کوریان لزوم-لر اوزرینه اوچر بشر صرف
 اولمق ایچون هرکس یوزلرجه بیکلرجه قارت
 دوویزیت اعمال واس-تعمال ایلمکده بولندی
 حالده فطوغرافیا رسملرینی بالنسبه پک آز
 بایدرمق-ده واحباب و آشنالریله نادر اوله رق
 ته'طی ایلمکده درلر .

قادین قادینه ارکک ارککه و یاخود بر قادین
 و بر ارکک یکدیگرندن فطوغرافیا رسملرینی
 ایستهمکده و بونلری بری برینه ویرمکده
 اصول و آداب نه در ؟ بوبایده اصول معاشرت
 محرراری ییتنده برچوق اخت-لافلی سوزلر
 سویلنمشدر . اکثر مباحثه مدام لوئیز دالک
 رأی افراط-دن تفریط-دن عاری کورنمکده
 اولدیغی کبی بومس-له ده دخی مومی اله-امک

سوزنری قبول اوله رق بوجه آنی ایراد
اولمقدمه در .

اقربا و اعلیٰ قادن ماعدا برده یا لکز پک کلفتیز
وصیمی دوستلردن بشقه «قایم» ذیلان
بیوک قطعه ده کی فطوغرافیا رسملرینی رکیمسیه
ویرمک پچون او کیمسه طرفندن مصرانه
رجا اولمق شرطدر . حق طرفین بری برینک
اقرانی اولدقلری حاده دخی بورجای مصرانه
شرطدر . والا ویرله جاک رسمک اهمیتی
اسقاط ایدلمس اولور . هله هیج طلب وقوع
بولمقسزین رسم ویرمک یا لکز آنک قدرینی
دکل صاحبک قدرینی دخی تنزیل صایلور .
کندی خصوصی اوطه منده بر آدمک رسمی
معاقد بولمق اوطه صاحبی ایله اوادم اره منده
پک زیاده دوستاق وپک بیوک کلمتیزلک
بولندیغنی اعلان دیت اوله بغندن بوراسی

معلوم اولمایدردده رسم منرا کا کوره تعطلی
اولمایدرد .

رسم تعاطیسنده رسمك اوزرینه وضع امضا
دخی شرط کبی برشیدرد . یوامضا اولمز ایسه
رسمك کندی صاحبی طرفندن ویرلمسی اثبات
اولنامامش اولور . فوطوغرافیاچیلر هرکسك
رسمی فیئت معینه سیه صامتمده بولادقلرندن
اوصورتله مبیاه ایدلمش رسملر ابله اصل صاحبی
طرفندن یادکار ایدلمش رسملر آراسندهکی فرق
بواضعا یله تعین ایدرد . امضایی و « فلاجیه ذنه
یادکار محبتدر » یوللی یازیله حق برده عبارمین
رسمك ارقه طرفنه یازمق تواضعه محمول اولوب
رسم جهة یازمق ایسه تشهیر نفس مقصدینه
محمول اولور . زیرا بورسسم كرك اوفاجق بر
چارچویه ایجنه و كرك آیوم دروننه وضع
ایدلسون یازیسی ارقه طرفنده ایسه مستور

قالوب اولك طرفنده ايسه دائماً مكشوف بوانه جقدر .
 بر بيوك آدم طرفندن رسمه نأليت آنك
 و نرته كاغـ دينه نأليتـه مفيس دكـ در . حتى
 و نرته كاغـ ديني بوكش و واولكه اوزرينه برقـاچ
 كله دخي يازمش اولسه بيله رسمنى ويرمك
 دها زياده موجب افنخاردر . بناءً عليه بر بيوك
 آدمدن رسمنى ايستيه بيلمك معارفه عاديه ايله
 ممكن اوله مز . رد ايدر وردنده حقـ لي دخي
 كوريلور . او ادمه كنديسنى سوديرملى و بوبله
 نشانه توجهه حق قازانملى ده اوزمان ايسته ملى كه
 اودخى دريغ ايده مسون . بيوك سز ايسه كز
 سزدخى كوچكلاريكزه رسمـ مكزى بوبله بهالى
 ويررسكز . زيرا بر كوچك آدمك او طهـ سـنده
 بولنه جق بر بيوك آدم رسمى بك محترم بر موقع
 اشغال ايتليدر والا رسم صاحبي حقنده حرـ
 متسزلك عداوانور ،

برار ککدن رسم ایسته‌یان ذات برقادین اولور
ایسه همان ایلک طلب وقوعنده رسمی تقدیمه
مسارعتله برابر بو طلبک کندی حقنده برار
توجه بر لطف اولدیغنه دائر برقاج سوز دخی
سویله‌میدر . لیکن رسم اوزرینه یازی یازمق
اچون اوقادین طرفندن ایکنجی بر طلب وقوعی
لازم کلور . بوایکنجی طلب وقوعه کلکسزن
یازی دخی یازمق مناسب و واقعه‌یی درجه
موجوده سمندن پک ایلرویه کچمش عد ایلکم
اولور . یازی دخی یازمق لازم کلور ایسه
اوقادینی یازی‌یی کورنلر نزدنده محجوب ایده
بیله جک تصریحلردن دکل آیمالردن بیله احتراز
ایتمیدر . اوقادین اوار ککک متره‌سی بیله اولسه
« مادام فی‌الانه یادکار احترام‌کارانه‌در » کی
یازمیدر . برقادین طرفندن رسمی طلب ایدمش
اولان آدم بالقه‌بله کندییی دخی اوقادیندن

رسم طاب ایتما ملیدر . قادین حسن تربیه اربابندن
ایسه رسم ایسته ریگی آدمه بلا طاب رسمی
اعطا ایدر . مع هذا بر قادیندن رسمی ایسته
مك اوقادین حقنیده حرمت سزك دخی عد
اوله من . لکن قادین وقوع بولان طابی قبول
وردده مختار قالور . خوش ایلک طابیری رد
ایتمک قادینلرک عمومی ایچون لوازمندن معدوددر
یا ! رجایی برقاج دفعه تکراردن صکره دخی
ردنده ثبات ایدر ایسه دهها زیاده اجبار ایتما
ملیدر . رسمی اعطا ایلدیگی حالده اوزرینه برده
پاری یازمسی ایچون قادین اصلا اجبار اوانه من .
بر مادام وازل یا نکر کندی نشانلیسندن ماعدا
هیچ بر کج آدمه رسمی ویره من . مکرکه
او آدم یا شلی بر آدم اوله رق بابا سنک ویا خود
والده سنک دخی پک بیوک دوستی اوله . کذلک
بوله بر قیزه دلی قانلیلر طرفدن دخی رسم تقدیم

اولنه من . بر فیزك او طه سنده كندی اقر با سندن
واختیار دوستلردن بشقه هیچ برار ككك رسمی
بولنه من .

برار كك كندی رسمی طوغربدن طوغری به بر
قادینه تكلیف و تقدیم اید من . بویه بر تكلیف بك
صوغوق دوشه جكندن ماعدا او قادین حقنده
عادنا حرمتیزك عد اولنور . انك نزدنده
او آدمك بر مقبولتی وار ایسه قادین كندیسی
آنك رسمی ایستیه جكدور . ایشك اك بلاسی
بویه بر قادینه رسمی تكلیف ایدوبده او دخی
حسب انزاكه رد ایتوب الدقن صكره قادینك
آبومنده رسمك یر طوتمامش اولدیغنی كور .
مكدور . بویه برار ككك ایتدیكى شو صایغیسز انك
اك نازكاه جزاسی ده بوعد اولمتی بالوجسوه
شایسته در .

بر آدم هر درلو حال وقیفند رسمی لدره

بیلور ایسه ده اوله آچیق صاحیق حرمت سزجه -
 سنه وضعیترده الیرلش رسملری کیسهیه
 وبالخاصه قادینلره تقدیم ایدمز . قادینه تقدیم
 اولنه جق رسملری سوواره قیافتنده الیرملیدر .
 شایقه باشده اوله رق الیرلش اولان رسملرک
 تقدیمی بیله شایق صایله مز . بزم عثمانلیلر مز
 ایچون دخی آچیق باش رسملر بو حکمده اولوب
 احبابه تقدیم اولنه جق رسملر بریوک آدم
 حضورینه چیقیلان قیافتله الیرلش اولمق
 مرجحدر . رتبه و نشانی اولانلرک اونیفورمه
 و نشانلری حامل اوله رق الیرلش رسم
 « رسمی » اوله جق لرندن آنلری احبابه یادکار
 اوله رق تقدیم امرنده دها زیاده اهتمالی طور ائق
 یعنی بحق حرمت کورده جکی مأمول اولیان
 یرلره بونوع رسملری تقدیم ایتماک لازم کلور .

دوئللو

آلکز سزه مدنیت عالمنده حالا حکمی جریان
ایده کلن بر عادت وحشیانه ! اوت !
وحشیانه در . زیرا احقاق حق دنیان شی جمعیات
مدنیته ده هیئت عدلیه و احکام قوانینه تودیع
قلمش اولدیفندن بر آدمک خود بخود احقاق
حقه قالمشمسی پک وحشیانه بر عادتدر . اوروپا
جه ارباب فکر و قلمدن یوزلرجه آدملر بو
عادتک عالمنده صحیقه لر طولدیر مشلر ایسه ده
هیچ بر فائده سی کوریه مامشدر . حتی او صحیفه
لری طولدیر انلرک کندیلری دخی مدت عمر لر نده
برقاچر دفعه دوئللوده بولمق بلیه سندن یاقه لرینی
قورتاراماشلر در .

بر آدم دیکرینی هر نه صورتله اولور ایسه
اولسون تحقیرایدی حتی تحقیرده دکل ! ساده
جه خوشنه کیمیه جک برسوز سویلر و یا خود

برجر کتده بولنور . بوندن آلمان آدم آئی
 دوئللویہ دعوت ایدر . دعوت اولنسان ذات
 دوئللوی قبول ایتیمه جـك وایتدیکی خطادن
 طولانی ترضیه و یروب عذر دیلیه جـك اولسه
 قورقافلغه حتی اچ قافلغه حمل اوله جق . بناءً
 علیه اوده بالمجبـوریـه قبول ایلر . طرفین
 « شاهد » نامیه ایکیشر وکیل تعیین ایدرک
 مبارزه نك شرائطی بونلر تعیین ایلرلر . قلیج
 ابله مہاجمه ایدیله جـك ایسه ایکسی بربرینک عقی
 اولان برچیف قلیج تدارک اولنور . طرفین
 برینک مجروحتی ابله می یوقسه مقتولاتی ابله می
 مخاصمه یه ختام ویریله جکی اولدن تعیین اوله رقی
 مجروحیتله مخاصمه یه ختام ویریله جـك اولور
 ایسه ایلك جرمحنك وقوعی اوزرینه شاهدلر
 آرمه کیرمک مبارزلری آیررلر . مقتولیتله
 نتیجه پذیر اوله جق ایسه ایکسندن بریسی یره

دوشونجیه قدر آرمز لر . مقتولا دوشمسی ده
 شرط دکلدر . جنکده دوامه قدرنی قالمیه حق
 قدر مجروحاً دوشرایسه غالب اولان طرف
 ایچون مغلوبك کارینی ایتام ایتك عیب صاییلور .
 کندیلکندن ترك مخصوصه ایدر . آرتق دوشونملی
 که ایکی آدم بربرینك جاننه قصدايله شاعر شاعر
 قلیج صالایوب قانلره ملایع اولدقلری حاله
 درت شاهد بلاقتور تماشا ایدیورلر ! بوندن
 بیوک وحشت تصور اولنه بیلورمی ؟

اگر دوئللو طبانجه ایله ایدیله جـك اولور
 ایسه کذلک ایکسی بری برینك عینی اوله رق
 ایکی طبانجه تدارك ایدیور . اصل قاعده طبانجه -
 لرك تك نامارلی اولسنی ایجاب ایدر . اما شمدیلر -
 ده بش اتی آنشلی ره وولوه لر دخی قبول
 اولمقده درار . بوسلاحلری شاهدلر یکدیكر
 حضورنده و نظارتلری السده طولدیورلر .

مخاصملاک ارہ سندہ قاج خطوہ مسافہ بوانہ جق
ایسہ اولدن تعین ایدرلر . ایلک آشی مخصوصملر .
دن ہانکیسی ایتک لازم کلہ جکی خصوصندہ
عادات محلیہ بہ مراجعت اولور . بعض یرارده
حقارتی کوروب دوللووی تکلیف ایتش اولان
آدم ایلک آشہ حقیدر . بعض یرارده ایسہ
امر بونک خلافہ در . اکثریا ایکسی بردن
اتش ایدرلر . بونک ایچون دخی شاہدلردن
برسی برر ثانیہ قدر فاصلہ ایلہ « بر ! ایکی !
اوچ ! » دیرکہ ایلک کلہ بی سویلدیکی
زمان مبارزار بربرینہ نشان الوب اوچنجی کلہ بی
متاقباً آتش ایدرلر . الدہ کی سلاح رہ وولودہ
ایسہ اوچنجی قوماندادن صکرہ طرفین تکمیل
اتش لرینی اجرا ایدرلر . طبانجہ ایلہ ایدیہ جک
درللودہ بعضاً طرفینک ہیچ برسی محروح

اولمزلار ایسه ده بعضاً ایکسی ده مجروح و حتی
مقتول بیله دوشرلار .

ایکی مخصوص مبارزه باشلامزدن اول
یکدیگرینی سلاملایه رق کویا شخصلرینه لازم
کلن حرمتی ایفا ایتمش اولورلار . دوئللوردن
صکره ایکسی ده صاغ قالورلار ایسه درت نفر
شاهدلریله برابر برضیافت یاپیلوب دوستانه
طعام ایدرلار . آزالدی اونوته جق ایدک .
بوجاعات مبارزمنک براعضایی ده اواردرکه
اوده طیب اولوب مجروحه ایلک مداوانی ایفا
ایچون جلب اولنور .

دوئللو حقنده بورایه قدر ویردیکنز معلومات
بوعادت وحشیهنک ال جدی صورتیدر . یینه
بوجدیاندی داخل اولمق اوزره دوئللو ایدمک
آدملرک یکدیگربله کفو اولملری شرطنده
رعایت اولنوب او یله تورودی مقوله سندن بر

آدم وقار و حیثیت ساحبی بر ادبی در نالویه
 دعوت ایلرایسه او معتبر ذت قبول ایتمه بیلور .
 بویه کندیسنه کفو اولمسان آدمک در نالوسنی
 قبوله تزل ایدمه مدیکی ایچون معیوب ده صایلمز .
 آنجق بو خصوصات جدیه دن ماعدا ایشک ایچنه
 بر طاقم ده مسخره لقلر قاریشدر لمشدر . وقوع
 بولان دوئللار لر غزقلره دخی یازلدیغنه نودوئللو
 ایتمک بر درجه یه قدر مزداک و تهر ماناق سایلد-
 یغدن بونک ضمنتده کی شان و شرفه دئل اولمق
 ایچون ایکی شارلانک اتفق ایدهرک بر برخی
 اور ماناق شرطیه جمعی دوئللولر ترتیب ایتیکلری
 وه-وایه طوغری قورشونلر فرلانقلری
 نوادردن دکلدر .

برده آلمانیا ده ایکی معلم اره سنده وقوعه کاش
 اولان بر دوئللوی بروجیه آنی حکابه ایدرلر :
 عالمان حکمان بللی باشلی وایکیسی ده باشلی ایکی

معلم نصاسه بری برینه کوجنهرك دوئلو ایچون
 شاهدلر تعیین ایدرلر . بونلر ضیاعلرینه آجنه
 جق ذواتدن اولدقلری ایچون شاهدلر اوره لرینی
 بولوب مصالحه ایتمه گه غیرت ایدرلر ایسه ده
 مصالحه بی ایکیسنه دخی قبول ایتدیره مزلر .
 نهایت اون بش آدیم یردن طبایعه ایله مبارزه لرینه
 قرار ویریلوب طرفین قارشو قارشویه کلهرك
 سلاح بوشالتورلر . هیج بریسی یاره لمز .
 بونکله قناعت ایدمه یوب مهاجمه بی تکرار ایتمه
 قالدیشورلر . بوتکرر خلاف اصول ایسه ده
 اختیارلره مرام اکلاتمق قابل اولمادیغدن حمله
 تکرار ایدیلور . طرفین ینه سالم قالورلر . الحاح
 صل مهاجمه اوج دفعه تکرار ایدلدیکی حالده
 هیج بریسی یاره لمیوب شاهدلرک دخی اجبارله
 ایش مصالحه منجر اولور . بو کیفیت اوزمان
 آلمانیا غزته لرنده اوزون اوزادی به تفصیلات

اعطاسنی مس۔ نلزم اولہرق حتی بعض غزتلر
 مقضای شیخوختله ذاتاً لرزه ناک اولان الارینک
 برده حدت و غضبله تتره مسندن طولایی بربرینی
 اورہ مدقلرینی ایچہ مزاحکویانہ بر صورتہ یازارلرہ
 آرادن برخیللی زمان مروریله پروفہ۔ وورلرک
 ایکسی دخی وفات ایدرلرہ ایکنجیسنک وقوع
 وفانی اوزرینہ برصالونده ینہ بودوئللو مسئلہ سی
 میدان مصاحبہ قونولقدہ شاهدلردن بریسی
 دخی اورادہ خاضر بولنسیله افشای راز ایدہ رک
 دیرکہ : واقعا اختیار ایدیسه لردہ الاری ترک
 اولمدینی کبی اعتدال دم ایله مخاصمه ایلدکلرندن
 اگر طبانجه لرنده قورشون بولنسه ایدی مطلقا
 ایکسندن بریسی وبلکہ ایکسی ده مجروح اولورہ
 لر ایدی ۔ لیکن بویله قیمتلی وجہ ودارک برائر
 غضب اولہرق افسانی آرزو ایتدیکہ زدن دوت

شاهد اتفاق ایلد کده طبابعملری قوری صیقی
طولدیردق .

اسقریم یعنی سلاح تعلیمی معلملری ایچون
دوئلو ممنوعدر . بونارک تکلیف ایتدکلری
دوئلوی قبول ایتیموب ردایلمک دخی عیب
صایلمز . برده دوئلوارینک کثرتندن طولایی
« دوئللیست » دیه شهرت بولمش اولانلر دخی
معلم حکمنده درلر . ذاتاً اوروپانک برچ-وق
یرلرنده دوئلو قانوناً دخی ممنوعدر . مجروح
وباختصوص مقتول وقوعنده مدعی عمومی
حقوق عمومییه نامنه اقامه دعوی ایدرایسهده
محج-ازان قانونیه برقاج ماهدن عبارت اولاق
اوزره پک آزدر . چونکه طرفین کندی
رضالریله بومقاتلایی ایقاع ایدرک مقاتله واقعه
بیطرف وعادل شاهدلر حض-ورنده وقوعه

کلایکندن عمداً و یا من غیر عمد جرح و قتل
نوعندن عد اولنما مقده در .

آمریقا ایلر هر خصوصده افراطه واردقلری
کبی دوئللو ماده سنده دخی کندیلرینی شائبه
افراطدن قورتاره مامشلردر . دوئللونک صور
غریبه سنی ایجاد ایتشلردر . اک مدهشی طرفین
قرعه چکک رک اولوم حکمی کیمه اصابت ایدرسه
او آدمک کندی کندیسنی اولدورمسیدر .
اک تحفی دخی ایکی مخاصمک زفیری قرا کلق براوطه
ایچنده ره رولوهر ایله دوئللوا یتلریدر که بر بر ینک
نرمده بولندقلرینی آیاق پا طردیسندن اکلایوب آه
بجقلرندن « قرا کلغه قوبور صیقحق » مثل مشهور
ینک نام حکمی ! دکلی ؟ بعضاً دخی بریسی زهرلی دیکری
زهر سزایکی علاج ترتیب اولنه رق طرفین بولردن
برردانه سنی اخذ ایدرلر که ایلمک علامت تسمم
ظاهر اولانجهیه قدر « عجبا بنمی زهرلندم »

مراقفه دوشمك دخى آزعذاب دكلدو . ايكي
مخاصمك برر بالونه يئنهرك جوهوراد قورشونلا-
شمق صورتيله دوئللو ايتدكلرى دخى غرتلاره
يازلمشدر . الحاصل بونلردن بشقه دهانه قدر
صورعجيبه ايله آمرىقالىلار دوئللو ايتمشلار
وايتمكده بولنمشلردركه ايشك اودرجه سى زوزكلك
عداولنسه سزادر .

اوروپاده بولنلار عثمانلىلار ايجون دوئللو
خصوصنده انكليزلك « قواكر » مذهبي اربابى
نقليد ايلمك الكسالم والكطوغرى يولدر . قواكر
مذهبنده بولنلار جانه قىماق ايله مكلفدرلار .
هيچ برحيوان اولدورمزلر . نفسلر ينى صيد
وشكاردن دخى محروم طوتارلار . بناء عليه
بونلر دوئللو يه دعوت ايدلسه لر « بزم مذهبمزمده
دوئللو يوقدر » ديه قبول ايتمزلر وشو عدم
قبوللارندن طولاي معيوب دخى صايلملار . حتى

قوا کرلردن بریسی دوئللویہ دعوت اولنہرق
 بوجواب ردی ویرمسی اوزرینہ خصمی
 « مذبکزی خوفکزه سپر اییدیورسکز » دیہ۔
 سیلہ قوا کر « خیر ! قورقم یوقدر . ایسترایسہ کز
 مسافہ معینہ دن طابانجہ کزک اوکنده طورہ یمده
 بکا آتکز . بن ایسہ ہیج بر حیوانک جانہ
 قیہ میہ جغمندن سزہ دخی قصدا یدہم » دیہ قهرمان
 خصمی برده حیوانقلہ تذلیل ایلمش ایسہده
 دیگر ی نشان تختہ سی کی قارشوسنده طورہ جق
 اولان آدمہ قورشون اتمق خفتنی قبولہ تنزل
 ایدہ مدیکندن ایش بالطبع مصالحہ یہ منجر
 اولمشدر . بز عثمانلیلر ایچون دخی دوئللو
 ممنوعدر . واقعا بوعادت قیجہ حالا بیله آرنا۔
 ووتلقده جاری اولدینی کی یکجریلر میاننده
 دخی جاری ایلمش . « لطائف روایات » سرنامہ
 عمومیسیتلده جمع ایلمش اولدینمز کوچک

رومانلردن « يکيچربلر » نام رومان ايله برده
« حسين فلاح » نام بيوک رومانمزدده بومسه نه
بسط و تمهيد قانمشدر . لکن عثمانليايگ هيت
عمومييه سي نه آرناووتلقدن نه ده يکيچربلکدن
عبارت دکادر . اخلاق عموميۀ عثمانيه مزده
حد اولسون بو عادت کريه بولنديغي کي قوانين
عدليه مزده دخی دوئلوجيلر ايجون هيچ بر
مساعده و قدر . بزده برکيمسه دیکرني دوئلوده
قتل ايدمک اولسه قوياً ظن ايدرزکه حقنده
قاتل متعمد معامله سي اجرا اولور . بناءً علی
ذلك اوروپاده بولنان برعثمانلي به دوئلو تکليف
ابداسه عادات و قوانين مليه مزده داخل اولمديغدن
بحثله رد ايتلیدر . بو عدم قبول قورقاقانه حمل
اولسه من . حتی قوا کرک ياپديغي کي خصمک
قارشوسنده طورمغه ده لزوم کوسترمن . بزبوني
دخی بلاهتدن بشقه برشيئه حمل ايدمیز . مع

هذا استغراب اولنورکه اوروپاده بولنان عثمانلیلر
 من کندیلمرینه تکلیف اولنان دوللاوی رد
 ایتیمورلر . بش اتی قدر عثمانلینک دوللاوایتدکار .
 ینی حتی مظهر غلبه دخی اولدق لریخی تواتراً
 ایستمشزددر . جسارت وشجاعتک بودرلوسنده
 بر معنی مأمول ایتیمز . شجاعت وبسالت عثمانلیلر
 ایچون اوقدر عمومی بر خصلتدرکه آنی برده
 بوجمله انبات ایلمکه هیچ لزوم کورمیز .

قمار

ایشتمه عالم مدینتک بر عادت کریمه سی دها !
حیفاکه بوعادت اورو پاچه او قدر تعم اتمشدرکه
سربندیسی بزم محفل عثمانیه منزی بیلله استیلایه
باشلامشدر .

قرار نہ در ؟ اربابنك تعریفہ کورہ کویا وقت
کچور مکہ یار دیم ایدہ جک بروسیلہ ! وقت کچورہ۔

جك بشقه هييج برشی قالماش ايسه بوتور ايفي قبول
 ايدە بيله لم . فقط جدی غير جدی بونجه مدنی
 اكلانجهار موجود ايكن قمارك وقت كچـوره
 بيلمكه وسيله اتخاڭيني معنالی برشـيدرديه تالق
 ايدەميز. نه يمان بروقت كچورشدراووقت كچورشكه
 كيجهلري صباحلره قدر طاتلي اويقوي وراحتي
 ترك ايله مراقليسي انواع عذاب اليمه دوچار ايدره .
 بويوزدن تولد ايدن امراض وخيمه اطبائي دوچار
 حـيرت ايليور . بويوزدن اخـلاق ومعيشت
 عموميه جه ظهوره كلن سيئات حكمايي دوچار
 يأس وفتور ايديليور . اصحاب فكر و قلمدن هييج
 بريسي كورلماشدر كه بوكريه نك اهنده خامه ران
 اولمش بولسون . قاري تقييحه بتون السـنه
 انم متحدر . جه فائده كه بومراقى نوع بشردن
 رفع ايدە مامشدر . شـوعدم موفقيتك سبب
 وحكمتي ايسه بك بللي وباهردر . ايشك اپچنده

پارہ وار . واقعا اوپارہینی قازامق امیدیلہ غائب
ایتمک متساوی ایسہ دہ نوع بشر دہ پارہیہ مجلویت
مجلویت بودرجہ لردہ حکمفرما اولور ایسہ
غیب احتمالی قاری ترکہ لزوم کوسترہ بیلور می ؟
« دویہی یاردن آتلانان برطوتام اوتدر » دیرارہ
اگر « انسانی ہر بلا یہ صـوقان پارہ طمعیدر »
دنیلہ حکمی اولکیدن دہ اپارلاق برسوز
اولور ایدی .

نہ ایسہ ہونجہ حکمانک ہونجہ بلیغانہ سوزلرلہ
نوع بشری واز کچورہ مامش اولدق لری شو
ابتلادن واز کچورہ بیلہ جک دکلز آ . اوروپادہ
بولانہ جق ہمشہر بیلر منک بوفضاحتہ آلماملرینی
ہر حالہ جان و دلدن تمنی ایلہ برابر آدابی حقندہ
سـویانمسی لازم کان شیلری مختصر آ بیـان
ایتمک شو اثر دہ وظیفہ من اولمغـلہ او وظیفہ
ہولمہی دخی ایفا ایتملی یز .

اورو پاچه قار محلامی پك متوعدر . بر کره
 حال ووقتی ابی اولان همان هر کسك خانه سی قار خانه
 حکمنده در . هر بالو وهر مسامره ده قاره
 مخصوص اوطه لر تعیین اولنور . « قولوب »
 دنیان جمعیت کاهلرده اعظم مقاصد دن بریسی
 قار اولدیغندن انك انواعنه مخصوص ماصه لر
 مجهزدرلر . بعض یرلرده صورت مخصوصه ده
 قارخانه لر دخی رسماً مؤسسدرکه اهمیت لری
 بر بانکه درجه سنه وارر . بعض یرلرده ایسه
 بویله مستقل قارخانه لر ممنوع اوله رق یالکیز
 خانه لرده مسامره لرده قولوبلرده اوینامسینه
 مس جیقارلر . معدن صولرینك عادنا کافه سی
 بر قار محلیدر ، اناصل سوزك الک قیصه سی ابکی
 قار باز نروده برلشور ایسه اورایی بر قار خانه
 حکمنی آلور .

او بونلرک انواعی دخی قابل تعداد اوله میه جق

درجہ لردہ چوقدر . اک اھونی اک کبارانہ سی
 او یون کاغہ لریلہ اوینان و اوینامی حسابہ
 تاملہ ذہنہ محتاج بولان وویست و پیکت
 وبریج کی او یونلر اولوب ینہ او یون کاغہ لریلہ
 اویناندینی خالدہ صرف تصادفہ مبتنی بولان
 لانسکینہ و فرعون وامثلی دھا تھلکایدرلر . بو
 او یونلرلہ بیوک بیوک مبالغہ بر قاج ساعت
 ظرفندہ الدن حیقہ اریلہ بیلور . ہلہ « روات »
 دنیلن فیرلداق او یونی کی شیلر اک زیادہ
 دھشتلیدرلر .

او یونلر ایچون اربابنہ اول بول لازم اولان
 شی قازانمغہ حریص اولماق وغیب ایتدیکی
 زمان اظہار تأسف ایتماکدر . اصول و آداب
 معاشرت کتابلرینہ بونی بویلہ جہ یازارلر اما
 مرعیتنی کیم تأمین ایدہ بیلور ؟ انساک ثروت
 وسامانی الدن کیدردہ متاثر اولماق قابل اولورمی ؟

حریص نقد اولان بر آدم قولایجه پاره قازانق
ایچون قماره مراجعت ایدرده حرص وهوس
کوسترمامک ممکن اوله بیلورمی؟

قمارده حیلله کارلاق ایتمک الک بیوک معایبندر .
قمار حیلله کارلرینه « غریق » دیرلرکه عادنا
« روم » دیمکدر . فصلسه اوروپالیر روملری
حیلله کاروخده باز آدملر دیه تاقی ایلمش اولدقلرندن
قمار او یونلرینه حیلله قانانلری دخی بو تعبیر ایله
تعیب ایدرلر . اما ایش برقوری تعیبدن عبارت
قالز . بر آدمک قمارده حیلله سی کوریلور ایسه
بردها او یونلره دکل سالونلره دخی قبول اولنمز .
حتی کیسه کندیسه نه سالام ویرمک بیله
ایسته مز .

قمارده پاره سی بیتن آدم ایچون ویره سی به
او یون اوینه امق ممدوح دکدر . مع هذا بللی
باشلی قماربازلر ایچون ممنوعده دکدر . فقط

ویرہ سی بہ اوینہ ادینی حالہ ینہ غیب ایدردہ
بورجلی قالور ایسہ بو بورج ناموسہ متعاق
بردین حکمنده طوتیلہرق یکرمی درت ساعت
ظرفندہ بہمہ حال تادیہ ایدلمسی لازم کلور . قمار
بورجفی یکرمی درت ساعت ظرفندہ تادیہ ایتیمان
آدم دخی « غرق » حکمنده طوتیلہرق بردہا
نہ او یونلر نہ سالونلر قبول ایدلمز .

قادینلر ایچون قمار اوینامق غایت معیبہ اتدن
صاییلور . زیرا قادینہ ہر حالہ حرمت ایتک
لازم اولوب قادینی ینک ایچون شدت کوسترمک
ایسہ عادتہ حرمتسزلک دیمیکدر . مع هذا
معیویت شدیدہ قادینلردن بر چوغنی قماردن
ینہ منع ایتیمور . ینہ ارککلر قدر آنلر دخی
قمار اوینایورلر . ہلہ اودرجہ لردہ غیرت خصماہ
ایلہ اوینہ ایورلر کہ اولور اولمز ارککلر بونلرہ
مغلوب اولیورلر .

قمار او یونلرنده برار ککک بر قادین ایله عقد
 شرکت ایتسی قمار بازلق عالمنجه دخی معا بیدن
 معدوددر . مکرکه قادین آراتق بونامه اثبات
 اهلیت ایدهمیه جک قدر یاشلی ویاخود ارکک
 پک اختیار بوانه . اما بعضاً فاملیاجه « طومبوللا »
 دنیان او یون کی مجرد اکلنجه ایچون اوینانان
 اوافق نفاک شیلر مستثنا اولوب بونلرده ارککلرک
 قادینلرله اشتراکی تجویز ایدیله بیلمکدهدر . او
 حالده دخی قادینی اکلندیرمکه حصر نفس
 ایدیلهرک انک خشنود قالمسی هر نهیه متوقف
 ایسه اکاکوره طور انملیر . کنج قزلر
 ایچون ایسه قمار او یونلری علی العموم ممنوع
 و معیوبدر .

متفرقه

اوروپا اصول و آداب معاشرتک کافه سی

بویله بر کتـابـده جمیع ایدہ بیلـمـک ادعا سـنـده
بولنـمـدیغـمـزی تکرار ایدرز . یالکز یازدیغـمـز
شیلرک مساعده امکان درجه سـنـده طوغریانی
ایله افتخار ایدہ بیلـرک یوقسه مباحثک کافه سـنـده
برچوق نقصانلریمز قالدیغنی بوراده بر دها
اعتراف ایله از جمله شو « متفرقه » سرنامہ سی
التنـده ذکر ایدہ جکـمـز بعض شیلر مباحث کتابہ
برلشدیرہ مامش اولدیغـمـز ماده لر بولندیغـنـدن
آنلری ده بوراده ایراد ایله ممکن مرتبه تضمین
ایتمش صایلمـقـله متسلی اولورز .

اوروپا اصول و آداب معاشرتنک اس اساسی
اولمق اوزره شو کیفیتی هیچ بروقده نظر اهمیتدن
اوزاق طوتمایدرکه اورو پاچه مناسبـتـ صحیحہ
مدنیہ بر بویله کفو صاییلان و یکدیگر ندن هیچ
بر منفعتلری اولمیان ایکی آدمک مجرد مصاحبه
وموانست ایچون عقد ایلدکلری مناسبـتـدن عبارتدر .

بويله اولان ايكي آدم متساوي عدد اوله جقلرندن
بريسي ديكرينه ويزيته ويررايسه ديكرينك دخي
اكا اعاده زيارت ايتسي وبريسي قارت دوو يزيت
كوندروسه ديكرينك دخي مقابله ايلمسي والحاصل
ضيافت ويرمكده ضيافت قبولنده هر حال وكرده
معامله لرينك متقابل بولنسي لازم كلور .

بويله اوليوب ده بريسنك ديكرندن حمايه
وعنايت اوممه سي وبناء عليه بري كوچك
ديكري بيوك بولنسي كي مساواته مغاير حالدرده
بولنان ايكي آدم اره سنده كي مناسبت هيچ بر
وقتده مناسبت صحيحه مدنيه عدد اولانه مز . بو
حالده كوچك آدم يورطي كونلزنده وسائر
مناسبات رسميه ده بيوك آدمي زيارته تبريكه
كيتكه قارت دوو يزيت براقنه و مسامره و بالو
وسايره ايجون لك دعوتنه اجابت كوسه ترمكه
مجبور اولديني حالده بيوك آدم كوچك آدمه
بونلرك مقابلي ياعنه اصلا مجبور عدايدلار .

بوعدم مجبوریتندن طولانی کو جنم کہ قالفیشیلور
ایسہ بوندہ موافق کورنمز . غایتی شو طارغنائی
کندی کوچکک حالہ موافق بولان اذعانمز
کندی کندیسنی کولنج بر حالہ قویمش اولور .

ہلہ معارفہ ومناسبت دنیان شی رسمی بر
آدمک محل مأموریتندہ برایش ضمنتندہ وقوعہ
ککش ایسہ بونی ہیچدہ معارفہ ومناسبت عد
ایتمامک لازم کلور . حتی او آدمایلہ برصالوندہ
بولوشاسہ بیلہ یانہ صوقولمق وارہدہ مناسبت
وارایمش کی طاورانمق ایجاب ایتمیوب اگر عقد
مناسبت مطلوب ایسہ یکیدن پرہزانتہ ایدمک لارم
اولور . معاملات صرافیہ ایچون ملاقات ایدیلن
باقہ مأمورلری اخذ واعطا ایچون کوروشیان
ناجرلر سیاحت ایدیلن واپور وشہمندوفر
مأمورلری مسافر قالنہان ہوتل مأمورین
وخدمہ سی کی آدملر دخی بو حکمدہ داخل
اولوب بویلہ ایش ومصلحت ضمنتندہ وقوعہ

کلش اولان مناسبه توردن طولایی سـ و قاقده و یا
 خصوصی و عمومی بر محله بر اشدیدیکی زمان
 سـ لاملاشمنه آشنای ایدلمکه لزوم کورلمز .
 شعایا تندن اولاق اوزره بر غزته ده او قونمشدرکه
 سرسری مقوله سندن بر حریف بر معدن صوینده
 محاکم عدلیه رؤسایسندن بر یسنه تصارف ایدهرک
 قرق ییلاق احبابی ایمش کی سـ لام ویرمه .
 رئیسک حال و خاطرینی سـ و آل ایدره . رئیس
 « سزکله نروده مشرف اولدیغمی تخطر ایده -
 میـ ورم » دینجه سرسری : « فلان وقت
 بر سرقت ماده سندن طولایی بنی سکز آی حبسه
 محکوم ایتدیگز می ایدی ؟ » دیرکه ایشته مجرد
 ایش ضمنتده کوروشـ لمش اولان آدمـ لری
 احباب صائق شو سابقه لی حریفک حالی قدر
 موجب استغراب اولور .

آورو پاچه بر آدمک طوغریدن طوغری به

کندی نامنه مرسول اولمیان بر مکتوبی اچمی
 ممنوعدر . حتی بونک ایچون قانوناً مجازات
 دخی معیندر . ایکی آدم یکدیگرینه ک نه قدر
 جدی دوستی اولورایسه اولسون بری برینه
 کلن مکتوب وتلغرافلری آچمه مأذون اوله .
 میه جقلری کبی بریده فک اولمش بر مکتوب
 بر اقلدینی کورایسه بیله نه ایدوکنی مراقایدو رک
 الوب او قومق غایت عیدر . یالکز اولاده کلن
 مکتوب بلری ابوینی آچه بیلورلر . هله بر قز
 نه قدر یاشلی اولورایسه اولسون اکا کلن مکتوبلری
 آچمه والدہ سنک حتی واردر . فقط قز متأهل
 اولدینی آندن اعتباراً والدہ سی بو حقدن ساقط
 اولور . ارکک اولادک زمان رشیدن اول
 مکتوبلرینی اناسی ده باباسی ده آچه بیلورلر .
 رشید اولدقدن صکره ولوکه چو جق متأهل
 اولسون آناسی ده باباسی ده بو حقدن ساقط

اولورلر . بو حقدن ساقط اولان ابوينك
اولادينه كن مکتو بلری آچلری او قدر
عبیدرکه فاملیا ارمسند یوندن بیوک بر عیب دها
تصور اولنه من دنیلسه مبالغه یه حمل اوله من .
ایکی قرن داش دخی بر برینك مکتو بلرینی هیج
بروقته و هیج بر مناسبتله آچه مزلر . قاری
ایله قوجه یه کلنجه اینش بشقه لاشور . بونلرک
بو باده صلاحیت وعدم صلاحیتلری آره لرند
و بر یله جك قراره قالور . اساساً ایکی سنك ده
دیگرینه كن مکتو بلری آچمه حق لری بو قدر
اما یکدیگرینه بو حق و صلاحیتی و یررلر ایسه
بر برینه امنیت ایتمش اولمقدن فضله کندیلرینك
اماتلرینه ده اعتمادلرینی کوسترمش اولورلر .

اورو پاچه براوطه و یا صالون قپوسندن
کیر یله جك اولور ایسه اولاقپو بی دق ایتك عادتدر .
حتی قپو آچیق بیله اولسه ایچروده اولانلر

مشغول اولوب ده خارجدن برکیمسه نك کیرمکده
اولدینغه دقت ایتیمورلر ایسه ینه قیوی دق
ایتملی و « آنتره » یعنی « کیرکز » مساعده سنی
آلینجه کیرمالمیدر . بوعات آداب اسلامیه ده
دخی داخل اولوب قرآن عظیم الشان ایله امر
اولمیشدر . لکن بزجه مرعیتدن ساقط اولدینی
حالده اوروپاچه مرعیدر . مغازه پوسته خانه
تلغراف خانه هوتل صالونلری کبی هر کسک دخوله
ماذن اولدینی یرلر ایچون بودق واسه یتدانه
حاجت اولدینی کبی خصوصی خانه لرده اوشاق
بونوب ده مسافر کلدیکنی تصریح اسم ایله خانه
خلقنه اعلان ایدیورایسه تکراردق بابہ آرتق
لزوم قالمز .

احوال عمومیه دائر اولان مبحثده دخی بیان
ایدلمش اولدینی وجهله اوروپاچه تواضع عاداتا
یروظیفه عمومیه اولوب هیچ برکیمسه حقنده

من بھانہ و محقرانہ طور لرده بولمسی سوزلر سویلہ مسی
 اصلا مستحسن کورماز . او یلہ زده اولدینی کی
 تعبیرات غلیظه و شتوم رذیلہ آنلرک لسانلرنده
 بیله موجود اولیوب اک بیوک شتملری « بیک
 ییلدیرم » « مائی مقدس » و « شیطان » کی
 بزجه پکده معنیدار کورلیمان سوزلر اولدینی
 حالده بونلری بیله تربیه لی آدملر محافلنده
 سویله مک جائز دکلدر . فرانسه بزجه یی آغزدن
 بلله مش اولان بعض کیمسه لر بزجه « اوده بنم
 امور مده می ؟ » سوزینک کویا مقابلی اوله رق
 je m'en fiche pas mal کی تعبیراتی شوراده
 بوراده صرف ایدرلر ایسه ده بیلمز لرکه بو کی
 تعبیرات ایاق طاقی اولان خلاقه مخصوص اولوب
 تربیه لی آدملر محالسنده بویله سوزلر سویلنمز .
 هانکی تعبیر ایله اولور ایسه اولسون یمین ایتک
 دخی معا یبدندر . دیرلرکه : س-و یلادیکی یالانه

کندیسی دخی اینانہ مدینی ایچون یمین ایله تأمینہ
 لزوم کورییور . والحاصل آداب لسانہ مغایرتہ
 بولمییوب آفات لسانہ دن مصون قالمق ایچون
 تحصیل لسان امرندہ پک اهمیتلی طورامق لارم
 کلور . دیہ بیلورزکہ بر آدمک صورت تکلمی
 نہ کی آدمکر میانندہ دوشوب قاقہرق تربیہ
 کورمش بولندیغنی اعلامہ کافی اولہ جغہ دن
 مصاحبہ وتکلم امرندہ اکا کورہ اہتماملی
 طورانملیدر .

هر زہدہ اولورسہ اولسون انہای مصاحبہ دہ
 دیک سوز سـویلامامک تہور ایله بحث ایتامامک
 و باخصـوص بریسی سوز سویلر ایکن آنک
 سوزینی کسمامک و یالان بیله سویلانسہ تکذیبی
 ایچون آتلمامق و بعض جہالانک جہلمنی اثباتہ
 حریص اولمـامق آداب صحبتدن بولنوب ہلہ
 قادینلر سوز سویلر ایکن بتورنجیہ قدر مقابلہ بہ

باشلانملى و برکیمسهك فیکر و اعتقادینه مغایر
سوز سویلنه جك اولورسه «مساعده ایدر
ایسه کز؟ . . .» و «خطا ایتیمور ایسه م . . .»
کبی سوز لرله دائماً کندیسنه بر معذوریت قیوسی
حاضر لاملیدر .

بر محله کندى ثروت و سامانندن شجاعت
و بسالتندن درایت و فطانتندن بحث ایتک کندى
حقننده انظار استغراب و تزینى جلب ایتک
دیمکدر . لزومى کوریلوبده بونلردن بحث
ایدیله جك اولورسه «کندیمى حکمادن عدايتک
ایچون دکل اما . . .» و یاخود «شجاعت و بسالت
بزده هر وقت آثارى کوسترر شیلردن دکل
ایسه ده» کبی تعیرات تعدیله ایله حکایه حال
ایتملیدر . بونکله برابرینه مبالغهیه قطعاینشما .
ملیدرکه حضاره کولایج اولمق کبی بر بلبه دن مصونیت
تأمین ابدلش اولسون .

بر مجلس سده انسانك المدن كله بیلن برهنك
 اجراسی رجا اولنور ایسه ناز ایتیموب ایدیلن
 رجان قبوله مع الممنونیه مسارعت کوسترملیدر.
 حتی یاپه جنی برشی رجا اولنسه بیله « بن بونك
 اهلی دكلم اما مجرد امرکز. مخالفت ایتمش اولماق
 ایچون . . . » دیه ینه اجرا ایتملیدر. انسان
 بولندیفی یرده حال و طوری و وضع و کفتاری
 ایله حضاره ثقلت بخش اولیوب هر کسی حضور یله
 خشنود ایدجك اسبابه توسلده دقیقه فوت
 ایتاملیدر. زیرا اورو پاده کیسه نك کیسه یه
 مداراسی اولیوب انسانلرک بر بر ینه مراجعتک
 هیچ اولمز ایسه مصاحبه سیله اکلنمکدن عبارت
 بر منفعت معصومانیه مبتنی بولنه جغدن بومنفعت
 دخی حصوله کلیه جك اولورسه انسان او قدر
 کلفتلرله پیدا ایتمش اولدیغی احبابی ده غیب ایتک
 تهلاکسی التنده قالور.

بزم جو کتابدہ یازدینغمز شیر همان کاملاً آداب
 معاشرتک ناموس کارانه جهتہ عائد اولوب
 اورو پانک فحشیاتہ عائد اولان احوالنه همان هیچ
 التفات ایتدک . بونک سببی بلیدر . اورو پانک
 فحشیات جهتی کیزی قیاقلی برشی اولمדיغندن
 اعلام و تعریف کلفتندن آزاده در . اما شونی
 قطعاً بیلملیدر که معیشت و معاشرت رذیلانه
 اورو پادہ دخی بورادن ظن اولنه جنی قدر مباح
 دکلدر . بر ادیبک دیمش اولدینگی وجهله
 اورو پادہ ماسکه یعنی نقاب استعمالی رذائل
 میشتندن کندیلر ینک دخی اوتاندقلر ینہ الکیوک
 دلیل و برهاندر . عفت و ادب اربابی اورو پانک
 تربیہ لی آدملر محافظندہ حلال پانک مقبول اولوب
 عفتسزلک ادبسزلک جداً مردوددر . هله بر
 اجنبی ایچون سوء احوال اصلاً عفو اولنه میوب

سبب انیلہ اشتہار ایدن اجنبینک یوزینہ ینہ کندیسی
 کبی احوال سیئہ ار بایندن بشقہ کیمسہ باقمز .
 خذ ماصفا دع ما کدر

انتہی





فهرست


صفحه

مقدمه	۲
سیاحت	۱۳
شمند و فرسیاحتی	۱۴
واپورسیاحتی	۳۵
وصول	۵۹
احوال عمومی بدن برنبذه	۷۰
هوتلده اقامت	۹۳
عمومی سفره لر	۱۲۳
عادی سفره لر	۱۴۶
جولانلر	۱۴۷
عربه لر	۱۶۲
پور بورالر یعنی بخشش لر	۱۷۰
قهوه غازی نو تیاترو وسائره	۱۷۹
توالت یعنی سوسلر	۱۹۴

۲۱۹	پرمزانتاسیون یعنی تقدیم و توصیه
۲۲۹	سلاملر
۲۴۹	ال و یرمک
۲۵۹	قول و یرمک
۲۶۷	ره و هوانسلر
۲۷۲	دیز چوکمک
۲۷۳	خانه تنظیمی
۳۰۵	ویزیتلر
۳۲۸	ضیافتلر
۳۵۷	چایه دعوت
۳۷۴	سوداره یعنی مسامرهلر
۳۸۳	بالولر
۴۱۱	قارت دوو ویزیتلر
۴۲۵	توتون
۴۴۱	مراسم مدنیه
۴۸۴	معاشرت مختلفه

صیفیه به مسافر کیتماک	۵۰۰
صید و شکار	۵۱۰
پیق تیق یعنی مشترک اکل و نجو	۵۲۰
صولر دکز حماملری و سائر تفرجلر	۵۷۰
فطوغرافیا لر	۶۹۰
دوئللو	۶۰۳
قار	۶۱۶
متفرقه	۶۲۳









3 1761 06862176 2